





nes qui supra pectus domini in incena
re cu bu it. Cum autem incen ce matrem
virgi nem virgi in commentant. **M**u
lier ecce filius tu us ad discipulum autem
ecce mater tu a. Cui. **R.** **I**ste est
iohan nes qui supra pectus domini in in ce
na re cu bu it. Beatus apostolus cu i
reuelata sunt secreta ce lestia. **V.**
Valde honorandus est beatus iohan









TRACTATUS
DE
REGULIS JURIS.

REGULIS JURIS

EXPLICATIONE

TRACTATUS

DE

REGULIS JURIS

APPENDIX

ALFRED BAKER

TRACTATUS
DE
REGULIS JURIS,
CLARA METHODO
PER QUÆSTIONES, ET FUNDATAS RESPONSIONES
Solidam earum,
Quæ Quinto & Sexto Libro Decretalium sunt
annexæ
EXPLICATIONEM
CONTINENS,

CUM
DUPLICI INDICE
VERBORUM ET IPSARUM REGU-
LARUM

ET
APPENDICE
OMNES REGULAS JURIS CIVILIS
In Digestis Tit. de Regulis Juris contentas
Pro Summaria notitia
EXHIBENTE,

AUTHORE

R.P.F. ANACLETO REIFFENSTUEL,
Ordinis Minorum S. Francisci Reform. Provinciæ
Bavariæ Lectore Jubilato.

**CUM PRIVILEGIO SAC. CÆSAR. MAJESTATIS ET
FACULTATIS SUPERIORUM.**

INGOLSTADII,

Sumptibus JOANNIS ANDRÆ de la HAYE, Bibliopole Academici,
ANNO MDCCXXXIII.

TRACTATUS

REGULIS JURIS

CLARA METHODO

EXPLICATIONEM

DUPLEX INDICIS

VERBORUM ET REARUM

APPENDICE

AUTHORE

R. R. ANACLETO REIFFENSTUEL

QUI PRIVILEGIO SAC. CAESAR. MAJESTATIS ET

IMPRIMATUR

APPROBATIO
REVERENDISSMI ORDINARIATUS.

Imprimatur:

Frisingæ 15. Junii 1732.

J. B. J. de PFISTERN, &c.

Cathedr. Eccl. Frising. Can. Capit.
Concil. Eccl. Vice-Præses, & Pro-Vi-
carius Generalis.



APPROBATIO CENSORIS.

EX Mandato Reverendissimi ac Illustrissimi Eccl. in Spiritualibus Vicarii
Generalis, Tractatum de Regulis Juris &c. à Theologis præviè
revisum, ac approbatum, debita attentione perlegi; cumque in
illo nihil invenerim, quod Orthodoxæ fidei, aut bonis moribus adversatur:
bene verò ea omnia, quæ in Titulo promittuntur, videlicet Solidam do-
ctrinæ claritatem, & claram, unà cum perspicua, ac accurata tum SS.
Canonum, tum LL. Civilium allegatione, Soliditatem deprehenderim; Ideo
presentem Tractatum ad adhuc majorem, & immortalem Clarissimi Au-
thoris famam non minùs, ac ad permagnum legentium, præprimis in
Dicasteriis versantium utilitatem, juris publici ut fiat, dignissimum censeo.
Frisingæ 11. Junii 1732

JOAN. JOSEPH. PLACIDUS
SEBASTIANUS de MARALT,

Rmi. & Seren. Principis & Episc. Frising. &
Ratisbon. Consil. Eccl. actual. nec non Insignis
Collegiatæ ad D. Andreæ Canonicus Capi-
tularis,

LICENTIA ET APPROBATIO ORDINIS.

Fr. JOSEPH MARIA ab EBORA, Ordin. Min. Reg. Observant.
S. P. N. Francisci Lector Jubilatus, SS. Congregationum
Visitationis Apostolicæ, & Conslit. Votans Indicis, Indul-
gentiarum, Reliquiarum, nec non S. & Universalis Inqui-
sitionis Consultor, Episcop. Examinator &c. & in hac
Cismontana Familia tam Observantium, quàm Reform-
mat, & Disceat. Commissarius Generalis, & Servus.

Cum juxta Apostolicas, nostrique Ordinis Constitutiones per idoneos
Censores revisum, & approbatum fuerit opus quoddam, cui Titu-
lus est: Tractatus de Regulis Juris &c. addendus Juri Canonico Uni-
verso, per R. P. Anacletum Reiffenstuel, nostræ Reformate Provinciæ Ba-
varie Lectorem Jubilatum elaborato. Nos presentium tenore, cum salu-
taris obedientiæ merito R. P. Fr. Thomæ Cantuar. Pruggmair, præfatæ
nostræ Reformate Provinciæ Bavariæ Ministro Provinciali facultatem
concedimus, quatenus, servatis in reliquo servandis, Typis illud mandare
possit & valeat. Datum Romæ ex Araceli die 20. Junii 1732.

Fr. JOSEPH MARIA ab EBORA,
Commissarius Generalis Ordinis.

De Mandato Paternitatis sue Rmæ.

Fr. JOANNES ANTONIUS de TAURINO,
Secretarius Generalis.



FACULTAS ADMODUM REVERENDI PATRIS MINISTRI PROVINCIALIS.

Cum à R. P. Anacleto Reiffenstuel Ordin. Min. S. Francisci Reform.
Provinciæ Bavariæ Lectore Jubilato Opus quoddam, cui Titulus:
Tractatus de Regulis Juris &c. sit compositum, à duobus Theologis re-
visum & approbatum, plurimùmque recommendatum, & omnia, quæ de
Jure in Editione librorum sunt servanda, sint observata: tenore presentium
facul-

facultatem impertior, ut hoc laudatissimum opus pro utilitate publica Typis mandari possit. Actum Monachii 12. Julii 1732.

Fr. THOMAS CANTUAR' PRUGGMAIR,

Ordin. Minist. S. Franc. Ref. Lector
Jubilatus, Provinciae Bavariae Minister
Provincialis.

CENSURA THEOLOGICA.

Tractatus praesens de *Regulis Juris Eccl.* qui solus famosissimo aliàs Juri Canonico Universo R. P. Anacleti Reiffenstuel Ordinis, ac Provinciae nostrae Lectoris Jubilati, adhuc defuisse videbatur, à pluribus utriusque Juris Peritis avidè desideratus, nunc tandem ad commune orbis Litterati Solatium Typis vulgatur; qui sanè, sicut ipsummet celeberrimum opus (Jus videlicet Canonicum Universum ab eodem Praeclarissimo Authore in lucem editum) tam ob Doctrinae soliditatem, quam Styli claritatem, nec non perspicuam, captuque facillimam methodum, atque optimè ordinatam materiarum divisionem publicum per omnia meretur Praeconium. Textus efficaces, ex ipso fonte Juris Canonici ac Civilis copiosè desumpti, & repetitò de industria revisi, fidelissimè in eodem allegantur: Regulae ipsae per plures casus Canonico-Civiles summè proficuè magis explanantur: Fallentiae potiores, & in praxi frequentiores solerter adducuntur: neque objectiones, si quae occurrunt notabiliores, unà cum fundata earum solutione, ullatenus dissimulantur; ut proin firmiter nobis persuadeamus, expectationi atque spei de tanto Viro conceptae, ex integro ac plenissimè esse satisfactum. Et quoniam ceteroquin in toto hoc Tractatu Fidei, aut bonis moribus prorsus nil contrarium reperitur, eundem, uti luce publicà dignissimum, ita legentibus utilissimum fore censemus. Datum Monachij die 4. Junij 1732.

Fr. BRUNO MÆSSENHAUSER,

Lector Generalis, & Provinciae Diffinitor.

Fr. MASSÆUS KRESSLINGER,

iteratò Ex-Provincialis, & SS. Theolog.
ac SS. Canonum Lector Jubilatus.


FACUL.

FACULTAS

BIBLIOPOLÆ FACTA

EGo infra scriptus virtute Privilegii Sacræ Cæsaræ Majestatis super impressione & distractione Librorum Fratribus Minoribus Regularis ac Strictioris observantiæ concessi, facultatem facio Nobili ac Strenuo Domino Joanni Andræ de la Haye, ejusque Hæredibus, ut imprimi facere, suisque sumptibus & emolumentis distrahere valeant opus quoddam, cui Titulus: **TRACTATUS DE REGULIS JURIS &c.** à R. P. Anacleto Reiffenstuel Ord. Min. S. P. Francisci Reformatorum Provinc. Bavar. Lectore Jubilato compositum, cum plenario usu Privilegii Cæsarei. Dat. Monachii 12. Julii 1732.

FR. THOMAS CANTUAR. PRUGGMAIR,
Ord. Min. S. Franc. Reform. Lector Jubilatus, Provinciæ Bavaricæ Minister Provinc.



PRÆFATIO

AD LECTOREM.

CUm in Quinto Tomo Juris Canonici Universi Tit. 41. de Regulis Juris num. 4. promissum contineatur, quod, si prima editio præfati Juris universi æqui, bonique habeatur, & in Bibliopolarum cistis non otiosi compertum fuerit, secundæ ejusdem Editioni etiam Tractatus de Regulis Juris tam in Quinto, quam Sexto Decretalium contentis adjungendus sit: Prima verò Editio tam benignos Lectorum invenerit oculos, ut secunda in Germania (in Italia siquidem jam pridem repetitis habetur vicibus) unâ cum memorato Tractatu de Regulis Juris à plurimis utriusque Juris peritis avidè fuerit desiderata; Hinc promissio conformiter cum secunda Editione in Germania sequitur nunc dudum jam compositus *Tractatus de Regulis Juris &c.* eo ordine, methodo, stylo & claritate, quâ in Jure Canonico Universo usi fuimus. Faxit altissimus, ut cuncta ad majorem ejusdem Gloriam, & legentium utilitatem cedant.

PROÆ-



PROÆMIUM DE REGULIS JURIS IN GENERE.

SUMMARIUM.

1. Ratio Ordinis.
2. Quid sit Regula Juris?
3. Declaratur exemplis ex Jure desumptis, & tribus seqq.
7. Regulae aliae sunt Juris Civilis, aliae Juris Canonici.
8. Multum conveniunt ad invicem, & promiscue citantur.
9. Regulae aliae sunt Authenticae.

10. Aliae non Authenticae, seu Brocardicae.
11. Authenticae habent vim Juris in casibus non exceptis.
12. Nulla Regula sine exceptione.
13. Regulas scire & applicare, maxima utilitas.
14. Quae observanda in applicatione, & seq.
16. Exceptio declarat Regulam, & firmat eam in contrarium.

ANtequam explicandas Regulas Juris in specie assumimus, concludens videtur prius de earum natura in genere, earumque divisione, vi, & autoritate, utilitate, & applicatione agere. Hinc

2. Queritur I. Quid & quomplex sit Regula Juris? Resp. I. Quamvis Regulae nomen varias habeat significationes, & Ethymologiam spectando derivetur à regendo seu regulando, èò quòd recte ducat, vel normam recte vivendi præbeat, vel distortum, pravumque corrigat. Can. Regula 2. dist. 3. Tamen ad propositum, & in quantum ut Regula Juris consideratur, denotat sententiam generalem, quæ plura Jura seu leges & canones hinc inde dispersos de diversis rebus & casibus eandem rationem habentibus agentes, brevi ac clarò compendiò complectitur & Regula Juris.

proponit. In quo genuino sensu Regula Juris bene definitur l. 1. ff. de Regulis Juris illis verbis: *Regula est, quæ rem, quæ est, breviter enarrat*: ubi per rem non denotatur res seu factam, vel causa in controversiam deducta, sed ipsum jus de variis rebus eandem rationem habentibus hinc inde fusiis dispersum, quod per Regulam breviter, & compendiosè & clarè proponitur; non ut ex Regulis Jus sumatur, sed ex Jure, quod est, Regula fiat. ff. ibid. sicque non Jus ex Regalis, sed Regulae ex Jure sumantur.

Pro majori intelligentia Regulae Juris, declaratur exemplis utriusque juris: sic enim dum infames unus Canon à Prælatùris, & Beneficiis Ecclesiasticis, alius à Magistratu, alius ab officio Judicis, & Aïessoris, alius à munere Tabellionis & Advocati arcet, cunctæ hæc Jura & Canones diversis in locis positis unica Regula 87. Juris in 6. paucis verbis

A

bis

bis complectitur: *Infamibus porta non pateant dignitatum.*

- 4 Sic etiam quod in Jure disponitur, perjurum non esse admittendum ad testificandum propter suspicionem perjurii *c. Testimonium. 54. de Test. & Attest.* Item, uxorem non esse restituendam marito sævienti ab eo digressam ob metum sævitiæ. *c. literas. 15. in fine de Restit. spol.* deciditur unâ Regula Generali: *semel malus semper præsumitur malus l. 8. de Reg. Juris in 6.*

- 5 Sic pariter dispositiones Juris, quod Matrimonium defectu ætatis invalidum resolvatur in sponsalia. *c. fin. de Spons. Impuberum:* & Testamentum minus solemne non præjudicet piis legatis. *c. cum esses. de Testam.* ac licet Donatio ultra quingentos solidos non insinuata sit invalida. *§. Alia autem 2. Instit. de Donation.* valeat saltem pro minori summa, breviter comprehendit unica illa Regula: *Utile per inutile non debet vitari.*

- 6 Rursus dum lex Civilis una fæminas ab officio Judicis, alia à tutela, alia à postulando, alia à fidejubendo removet, has cunctas leges in diversis locis de diversis actibus latis breviter jam comprehendit Regula 2. in Pandectis: *Fæmine ab omnibus officiis civilibus vel publicis remota sunt.* ut prohi pro faciliori captu Regula Juris juxta dicta benè definiri valeat dicendo: *Regula Juris est sententia generalis, quæ plura jura, seu leges & canones hinc inde dispersos, de variis rebus eandem rationem habentibus agentes claro, ac brevi compendio complectitur ac proponit.* Prout etiam in re communiter eam definiunt Canonistæ & Legistæ.

- 7 Resp. II. Regulæ Juris in primùm dicto proprio sensu acceptæ aliæ sunt Juris Civilis, aliæ Juris Canonici. Regulæ Juris Civilis sunt, quæ Juri Civili sunt insertæ, præsertim verò illæ, quas numerò 211. Imperator Justinianus ad finem Digestorum sub Titulo, *De Regulis Juris*, subjunxit, & ad finem hujus Tractatus etiam nos eas summarie ponemus. Regulæ Juris Canonici sunt, quæ Juri Canonico sunt annexæ: sicut enim Imperator Justinianus ad finem Digestorum ultimum posuit Titulum de Regulis Juris, quæ breviter, & compendiosè referrent Jura & Leges in Corpore Juris comprehensas; sic ad imitationem ejusdem etiam Summi Pontifices Gregorius IX. & Bonifa-

cius VIII. & quidem Ille post omnes quinque libros Decretalium finalem Titulum esse voluit *de Regulis Juris* (quæ ibidem 111. numerantur.) Ille verò post omnes libros Sexti Decretalium ad finem posuit Regulas Juris numerò 88. pariter sub Titulo seu Rubrica *de Regulis Juris*, quæ propterea etiam Regulæ Juris in Sexto communiter dicuntur.

Habent tamen Regulæ utriusque Juris 8 tam Civilis nempe quam Canonici summam connexionem, convenientiam, & habitudinem ad invicem, ac in plurimis materiis sese mutuo adjuvant & explicant; sùntque à potiori Regulæ Juris Canonici ex ipsis Regulis Juris Civilis assumptæ, ut proin tam Legistæ, quam Canonistæ utriusque, Civilis nempe, & Canonici Juris Regulis promiscuè merito utantur, easque pro suis causis citent, & plerumque applicent.

Regulæ Juris rursus aliæ sunt Authentice, aliæ non Authentice, sed doctrinales duntaxat, communiter Brocardicæ dictæ. Authentice sunt omnes, quæ Autoritate Papali, vel Imperiali Juri Canonico, vel Civili præsertim sub hac Rubrica seu Titulo *de Regulis Juris* reperiuntur insertæ.

Non Authentice, seu Doctrinales & 10 Brocardicæ sunt, quæ à Juris Consultis, vel aliis Doctoribus privata autoritate ex variis textibus, vel etiam Philosophorum dictis depromptæ inveniuntur, citanturque, & applicantur quidem, vim Juris tamen, uti Authentice, non habent, etsi pondus suum & auctoritatem sat magnam in probando habeant.

Quæritur II. Quam vim & auctoritatem 11 tem habeant Regulæ Juris? Item quam utilitatem afferant, & quomodo applicari debeant? R. I. Regulæ Juris Authentice debite applicatæ in casibus non exceptis habent vim juris. Ratio est; quia etsi jus novum non faciant, tamen plura jura prius jam constituta supponunt, eaque compendiosè comprehendunt, & hoc ipso vim juris continent utpote ex jure desumptæ, juriq; in speciali Titulo insertæ, & non nisi jura comprehendentes, & juxta illa conditæ.

Dicitur autem: *in casibus non exceptis:* 12 quia etsi Authentice Regulæ Juris bene applicatæ vim juris habeant, universaliter tamen & semper infallibiles non sunt, cum in ipso jure nonnunquam reperiantur exceptiones contra regulas. Tum quia materiæ illæ, quas

quas Regulæ Juris præstringunt, maximam habent latitudinem, indéque propter diversitatem rationis, vel Juris dispositionem non raro patiuntur exceptiones & Fallentias, prout cum communi Doctærum benè advertit Gloss. fin. in Rubric. de Regulis Juris, dicens: *Regula propriè sic dicitur, quasi regulariter vera, quamvis patiatur exceptiones*; Estque propterea communiter receptum illud Brocardicum: *Nulla regula sine exceptione*.

13 Resp. II. Non obstante, quòd Regulæ Juris suas patiantur exceptiones, & fallentias, tamen maxima censetur utilitas earum, éstque perutile Regulas Juris legere, & relegere, easque, quantum fieri potest, memoriam mandare, atque pro decisione causarum & casuum eas allegare: Tum quia hóc ipsò, quòd ferè quævis variorum Jurium de diversis rebus eandem rationem habentibus agentium multitudinem compendiosa ratione complectatur, cunctæ Regulæ compendiosam pro adjutorio memoria præbent juris notitiam: Tum quia juxta eas deciduntur casus emergentes, qui à Jure speciatim, & expressè non sunt decisi; cum tales casus decidendi sint per similia. *l. non possunt 12. ff. de Legibus*: Nam de similibus idem est judicium. *c. Inter. 4. in fine, de Rescript.* Similia autem vel maxime cognoscuntur ex Regula de variis rebus plura Jura similia complectente: Tum etiam quia ex illis forte semper desumitur argumentum; quia in dubio potior est causa illius, pro quo stat Regula, cum habeat intentionem pro se fundatam in Jure, & immunis ab onere probandi transferat illud in adversarium, qui probare tenetur, quòd casus, de quo agitur, à Regula sit exceptus, uti benè advertit Gloss. in Rubr. de R. J. arg. c. *Ad decimas, de Restit. spoliat. in 6. juncta l. Ab ea. 5. ff. de Probat.* Hinc communia illa axiomata: *Regule standum est, donec contrarium probetur, arg. c. fin. de Restit. spoliat. Regula inherendum est, donec de Fallentia constet.* Gobath. T. 5. quin. cap. 42. n. 94. Ratio sumpta ex Regula fortissima est. Navarr. lib. Consil. 7. de sepult. *Qui habet Regulam pro se, dicitur fovere jus certum.* Barto. in l. 2. ff. *Si quis in Jus vocatus.* Decius, & alii. *Regula Juris sunt tenaces, à quibus in dubio recedendum non est.* Gobath. l. c. n. 45. Di-

citur autem in Resp. I. n. II. datâ. *Regula debite applicata.*

Resp. enim III. Circa debitum usum & 14 applicationem Regulæ alicujus pro decidendo casu particulari præter alia, duo præcipuè esse observanda. *Primò*, utrùm in tali casu eadem habeatur ratio; cum enim, juxta definitionem Regulæ suprâ n. 6. datam, Regula sit sententia generalis & compendiosa plurium Jurium conjunctio, ac dispositio de variis rebus eandem rationem habentibus, necessario sequitur, quòd ratio casus decidendi debeat eadem esse cum ratione generali ipsius Regulæ; hac enim deficiente, & ubi non est eadem ratio, ibi censeri & esse non potest eadem Juris dispositio. *l. Illud. 32. ff. ad Legem Aquiliam.*

Secundò attendendum, an non circa 15 talem casum specialis in Jure habeatur exceptio; hæc enim ubi adest, procul dubio Regula non procedit, cum exceptiones aliud non sint, quàm limitationes, seu fallentiæ Regularum circa casus particulares. Quam autem casus in Jure specialiter sint excepti, in decursu examinando singulas Regulas in particulari magis patebit.

Cæterum licet exceptiones aliquò mo- 16 dô adferantur Regulæ Generali, eidem tamen etiam suò, præsertim duplici modò opitulantur: & quidem *Primò*, quia juxta tritum axioma: *Exceptio declarat Regulam*; cum ex qualitate exceptionis & casus excepti facile colligi possit, de quonam genere vel materia Regula loquatur. *Secundò*, quia *Exceptio firmat regulam in contrarium in casibus non exceptis, l. Ex eo. 18. ff. de Testibus.*

Ratio est; Tum quia, qui aliquam speciem sub genere contentam excipit, de reliquis sub eodem genere contentis etiam cogitasse, & eas non exceptas, sed sub genere comprehensas voluisse censendus est. *l. Cum Prætor. 12. pr. ff. de Judic.* Tum quia verba Regulæ generalia, generaliter de omnibus sub Regula contentis, & specialiter non exceptis intelligenda veniunt, *c. quia circa 22. de Privi.* nisi casus aliqui exceptis omnino similes forent, aut correctio Juris, vel absurdum sequeretur, vel ex sufficienti ratione apparet, verisimile non esse, quòd Legislator talem casum sub universali Regula voluerit esse comprehensum.

CAPUT I.

De Regulis Juris Quinto Decretalium annexis In Specie.

P R Æ F A T I O.

S U M M A R I U M.

1. Ratio Ordinis.

PRæmissâ in Proæmio sufficienti notitiâ circa Regulas Juris in genere, progredimur in Nomine Domini ad Declarationem seu Explicationem Regularum Juris Canonici in specie, totam rem per duo capita absolvere intendentes: & quidem ordinem Juris secuturi prius, seu in primo Capite de Regulis Juris Canonici Quinto Libro Decretalium annexis: in secundo autem Capite de Regulis Juris Canonici ad finem Sexti Decretalium in speciali, eoque ultimo Titulo posititis tractabimus; cui subnectemus Caput III. De Regulis Juris Civilis, non declarando illas, sed adducendo duntaxat, ut cuius præsertim Corpus Juris Civilis non habenti ad manum sint, explicationem earundem, quæ fori Canonici non est, Legistis relinquentes.

2. Methodum quod concernit, pro faciliiori intelligentia & majori claritate (quam cordi habere pro viribus conabimur) eandem, quam in Jure Univerſo à nobis diluci-

2. Methodus scribendi & explicandi.

dato, observabimus, totam materiam per quæſita ita tractando, ut à potiori circa quamvis Regulam duo ponamus quæſita. Primum quidem, quomodo Regula sit intelligenda: & quis sit verus genuinus sensus illius, quem etiam ubi opus erit per exempla ex Jure desumpta amplius declarare studebimus. Secundum verò de Exceptionibus & Fallentibus contra Regulam, non quidem omnibus (ne Tractatus nimium excrescat, & obſcurentur potius quàm declarentur Regulæ) sed magis servientibus. Intellecto enim genuino sensu Regulæ, cognitisque exceptionibus, quas patitur, prudens lector facile colliget, quando & quomodo ad propositum aliqua in particulari casu ritè applicari valeat; præsertim quia in multis remissio fiet ad Juris Canonici Libros & Titulos à nobis editos, ubi, qui vult, materiam fusiùs tractatam habere poterit. Ponitur itaque ex Quinto Decretalium declaranda

REGULA I.

Omnis Res, per quascunque causas nascitur, per easdem dissolvitur.

S U M M A R I U M.

1. *A quo hæc Regula? & cum quibus concordet?*

2. *Quomodo? & de quibus intelligenda?*

3. *Quis verus illius sensus sit?*

4. *Declaratur exemplis ex Jure desumptis. & tribus seqq.*

8. *In quibus Regula patiatur exceptiones & fallentias? & tribus seqq.*

Hæc Regula tribuitur S. Chrysostomo cap. 5. Operis imperfecti in Matth. & ad verbum refertur *c. omnis. 27. q. 2.* eique concordat *c. cum cessante. 60. de Appellat.* Item Regula Juris Civilis 35. ff. *de Regulis Juris*, sic sonans: *Nihil tam naturale est, quàm eodem genere quodque dissolvere, quo colligatum est.*

2. Queritur I. Quomodo sit intelligenda

hæc Regula? & quis verus, ac proprius illius sensus sit? **R.** Eam non nisi de obligationibus seu contractibus temporalibus civilibus, non item de spiritualibus, aut de aliis rebus intelligendam esse, ut proin per verba, *omnis res*, omnis obligatio seu contractus civilis temporalis denotetur. *Glossa magna* hic cum Comuni DD.

Ex

3 Ex quo clarè eruitur, verum & proprium sensum huius primæ Regulæ esse sequentem: *Omnis obligatio seu contractus civilis temporalis, per quascunque causas five media & modos contrahitur, aut inducitur, per eosdem etiam dissolvitur.*

4 Declaratur exemplis: Primum adducit ipsa Regula Juris Civilis 35. ff. de R. J. n. 1. utpote nostræ similis allegata, dum verbis Regulæ statim sequentia annexit: *Ideo verborum obligatio verbis tollitur: nudi consensus obligatio contrario consensu dissolvitur.* Sic etiam pactum pactò l. Si unus. §. Pactus. ff. de Pactis. lex lege solvitur. §. penult. Instit. de Jure nat. Siquidem lex five præcipiens, five prohibens etiam legitime promulgata, sola voluntate Principis, quæ eam condidit, iterum tollitur arg. c. Alma. 24. prin. de Sent. Excom. in 6. Sic pariter solà illius tolluntur voluntate obligationes portandi & præstandi onera, v. g. tributa, vectigalia & similia. Strein ad hanc Reg. n. 2.

5 Sic rursus Emptio & venditio mutuo consensu facta solo mutuo consensu, & post traditionem rei consensu eodem, rei que, & pretii redditione dissolvitur l. prout 80. ff. de Solut. & §. fin. Instit. quibus modis toll. obligat. Sic Testamentum solemne per aliud testamentum solemne tollitur l. Hac consultiissima. 21. C. de Testament.

6 Sic ulterius Sponsalia de futuro occulta mutuo consensu contracta eodem etiam solvuntur. Dicitur autem notanter *occulta*, quia, ut publicè contracta cessent, saltem in aliquibus Diocesisibus, ut in Frisingensi, accedat Autoritas Judicis Ecclesiastici, necesse est; immò etiam ad secretò quidem contracta, sed postea evulgata, ut patet ex Rituali Diocesis præfatæ cap. 9. membr. 1. §. 7. n. 3. ubi expressè decernitur, ut non tantum sponsalia coram Parocho publicè contracta, sed etiam secretò contracta, sed postea divulgata, ad sui dissolutionem requirant auctoritatem publicam Judicis Ecclesiastici.

Illud tamen etiam notandum cum Glossa hic, per Regulam hætenus declaratam non negari, quin obligationes etiam aliis, quam inductæ sunt, modis solvantur. Sic enim plures obligationes tolluntur reali solutione l. Nulla. 5. C. de solut. Tolluntur et-

iam Præscriptione Prin. Instit. quibus modis toll. obligat. Item tolluntur morte, quæ omnia solvit: sic morte solvitur obligatio Societatis §. Solvitur. 5. Instit. de Societ. Frequentior tamen, & quasi ordinarius solvendi obligationes modus est idem, qui erat constituendi juxta hætenus declaratam Regulam; quamvis etiam in hoc suas patiatür exceptio- nes. Hinc

Queritur II. Quas exceptiones & Fallentias patiatür Regula I. hætenus declarata? R. Plures, inter alias etiam sequentes, & quidem 1. Fallit in Matrimonio consummato; quia ex institutione Divina est indissolubile, & ideo mutuo consensu, quo contractum est, solvi non potest.

Fallit 2. In Sacramentis Baptismi, Con- firmationis, & Ordinis, utpote quorum effectus & character est indelebilis pariter ex institutione Christi, & ideo semel suscepta sicut non iterantur, sic etiam amplius non amittuntur Gloss. hic. §. omnis. Abbas hic pri. & n. 2.

Fallit 3. In cunctis obligationibus spiri- ritualibus, prout jam dictum n. 3. de verò sensu Regulæ. Gloss. & Abb. l. c. cum com- muni aliorum. Rationem assignant; quia sicut obligationes temporales facilius destruuntur, quam constituentur, sic obligationes spirituales facilius constituentur, quam destruuntur arg. c. Inter corporalia. 2. de Translat. Episc. cum fortius sit spirituale vinculum, quam carnale.

Fallit 4. In obligationibus ex natura sua, vel ex Dispositione legis Divinæ aut humanæ perpetuis: Ratio est, quòd licet obligationes ex contractibus ortæ regulariter dependeant à voluntate contrahentium, cum contractus operari non debeant ultra intentionem agentium l. 19. ff. de Rebus credit. Nihilominus, quia contrahentes se conformare censentur Juri, & naturæ contractus l. 57. §. Cum ita. ad §. C. Trebell. & l. 54. §. Inter locatorem. ff. locati. contractus, & inde orta obligatio irrevocabilis evadit, quando eam lex, vel natura perpetuam esse volunt, ita ut, quod prius erat voluntatis, ex post facto fiat necessitatis. L. 12. in fine C. de contrah. Empt. l. 22. §. sicut. II. ff. Mandati.

REGULA II.

Estote Misericordes &c. Hoc locò nil aliud nobis præcipi existimo, nisi ut ea facta, quæ, dubium est, quò animò fiant; in meliorem Partem interpretemur. Quod enim scriptum est: ex Fructibus eorum cognoscetis eos: De Manifestis dictum est, quæ non possunt bonò animò fieri: ut stuprum, Blasphemix, Furta, Ebrietates & similia, de quibus nobis permittitur judicare.

Vel ut Rubrica habet:

Dubia in meliorem Partem interpretari debent.

SUMMARIUM.

1. Quomodo intelligenda hæc Regula?
 2. Intelligitur de omnibus actionibus & verbis. Quilibet præsumendus bonus, donec probetur malus. ibi.
 3. Stante verò dubiò solùm procedit Regula.
 4. Verus sensus Regulæ.
 5. Securius est, errare melius quàm pejùs interpretando.
 6. Melius est rationem reddere propter misericordiam, quàm propter crudelitatem.
 7. Quando? & quomodo adhibendus Rigor? Facilitas veniæ est incentivum peccandi. ibi.
 8. Declaratur Regula exemplis. & tribus seqq.
 12. Fallit Regula in manifestè ac intrinsecè malis.
 13. Item quando agitur de damno avertendo.
 14. Et in Judicijs.
1. **Q**uaritur I. Quomodo hæc Regula II. intelligenda? & quis verus ejus sensus sit? Resp. I. Hanc Regulam esse facilem intellectu; quia, uti patet, seipsam declarat; hinc ab alijs communiter solis illis verbis proponitur: *Ea facta, quæ dubium sunt, quò animò fiant, in meliorem partem interpretemur.* vel ut Rubrica habet: *Dubia in meliorem partem interpretari debent.*
2. Notandum tamen, per verbum Regulæ *facta* intelligi omnes actus, gesta, operationes, actiones, imo & verba *arg. c. quia circa. 22. de Privileg.* quæ si ita se habent, ut neccertum, nec probabilius, nec verè probabile appareat, sed verè dubium maneat, ex quo fine, vel qua intentione bona vel mala prodierint, bonâ potiùs, quàm mala intentione & animo contigisse, censenda sunt vî hujus Regulæ. Rationem dat *S. Thomas 2.2. q. 60. art. 3.* quia ille, qui habet malam opinionem de proximo absque sufficienti ratione, facit ei injuriam, eumque temerè judicat, & indirecè contemnit, quod licitè facere non potest juxta illud Salvatoris *Matth. 7. v. 1. & Luca 6. v. 37. Nolite judicare* (intellige temerè sine sufficienti ratione) *& non judicabimini: nolite condemnare, & non condemnabimini.* Fundatur etiam in lege charitatis volente, ut quisvis præsumatur bonus & innocens, donec probetur malus. *arg. c. unico de*
- Scrutinio. c. fin. de Præsumpt. & l. Merito 51. ff. pro Socio.*
- Dicitur autem notanter in Responsio- 3
ne: *ut verè dubium maneat;* quando enim ex ratione & circumstantiis quis magis in unam, quàm alteram partem inclinaret, licèt cum formidine de opposito, jam cessaret dubium, & subintraret opinio, sicque Regula locum non haberet, uti ex *Farin. Prax. Crimin. q. 36. n. 197. Menoch. de Præsumpt. q. 7. n. 47.* bene observat *Strein.* in hanc Regulam n. 1. quia dubitatio nullus adhuc est probationis gradus, sed potiùs principium investigationis de veritate & certitudine *Farin. Menoch. l. c.* Cæterùm ut rectè advertit *Strein. l. c.* Dubium nasci solet vel ex defectu medijs scientificis, vel ex obscuritate ipsius rei, facti, aut sermonis, vel ex æqualitate signorum aut rationum: manente ergo verò dubio solùm procedit Regula circa quàm proin
- Resp. II. Verus & proprius sensus Re- 4
gulæ secundæ est sequens: *Quandounque actiones vel verba ita constituta sunt, ut non appareat, sed verè dubium maneat, utrum animo, seu intentione bona vel mala prodierint, ea in bonam partem interpretari, & animo seu intentione bonâ potiùs, quàm malâ contigisse censere debemus:* ob rationes & jura supra n. 2. jam allegata.
- Nec obstat, contingere posse, quòd ille, qui

qui in meliorem partem interpretatur, frequentius fallatur; Respondetur enim, melius esse, quod quis fallatur habens bonam opinionem de homine malo, quam quod rarius fallatur habens malam opinionem de homine bono; quia ex hoc fit proximo injuria, non autem de primo, ut bene advertit S. Thom. l. c. art. 4.

6 Hinc etiam arg. can. alligant. cau. 26. q. 7. melius est, de misericordia argui, quam de crudelitate; nam ut habet S. Chrysost. citato can. relatus: *nonne melius est propter misericordiam rationem reddere, quam propter crudelitatem?*

7 Et si obijciatur, can. Est injusta. 33. cau. 23. q. 4. præcipi, ut servetur rigor, ibi: *Est injusta misericordia &c. facilitas enim venia incentivum tribuit delinquendi.* Resp. hic esse sermonem de discreto misericordiâ mixto rigore, qui nullatenus severitas vel crudelitas à S. Chrysostomo relata, sed debitus, utilis, & necessarius justus zelus est, & dici debet, quem si non adhibent Rectores, ipsi quoque censentur rei delictorum à subditis commissorum, arg. can. 1. 2. & 3. dist. 86. ibi can. 1. *Inferiorum culpe ordinum ad nullos magis referendæ sunt, quam ad desides, negligentesque Rectores, qui multam sepe nutriunt pestilentiam, dum austeriorem (alibi legitur necessariam) dissimulant adhibere medicinam;* quia ubi delicta manent impunita, liberius & frequentius peccatur, ac locum habet citatus textus can. est injusta. quod *facilitas venia incentivum tribuat delinquendi:* & e contra verum manet illud: *ubi rigor, ibi vigor.* arg. cit. can. 3. dist. 86. Addit Glossa in cit. can. alligant. q. melius can. est injusta. de servando rigore intelligendum esse, quando aliàs nulla est spes emendationis, vel correctionis; item de insolentibus & tumidis arg. cit. can. 2. dist. 86. ibi: *corripiantur tumidi, tolerantur infirmi: & quod in peccatis severius castigari necesse est, non sevientis plectatur animò, sed medentis.*

8 Porro Regula nostra, & sensus ejusdem ulterius declaratur, & firmatur ex aliis concordantibus Juris Principiis ac Regulis, simulque ostenditur, universaliter verum esse, quod Regulæ Rubrica dicit: *Dubia in meliorem partem interpretari debemus.* Sic enim 1. si quis gratiosum scriptum obtinet cum clausula: *Si idoneus est,* & dubium ap-

paret, an idoneus sit, non tenetur se idoneum probare, sed talis benigniore interpretatione præsumi debet textu claro c. fin. de Præsumpt.

2. Actus, qui potest denotare delictum 9 & non delictum, ut carens delictò interpretari debet. l. 51. ff. pro socio. l. 4. §. docere. 12. ff. de vi bon. rapt.

3. In odiosis & onerosis v. g. in pænis 10 infligendis, stante dubio semper mitiorem, & benigniorem, reoque favorabilem interpretationem amplecti oportet. c. odia 15. de R. J. in 6. *Odia restringi & favores convenit ampliari.* cui concordat c. in pænis 49. de R. J. in 6. *In pænis benignior interpretatio est facienda.*

4. Existente dubio in contractibus & 11 testamentis benignè & ita interpretari debemus, ut potius valeant, quam pereant l. Proximè. 3. ff. de his, quæ in Testamento delentur. ibi: *in re dubia benigniorem interpretationem sequi non minus justius est quam tutius.*

Quæritur II. Quas Exceptiones seu 12 fallentias patiatur Regula II? Resp. Præter alias, etiam sunt sequentes, & qui sem 1. Fallit Regula in actionibus manifestè malis, ut patet ex ipso textu Regulæ; ubi etiam additur ratio: *quia non possunt bonò animò fieri, ut stuprum, blasphemia, furta, ebrietates & similia, de quibus nobis permittitur judicare,* adeò ut non tantum nemo teneatur, sed nec prudenter possit interpretari, illa bonò animò esse facta.

Fallit 2. In casibus, in quibus agitur, 13 de malo avertendo, vel bono acquirendo aut tuendo: in his enim etsi in dubio id, quod pejus est, de proximo positivè judicare non valeamus, tamen illud timere, & de illo cogitare, indèque convenientes cautelas adhibere licet, cum Jura etiam abundantem cautelam approbent. l. Testamentum. 17. C. de Testam. Et profectò si sua quis propria facta timere, & suspecta habere potest juxta Job cap. 9. v. 28. *Verebar omnia opera mea:* quare non alienis attendere, n. sibi vel aliis noceant? Hinc illi minimè contrà hanc Regulam sed prudenter agunt, qui peregrinis & ignotis hominibus hospitio susceptis cistas, & cubicula claudunt, pretiosam suppellectilem abscondunt, si que pro avertendo damno contra quemvis aliam cautelam adhibent. Strein. in hanc Reg.

Fallit.

14 Fallit 3. In Judiciis; in his enim iudex causam vel factum controversum & dubium non pro privato arbitrio & bonitate sua in meliorem partem interpretari potest, sed juxta allegata & probata, ac prout res in se est, judicare debet *can. judicet. 4. cau. 3.*

q. 7. & c. 1. de sent. & re jud. in 6. salvo tamen illò, quòd manente dubio reus sit absolvendus c. Inter dilectos. 6. de fide Instrum. & c. Ex literis. 3. de probat. ibi: *promptiora sunt jura ad absolvendum, quàm condemnandum.*

REGULA III.

Utiliùs scandalum nasci permittitur, quàm Veritas relinquatur.

Vel ut Rubrica habet:

Propter scandalum evitandum non est omittenda Veritas.

S U M M A R I U M.

1. De scandalo remissivè: datur triplex veritas: ibi:
2. Vita videlicet, Justitiæ & Disciplinæ.
3. Regula intelligenda est de veritate vitæ. Sensus Regule proprius. ibi.
4. Extenditur Regula.
5. Veritas justitiæ & disciplinæ ob scandalum quando temperari debet.
6. Specialis textus ex jure ad propositum serviens.

7. Ad vitandum scandalum neque venialiter peccare licet.
8. Quam exceptionem patiatur Regula circa veritatem vitæ?
9. Major est obligatio cavendi scandala pusillorum, quàm pharisaica.
10. Quæ fallentia Regule circa veritatem Justitiæ, & Disciplinæ?
11. Et quæ circa veritatem doctrinæ?

Supposità, ex Theologia, notiù quid, & quotuplex sit scandalum, de quo in nostra Theologia Morali Tr. 4. dist. 7. q. 2. sufficienter egimus, notandum cum Gloss. h. c. quòd triplex detur veritas, Vitæ scilicet, Justitiæ, & Disciplinæ.

2. Veritas vitæ est ipsa legibus & præceptis conformis honestas & integritas vitæ: Veritas Justitiæ ad Judices pertinens est universalis recta administratio Justitiæ juxta exigentiam jurium & legum: Veritas Disciplinæ Prælati propria est debita cura disciplinæ, ut à subditis juxta cujusvis institutum omnia debito ordine & modo peragantur, ac puniantur. Gloss. hic. Addunt aliqui etiam Veritatem Doctrinæ, seu sermonis, quæ in conformitate mentis cum verbis externis consistit, & mendacio opponitur. Hòc notatò

3. Queritur I. Quomodo de Veritate intelligenda sit Regula? & quis proprius illius sensus sit? Resp. Regula nostra ad initium posita propriè ac principaliter intelligenda est de Veritate Vitæ, ita ut verus sensus illius sit: Propter scandalum passivum vitandum, seu impediendum alterius pecca-

tum nil est faciendum, aut omittendum, quod sine peccato fieri, aut omitti non potest: seu: potius est permittendum scandalum passivum, hoc est, peccatum alterius, quàm quòd quis ipse faciat aut omitat, quòd sine peccato, sicque sine lesione Veritatis Vitæ facere aut omittere non potest, arg. c. faciat. 15. cau. 22. q. 2. Concordant Doctores communiter cum Glossa h. t. & Ratio est; quia non sunt facienda mala, ut eveniant bona.

Extenditur communiter hæc Regula etiam ad illas actiones, quæ ex se quidem nec præceptæ, nec prohibitæ, honestæ tamen, ac nullam speciem mali habentes sunt, si eas communis, & privata, propria vel aliena necessitas aut utilitas, vel damnum futurum exposcat: ut proin eas ponere omnino liceat, etsi ex illis scandalum sive pharisaicum sive pusillorum prævideatur & sequatur, prout cum communi Theologorum jam diximus, probavimus, & exemplificavimus in nostra Theologia Morali Tr. 4. dist. 7. q. 2.

Resp. II. Veritas Justitiæ & Disciplinæ, quamvis ordinariè loquendo omnino etiam observandæ sint, tamen ad vitandum scandalum

Regula III. Utilius scandalum nasci permittitur &c.

scandalum quandoque temperandæ, omittendæ, vel differendæ veniunt *arg. can. ut constitueretur. 25. dist. 50. & c. Sanæ 2. de Temporib. Ordinari.* Sic quando ex graviore, etsi legali correctione vel punitione subditi, ejus desperatio, aut graviora mala prudenter timentur, merito temperatur, aut aliquamdiu differtur, vel omnino intermittitur Veritas Disciplina. Pariter quamvis Veritas Justitiæ ad vitandum scandalum taliter omitti nequeat, quod innocens condemnatur, aut, quod suum est, alteri auferatur, tamen temperari potest mitigatione vel condonatione pænæ à lege impostæ *Strein. ad banc Reg. n. 1. in fine; ut proin veri sint versus adducti à Glossa in c. Sanæ 2. de Tempor. Ordin. & b. c.*

Ob populum multum crimen pertransit in ultimum.

Est verum vita, Doctrina, Justitiæque.

Primum semper tene, duo propter scandalum lingue.

6 Circa præfatas veritates intuitu scandalum omittendas, vel retinendas specialiter etiam servit doctrina *ex c. cum ex injuncto 2. de novi operis nuntiatione*, contenta, ibi: *Sacra Scriptura testimonio debueras didicisse, quod, licet opera illa, quæ sine peccato mortali omitti non possunt, nec sunt pro vitando scandalo dimittenda, nec ea debeant pro vitando scandalo committi, quæ sine peccato mortali committi non possunt: ab his tamen, quæ sine peccato mortali committi possunt pariter & dimitti, sit pro scandalo tollendo cessandum, & eis etiam pro vitando scandalo insistentum. Unde Apost. 1. Corinth. 8. si scandalizatur frater, non comedam carnes in æternum &c.*

7 Si obijciatur, ergo pro vitando scandalo proximi, & peccato mortali saltem licebit quandoque venialiter peccare; nam textus solum excipit peccatum mortale. Resp. negando consequentiam: quia quod intrinsecè malum, quale est v.g. mendacium, etiam in materia veniali, fieri non potest ad vitandum scandalum; cum peccatum non sit eligibile. Contingit tamen, aliquid propter aliquam circumstantiam non esse peccatum

veniale, quod illà sublata esset veniale, prout v.g. verbum aliàs otiosum, si ex rationabili causa profertur, non est otiosum, neque peccatum. Et de hujusmodi intelligendus est textus. *S. Thom. 2. 2. q. 43. art. 7. ad 5.*

Quæritur II. Quas exceptiones seu fallentias patiatur Regula III. Resp. inter alias esse etiam sequentes: & quidem primò circa Veritatem Vitæ quamvis nunquam liceat committere peccatum etiam leve intrinsecè tale ad vitandum scandalum quodcumque, tamen opera quædam supererogatoria; & alia piæ operationes ad veritatem vitæ carere roqui suo modò pertinentes ad vitandum scandalum præsertim pusillorum omitti debent, si ad eas propria, vel aliena necessitas aut utilitas non cogat. *Layman lib. 2. tit. 3. cap. 3. n. 8. & Theologi communiter.* Ratio est; quia ex lege charitatis tenemur evitare grave detrimentum proximi, si absque nostro incommodo possumus.

Dicitur autem notanter: *præsertim 9 pusillorum*; quia major est obligatio cavendi scandalum pusillorum quam pharisaicum, cum istud ex mera malitia, illorum autem ex infirmitate, vel ignorantia sumatur, & propterea Christus *Matth. cap. 18. v. 7.* ait: *Ve illi, qui scandalizaverit unum de pusillis istis: dum e contra scandala pharisaica parum curanda esse verbò atque exemplo docuit apud eundem Matth. cap. 15. v. 14.* ubi etsi discipuli ei dixerint: *scis, quia pharisæi auditò hoc verbò scandalizati sunt*, id parum curans respondit: *Sinite, ceci sunt & ducet eorum.*

Fallit secundò circa Veritatem Justitiæ & Disciplina in casibus supra n. 5. positis.

Fallit tertio circa Veritatem Doctrinæ vel sermonis; quia licet hæc etiam ad gravissimum vitandum scandalum positivè violari, & mendacium committi non possit, tamen ad idem vitandum retineri; & differri potest ac debet, nisi propria vel aliena necessitas, vel communis utilitas eam edicere exposcat ob rationem supra n. 4. allatam. Ceterum de scandalo vide magis apud Theologos.

REGULA IV.

Quod non est licitum in Lege, necessitas facit licitum: nam & Sabbatum custodiri, præceptum est: Machabæi tamen sine sua culpa in Sabbato pugnabant: Sic & hodie, si quis jejunium fregit ægrotus, reus voti non habetur.

SUMMARIUM.

1. Supponitur ex Theologia notitia de diversitate Necessitatis & legis.
2. Regula nequitiam est intelligenda de illicitis jure Divino naturali;
3. Sed illicitis lege duntaxat humana, vel quandoque etiam lege positiva Divina:
4. Qualiter illicita sunt licita ob necessitatem sal-

tem gravem, non item propter communem, seu levem.

5. Verus Regula sensus quis?

6. Declaratur exemplis.

7. Fallit Regula, quando transgressio legis vergit in damnum totius Communitatis:

8. Vel in contemptum legis aut Religionis.

PRO intelligentia hujus Regulæ ex Theologia supponitur notitia, Necessitatem aliam esse absolutam, aliam moralem: rursus Moralem aliam esse extremam, aliam gravem, aliam communem, seu levem. Item Legem aliam esse Divinam, aliam humanam: Divinam item aliam esse naturalem, aliam positivam. Suppositâ hæc notitiâ

2 Quæritur I. Quomodo intelligenda hæc Regula? Et quis verus ac proprius illius sensus sit? Resp. I. Regula hæc nequitiam de illicitis lege Divina naturali, sed de illicitis lege humana duntaxat, & aliquando etiam Divina est intelligentia: ita ut taliter illicita evadant licita, quando moralis extrema vel gravis necessitas ad ea urget. Ferè unanimis DD. De illicitis jure naturali (qualia sunt stuprum v. g. adulterium, fornicatio, mollicitas, perjurium, blasphemia, maledictum, directæ expulsio fætus &c.) Ratio est; quia talia intrinsicè & essentialiter sunt illicita & mala, ac idè per nullam necessitatem moralem, etsi extremam cohonestari, & licita fieri possunt; cum essentialiter rerum sint immutabiles.

3 De prohibitis verò lege duntaxat humana, vel aliquando Divina positiva, ratio est; quia etsi Legislator Divinus, à quo originaliter omnis Lex, & illius in obligando vis dependet, statuere potuisset, ut lex quævis in quovis etiam extremo necessitatis casu obligaret: tamen fragilitati & conditioni humanæ se accommodare voluit, & concedere, ut ea, quæ à natura seu intrinsicè, & essentialiter non sunt mala, sed idè solummodo illicita, quia per legem positivam prohibita, in necessitate extrema, vel saltem gravi licitè fieri queant, uti ex innuatis tam Scripturæ,

quàm utriusque Juris exemplis infra ex parte ponendis apertè patet, & DD. communiter tenent.

Dicitur autem notanter: *Vel saltem gravi*; quia communis duntaxat, seu levis necessitas à transgressione legis minimè excusat, sicque non facit licitum, quo tamen illius illicitum est, prout communiter docent tam Theologi quàm Canonistæ ex illa ratione, quòd aliàs propter casum quotidie occurrentium frequentiam obligationes legales facile eliderentur in magnum Reipublicæ detrimentum. Debet ergo necessitas, ex illi cito faciens licitum, esse extrema vel saltem gravis, id est, talis, quæ magnam seu grave damnum, aut periculum animæ vel corporis, vitæ, famæ vel bonorum &c. importat. Et ex his præmissis

Resp. II. Verus sensus Regulæ est sequens: *Actiones & Omissiones lege duntaxat humana illicita, ordinariè evadunt licita, quando ad eas urget extrema, vel gravis necessitas. Idem quandoque procedit etiam de illicitis lege Divina positiva.* Declaratur & confirmatur sensus Regulæ exemplis.

Et quidem prima duo ponit ipsa Regula de Sabbato & jejunio; licet enim lege positiva Divina Sabbatum ita custodiri fuerit præceptum, ut in illo certamen aliquod inire non licuerit, tamen quia Machabæos ad pugnam in Sabbato coëgit necessitas, per Regulam à culpa declarantur immunes. Item licet vi legis positivæ teneamur observare jejunia Ecclesiastica, tamen ægrotus urgente necessitate illa violans nullius culpæ reus est, c. 2. de observat. jejun. Sic propter necessitatem alimentorum licitum est diebus festis

opera

Opera servilia peragere *c. 3. de Ferris*. Si etsi bona immobilia Ecclesiarum alienare sit illicitum *cap. 1. 4. & 5. de Reb. Eccles. alienand. vel non.* tamen urgens necessitas alienationes earum facit licitas. *c. quando. 4. de consuet.* ubi, sicut & in pluribus utriusque Juris locis universalis redditur ratio, videlicet, quia *Necessitas non habet legem, seu non subiacet legi*, intellige positivæ. Unde nulla circa hoc apud DD. est controversia.

7. Quæritur II. Quas Exceptiones seu Fallentias patiatur Regula IV? Resp. Eam præter alia fallere 1. quando actio aut omis- sio contra legem etiam humanam cederet in detrimentum totius communis; ut si mi- les ob periculum mortis stationem defereret, indeque integram Civitatem, vel exercitum in grave damnum vel periculum conjiceret. Covar. in *c. Alma Mater. p. 1. §. 3. n. 9.* Pa- lao Tr. 3. disp. 1. p. 16. n. 1. & 2. & alii. Ratio est; quia bonum commune Civitatis

vel exercitus, multum præponderat vitæ ali- cujus hominis privati.

Fallit 2. quando transgressio legis hu- manæ cessura videtur in contemptum ipsius Legis, & potestatis legislativæ; vel in com- mune detrimentum fidei aut Religionis Pa- lao *l. c. n. 3.* cum communi aliorum. Ratio est; quia subintrare videtur Jus naturale di- ctans, bonum commune Religionis, & pu- blicæ potestatis legislativæ præterea nemine bono alicujus privati; indeque à tali legem humanam etiam in extrema vel gravi neces- sitate cum dispendio vel periculo vitæ, fidei, aut bonorum fortunæ observari debere in casu, quò aliàs sequeretur detrimentum com- mune Religionis, aut contemptus potestatis legislativæ. Plura de obligatione Legum, & excusatione ab eadem, item de tota mate- rialegis amplè & exactè tractavimus in *Lib. 1. Juris Can. Tit. II. de Constit.*

REGULA V.

Quod latenter, aut per vim, vel aliàs illicitè introductum est, nulla debet stabilitate subsistere.

S U M M A R I U M.

1. Quomodo hæc Regula intelligenda?
2. Latenter, idem ac clam.
3. Verbis per vim intelligitur metus gravis.
4. Quid per verbum illicitè?
5. Quis verus sensus Regulae?
6. Declaratur exemplis. *ibid. & tribus seqq.*
7. Contractus etiam jurati, qui sine peccato servari non possunt, sunt ipso jure nulli.

8. Ceteri contractus illicitè facti de jure valent, sed rescindi possunt.
9. Fallit Regula in actibus ex speciali dispositione in- solubilibus.
10. Item quando metus gravis ab intrinseco, vel ju- ste incutitur.
11. Datur Dolus bonus, qui contractibus non obest.

Quæritur I. Quomodo hæc Regula sit intelligenda? & quis proprius illius sensus sit? Resp. I. Quamvis vi hujus Regulæ (cui ex parte concordat illa 64. de Reg. J. in 6. *que contra Jus fiunt, utique pro infectis haberi debent.*) videantur omnia, quæ ali- quò ex modis à Regula allegatis fiunt, ipso jure nulla & irrita esse; ob verba: *nulla de- bent stabilitate subsistere*; tamen juxta Glossam & communem DD. non in mox dicto, sed in hoc sensu intelligenda venit Regula, quòd vel ipso Jure sint nulla, vel si de Jure subsi- stant, tamen per sententiam Judicis ad in- stantiam partis annullari possint & debeant. Quænam verò ipso Jure sint nulla, & quæ primum annullanda, partim ex infra addu-

tendis exemplis, partim ex declaratione Reg. 64. J. in 6. patebunt, partim dicta jam sunt in nostro Jure Canonico *lib. 1. Tit. 40. De his, quæ vi, metusque causâ fiunt.* Item *lib. 1. Tit. 14. de dolo & contumacia.*

Interea pergitur ulterius ad declaran- da Regulæ Verba: & quidem terminus *la- tenter* coincidit cum termino *clam*, quem textus in ff. *quod vi vel clam* latissime expli- cat; præcipue verò, illud *clam* fieri dicitur, quòd taliter sit, ut nequeat venire in notitiam ejus, cujus interest, ut sciat, *l. Clam possidere. ff. de Acquir. possess.* Omnia siquidem, quæ sic clam & latenter, sive dolose fiunt, sus- pecta sunt de malo juxta illud Salvatoris *Joan. 3. Omnis, qui male agit, odit lucem.*

Hinc l. 1. ff. quod vi aut clam. id, quod vi, aut clam fit, restitui, aut destrui jubetur, etsi cæteroquin tale quid agendi quis jus habuerit: tueri enim jus suum debuit, non injuriam comminisci: subdit ibidem Prætor. Porro in alio juris sensu etiam illud latenter, & clam fieri dicitur, quod seclusis arbitris & testibus fit, habentque clandestinè facta plerumque præsumptionem injustitiæ. l. fin. ff. de Rit. nupr. & 54. ff. de Administrat. tutorum.

3 Per terminum Regulæ, aut per vim, non intelligitur vis absoluta, aut violenta coactio, quæ omnem prorsus consensum excludit, cum taliter violentatus aut coactus magis pati, quàm agere convincatur, ut dicitur c. Sacris. 5. De his, quæ vi metusque causâ fiunt. sed intelligitur vis compulsiva, & impulsiva, quæ idem est ac metus, & quidem ad propositum gravis, cadens in viram constantem, ex quo gravi metu si quid fit, juxta Regulam nostram stabilitate carere debet: non item quæ fiunt ex levi metu, qui hic non attenditur.

4 Per verba: *Vel aliis illicitè introductum est*, intelliguntur ea, quæ contra Juris prohibitionem, legemque Divinam aut humanam facta apparent, quia cuncta hæc illicita sunt. His conformiter

5 Resp. II. Proprius sensus Regulæ sequens est: omne illud, quod latenter seu clam, & dolose vel per metum gravem ab extrinseco injustè incussum aut aliis contra Juris prohibitionem introductum aut gestum est, aut ipso jure nullum & irritum, aut instante parte annullandum, & irritandum est, sicque firma stabilitate caret. Declaratur & confirmatur exemplis: Sic enim 1. Matrimonium contra Decretum Tridentinum sine Parocho & testibus Clam, seu Clandestinè contractum, aut comminatione mortis, vel alterius gravis mali, sicque vi seu metu gravi in virum constantem cadente extortum ipso Jure nullum & irritum est. Trident. Sess. 24. cap. 1. & qui aliter. de Reform. Matrim. juncto c. Cum locum. 14. de Sponsalib. & Matrim.

6 Sic pariter 2. Alienationes rerum immobilium, aut pretiosarum Ecclesiæ contra Juris prohibitionem sine debita Juris solemnitate factæ, invalidæ sunt ipso Jure, c. Apostolicos 13. cum seqq. can. 12. q. 2. & futis videndum lib. III. Tit. 13. de Rebus Eccles. alien. §. 1. Sic 3. Professio Religiosa

metu gravi injustè incusso emissâ ipso Jure nulla habetur c. 1. de His, quæ vi.

7 Sic 4. Universaliter omnes illicitè facti contractus illi, qui sine peccato servari non possunt, sunt ipso Jure nulli; cum nemo ad peccandum obligari valeat, etiamsi intercesserit Juramentum, quia non est obligatorium contra bonos mores præstitum juramentum. c. 58. de R. J. in 6.

8 Contra etiam plerique contractus, pacta, conventa, & transactiones, qui sine peccato servari possunt, gravi metu injustè incusso initi de Jure valeant quidem; quia metus etiam gravis non tollit voluntarium, sed verum relinquit tritum illud, *coacta voluntas est voluntas*, ut cum communi aliorum benè advertit Gloss. in c. 2. V. coactus. de His quæ vi; tamen datur contra illos actio, quod vi, metusque causâ, & instante adversario rescindi debent. l. 1. ff. quod metus causâ. junctâ l. simulier 21. §. 1. ff. eod. & amplius diximus lib. I. Tit. 40. de His, quæ vi, metusque causâ. §. 2. d. n. 36.

9 Queritur II. Quas exceptiones seu fallentias patiatur Regula IV? Resp. Præter alias, etiam sequentes. 1. In illis actibus & contractibus, qui semel validi, vel ex natura sua, vel ex Juris dispositione non amplius annullari valent, etiamsi contra juris prohibitionem illicitè fuerint facti; nam multa fieri prohibentur, quæ, si fuerint facta, obtinent roboris firmitatem. c. Ad Apostolicam 16. de Regular. quemadmodum patet in Matrimonio, quod etsi sine prævis denuntiacionibus, vel diebus prohibitis, aut in statu peccati mortalis illicitè contrahatur, tamen etiam sic contractum amplius annullari non potest. Item in Sacramentis Baptismi, & Ordinis, utpote quæ etiam ex metu gravi injustè incusso perpetuò valent, hoc ipso, quod juxta dicta metus non tollat voluntarium, & consequenter non impediatur indelebilem characteris impressionem, prout DD. communiter advertunt.

Fallit 2. Si metus etiam gravis nonio ab extrinseco, puta ab alio homine, sed ab intrinseco, ab ipso metuente ex propria passione vel natura ob timorem imminentis mortis, ob morbum, naufragium &c. provenit. Fallit 3. in casu, quod metus gravis ab extrinseco quidem, justè tamen incutitur; Fallit 4. Si metus licet gravis non ad extorquendum tamen consensum, sed ad alium finem

finem obtinendum injustè incutiat: ob hujusmodi enim metum actus & contractus nec invalidi sunt, nec invalidari possunt, prout amplius diximus & probavimus *lib. I. Tit. 40. de His, quæ vi, metusque causâ. n. 26. & seqq.*

II Fallit 5. In dolo bono & justo, quatenus prudens solertia, pia astutia & machinatio est ad se, vel alios justè defendendum, ad

propria vel aliena jura tuenda, vel recuperanda; sicut enim justus metus sine illo præjudicio actuum & contractuum etiam ab extrinseco incuti, sic pariter justus dolus adhiberi valet *cau. Dominus 2. cau. 23. q. 2. l. 1. §. Non fuit. 3. ff. de dolo malo. quò dolo usus est S. Paulus dum dixit: cum essem astutus, dolo vos capi. 2. ad Cor. 12. p. 16.*

REGULA VI.

In ipso causæ initio non est à Quæstionibus inchoandum.

SUMMARIUM.

1. Per Quæstiones in Regula intelliguntur Tortura, seu Tortura.
2. Verus sensus Regule quis?
3. Tortura servatò debitò modò laudabilis est.
4. Jura ex iis, quæ ordinariè vel frequenter accidunt, conduntur.
5. Ad debitum modum Torturæ requiritur I. ut constet de corpore delicti.
6. II. ut crimen sit atrox.
7. III. Ut adjint præcedentiâ sufficientiâ indicia.

8. IV. Ut reus non sit persona à Tortura immunis: & quæ persone. *ibid.*
9. V. Ut delictum aliter probari nequeat.
10. VI. Ut reus non reddatur inutilis.
11. VII. Ut servetur proportio in Tortura.
12. Contra Judicem non servato juris ordine procedentem datur appellatio, & actio injuriarum perpetua.
13. Observanda in Religione nostra circa Torturam.

QUæritur I. Quomodo hæc Regula intelligenda? & quis proprius illius sensus sit? Ante responsonem Notandum, totam difficultatem circa hanc Regulam in eo consistere, quid hic per *Quæstiones* intelligatur; cum in Jure *quæstionis* nomine subinde etiam ipsa Judicia publica veniant, eò quòd in iis, an reus nocens vel innocens sit, quærat. *l. Facturus. l. ff. de Origine Juris. & Gonzalez in hanc Regulam n. 2. probare nitatur, per quæstiones hic intelligi querelas seu lamenta: quibus non obstantibus Resp. I. Per terminum à quæstionibus hic intelligi tormenta, vulgò Torturam, Glossa hic communiter recepta. arg. l. Item ad Labeonem. §. 41. ff. de injur. ibi: Quæstionem intelligere debemus tormenta & corporis dolorem ad eruendam veritatem.*

II Resp. II. Verus Regulæ sensus est: In causa seu processu criminali non est inchoandum à Tortura: sed habenda sunt prius indicia, sufficentes præsumptiones, aut semiplena, vel plus quàm semiplena probatio. Gloss. cit. textu satis claro. *l. 1. ff. de quæstionibus: ubi dicitur: non esse à quæstionibus incipiendum: & statim §. I. sic habetur: Ad tormenta ista demum venire oportet, cum su-*

spectus est reus, & aliis argumentis ita probationi admoveatur, ut sola confessio deesse videatur. Ratio Regulæ est, quia si causâ seu processu criminalis sine præcedentibus sufficientibus præsumptionibus, vel semiplena probatione statim à Tortura inchoaretur, sæpe innocentes eidem subjicerentur, ipsamque vitam amittere deberent, si, uti subinde contigit, ad vitandam vehementiam doloris ex tortura provenientem, crimen, quod non commiserunt, faterentur.

Cæterum licet Ludov. de Vives *lib. 19. cap. 6. S. Augustini de Civitate Dei* ex primum dicta, & aliis rationibus præsertim illis, quæ *l. 1. §. 23. ff. de quæstionibus.* referuntur illis verbis: *Nam plerique patientiâ, sive duritiâ tormentorum ita tormenta contemnunt, ut exprimi eis veritas nullo modo possit: alii tantâ sunt impatientiâ, ut quodvis mentiri, quàm tormenta pati velint. Ita fit, ut vario modo fateantur, & non tantum se, verum etiam alios comminentur: Torturam penitus è medio tollendam opinetur; tamen opinio hæc tanquam singularis contra clara jura antiqua & nova, torrentem Doctorum, & universalem tribunalium præxim militans merito non attenditur, & Torturæ usus debite serva-*

servatus intuitu boni communis & publici omnino approbatur ac laudatur.

4 Nec refert, quod occasione Torturæ enarrata in cit. l. 1. subinde eveniant, & innocentes damnentur; quia hoc per accidens est, & si torturæ modus debitus servetur, raro contingit. Jura autem non secundum ea, quæ raro, sed juxta ea, quæ frequenter fiunt, conduntur. *L. Ex his. 4. ff. de Legib. ibi: ex his, quæ forte uno aliquo casu accidere possunt, Jura non constituuntur.* & *l. Nam ad ea. 5. ff. eod. ibi: Nam ad ea potius debet aptari jus, quæ & frequenter & facile, quam quæ perraro eveniunt.* Unde etiam in cit. l. 1. ff. de quæstionibus, non obstantibus absurdis ibidem allegatis per accidens subinde contingentibus, Tortura approbatur.

5 Dicitur autem notanter: *Tortura usus debite servatus* approbatur; Plura siquidem requiruntur, ut tortura debite adhibeatur, ne in abusum & crudelitatem abeat; plusque damni, quam utilitatis afferat. Inter quæ ex jure & Criminalistis potiora succinctè adducimus. Primò igitur & ante omnia debet constare de corpore delicti, id est, debet constare, quod delictum, de quo hic & nunc queritur, & cujus arguitur subjiaciendus torturæ, revera à quocunque tandem sit commissum; nam donec de hoc certè constet, processus criminalis inchoari nequit. *l. 1. §. 24. ff. de quæstion. juncta constitutione penali Carolina art. 6.*

6 Secundò requiritur, ut crimen sit atrox, & capitale pœnam mortis, vel æquivalentem, aut gravissimam corporalem, quæ saltem major sit ipsâ torturâ; inducens. *l. Edictum. 8. ff. de quæsti.*

7 Tertiò requiritur, ut adsint indicia, præsumptiones prudentes, aut semiplena probatio contra subjiaciendum torturæ: id ipsum totum, quod vult Regula nostra; videlicet ut in ipso causæ initio à quæstionibus, seu à tormentis vel Tortura non inchoetur; seu ut Rubrica hic loquitur: *Tormenta indicii non precedentibus inferenda non sunt:* cui concordat clarus textus *l. 1. ff. de quæstion. supra n. 2. allegatus.*

8 Quarò, ut reus Juris privilegiò non sit persona exempta; quales sunt personæ Illustræ, & nobilitate vel militiâ præclari. *l. Militæ. 8. pr. & l. Divo II. C. de quæst. nisi sint reicriminæ excepti v. g. læsæ Majestatis, perduellionis, Magiæ &c. l. 16. C. de quæstion.*

l. 4. C. ad legem Jul. Majest. Item femina prægnans. l. prægnantis. 3. ff. de panis. Valetudinarii, quibus tortura vel mortem, vel irreparabile damnum in valetudine allatura merito timetur. l. Si quis. 3. §. 7. ff. de S. C. Silan. Impuberes. l. de Minor. 10. pr. ff. de quæstion. Senes decrepiti, viribus ita imbecilles, ut tormenta sine periculo mortis sustinere non valeant, aut memoriæ tam debilis, ut rerum à se, vel aliis gestarum verisimiliter non meminerint. cit. l. 3. §. 7. ff. de S. C. Silan.

Quintò requiritur, ut delictum aliter nequeat plenè probari. *l. Divus. 9. pr. ff. de quæstion. cum tortura solum introducta sit in subsidium aliarum probationum.*

Sextò, ut Reus ita servetur illæsus, nero omnino reddatur inutilis, uti cum Farinæ. *Prax. crimin. q. 38. n. 54.* amplius dilucidat Clarus, qui hæcenus dicta, & cuncta alia Torturam concernentia exactissimè pertractat.

Septimò requiritur, ut torquendi non omnes æqualiter, sed pro diversitate delicti, indiciorum & personæ gravius vel mitius torqueantur. *l. 10. §. 3. ff. de quæst. juncta Carolina art. 51.* ubi ordinatur, quod *tortura debeat institui secundum qualitatem indiciorum, & suspicionum: item secundum conditionem personæ plus aut minus, semel aut sæpius, durius aut levius ex arbitrio boni & discreti Judicis inferri.*

Quod si Judex requisita ad torturam non servet, aut modum à Jure præscriptum transgrediatur, appellare potest reus. *cau. 2. q. 6. can. non solent 30. & competit eactio injuriarum contra Judicem. l. Nec Magistratibus. 32. ff. de Injur. quam actionem non annuam duntaxat, sed perpetuam esse docet cum Manzio Haunold Tom. 6. de J. & J. tr. 3. à n. 464.*

Porro, quæ circa torturam in Processu criminali in nostra Religione observanda sint, specialiter adduximas *lib. V. Tit. I. §. 8. n. 472.* Cæterum, quia præfens Regula VI. plis aliud non continet, quam ut in causa seu processu criminali sine præviis indiciiis & præsumptionibus à tortura non statim inchoetur, nec exempla Juris pro ejus majori declaratione, nec fallentiæ circa eam, nec quid aliud amplius adducenda videntur; præsertim cum de Tortura incidenter huc spectante sufficienter jam dictum sit.

REGULA VII.

Quidquid in sacratīs Deo Rebus & Episcopis injustè agitur, sacrilegium reputatur quia Sacra sunt, & a quoquam violari non debent.

SUMMARIUM.

1. Terminus Sacra quid?
2. Dantur Personæ Sacra: & quæ?
3. Res Sacra: & quæ?
4. Et loca Sacra: quæ?
5. Verus sensus Regulæ quis?
6. Declaratur sensus quoad Personas Sacras:
7. Circa Res Sacras.

8. Ac circa bona & jura temporalia.
9. Regula quoad Personas quando fallat?
10. Et quando quoad Res? & n. seq.
- Passa Sacra tangere quando liceat, vel non? ibi.
11. Item quando quoad bona & jura temporalia fallat?
12. Ac loca Sacra?

Quæritur I. Quomodo intelligenda hæc Regula? Et quis verus sensus illius sit? Resp. I. Hæc Regula nil aliud dici, quàm quòd omnis ille Sacrilegium committat, indèque Sacrilegus sit, qui rem vel personam Deo sacram injustè violat, lædit, offendit, irreverenter tractat &c. Ubi Res lædè sumitur, prout etiam loca sacra v.g. Ecclesias, cæmeteria &c. comprehendit, uti cum Glossa hîc DD. communiter advertunt. Intelligitur enim hîc per terminum *Deo sacra, seu sacra* omne illud, quòd Deo, ejusque cultui directè vel indirectè, mediatè vel immediatè specialiter dicatum est: cujusmodi Deo sacramentum seu sacrum tria continet, Personas v. l. elicit, Res, & Loca sacra, quorum quodlibet si injustè violatur, offenditur, irreverenter, indignè tractatur, Sacrilegium committitur. *Can. Nulli. 3. cum seqq. cau. 12. q. 2.*

Porro nomine Personæ Sacra, seu sacra, veniunt Clerici Sæculares & Regulares; ac omnes utriusque sexûs Religiosæ, utpote vel per sacros Ordines, vel per tria vota Obedientiæ, paupertatis & castitatis, ac professionem in Religione per Sedem Apostolicam approbata emissam divino cultui & servitio specialiter mancipati. *can. Cleros. 1. dist. 21. can. duo sunt. 7. cau. 12. q. 1. de quibus personis plenius egimus lib. II. Tit. II. §. 9. de Foro compet. item lib. III. Tit. 49. §. 9. de Immunit. Eccles.* ubi etiam ostendimus, eis Novitios quoque annumerandos esse: an autem, & quando etiam Eremitæ hoc nomine gaudeant, diximus *lib. III. Tit. I. a. n. 20.*

2 Res Sacra tria genera complectitur: & primò ejus nomine veniunt Sacramenta, quorum indigna tractatione Sacrilegium

committi, indubitatum est. Secundò Vasa sacra ad susceptionem & conservationem Sacramentorum ordinata, uti sunt Calices, Ciboria, Monstrantiæ: item Altaria, Imagines Christi & Sanctorum, eorûmque Reliquiæ: item sacrum Evangelium, & tota Sacra Scriptura. Tertio ornamenta, & paramenta Ecclesiæ Altarium, vestesque sacrae Sacerdotum, ac sacrorum Ministrorum: cùm cuncta hæc Ecclesiastica benedictione, vel aliàs ad cultum divinum directè vel in directè specialiter deputata sint, indèque absque Sacrilegio indignè tractari non possunt. Huc in certo sensu reducuntur etiam res & bona temporalia mobilia & immobilia, Juraque Ecclesiarum, Monasteriorum & aliorum piorum locorum, quia & hæc ad cultum divinum indirectè saltem ordinata idèd meritò censentur, quia ad Ecclesiæ fabricam conservandam & reparandam, ad comparanda, quæ pro divino officio ritè peragendo requiruntur, atque ad Salaria & necessariam sustentationem Ministrorum Ecclesiæ sunt destinata, consequenter injustè violata, ablata &c. Sacrilegium secum trahunt, uti infra patebit.

Loca sacra sunt Ecclesiæ, Capellæ, Oratoria pro divinis Officiis obeundis, & Sacramentis administrandis per consecrationem aut benedictionem præviâ deputata. *c. cum Ecclesia. 5. & c. Ecclesie. 8. de Immunit. Eccles.* Ex quibus præmissis

Resp. II. Verus sensus Regulæ VII. est: *Sacrilegium committit, & verè sacrilegus est, qui Personas, Res, vel Loca Sacra injustè violat, lædit, vel indignè aut irreverenter tractat; quia juxta communem DD. sacrilegium nil aliud est, quàm injusta violatio, læsio, aut indigna,*

indigna, irreverens tractatio personæ, rei, vel loci sacri. *arg. cit. can. Nulli. cum seqq. cau. 12. q. 2.*

6 Declaratur sensus Regulæ exemplis ex Jure desumptis : & quidem imprimis circa personas DEO sacras : sic enim sacrilegium committit, ac insuper excommunicationem incurrit, qui tali personæ manus violentas injicit. *can. si quis suadente. 29. cau. 17. q. 4.* Item qui fornicationem, aut aliam turpitudinem carnalem in corpus illius exercet : *Can. Virginibus. 14. cau. 27. q. 1.* qui eam ad forum sæculare trahere, & jurisdictione sæculari contra eam procedere præsumit. *can. Nullus judicam. 2. & can. Relatum. 14. cau. 11. q. 1.* item *can. bene quidem. 1. dist. 96. cum concord. & amplius diximus lib. II. Tit. II. §. 9. de foro compet.* Item, qui tributa, vectigalia & alia hujusmodi onera ei imponere attentat. *c. Non minus. 4. c. Adversus 7. de Immunit. Eccles. fusque dictum habetur lib. III. Tit. 49. §. 9. & 10.*

7 Circa Res Deo sacras sacrilegium committit, qui Sacramenta indignè administrat vel recipit : qui vasa sacra, paramenta Ecclesiastica ad usus profanos adhibet : qui verba Scripturæ sacræ ad jocos præsertim impudicos applicat : qui Reliquiis, sacris Imaginibus irreverentiam exhibet. *can. quæ semel. 4. cau. 19. q. 3. can. ligna. 38. can. vestimenta. 42. de consecrat. dist. 1. cum concord. junctâ Reg. semel. 51. de R. J. in 6. ibi : Semel Deo dicatum, non est ad usus humanos. ulterius transferendum.* Tenentque DD. communiter, merito addentes, non omnia sacrilegia esse æqualia, sed gravia vel levia pro diversitate rei sacræ, & indignæ tractationis, seu irreverentiæ irrogatæ : de quo magis Theologi.

8 Sic ulterius Sacrilegium committit, qui etiam res bona & jura temporalia Ecclesiarum, Monasteriorum, & piorum locorum supra n. 3. ad finem enarrata injustè violat, gravat, aufert &c. *can. Nulli. 3. cau. 12. q. 2. ibi : Nulli liceat ignorare, omne, quod Domino consecratur, sive fuerit homo, sive animal, sive ager, vel quidquid semel fuerit consecratum, sanctum Sanctorum (id est, ut Gloss. hic. 4. Sanctum. bene advertit, ad usum Sancto- rum) Domino erit, & ad jus pertinebit Sacerdotum. Propter quod inexcusabilis erit omnis, qui à Domino & Ecclesia, cui competunt, aufert, vastat, invadit, vel eripit, & usque ad*

emendationem, & Ecclesie satisfactionem ut sacrilegus judicetur, & si emendare noluerit, excommunicetur. De quo sacrilegii genere ob violata, gravata, ablata bona & jura temporalia Ecclesiarum & locorum piorum exactè tractavimus *lib. III. Tit. 49. §. 9. & 10.*

Quæritur II. An? & quæ salientia circa Regulam hanc VII. Resp. Esse præter alias etiam sequentes : & quidem fallit circa Personas sacras 1. in casibus, ubi in penam secularis personæ sacræ privata exitiunt privilegio Clericali. *arg. c. cum non ab homine. 10. de Judic. c. un. de vita, & honest. Cleric. in 6.* Fallit 2. In casibus, in quibus non currit privilegium canonis. *arg. c. super eo. 1. c. Externore. 10. c. universitatis. 24. de Sentent. Excepn.*

Circa Res sacras Fallit 1. quoad vasa sacra, v. g. Calicem, patenam, Corporale, Monstrantiam : quæ licet, dum Corpus Christi actu continent, nemo præter Sacerdotem & Diaconum sine gravi irreverentia tangere queat. *arg. can. In sancta hac. 41. & seq. de consecrat. dist. 1. ac sine levi, aut veniali irreverentia, si Corpus Christi actu non continent, arg. Non oportet. 30. & can. Non liceat. 31. dist. 23.* tamen si perdunt priorem figuram, aut ita immutantur, ut ad finem deputatum non amplius habilia sint; item si execrantur, seu iusta de causa privantur benedictione, etiam à non sacerdotis manibus, absque sacrilegio tangi possunt : sicut & Corporalia & Purificatoria, si lotionem, aut refectionem indigent, dummodo à Sacerdote prius laventur, uti habet communis & universalis consuetudo optima legum interpretis.

Quoad bona & jura temporalia Fallit 1. in communi necessitate habente conditiones præscriptas *cit. lib. III. Tit. 49. de Immunit. §. 10. à n. 255.* ubi & Clerici contribuire tenentur. Fallit 2. In bonis feudalibus ad Ecclesias pertinentibus. *c. ceterum. 5. de Judic. c. Extramissa. 6. c. Verum. 7. de foro compet.* in causis feudalibus enim etiam Clericus feudatarius ad præstanda feudi onera tenetur.

Quoad Loca sacra Fallit 1. si Templum, & Ecclesiæ, Sacella consecrata, aut benedicta destruuntur. Tunc enim lapides & ligna sine irreverentia & sacrilegio ad usus profanos applicantur. Fallit 2. Si homicidium, gravis vulneratio, notabilis effusio sanguinis in locis

in locis sacris contingit casu fortuito, v. g. ab animali, homine furioso, amente &c. In quibus casibus Ecclesia non polluitur. De

quo, uti & tota materia circa vasa, & loca sacra plenè tractavimus *lib. III. Tit. 40. de Consecrat. Eccles.*

REGULA VIII.

Qui ex timore facit Præceptum, aliter, quàm debeat, facit, & ideo jam non facit.

S U M M A R I U M.

1. Difficultas Regule in quo consistat?
Timor duplex: alius filialis. ibid.
2. *Alius servilis: hicque*
3. *Alius bonus, & utilis. ac seq.*

5. *Alius purè servilis, seu mundanus, ac inutilis.*
6. *Sensus genuinus Regule quis?*
7. *Declaratur exemplò.*

1. **Q**Uæritur I. Quomodo hæc Regula intelligenda? & quis sensus verus illius sit? Ante responsionem Notandum, totam difficultatem circa intelligentiam hujus Regulæ in hoc consistere, de quo timore loquatur. Duplex siquidem, vel potius triplex est Timor: filialis nempe, & servilis; hicque vel supernaturalis & bonus, vel merè servilis seu mundanus. Filialis est, quò quis Deum sicut filius patrem timet, & ex hoc timore, ne eum offendat, præcepta & mandata illius observat: qui timor in charitate fundatus optimus est, innumerisque in locis laudatur & commendatur à Sacra Scriptura, uti Psal. 18. v. 10. *Timor Domini sanctus permanens in seculum seculi.* Psal. 111. *Beatus vir, qui timet Dominum, in mandatis ejus volet nimis.* & Psal. 30. *Time-te Dominum omnes Sancti ejus, quoniam non est inopiam mentibus eum.* Item: *Voluntatem mentium se faciet, & deprecationem eorum exaudiet, & salvos faciet eos:* Psal. 144. v. 19. Imo Psal. 110. asseritur: *Initium sapientie Timor Domini:* estque unum inter Dona Spiritus Sancti.

2. Timor servilis est, quò quis mandata servat ex timore pænæ, ne eam incurrat: qui timor etiam adhuc bonus & supernaturalis est, si quis pænas sive æternas, sive temporales quatenus à DEO ob transgressionem mandatorum suorum justè infliguntur, merito timet, & ideo ex timore earum, vel potius ex timore Dei mandata illius observat, ne aliàs ab ipso hic vel ibi justè puniatur. Cum enim hic timor Deum nullatenus excludat, sed eundem, & justitiam illius respiciat, ac ne per violationem mandatorum eum offen-

Regule Juris.

dat, sicque propterea ab illo justè puniatur, rectè timeat, & hoc timore impulsus mandata illius observet, merito ex timore Dei pænas justè infligentis, sicque ex bono adhuc timore, utpote supernaturali adhuc principium habente mandata observare censendus est; dummodo timor non finalis, & ita principalis sit, ut, si pænæ non essent, mandatum non observaret, & Deum offendere non curaret: sic enim constitutus Deum & justitiam debite non respiceret, nec voluntatem peccandi exclusam, sed inclusam haberet.

Cæterum hunc timorem pariter innu-
3
meris in locis sacræ Paginæ, præsertim Veteris Testamenti etiam approbant, ac ut ex timore pænarum à Deo justè infligendarum mandata divina observentur, integris Capitulis hortantur, uti Deuteron. cap. 1. 4. 8. 11. &c. Sicut etiam in Novo Testamento ad observantiam mandatorum, & Timorem Dei justè punientis, Christus ipse pænarum minis hortatur: *Time-te eum, qui potest & animam & corpus perdere in gehennam.* Luc. 12. v. 28. Et Concil. Trident. Sess. 6. cap. 6. fate-tur, timore justitiæ divinæ peccatores utiliter concuti, illumque ad justificationem concurrere, quod magis ad propositum confirmat Sess. 14. c. 4. dicens: *contritionem imperfectam, qua ex gehenna & pænarum metu concipitur, si voluntatem peccandi excludat cum spe veniæ, non solum non facere hominem hypocritam, verum etiam Donum Dei, & Spiritus S. impulsus esse.*

Porro et si n. præced. declaratus timor
4
servilis tam bonus ac meritorius sicut timor filialis non sit, utpote charitate minus vestitus, tamen ad ejusdem qualitates, & charitatem

C

Dei

Dei bona intentione ac reflexione reduci facile potest, si quis videlicet ex præfato timore servili, seu ex timore pœnarum, vel potius ex timore Dei, ne justè puniat, mandata observat quidem, ideo tamen etiam, quia infinitè bonus Deus, videns nos miseros sensuales homines subinde magis & citius moveri gravissimarum pœnarum à Deo infligendarum minis, & timore earum, quàm solò purò altiori charitatis motivò, ipsemet etiam hunc timorem suadet, & ut eò ducti mandata servemus, vult & hortatur, quod benè Notandum.

5 Timor merè servilis & mundanus est, quando quis mandata servat ex timore pœnarum, vel jacturæ temporalis, v. g. famæ, bonorum fortunæ, vitæ, non ut à Deo, sed ab hominibus proveniet, uti benè docet cum D. Thoma 2. 2. q. 19. art. 2. communis DD. His notatis

6 Resp. Regula nullatenus de timore in primo & secundo sensu n. 1. & 2. declarato: sed de timore merè servili humano & mundano num. præc. explicato intelligenda venit, ita ut verus illius sensus sit: *Qui ex timore merè servili & mundano, seu ex timore pœnarum, quatenus ab hominibus proveniunt, & timentur, præceptum observat, aliter, quàm debet, ac nihil facit, & nec meretur, nec præceptum servare censendus est.* Ratio est; quia ex tali timore servans præcepta, reipsa nullum Dei præcipientis respectum habere,

nec ipsum curare, sed homines duntaxat respicere, sicque coram Deo qui corda scrutatur & renes, nec mereri, nec quidquam agere, nec præceptum, uti oportet, observare censetur, præsertim quia voluntatem peccandi retinens reipsa & implicite ita constitutus est, quod si pœnas, seu temporalem jacturam ab hominibus non timeret, præceptum non observaret: ut proin meritò dicat Glossa hîc: *qui invitatus facit* (intellige ex respectu & timore præcisè mundano & humano) *rem & meritum perdit. arg. can. Jam verò. 4. cau. 23. q. 6.*

Regula & sensus ejus plurimè ex S. 7 Scriptura ulterius declarari & probari posset exemplis: verùm quia materia hæc Theologica potius, quàm Juridica est, sufficiat id solum, quod Christus de Phariseis mandata Dei *Matth. 6. & 2.* servantibus dixit, eos coram Deo nihil egisse, nec ullam mercedem habere: *Amen dico vobis, receperunt mercedem suam*; Nam sicut qui sine ulla ad Deum reflexione ad captandam laudem, & æstimationem hominum præcepta observant, & bona opera faciunt, nil coram Deo facere, & omni meritò indigni esse censentur: sic idem dicendum de illis, qui id ex timore præcisè humano & mundano, seu merè servili agunt; quamvis in foro externo, quod de intrinsecis non judicat, à pœnis transgressionis præceptorum immunes sint.

REGULA IX.

Defleat Peccator, quia offendens in uno, factus est omnium reus.

S U M M A R I U M.

1. Difficultas Regule.
2. Declaratio illius à nonnullis.
3. Alia Declaratio.

1 **Q**uæritur. Quomodo hæc Regula intelligenda? & quis verus illius sit sensus? Ante responsionem notandum, hanc Regulam omnino concordare cum sententia S. Jacobi in sua Epistola Catholica c. 2. & 10. (ex quo Regula nostra desumpta verisimiliter creditur) ubicum Judæi manutenere vellent, non esse necesse totam legem, legisque præcepta servare, dixit eisdem loc. cit. *quicum-*

4. Verus sensus Regule.
5. Pœnam sensus majorem pati debet, qui magis peccat.

que totam Legem servaverit, offendat autem in uno, factus est omnium reus: idipsum, quod Regula sonat. Verùm, quia durum foret, verba hæc in literalis sensu, prout jacent, intelligere, ita, ut qui unam legem, v. g. *Non furtum facies*, furando transgrederetur, fieret reus omnium transgressionum, sicque reputaretur etiam adulter, perjurus, blasphemus, idololatra, homicida &c. hinc tam In-

ter-

interpretes S. Scripturæ, quàm Glossatores nostræ Regulæ faciunt varias interpretationes, inter quas præcipuè sunt duæ sequentes.

2 Prima est eorum, qui dicunt, ideo eum, qui in uno offendit, seu legem divinam transgreditur, cenferi reum omnium, quia sola transgressione unius legis jam videtur contemnere & non curare Divinam potestatem legislativam, seu Authoritatem supremi Legislatoris, sicque promptus, paratus ac dispositus esse, quòd sicut in uno, non attendit, sed quasi sprete autoritate supremi Legislatoris legem transgredi ausus est, sic eam etiam in aliis transgredi non curet, potestate legislativa divinâ jam semel quasi sprete, & non amplius attentâ, juxta tritum illud: *qui unum peccatum mortale non timet, nec aliud timet.* Et huic interpretationi favere videtur subsequens textus S. Jacobi, qui postquam dixit: *offendens in uno factus est omnium reus*, statim *1. 1. 1.* subjunxit: *qui enim dixit, non machaberis, dixit & non occides. Quodsi non machaberis, occides autem, factus es transgressor Legis.*

3 Altera interpretatio, quàm tenet Glossa hîc, Lyran. *in vit. Epist. S. Jacobi cap. 2.* S. Thomas 2. 2. q. 72. art. 1. & alii, vult, Regulam intelligendam esse de offendente in uno graviter, seu committente peccatum mortale, utpote propter hoc unicum factus reus omnium quorumcunque tandem pec-

catorum quoad penam damni, id est, æternam privationem visionis beatificæ, perditionis Amicitia Divinæ, Charitatis & Gratiæ sanctificantis, meritorum, ac Cælestis Gloriæ, quæ cuncta propter unum peccatum mortale æquè perdit, penamque damni æquè incurrit, ac si omnia peccata totius mundi commisisset. Hòc Notatò

Resp. ad quæstionem, Regulam intelligendam esse juxta secundam interpretationem num. præc. adductam, ita ut verus illius sensus sit: *Fleat mortaliter peccans, quia propter unum peccatum mortale Amicitiam divinam, Charitatem, Gratiam sanctificantem, merita, & prius facta bona opera cuncta, æternam beatitudinem æquè perdit, penamque damni perinde incurrit, ac si omnia peccata reipsa commisisset.* Ratio est; quia quæ in hoc sensu allegantur, non tantum per unanimem Theologorum, sed etiam per fidem divinam sunt certa, in dèque Regula dicens: *offendens in uno, factus est reus omnium*, quoad præcipuum effectum in eo verificatur, quod propter unicum peccatum mortale eandem infiniti boni, & æternæ beatitudinis cælestis jacturam incurrat, ac si omnium peccatorum esset reus.

Dicitur tamen notanter: *penam damni;* quia penas sensus plures & graviore hîc & ibi sustinere debet, qui plura & majora committit peccata. De quo magis Theologi.

REGULA X.

Non potest esse justa Pastoris excusatio, si lupo oves comedit, & Pastor nescit.

S U M M A R I U M.

1. Pastoris animarum gravissima obligatio & tanta est, ut etiam in casu, quò anima ipso ignorante perit, inexcusabilis sit. Ignorantia eorum, quæ quis ex officio scire debet, pro crassa habetur. *ibid.*
2. Gravissima obligatio Pastorum probatur ex Scriptura & Jure.

3. Item ex SS. Patribus ac Theologis.

4. Verus sensus Regulæ quis?

5. Prudens & utilis modus regendi & corrigendi subditos.

6. Ignorantia verè invincibilis excusat Pastorem.

7. Sicut & si sua facit, & tamen ovis perit.

1 Q Uæritur I. Quomodo hæc Regula intelligenda? Et quis verus illius sensus sit? Resp. I. Nomine *Pastoris* in Regula venire Episcopos, aliosque Prælatos & Superiores Ecclesiasticos, nec non Parochos, & omnes curam animarum habentes: nomine

Lupi autem dæmonem & perverfos præsertim scandalum præbentes homines: nomine *Ovium* verò animas præfatis Pastoribus tanquam oves concreditas intelligi, extra controversiam est. Quorum Superiorum & Pastorum gravissima obligatio, ut subditis &

ovibus debite invigilent, errores corrigant, avertere nitantur, ne luporum nequitia pereant, in tantum innuitur per hanc Regulam, ut Pastor inexcusabilis sit, & rationem reddere teneatur, etiam si ipso ignorante, & nesciente ovis aliqua pereat; cum ignorantia illius, qui ex officio scientiam habere debet, & facile potest, pro crassa & culpabili reputetur, *c. fin. de constitut. in 6.* Et ea, quæ quis ex officio indagare tenetur, scire, & scire debere facileque posse, pro eodem habeantur. *can. fin. dist. 37. c. fin. §. Si quis. de clandest. despons. junct. l. Julianus. 19. ff. de S. C. Macedon.* Confirmatur: arg. à pari. *l. qui mercedem. 40. ff. locati.* ubi habetur, eum, cujus custodiæ res commissa est, periculum præstare & probare debere, dolo vel culpa suâ rem non periisse, quia ex officio suo custodiam adhibere tenetur. *c. Ea que de officio Archidiaconi.* cum concord. à Glossa hic *¶ Pastores* per plures textus allatis.

2 Quod si juxta dicta vi hujus Regulæ inexcusabiles sint pastores, quibus nescientibus & ignorantibus oves pereunt, facile colligere licet, quam gravis & inexcusabilis sit culpa illorum, quibus scientibus & advertentibus ex negligentia, socordia, connivencia, laxitate, timiditate, & respectu humano, vel malo exemplo illorum animæ pereunt. Profecto in sacris paginis æternum *va* eis annuntiatur *Ezech. 34. Vt Pastores Israel, qui pascebant semetipsos, gregem autem non pascebant: quod infirmum fuit, non consolidabant, & quod egrotum non sanabant: quod confractum, non alligabant, & quod abjectum, non reducebant, & quod perierat, non querebant; ideo oves factæ sunt in devoratio- nem & erraverunt.* Et *c. Irrefragabili. 13. de offic. Jud. Ordin.* dicitur, fore ut Sanguis subditorum requiratur de manibus Prælatorum Ecclesiasticorum, qui subditis suis debite invigilare, eorumque excessus & errores corrigere neglexerunt. Ubi etiam Pontifex ad facilitandum Superiorum munus omnem appellationem in correctione morum prohibet, ibi: *ut autem correctionis & reformationis officium liberè exercere valeant, decernimus, ut executionem illorum nulla consuetudo, vel appellatio valeat impedire.*

3 Horrenda sunt, quæ de gravissima & periculosissima obligatione Superiorum Ecclesiasticorum & Pastorum animarum scribunt SS. Patres, & Theologi: inter quos

Avila, doctrina & virtute suo tempore celeberrimus Theologus dicere non dubitavit: *Tanta est obligatio Pastorum animarum, ut si tertiam tantum partem reipsa adimplerent, ab omnibus Sancti reputarentur, & tamen si hac contenti sunt, damnationem non evadent.* Et S. Chrysost. *Homil. 34. ad Hebr. apud Barboss. p. 1. de Offic. & potest. Episc. Tit. 1. cap. 6. n. 23.* dicere non est veritus: *Miror, si potest salvari aliquis Rectorum.* Et in Acta Apost. apud Strein. in hanc Regulam n. 1. de Episcopis tanquam supremis Prælati & animarum Pastoribus in specie scribere ausus est: *Non multos Episcopos salvari, eo quod difficillimum sit, tot animarum sibi commissarum bonam & sufficientem rationem reddere.* Ut proin mirum sit, & merito cum aliis SS. Patribus S. Chrysostomus miretur, tamen aliquos ambire tam periculosum munus Superiorum, imo, ut ait loc. cit. S. Chrysost. *aliquos etiam concurrere, & præcipitare semetipsos in tantam molem & difficultatem Regiminis.* Cæterum ex dictis facile eruitur verus sensus Regulæ; Nam

Resp. II. Verus sensus Regulæ est: 4 *Gravissima, & tanta est Pastorum animarum obligatio invigilandi subditis sibi concredit, errores eorum corrigendi, avertendi, illosque debite regendi, à vi recta aberrantes reducendi, ut etiam in casu, quo ipsis insciis & ignorantibus aliqua ex concredit animabus male vivendo pereat, coram Deo inexcusabiles sint, ob jura & rationes n. 1. allegatas.*

Porro qualiter, seu quò modò subditi 5 à Superioribus prudenter ac utiliter regi & corrigi possint ac debeant: an etiam, & quando rigor adhibendus sit, partim jam supra in Reg. II. diximus, partim, imò plenè & optimè præscribitur in Concil. Trident. *sess. 13. de Reform. cap. 1.* illis huc relatu dignis verbis. *Illud primum eos admonendos censeat, ut se Pastores, non percussores esse meminerint, atque ita præesse sibi subditis oportere, ut non in eis dominantur, sed illos tanquam filios & fratres diligant; elaborentque, ut hortando & monendo ab illicitis deterreant, ne ubi deliquerint, debitis eos panis coercere cogantur. Quos tamen, si quid per humanam fragilitatem peccare contigerit, illa Apostoli est ab eis servanda præceptio, ut illos arguant, obsecrent, increpent in oratione & patientia: cum sæpe plus erga corrigendos agat benevolentia quam austeritas, plus exhorta-*

hortatio quàm comminatio, plus charitas quàm potestas. Sin autem ob delicti gravitatem virga opus fuerit, tunc cum mansuetudine rigor, cum misericordia iudicium, cum lenitate severitas adhibenda est; ut sine asperitate disciplina populi salutaris ac necessaria conservetur, & qui correcti fuerint, emendantur; aut si respicere noluerint, ceteri salubri in eos animadversionis exemplo, à vitiis deterreantur: cum sit diligentis & pii simul pastoris officium, morbis ovium levia primum adhibere fomenta; post, ubi morbi gravitas ita postulet, ad acriora & graviora remedia descendere; sin autem ne ea quidem proficiant illis submovendis, ceteras saltem oves à contagionis periculo liberare. Cum igitur rei criminum plerumque ad evitandas penas & Episcoporum subterfugienda iudicia, querelas & gravamina simulent, & appellationis diffugio iudicis processum impediunt, ne remedio, ad innocentie presidium instituto, ad iniquitatis defensionem abutantur, atque ad huiusmodi eorum calliditati & tergiversationi occurratur, ita statuit, & decrevit: In causis visitationis & correctionis, sive habilitatis & inhabilitatis, nec non criminalibus, ab Episcopo seu illius in spiritualibus Vicario Generali, ante definitivam sententiam ab interlocutoria, vel alio quocunque gravamine, non appelletur &c. nec Episcopus seu Vicarius appellationi huiusmodi, tanquam frivole, deferre teneatur; sed ea, ac quacunque inhibitione ab appellationis iudice emanata, nec non omni stylo & consuetudine, etiam immemorabili, contraria non obstante, ad ulteriora valeat

procedere: nisi gravamen huiusmodi per definitivam sententiam reparari, vel ab ipsa definitiva appellari non possit: quibus casibus sacrorum & antiquorum Canonum statuta illibata persistant. Quamvis enim hic corrigendi modus specialiter praescriptus sit Episcopis, tamen et aliis Prælati, & Superioribus Ecclesiasticis, servatis servandis communiter merito adaptatur.

Quæritur II. An? & quas fallentias 6 patiatur hæc Regula? Resp. Abstrahendo ab aliis, etiam sequentes: Et quidem 1. In casu quo Superior invincibiliter ignorat, subditum in occulto malè vivere & perire; quia sicut juxta communem Theologorum verè invincibilis ignorantia facti in omnibus tollit voluntarium, & à culpa excusat, sic etiam in hoc.

Fallit 2. in casu, quò Superior monendo, corrigendo, puniendo, quæ pollicetur 7 debuit, fecit, & tamen subditus in mala vita perseveravit & periit; quia in tali casu contra subditum incorrigibilem merito pro sua excusatione utitur verbis Osee cap. 13. v. 9. Perditio tua Israel: tantummodo in me auxilium. & Jerem. 51. v. 9. curavimus Babylonem, & non est sanata. Dummodo talem, si communitati scandalosus est, tanquam ovem scabiosam, ne alios inficiat, competentibus mediis à communitate amoveat, ut ex officio tenetur.

REGULA XI.

Indignum est, & ab Ecclesiæ Romanæ consuetudine alienum, ut pro spiritualibus facere quis Homagium compellatur.

S U M M A R I U M.

1. Homagium aliud propriè seu strictè tale.
2. Aliud impropriè tale.
3. Regula loquitur de Homagio propriè tali. Verus Regule sensus quis? ibid.
4. Homagium impropriè licet præstare & exigere

pro spiritualibus.

5. Etiam temporalia, quæ aliàs de jure debentur, exigere & præstare licet pro spiritualibus.
6. Clerici propter Feuda secularia, quæ habent, Homagium propriè tale præstare possunt & debent.

Quæritur I. Quomodo hæc Regula intelligenda? & quis proprius illius sensus sit? Anteressionem notandum, Homagium variè, præcipuè verò bifariam sumi, propriè videlicet seu strictè, & impropriè. Homagium propriè seu strictè tale est juramentum, quo quis alicui tanquam territorii Domino spondet & jurat subjectionem &

obedientiam quoad certas operas & bona temporalia, sitque Vassallus, & quasi homo illius, cui jurat. Homagium enim quasi hominis ligium dicit; quia ligat, seu obligat hominem illi, cui homagium seu juramentum præstat: Gloss. in Clement. 2. de Re judicat. & ibi Abbas n. 6. Vivianus de Reg. j. in fine. & alii communiter.

2 Homagium improprie tale est juramentum fidelitatis, obedientiae & reverentiae, quod Clerici post adeptam aliquam spiritualem dignitatem vel beneficium praestare tenentur Episcopis, quibus tanquam propriis Praelatis, Superioribus & Dominis suis, Patribusque spiritualibus fidelitatem, obedientiam & reverentiam specialiter debent. *c. Nullus. 5. de Jurejur. & c. gravem 15. de Excess. Pralat.* ubi Papa graviter punit Archidiaconum, quod post praestitum Episcopo Homagium, illum pro Domino suo agnoscere recusavit. Hoc notatô

3 Resp. Regula XI. intelligenda est de Homagio proprie & strictè tali, quo alicui juratur & spondetur obedientia & subiectio quoad praestanda temporalia, itaut proprius illius sensus sit: *Nullus potest pro beneficio, seu pro illius collatione aut nominatione, vel praesentatione ad illud, nec pro alia quacunque re spirituali compelli ad praestandum Homagium proprie tale, nec illud ulterò deponere.* Ratio est; quia hoc ipsò, quod per Homagium proprie tale spondeantur temporalia, nec collator, nec Patronus sive Ecclesiasticus sive secularis pro beneficio, nec quis alius pro alia re spirituali tale Homagium exigere, nec quis ultra illud praestare potest sine labe Simoniae, quae semper committitur, quoties datur, vel promittitur temporale pro spirituali, prout amplius dictum *lib. V. Tit. III. de Simonia*: & textu claro *c. Ex diligenti. 17. de Simonia*. ubi de Homagio proprio specialis dispositio habetur, & in Summario breviter adducitur illis verbis: *Pro habendis spiritualibus Homagium facere, Simoniacum est; cum, ut textus ait, hoc praestare divinis & humanis legibus contraire noscatur.*

4 Aliter res se habet in Homagio improprie tali n. 2. declarato, quia vi hujus nullus obligatur ad munus & obsequium temporale, ad quod aliàs de jure vel consuetudine non tenetur, sed ad fidelitatem, obedientiam in

spiritualibus non tam personae, quam dignitati exhibendam, quod utique Simoniam caret, & non tantum licitum, sed & obligatorium est, *arg. cit. c. gravem. 15. de Jurejur.* junctò Concil. Trident. *Sess. 24. de Reform. c. 12. & c. Ego N. Episcopus 4. de Jurejur.* ubi formula hujusmodi Homagii & professionis praescribitur.

Nec valet objicere contra sensum Regulae, quod *cit. c. Episcopus. 4. de Jurejur.* in forma Homagii & professionis Episcopis ibidem praescriptae, inter alia Episcopus etiam ita juret, & se obliget: *Legatum Apostolicae Sedis, quem certum esse cognovero, in eundo & redeundo honorificè tractabo, & in suis necessitatibus adjuvabo*: quae temporalia esse nemo dubitat. Resp. enim, Episcopos ad praefata Legatis Apostolicis praestanda aliàs jam de jure obligatos esse, consequenter non nisi ea, quae de jure debita, & juri insunt, promittere: quae autem sic insunt, in Juramento exprimi, & à recipiente spiritualia sine labe Simoniae promitti possunt. *c. Significasti. 4. de Elect. & ibi Gloss. §. conditione. Barb. ibid. n. 2.*

Quaeritur II. An? & quas fallentias habeat Regula XI? Resp. Docere quidem aliquos, hanc Regulam in Feudis fallere, utpote propter quae etiam Clerici Homagium proprie tale Domino directo praestare possunt & debent *arg. c. Caterum. 5. de Judic. & c. Extramissa. 6. de foro compet.* Verum quia feudatarii Clerici Homagium non praestant pro re spirituali, sed pro temporali, pro bonis videlicet temporalibus, Clerico sive regulari, sive seculari, seu eorum Ecclesiae aut Monasterio in feudum concessis, indeque agunt, ad quae aliàs de jure tenentur, contra Regulam nostram minimè agunt, consequenter in casu feudi Regulam fallere dicendum non est: de cujusmodi Feudis amplius diximus *lib. III. Tit. XX.*

§. 2. n. 51.

CAPUT II. DE REGULIS JURIS IN SEXTO.

REGULA I.

Beneficium Ecclesiasticum non potest licitè sinè institutione Canonica obtineri.

S U M M A R I U M.

1. Quid? & quotuplex sit Beneficium?
2. Institutio beneficii alia proprie talis & strictè accepta:
3. Alia latè sumpta.
4. Latè sumpta alia collativa, seu verbalis: alia corporalis seu realis, quæ etiam Investitura dicitur: alia authorizabilis.
5. Institutio Canonica quid?
6. Quis sit verus sensus Regule?
7. Declaratur exemplis ex jure desumptis.
8. Beneficium obtineri nequit per liberam in alium cessionem, vel mutationem cum illo privata auctoritate.
9. Solvitur objectio.
10. Regula fallit in casu, quo Papa dispensat. Papa potest in toto jure dispensare. *ibid.*
11. Fallit secundo secundum aliquos in casu præscriptionis.
12. Probant id ex jure. & num. seq.
13. Ac ex Regula Cancellarie Apostolicæ de Triennali.
14. Secundum alios nequit beneficium præscriptione obtineri.
Probant id ex ratione & jure: & duobus seqq.
17. Solvunt argumenta contraria. & seq.
19. Respondent ad Regulam Cancellarie de Triennali, eam in foro interno non procedere.
Oportet concordare Jura Juribus. *ibid.*
20. Utraque sententia habet sua fundamenta.
21. Formalia Regule Cancellarie afferuntur.
22. Verius est, Regulam in utroque foro procedere;
23. Si debite adjint conditiones.
24. Papa per Regulam derogavit juri communi.
25. De jure id possumus, quod licitè possumus.
Ulterior ratio pro utroque foro.
26. Respondetur ad argumenta contraria.
27. Præter alias conditiones requiritur bona fides.
28. De aliis requisitis remissivè.

QUæritur I. Quomodo hæc Regula intelligenda? & quis genuinus illius sensus sit? Ante Responſionem notum supponimus prius ex *lib. III. Tit. V. de Præbend. & Dignit.* quid, & quotuplex sit beneficium: siquidem juxta dicta ibidem *n. 6.* Beneficium Ecclesiasticum proprie dictum est *jus perpetuum percipiendi fructus ex bonis Ecclesiasticis propter aliquod officium spirituale, autoritate ecclesiastica constitutum*; quæ definitio *n. 7. & seqq.* ibidem plenè declaratur. Beneficium sic definitum multiplex est, velut Episcopatus, Abbatia, Præpositura, Decanatus, Personatus, Canonicatus, Parochia, Vicaria perpetua, varia alia beneficia simplicia &c. de quibus *cit. lib. III. Tit. V. §. 2. & 3.*

Notum supponimus ulterius ex *Tit. 2 VII. de Institution. §. 1.* quid, & quotuplex sit Institutio; Hæc enim juxta dicta ibidem *n. 2.* latè & proprie seu strictè sumi potest. Proprie sumpta est concessio beneficii per Superiorem Ecclesiasticum facta alicui ad præviam præsentationem Patroni: prout *cit. loc. n. 3. & 4.* amplius diximus.

Institutio latè sumpta comprehendit sub se omnem modum, quò legitimè & canonicè confertur & acquiritur beneficium Ecclesiasticum sive per electionem ritè celebratam & confirmatam: sive per postulationem admissam: sive per præsentationem à Patrono factam cum Institutione subsecuta: sive per liberam collationem: sive per permutationem interveniente legitima auctoritate. Et de hac

de hac Institutione in lato sensu sumpta intelligenda venit Regula nostra uti *loc. cit.* §. 1. n. 1. jam diximus & probavimus.

4 Ubi etiam n. 3. & seq. ulterius diximus, probavimus & explicavimus, qualiter Institutio adhuc sit triplex, *collativa* nempe, *corporalis* seu *realis*, & *authorizabilis*. *Collativa* est (quam alii etiam verbalem appellant) per quam uno ex num. præc. dictis modis rite confertur beneficium. *Corporalis*, seu *realis* est ipsa inductio in possessionem beneficii, quia mediante illa post jam factam Institutionem collativam seu verbalem datur vera realis possessio beneficii prius legitime collati, quæ etiam *Investitura* seu *Installatio* vocatur. *Authorizabilis* est, quæ confertur cura animarum in beneficio curato.

5 Porro Institutio debet esse verè *canonica*, id est, juxta præscriptum SS. Canonum facta; sicut enim *legitimum* dicitur, quod legibus conforme est, sic *Canonicum* vocatur, quod juxta SS. Canones fit. Requirit autem SS. Canones ad Institutionem Canonicam tria, videlicet ut fiat sine vitio conferentis, recipientis, & formæ: seu ut in conferente beneficium adsit legitima potestas, sive jus conferendi illud: & in recipiente habilitas, seu ne sit inhabilis ad recipiendum beneficium: ac ut debita à Jure, vel consuetudine aut peculiari locorum statuto præscripta servetur forma, prout amplius diximus *loc. cit.* n. 10. & seqq. Quenam autem ad quamvis Institutionem canonicam requiratur forma, quis gaudeat potestate eligendi, postulandi, beneficium conferendi &c. & quinam habiles vel inhabiles sint ad illud recipiendum plenè diximus *lib. I. Tit. V. de Postulat.* item *Tit. VI. de Electione. Tit. XIV. de atate & qualitate præficiendorum.* Item *lib. III. Tit. V. de Præbend. & Dignit.* His præsuppositis

6 Resp. ad quæstionem n. 1. positam: Regula I. intelligenda est de quovis beneficio propriè tali, & Institutione latè quidem sumpta, semper tamen verè canonica, ita ut verus ac genuinus illius sensus sit: *Nullum beneficium propriè dictum licitè obtineri potest sine Institutione verè canonica, seu juxta Canones facta, tali nempe, in qua nec ex parte conferentis, nec ex parte recipientis beneficium, nec ex parte forme reperitur vitium seu defectus.* Ratio est; quia Institutio canonica quasi ostium reputatur, unde legitimus pa-

tet accessus ad beneficia ecclesiastica; per quod ostium si quis non intrat, & cui verus ostiarius, id est potestate beneficium ecclesiasticum conferendi præditus, & Ecclesiæ Prælati, servatà formà & Regulis Canonicis, non aperit, ille aliunde ascendit, & tanquam fur ac latro reputatur *Joan. 10.* uti cum aliis in hanc Regulam benè discurret Vivianus. Aliam, eamque solidam ex Jure assert rationem Strein in hanc Reg. n. 3. quia aliàs si beneficium, & fructus ex bonis Ecclesiasticis sine Canonica Institutione & Jure requisitis obtineri possent, plurimè in Ecclesia perturbationes immo ruina S. Religionis oriretur. *Canoniam invest. 13. cau. 16. q. 7.*

Declaratur sensus Regulæ exemplis ex 7 Jure desumptis: sic enim 1. quia ex parte conferentis defectus est, ab excommunicato vel suspensio beneficium obtineri nequit, cum potestate conferendi illud licet aliàs sibi competente tamdiu careat, quamdiu excommunicatus existit. *arg. c. Conquerente. ib. de offic. Judic. ord. & c. Novit. 4. de His, quæ fiunt à Prælat.* 2. quia ex parte recipientis defectus est, beneficium obtinere non possunt illegitimè nati, infames, hæretici, infideles, uxorati, bigami, debita ætate carentes &c. quia hi omnes de jure inhabiles sunt ad recipiendum beneficium, uti jam diximus *lib. I. Tit. XIV. de atate & qualitate præficiendorum.* ubi n. 2. universalem attulimus rationem ex Epist. S. Clementis ad S. Jacobum Fratrem Domini scripta, & relata *can. Tales. 4. dist. 23.* illis verbis: *Melius est enim paucos habere Ministros, qui possunt dignè opus Dei exercere, quàm multos inutiles.* 3. quia ex parte formæ est defectus, si præscriptus modus à Jure c. quia propter. 42. de Elect. non servatur, invalida est electio, prout fusè diximus *lib. I. Tit. VI. de Elect. §. 5. à n. 108.* Sic sexcenta alia in Jure reperiuntur exempla, ex quibus patet, quòd si ob defectum conferentis, recipientis vel formæ Institutio Canonica fieri nequeat, beneficium obtineri non possit.

Ex quibus inferunt Doctores, beneficium etiam licitè obtineri non posse libera in 8 alium cessione, vel permutatione cum alio propria Beneficiatorum autoritate c. admonet. 4. de Renunt. c. quasitum 5. de Rerum permut. Neque transactione propriè dicta sive onerosa, vel alia pactione, quæ à jure tanquam simoniacæ reprobantur, consequenter canonica institutione carent. c. con-

stitutus

stitutus. 4. & c. super eo 7. de Transact. & c. fin. de Pactis.

9 Nec valet contra hactenus dicta obijcere *c. quoniam de Magistris*. ubi decernitur, ut *Magistris, qui Clericos & pauperes Scholares gratis docent, competens aliquod beneficium præbeatur*; ergo etiam aliò modò, quàm Institutione Canonica beneficium obtineri potest. Resp. enim, beneficium hîc largè sumi, non pro Jure perpetuo percipiendi fructus ex bonis Ecclesiasticis, sed pro ipsis nudis fructibus, qui tamdiu dari decernuntur, quamdiu Magister docet: vel si Magister est Clericus, & ei beneficium proprium confertur, non decernitur, ut ei sine Institutione Canonica conferatur.

10 Quæritur II. An non dentur fallentiæ contra Regulam hanc I. ita ut possint beneficia sine Institutione Canonica obtineri? Resp. Eam fallere in casu, quo Papa dispensat circa requisita ad Canonicam Institutionem; quia juxta unanimum DD. Papa in quovis Jure Ecclesiastico dispensare valet. *c. Proposuit. 4. de Concess. Præbend.* ubi Pontifex ait: *qui secundum plenitudinem potestatis de jure possumus supra jus dispensare.* juncto *c. 2. de Præbend. in 6. ibi: licet Ecclesiarum, Personatum, Dignitatum, aliorumque beneficiorum ecclesiasticorum plenaria dispositio ad Romanum noscatur Pontificem pertinere, ita, ut non solum ipsa, cum vacant, potest de jure conferre, verum etiam jus in ipsis tribuere vacaturis.* & *Clem. I. §. fin. ut lite pendente. ibi: Ecclesiarum, Personatum, Dignitatum, aliorumque beneficiorum ecclesiasticorum plena & libera dispositio ex sua potestatis plenitudine noscitur pertinere ad Romanum Pontificem.*

11 Secundò. Fallere eam volunt plures in casu præscriptionis, ita ut vi hujus sine canonica institutione obtineri, & retineri valeat beneficium bona fide cum titulo saltem colorato possessum. Ita docent Navarr. *Consil. 30. de Præb. Garcias de Benefic. p. 8. cap. I. n. 15.* Gomez de Triennali possess. *quest. 42. Less. Lib. II. de Just. & Jure. dubit. 10. n. 35. Pirrhing Lib. II. Tit. XXVI. de Præscript. n. 115. Sanch. Laym. & alii.*

12 Moventur I. ex *c. Cura. II. de Jure Patronatus*. ubi aperte videtur admitti præscriptio in beneficio, ibi: *Ex donatione Laicorum nullus vestrum aliquas sibi Ecclesias vindicare præsumat vel retinere taliter acquir-*
Regula Juris.

fitas, nisi legitima præscriptione fuerit munitus. Ergo, inferunt, ubi legitima præscriptio adest, eâ beneficium obtineri & retineri potest. 2. *Ex can. Possessiones. cau. 16. q. I. & concord.* vi quorum possunt intuitu meritorum Religionis aut necessitatis fructus seu proventus Ecclesiastici sine Institutione Canonica præscribi; ergo etiam beneficium, quod est jus dictos fructus percipiendi.

3. Et quidem principaliter ex Regula 13 Cancellariæ Apostolicæ de Triennali (quam quidem communiter 33. dicunt, sed defacto 36. est, uti constat ex *lib. III. Tit. V. de Præb. & Dign. §. 16. ad finem*, ubi omnes Regulæ Cancellariæ tempore Clementis XI. vigentes per extensum adduximus, inter quas 36. de Triennali reperitur) In hac siquidem Regula expresse disponitur, quòd si quis beneficium per triennium pacifice possederit, super eodem ita possessor amplius molestari nequeat.

Econtra Glossa hic *§. Beneficium. Co-14 varruv. p. 2. in c. Possessor. §. 10. n. 10. §. Sexta Conclusio. Zoëlius de Præscript. n. 19. Abbas in c. Pastoralis de causa Possess. n. 27. Palao Tract. 13. disp. 2. p. 33. n. 3. Strein. in hanc Reg. n. 3. & seqq.* absolute volunt, nec triennio, nec longiori tempore beneficium sine Canonica Institutione præscribi, vel præscriptione obtineri, aut retineri posse. Probant id præcipue ex illa ratione, quòd sine possessione non currat præscriptio. *l. sine possess. 25. ff. de acquir. possess. & Reg. 3. de R. J. in 6. ibi: sine possessione præscriptio non procedit*: Beneficium ecclesiasticum verò sine Canonica institutione nequit possideri; cum sine illa non valeat obtineri, uti habet textus clarus Regulæ nostræ. Accedit, quòd possessioni beneficii sine canonica institutione obtenti resistat jus *arg. hujus Reg. I. §. Non potest*: ubi autem jus resistit juridica possessio non datur. *L. qui universas 30. §. I. §. Namque. ff. de acquir. possess.* Ergo nec præscriptio, unde Gloss. cit. ait: *In beneficiis consideratur canonica institutio, non possessio antiqua: & sic nota casum, in quo non currit præscriptio.*

Probant 2. ex *c. Ex frequentibus. 3. 15. de instit.* ubi pro excommunicatis habentur, qui ex longæva consuetudine (quam Papa *pravam* appellat) beneficia ecclesiastica sine institutione canonica receperunt, vel retinuerunt non obstante antiqua possessione; de quibus sic retinentibus Glossa *§. detinent*, ait:
D quòd

quod nullam possint habere excusationem, quantocunque tempore ea tenuerint; quia diurnitas temporis peccatum non minuit, sed auget. arg. c. Non satis. 8. de Simonia.

- 16 Probat 3. Ex mala sequela: quia si beneficium ecclesiasticum absque canonica institutione vi triennalis possessionis, & inde factæ præscriptionis obtineri & retineri posset, sequeretur, Ordinarium in Canonica Visitatione non posse à triennali possessore exigere, & examinare titulum beneficii, quod est contra torrentem Doctorum, quorum sententiam etiam nos sumus secuti lib. III. Tit. I. de Præbend. n. 349.

- 17 Argumenta contrarium sentientium à n. 12. adducta ita solvunt: Et quidem ad c. Cura de jure Patronat. respondet Glossa hic præ. obtineri. Hic non præscribitur Ecclesia tantquam beneficium, sed ut proprietas. Potest enim Ecclesia jure proprietatis præferri per aliam Ecclesiam, ut sit illi subjecta vel unita. c. 1. de Præscript. pro ut lib. II. Tit. XXVI. n. 34. jam dictum, non autem ut beneficium.

- 18 Ad eam Possessiones. ibid. cit. ajunt: ibi non esse firmam ullam de proprio beneficio, sed de solis nudis fructibus beneficii, quos ex justis causis etiam aliis tribui posse extralibum est per cit. can. & plura alia jura. Nec tamen tales fructus percipiens proprie dicitur beneficiatus, vel canonicus, cum fructus beneficii ex justa causa etiam laicus possit habere, non tamen potest esse canonicus, ut bene notat Glossa in c. Cum M. de constit. v. receperunt.

- 19 Ad Regulam Cancellariæ de Triennali Respondent, eam præcisè ad lites in foro externo vitandas & tollendas esse introductam, huncque solum esse finem illius, ac propterea in tantum duntaxat prodesse habenti possessionem triennalem, quod in foro externo ab alio molestari amplius non valeat; minimè verò juvare ipsum in foro interno, quin in conscientia graviter obligatus maneat, ut beneficium sine institutione canonica ob defectum ex parte conferentis, recipientis, vel formæ intervenientem obtentum iterum dimittat; cum finis & ratio legis sit anima legis. can. Consuetudo. 5. dist. 1. & Certum sit, quod is committat in legem, qui verba legis completens contra legis nititur voluntatem. juxta Reg. 88. 7. in 6. Accedit, quod per hanc responsionem evitetur absurdum supra n. 16. positum, & magis salvetur concordantia juris

communis cum Regula Cancellariæ, eorumque vitetur correctio ac contradictio, quod pro possibili semper fieri oportet. c. cum expediat. 29. de Elect. in 6. ibi: Expediit concordare jura juribus, & eorum correctiones (si sustineri valeant) evitari.

Fatendum sanè, utramque sententiam suis non carere fundamentis: & quoniam circa hanc controversiam in specie nos in Jure Canonico positivè nil adhuc resolvimus, sed lib. II. Tit. XXVI. n. 35. Authores pro & contra sentientes duntaxat adduximus, de eadem utpote multum præctica etiam nostram opinionem infran. 22. aperiemus; ad quam magis firmandam & intelligendam operæ pretium duximus, prius per extensum adducere totam Regulam Cancellariæ de Triennali. Hæc itaque Regula num. 36. olim 33. sic sonat.

De Triennali.

36. Item statuit, & ordinavit idem D. 21. N. quod si quis quacunque beneficia Ecclesiastica qualiacunque sint absque simoniaco ingressu, ex quovis titulo Apostolica vel ordinaria collatione aut electione, & electionis hujusmodi confirmatione, seu presentatione & institutione illorum, ad quos beneficiorum hujusmodi collatio, provisorio, electio & presentatio, seu quævis alia dispositio pertinet, per triennium pacificè possederit (cummodo in beneficio hujusmodi, si dispositioni Apostolica ex reservatione generali in corpore juris clausa reservata fuerint, se non intruserit) super eisdem beneficiis taliter possessis molestari nequeat, nec non impetrationes quaslibet de beneficiis ipsi sic possessis factas, irritas & inanes censerì debere decrevit, antiquas lites super illis motas penitus extinguendo.

Supposito itaque hoc tenore Regulæ, & 22. attenta vi Juris, quam Regulæ Cancellariæ habent, dicimus, Eum, qui etiam absque institutione canonica (sive vium & defectus se teneat ex parte conferentis, sive recipientis, sive formæ) beneficium per triennium pacificè possidet, non in foro externo duntaxat, sed etiam interno validè & licitè illud retinere, eoque frui, & à nemine amplius molestari valet, si quinque sequentes condiciones concurrant, videlicet

Primò. Si illud absque Simonia ob-

Secun-

Secundò. Si illud ex titulo saltem colorato et si aliàs vitium Juris habente; v. g. per electionem formæ Juris minus conformem, vel collationem, vel præsentationem & subsecutam institutionem minus legitimam obtinuit.

Tertiò. Si per integrum triennium nulla super beneficio mota fuerit lis, consequenter omnino pacificè fuerit possessum.

Quartò. Si se non intrusit in casu, quò beneficium Sedi Apostolicæ ex reservatione generali in corpore Juris est reservatum.

Quintò. Si illud non tantum pacificè, sed etiam bona fide possederit.

24 Ratio præcipua Conclusionis est, quod, licet vi Juris communis beneficium Ecclesiasticum sine canonica institutione licitè nec obtineri, nec retineri valeat per hæcenus dicta, tamen Papa sicut in aliis, sic etiam in materia beneficiorum jus commune de plenitudine potestatis immutare, corrigere, vel in eo dispensare valeat, textu claro *l. 2. de Prob. in 6.* cum concord. n. 10. allegatis, idque per citatam Regulam Cancellariæ expressè fecisse, & quemlibet Papam de novo facere posse, quando de novo Regulas Cancellariæ edit, manifestum appareat.

25 Conclusioni nostræ obstare non videtur, quod dicunt contrariæ opinionis auctores, videlicet rationem, finem & intentionem condendi hanc Regulam præcisè fuisse, tollere & vitare lites in foro externo, consequenter in foro interno eam non procedere. Nam contra est: Tum quia si Papa indefinitè aliquid statuit, approbat, retineri posse asserit, ordinariè pro utroque foro intelligendum venit, nisi aliter exprimat; uti ex innumeris Juris exemplis, ipsisque aliis Regulis Cancellariæ Apostolicæ patet; nam ordinariè loquendo *id de Jure possumus, quod licitè possumus*, uti bene observat Glossa in hanc Regulam *v. licitè. arg. l. Nepos Proculò. 125. ff. de Verb. Signif.* & ibi Alciatus Barb. *de Dictionibus, Dist. 268. n. 7.* consequenter quia Papa vi Regulæ Cancellariæ dicit, Beneficium trienniò pacificè possessum, *retineri posse*, de utroque foro, sicque etiam de licita retentione intelligendus est. Tum quia aliàs dicta Regula foret scandalosa, utpote occasionei continui peccati præbens, & periculum interitus animæ inducens, hoc ipso quòd expressè dicat, pacificum possessorem triennalem beneficium retinere posse, aliòque illum

super eo molestare non valere: & tamen retinentem retinendo semper continuo graviter peccare implicite asserat, sicque illum ad jugiter peccandum inducat, eò ferè modò, quò leges civiles præscriptionem longissimi temporis etiam cum mala fide admittentes tanquam peccati occasionem præbentes à SS. Canonibus meritò reprobatae exsunt, conformiter toti *Tit. de Constat. & c. fin. de Prescript.* ibi: *cum sit generaliter omni constitutioni derogandum, quæ absque mortali peccato non potest observari.* Tum quia sæpè dicta Regula in favorem triennialiter possidentium inducta, possidenti plus noceret, quam faveret, ei que non tam utilis, quam perniciosa foret, dum, etsi illum in foro externo à litibus immunem redderet, in conscientia illaqueatum, & continuo peccato mortali gravatum, sicque in summo periculo æterni interitus incomparabiliter majori eum damno quam commodo constitutum relinqueret: *quid enim prodest homini, si mundum universum lucretur, anima verò sue detrimentum patiatur?*

Et per hoc patet etiam responsio ad ju-26-28-29-30-31-32-33-34-35-36-37-38-39-40-41-42-43-44-45-46-47-48-49-50-51-52-53-54-55-56-57-58-59-60-61-62-63-64-65-66-67-68-69-70-71-72-73-74-75-76-77-78-79-80-81-82-83-84-85-86-87-88-89-90-91-92-93-94-95-96-97-98-99-100-101-102-103-104-105-106-107-108-109-110-111-112-113-114-115-116-117-118-119-120-121-122-123-124-125-126-127-128-129-130-131-132-133-134-135-136-137-138-139-140-141-142-143-144-145-146-147-148-149-150-151-152-153-154-155-156-157-158-159-160-161-162-163-164-165-166-167-168-169-170-171-172-173-174-175-176-177-178-179-180-181-182-183-184-185-186-187-188-189-190-191-192-193-194-195-196-197-198-199-200-201-202-203-204-205-206-207-208-209-210-211-212-213-214-215-216-217-218-219-220-221-222-223-224-225-226-227-228-229-230-231-232-233-234-235-236-237-238-239-240-241-242-243-244-245-246-247-248-249-250-251-252-253-254-255-256-257-258-259-260-261-262-263-264-265-266-267-268-269-270-271-272-273-274-275-276-277-278-279-280-281-282-283-284-285-286-287-288-289-290-291-292-293-294-295-296-297-298-299-300-301-302-303-304-305-306-307-308-309-310-311-312-313-314-315-316-317-318-319-320-321-322-323-324-325-326-327-328-329-330-331-332-333-334-335-336-337-338-339-340-341-342-343-344-345-346-347-348-349-350-351-352-353-354-355-356-357-358-359-360-361-362-363-364-365-366-367-368-369-370-371-372-373-374-375-376-377-378-379-380-381-382-383-384-385-386-387-388-389-390-391-392-393-394-395-396-397-398-399-400-401-402-403-404-405-406-407-408-409-410-411-412-413-414-415-416-417-418-419-420-421-422-423-424-425-426-427-428-429-430-431-432-433-434-435-436-437-438-439-440-441-442-443-444-445-446-447-448-449-450-451-452-453-454-455-456-457-458-459-460-461-462-463-464-465-466-467-468-469-470-471-472-473-474-475-476-477-478-479-480-481-482-483-484-485-486-487-488-489-490-491-492-493-494-495-496-497-498-499-500-501-502-503-504-505-506-507-508-509-510-511-512-513-514-515-516-517-518-519-520-521-522-523-524-525-526-527-528-529-530-531-532-533-534-535-536-537-538-539-540-541-542-543-544-545-546-547-548-549-550-551-552-553-554-555-556-557-558-559-560-561-562-563-564-565-566-567-568-569-570-571-572-573-574-575-576-577-578-579-580-581-582-583-584-585-586-587-588-589-590-591-592-593-594-595-596-597-598-599-600-601-602-603-604-605-606-607-608-609-610-611-612-613-614-615-616-617-618-619-620-621-622-623-624-625-626-627-628-629-630-631-632-633-634-635-636-637-638-639-640-641-642-643-644-645-646-647-648-649-650-651-652-653-654-655-656-657-658-659-660-661-662-663-664-665-666-667-668-669-670-671-672-673-674-675-676-677-678-679-680-681-682-683-684-685-686-687-688-689-690-691-692-693-694-695-696-697-698-699-700-701-702-703-704-705-706-707-708-709-710-711-712-713-714-715-716-717-718-719-720-721-722-723-724-725-726-727-728-729-730-731-732-733-734-735-736-737-738-739-740-741-742-743-744-745-746-747-748-749-750-751-752-753-754-755-756-757-758-759-760-761-762-763-764-765-766-767-768-769-770-771-772-773-774-775-776-777-778-779-780-781-782-783-784-785-786-787-788-789-790-791-792-793-794-795-796-797-798-799-800-801-802-803-804-805-806-807-808-809-810-811-812-813-814-815-816-817-818-819-820-821-822-823-824-825-826-827-828-829-830-831-832-833-834-835-836-837-838-839-840-841-842-843-844-845-846-847-848-849-850-851-852-853-854-855-856-857-858-859-860-861-862-863-864-865-866-867-868-869-870-871-872-873-874-875-876-877-878-879-880-881-882-883-884-885-886-887-888-889-890-891-892-893-894-895-896-897-898-899-900-901-902-903-904-905-906-907-908-909-910-911-912-913-914-915-916-917-918-919-920-921-922-923-924-925-926-927-928-929-930-931-932-933-934-935-936-937-938-939-940-941-942-943-944-945-946-947-948-949-950-951-952-953-954-955-956-957-958-959-960-961-962-963-964-965-966-967-968-969-970-971-972-973-974-975-976-977-978-979-980-981-982-983-984-985-986-987-988-989-990-991-992-993-994-995-996-997-998-999-1000

Cæterum quòd necessariæ sint quin-27-28-29-30-31-32-33-34-35-36-37-38-39-40-41-42-43-44-45-46-47-48-49-50-51-52-53-54-55-56-57-58-59-60-61-62-63-64-65-66-67-68-69-70-71-72-73-74-75-76-77-78-79-80-81-82-83-84-85-86-87-88-89-90-91-92-93-94-95-96-97-98-99-100-101-102-103-104-105-106-107-108-109-110-111-112-113-114-115-116-117-118-119-120-121-122-123-124-125-126-127-128-129-130-131-132-133-134-135-136-137-138-139-140-141-142-143-144-145-146-147-148-149-150-151-152-153-154-155-156-157-158-159-160-161-162-163-164-165-166-167-168-169-170-171-172-173-174-175-176-177-178-179-180-181-182-183-184-185-186-187-188-189-190-191-192-193-194-195-196-197-198-199-200-201-202-203-204-205-206-207-208-209-210-211-212-213-214-215-216-217-218-219-220-221-222-223-224-225-226-227-228-229-230-231-232-233-234-235-236-237-238-239-240-241-242-243-244-245-246-247-248-249-250-251-252-253-254-255-256-257-258-259-260-261-262-263-264-265-266-267-268-269-270-271-272-273-274-275-276-277-278-279-280-281-282-283-284-285-286-287-288-289-290-291-292-293-294-295-296-297-298-299-300-301-302-303-304-305-306-307-308-309-310-311-312-313-314-315-316-317-318-319-320-321-322-323-324-325-326-327-328-329-330-331-332-333-334-335-336-337-338-339-340-341-342-343-344-345-346-347-348-349-350-351-352-353-354-355-356-357-358-359-360-361-362-363-364-365-366-367-368-369-370-371-372-373-374-375-376-377-378-379-380-381-382-383-384-385-386-387-388-389-390-391-392-393-394-395-396-397-398-399-400-401-402-403-404-405-406-407-408-409-410-411-412-413-414-415-416-417-418-419-420-421-422-423-424-425-426-427-428-429-430-431-432-433-434-435-436-437-438-439-440-441-442-443-444-445-446-447-448-449-450-451-452-453-454-455-456-457-458-459-460-461-462-463-464-465-466-467-468-469-470-471-472-473-474-475-476-477-478-479-480-481-482-483-484-485-486-487-488-489-490-491-492-493-494-495-496-497-498-499-500-501-502-503-504-505-506-507-508-509-510-511-512-513-514-515-516-517-518-519-520-521-522-523-524-525-526-527-528-529-530-531-532-533-534-535-536-537-538-539-540-541-542-543-544-545-546-547-548-549-550-551-552-553-554-555-556-557-558-559-560-561-562-563-564-565-566-567-568-569-570-571-572-573-574-575-576-577-578-579-580-581-582-583-584-585-586-587-588-589-590-591-592-593-594-595-596-597-598-599-600-601-602-603-604-605-606-607-608-609-610-611-612-613-614-615-616-617-618-619-620-621-622-623-624-625-626-627-628-629-630-631-632-633-634-635-636-637-638-639-640-641-642-643-644-645-646-647-648-649-650-651-652-653-654-655-656-657-658-659-660-661-662-663-664-665-666-667-668-669-670-671-672-673-674-675-676-677-678-679-680-681-682-683-684-685-686-687-688-689-690-691-692-693-694-695-696-697-698-699-700-701-702-703-704-705-706-707-708-709-710-711-712-713-714-715-716-717-718-719-720-721-722-723-724-725-726-727-728-729-730-731-732-733-734-735-736-737-738-739-740-741-742-743-744-745-746-747-748-749-750-751-752-753-754-755-756-757-758-759-760-761-762-763-764-765-766-767-768-769-770-771-772-773-774-775-776-777-778-779-780-781-782-783-784-785-786-787-788-789-790-791-792-793-794-795-796-797-798-799-800-801-802-803-804-805-806-807-808-809-810-811-812-813-814-815-816-817-818-819-820-821-822-823-824-825-826-827-828-829-830-831-832-833-834-835-836-837-838-839-840-841-842-843-844-845-846-847-848-849-850-851-852-853-854-855-856-857-858-859-860-861-862-863-864-865-866-867-868-869-870-871-872-873-874-875-876-877-878-879-880-881-882-883-884-885-886-887-888-889-890-891-892-893-894-895-896-897-898-899-900-901-902-903-904-905-906-907-908-909-910-911-912-913-914-915-916-917-918-919-920-921-922-923-924-925-926-927-928-929-930-931-932-933-934-935-936-937-938-939-940-941-942-943-944-945-946-947-948-949-950-951-952-953-954-955-956-957-958-959-960-961-962-963-964-965-966-967-968-969-970-971-972-973-974-975-976-977-978-979-980-981-982-983-984-985-986-987-988-989-990-991-992-993-994-995-996-997-998-999-1000

28 Porro quandonam in obtinendo beneficio Simonia committatur, plenè declaratum habetur *Lib. V. Tit. III. de Simonia*. Quandonam autem habeatur titulus saltem coloratus, ex *Lib. III. Tit. V. de Prab. & Dignit.* videre est: ex quo *Lib. & Tit. §. 15.* etiam habes, quando dicatur beneficium reservatum Sedi Apostolicæ. Quando verò quis dicatur *intrusus*, fusè explicatum est *cit. lib. III. Tit. V. §. 17.* post Regulas Cancellariæ. Quando autem quis censeatur habere bonam fidem patebit ex Regula statim sequente, dum

interea Controversiam circa Regulam Cancellariæ Apostolicæ de Triennali compendiosè & substantialiter ita concludimus: *Quicumque beneficium Ecclesiasticum cum titulo saltem colorato bona fide per integrum triennium pacificè possidet, validè & licitè in foro utroque illud retinere, & à nemine amplius molestari potest, dummodo simoniacè non obtinuerit, & casu quo beneficium ex reservatione generali in corpore Juris clausa Sedi Apostolicæ reservatum est, in illud intrusus non sit.*

REGULA II.

Possessor malæ fidei ullo tempore non præscribit.

S U M M A R I U M.

1. Quid sit bona fides?
2. Et quid mala?
3. Qui possidet rem, quam scit vel judicat esse alienam, eam nullo tempore præscribere potest:
4. Et si id non ab initio, sed intermedio præscriptionis tempore cognoscat.
5. Post completum præscriptionis tempus resiciens rem esse alienam, non tenetur eam restituere.
6. Quia initio dubitat, an res sit aliena, non potest eam præscribere:
7. Bene verò si dubium intermedio præscriptionis

tempore primùm superveniat.

8. Num requiratur non tantùm theologia, sed etiam juridica fides bona?
9. Verus sensus Regule quis sit?
10. Per illam correctum fuit Jus civile admittens malam fidem in præscriptione.
11. Tempus immemoriale non excusat à mala fide.
12. In foro externo bona fides presumitur, donec probetur mala.
13. Quibus modis mala fides probari possit.
14. Fallentia aliqua circa hanc Regulam.

1 **Q**Uæritur I. Quomodo hæc Regula intelligenda? Et quis proprius illius sensus sit? Supposita ex lib. II. Tit. XXVI. notitiâ præscriptionis ante Responsum Notandum, quòd per bonam fidem pro acquirenda præscriptione requisitam nil aliud intelligatur, quàm proba existimatio sive credulitas, quâ quis prudenter credit vel judicat, rem, quam possidet, & de cujus præscriptione queritur, esse suam. *arg. can. Si virgo 5. cau. 34. q. 1.* Dicitur autem notanter prudenter, seu rationabiliter; nam qui ex crassa vel affectata ignorantia id judicat, bonam fidem habere censendus non est, quia malè, seu iniquè ignorat rem non esse suam, sed alienam, juxta illud *Psal. 68. Noluisti intelligere, ut benè ageret.*

2 Mala fides econtra ad propositum in ordine ad præscriptionem est certa scientia seu cognitio, quâ quis scit, vel prudens existimatio aut credulitas, quâ prudenter seu rationabiliter credit vel judicat, rem, quam possidet, & præscribere vult, non esse suam, sed

alienam. *arg. c. fin. de præscript.* Hòc notatò

Resp. I. Regula II. id dicere vult, quòd possessor malæ fidei, hoc est, ille, qui possidet rem aliquam, quam scit, vel prudenter credit aut existimat, esse alienam, eam nullo, etiam longissimo & immemorali tempore præscribere possit. Ratio datur *cap. fin. de Præscript.* ibi: *quoniam omne, quod non est ex fide, peccatum est, Synodali judicio definimus, ut nulla valeat absque bona fide præscriptio tam canonica quàm civilis.*

Procedit Regula etiam casu, quo quis possessionem bona fide incepit quidem, prudenter credens vel judicans rem esse suam, postea verò tempore intermedio ad præscribendum per Jura requisito rescit, vel prudenter credit aut judicat rem esse alienam: textu claro *cit. c. fin. de Præscript.* ibi: *Oportet, ut, qui præscribit, in nulla temporis parte rei habeat conscientiam alienam.*

Secus foret, si post jam completum bona fide tempus requisitum supervenit notitia, rem

rem fuisse alienam; quia quamvis fuerit aliena, tamen vi præscriptionis legitimæ postea facta est propria possessoris, ita ut eam non sit alienam mala fide, sed sit suam bona fide possideat, consequenter eam restituere non amplius teneatur, sed sit suam in utroque foro validè & licitè retinere queat, prout cum Glossa communiter recepta in *c. fin. de Præscript. & c. Vigilanti. §. eod. §. novèrit.* amplius diximus & probavimus *lib. II. Tit. XXVI. de Præscript. à n. 21.*

6 Pariter procedit Regula in casu, quo quis statim ab initio, dum rem possidere incipit, dubitat, an res sua, vel aliena sit; quia talis bona fide ad præscriptionem semper necessaria caret. *c. fin. de Præscript.*

7 Non tamen procedit in casu, quo post possessionem bona fide jam captam dubium supervenit; quia licet in hoc casu indagare teneatur de veritate, nihilominus donec de ea verisimiliter & prudenter constet, possessionem & præscriptionem continuare potest; quia *In pari delicto vel causa potior est conditio possidentis juxta Reg. 65. de R. J. in 6.* vi cuius Regulæ rem hujusmodi quasi suam, consequenter bona fide possidere potest, donec intra tempus præscriptum appareat aliena, uti amplius declaravimus *lib. II. Tit. XXVI. de Præscript. n. 65.*

8 Num autem ad Præscriptionem non tantum fides bona Theologica, sed etiam Juridica requiratur, sicque non tantum ignorantia facti, sed & Juris excuset à mala fide, sufficienter explanatum habetur *lib. II. Tit. XXVI. à n. 67.* ubi vide, ne superflua fiat repetitio. Cæterum ex hæcenus dictis

9 Resp. II. Verus & genuinus sensus Regulæ secundæ, & quidem in ordine ad malam fidem sequens est: *Possessor malæ fidei, saltem theologica, id est, ille, qui possidet rem aliquam, quam ab initio, vel intermedio tempore ad præscriptionem per Jura requisita scit, vel prudenter credit aut judicat, vel ab initio possessionis dubitat, esse alienam, eam nullo etiam immemoriali tempore præscribere potest.* Vel loquendo de bona fide requisita, sequens: *Nemo rem alienam præscribere potest, nisi toto tempore ad præscriptionem de Jure requisita, prudenter & rationabiliter credat vel existimet, eam esse suam, aut saltem ab initio possessionis non dubitet, eam esse alienam.* per Rationes & Jura supra allegata.

Solum specialiter Notandum, quod propter Regulam nostram, & concordantia Jura allegata, correctæ sint Leges Civiles. *l. un. C. de Usucap. trans. form. & §. diutina. 12. Instit. eod. vi* quarum ad præscriptionem rerum mobilium triennium, & ad immobilitum longum tempus sufficiebat, dummodo ab initio adfuerit bona fides. Et *l. si quis. 8. §. 1. C. de Præscript. 30. & 40. annor.* vicijus ad præscriptionem longissimi temporis bona fides nec quidem ab initio requiritur. Correctæ sunt, inquam, hæc leges civiles, & pro correctis, ac non amplius attendendis tam à Legistis, quam Canonistis habentur. *arg. c. fin. de Præscript. ibi: tam Canonica, quam Civilis.* Et meritò, quia nutriebant peccatum, & alliciebant ad illud, cum homines sub spe vel desiderio acquirendi præscriptionem, rem, quam sciebant alienam, dimittere noluerint, sicque continuò in gravi peccato perrexerunt. Cujusmodi Lex tanquam scandalo, & animabus damno à Jure Canonico corrigi omnino potest & debet textu claro *cit. c. fin. de Præscript. ibi: Cum generaliter omni Constitutioni sit derogandum, quæ absque peccato mortali non potest observari.* præsertim cum in materia concernente salutem animarum Juris Canonici dispositio in utroque, tam Civili videlicet, quam Canonico foro sit observanda juxta ea, quæ dicta sunt in Proæmio *Lib. I. Decret. §. 12. n. 217. & seqq.*

Nec juvat mala fide præscribentem longissimum vel immemorale tempus, quamvis enim hujusmodi tempus ordinariè præbeat præsumptionem Juris, & de Jure de bona fide, uti cum Glossa & aliis benè observat & docet Barbos. ad hanc Regulam n. 6, tamen in casu, quo prudenter constat, malam fidem vel ab initio possessionis adfuisse, vel intermedio ad præscriptionem requisito tempore intervenisse, prorsus nil prodest. *c. Vigilanti. §. de Præscript. ibi: Quoniam nulla antiqua dierum possessio juvat aliquem malæ fidei possessorem.* Et meritò, quia eo gravius peccaminosa, & animabus periculosa est malæ fidei possessio, quò longiori tempore fuerit protracta. *arg. c. fin. de consuet. ut proin.* la fides potius in præscriptione longissimi, quam ordinarii temporis per SS. Canones fuerit removenda, uti benè observat Dynus in hanc Reg. n. 6. & Barb. in *cit. c. fin. n. 6.*

12 Ceterum bene Notandum, quod bona fides possidentis rem alienam, in foro externo semper præsumatur, nisi probetur contrarium, uti bene advertit Glossa communiter recepta in *r. Si diligenti. 17. de Præscript. §. bona Fides. l. Verius. 21. ff. de Probat. junctâ Reg. 47. §. in 6. Præsumitur Ignorantia* (facti scilicet de injusta possessione rei alienæ, non Juris) ubi *scientia non probatur. ac c. fin. de præsumpt. vi* cujus quivis præsumitur bonus, donec probetur malus.

13 Quomodo autem, seu quibus modis & modis probari possit mala fides possidentis rem alienam, ex professo traditum habetur *Lib. II. Tit. XXVII. à n. 84.* Solum notandum, quod cum juxta dicta n. 11. in præscriptione immemoriali, vel longissimi præsumptio Juris & de Jure de bona fide stet pro possidente, mala fides illius non nisi illis modis probari possit, quibus aliquid probatur contra præsumptionem Juris, & de Jure juxta

Gloss. communiter receptam in *r. Is qui fidem. 30. de Sponsal. & bene in hanc Reg. loc. cit. observat Barb.*

Quæritur II. Utrum detur Exceptio¹⁴ seu fallentia circa hanc Regulam? Resp. Juxta aliquos inveniri aliquam *cap. Placuit. I. de Præscript.* ubi Episcopus locum à se ad fidem conversum triennio præscripsit contra alium Episcopum, qui monitus locum convertere neglexit, licet Episcopus præscribens ab initio, & intermedio tempore optimè sciverit, locum non suæ, sed alterius esse Diæcesis, consequenter in mala fide constitutus fuisse videatur, quamvis alii hunc Episcopum à mala fide, etiam ab initio possessionis immunem dicant, & ideo in hoc casu fallentiam esse negent, eo quod specialiter constitutum sit à Jure favore fidei, ut in hujusmodi casibus talis præscriptio fieri queat, indeque etiam ita præscribens autoritate canonis excusetur, uti bene advertit *Gloss. in can. placuit. I. cau. 16. q. 1.*

REGULA III.

Sine possessione præscriptio non procedit.

S U M M A R I U M.

1. Unde hæc Regula?

2. Possessio quid?

3. Alia est naturalis seu corporalis tantum.

4. Alia Civilis, seu Juris tantum.

5. Alia naturalis & civilis simul.

6. Alia civilissima.

7. In rebus incorporalibus non datur verà, sed quasi possessio, quæ idem operatur, ac illa.

8. Ad inchoandam præscriptionem rerum corpo-

ralium requiritur possessio naturalis & civilis simul ad continuandam sufficit sola civilis.

9. Non item naturalis.

10. Ad præscriptionem rerum incorporalium requiritur & sufficit quasi possessio.

11. Verus sensus Regulæ quis sit?

12. Declaratur Juris exemplis. & seqq.

14. Plura de Possessione remissive.

1 Hæc Regula concordat cum *L. sine possessione. 25. ff. de Usurpat. & Usucap. & juxta Barb. hic n. 1.* ex eadem desumpta est, ibi: *Sine possessione usucapio contingere non potest.*

2 Quæritur I. Quomodo hæc Regula intelligenda? Et quis genuinus illius sensus sit? Ante responsionem pro faciliori intelligentia hujus Regulæ breviter recapitulare servit, quæ *lib. II. Tit. XII. de Causa Possess. & Propriet. §. 1.* jam dicta sunt, quid & quotuplex sit possessio. Hæc siquidem juxta ibidem dicta, est rei corporalis detentio concurrente corporis, animi & Juris adminiculo: dum nem-

pe quis rem naturaliter non tantum detinet, sed eam detinendi etiam jus & animum habet. Quæ definitio tamen Possessionis corporali & civili simul sumptæ duntaxat competit.

Sciendum namque, Possessionem aliam esse naturalem seu corporalem tantum (quam alii etiam possessionem facti appellant) aliam civilem, seu Juris tantum: aliam naturalem seu corporalem, & civilem seu Juris simul. Possessio naturalis est ipsemet actus possidendi, seu actualis detentio rei, quæ quis animò simul & corpore rem detinet, atque rei ipsi præsens existit, vel saltem res in ejus conspectu est.

Posses-

4 Possessio Civilis, seu Juris tantum, est, quæ habetur juris adminiculò, & de Jure solo animo continuatur: prout fit, quando possessor nec est in re, nec res in conspectu illius, uti contingit, si possessor à rebus suis sine animo eas deferendi ad tempus corpore discedit; in hujusmodi enim casu, etsi rem suam corporaliter non possideat, eam tamen civiliter, ac de jure possidet, cum animum & jus possessionem continuandi habeat. *l. licet. 4. C. de acquir. Possess.*

5 Possessio naturalis seu corporalis, & Civilis seu Juris simul, est, quando utraque simul concurrit, ita ut quis rem aliquam non tantum corporaliter actu possideat, sed eam possidendi etiam jus & animum habeat: quæ possessio semper iusta est; cum e contra possessio naturalis tantum etiam injusto invasori competere possit. Hinc juxta gloss. hic: *Possessio naturalis tantum, plurimum facti, & parum vel nil juris dicitur habere: Possessio civilis tantum plurimum juris, & parum facti habet. Possessio verò naturalis & Juris simul plurimum facti & Juris habet.*

6 Præter præfatas affertur à Doctoribus adhuc alia Possessio, quam *Civilissimam* dicunt, estque illa, quæ acquiritur ex mera dispositione Legis, consuetudinis aut statuti absque alio actu corporis nostri. *Arg. l. Raptor. 54. C. de Episcop. & Cleric.*

7 Porro quamvis definitio possessionis, & dicta hætenus de ea potissimum intelligenda sint de possessione rerum corporali, cum incorporalia propriè non possideantur. *c. Cum Ecclesia. 3. de caus. possess.* tamen incorporali & spirituali datur *quasi possessio*. *L. ait Prætor. 23. ff. Ex quibus causis major. & L. si quis. 10. pr. ff. Si servit. vind.* quæ *quasi possessio* idem in rebus incorporalibus & spiritualibus operatur, quod possessio vera in rebus corporalibus; cum etiam pro tuenda incorporali possessione extent interdicta. *L. 1. §. 5. ff. uti possidetis.* ut proin sicut in corporalibus sine vera, sic in incorporalibus sine *quasi possessione* præscriptio non procedat. Quibus prænotatis

8 Resp. I. Ad quæst. n. 2. positam: Regula III. intelligenda est de possessione tam naturali quam civili, ac etiam quasi possessione taliter, quòd ad inchoandam præscriptionem rerum corporali requiratur possessio naturalis & civilis simul: ad continuandam verò eandem jústè captam sufficiat sola Ci-

vilis, non item sola naturalis: ad præscribendam verò incorporalia sufficiat & requiratur *quasi possessio*. Ita Glossa communiter recepta in hanc Regulam *ff. Sine. arg. l. Licet. 4. C. de acquir. Poss.* ff. ubi dicitur: *licet possessio (& consequenter præscriptio) nudo animò acquiri non possit, tamen solò animò retineri valet.* uti de secundo hujus conclusionis membro exemplum supra n. 4. adduximus in discedente à bonis suis ad tempus cum animo illa retinendi.

Quòd verò sola naturalis seu corporalis possessio nec ad continuandam præscriptionem sufficiat, patet ex dictis de præcedenti Regula II. ubi clare probatum est, quòd si intermedio ad præscriptionem requisito tempore notitia rei alienæ interveniat, consequenter bona fides desinat, & possessio civilis esse cesset, præscriptio non amplius currat.

Ad præscriptionem autem rerum incorporali sufficere & requiri possessionem quasi talem patet ex Juribus n. 6. allegatis. Quæ responsione præmissa

Resp. II. Genuinus sensus Regulæ est: *Sine possessione naturali & civili simul sumpta præscriptio rerum corporali inchoari non potest: per eam tamen ritè inchoata, sola civilis possessione continuari & perfici potest tempore per jura præscripto.* Ad præscriptionem verò rerum incorporali requiritur & sufficit quasi possessio debito tempore continuata. Patet responsio per Jura hætenus allegata; cujus ratio universalis & principalis est; quia præscriptio principaliter fundatur & ædificatur super possessione. *arg. l. Usucapio. 3. ff. de Usucap.* ergo sicut non datur ædificium sine fundamento *arg. c. veniens. 19. de Præscript.* junctà *l. Egi 26. pr. ff. de Except. rei judicate.* ita, si ab initio non ponitur, vel intempestivè aufertur, aut amittitur possessio, præscriptionem corruiere necesse est. Hinc universaliter infertur, quòd qui rem aliquam possidere non valet, præscribere nequeat, quia deest Præscriptionis fundamentum, Possessio nempe.

Declaratur Juris Exemplis: Sic enim quia Laici non possunt possidere loca Religiosa & Sacra, *l. qui universas. 30. ff. de Acquir. Possess.* ibi: *nam locum Religiosum, aut sacrum non possumus possidere:* neque jus eligendi in Ecclesia, *arg. c. Sacrosancta 51. & c. Massana. 56. de Elect.* junctà Gloss. *ibid.* Nec

Nec Decimas. *can. 1. cau. 16. q. 7. & c. Causam. 7 de Prescript.* præfata jura & loca sacra præscribere non possunt; cum juxta Regulam 3. *sine possessione prescriptio non procedat.*

- 13 Sic pariter quia jus resistit & impedit, ne quis acquirat possessionem rei ad usum publicum deputatæ, puta, fluminum, pontium, viarum &c. præscribi non possunt, etsi populus eis uti desierit, *arg. l. viam. ff. de via publ.* Similiter, quia liber homo possideri nequit, *arg. l. qui universas. 30. ff. de acquir. possess.* & *l. cum hæredes. 23. eod.* etiam præscribi non valet. Hinc *l. Usucapionem. 9. ff. de*

usucap. dicitur: *Usucapionem recipiunt res corporales exceptis rebus sacris, Sanctis, publicis populi Romani, & Civitatum, item liberis hominibus.* Plura Juris exempla adducit Barbosa in hanc Reg. ex quibus clarè patet, quòd, ubi possessio deficit, præscriptio fieri non possit.

Cæterum quomodo probari possit possessio rerum: item quomodo acquiratur, & iterum amittatur, plenè declaratum habetur lib. II. Tit. XII. *de causa possess. & propriet.* §. 4. 5. 6. & 7.

REGULA IV.

Peccatum non dimittitur, nisi restituatur ablatum.

S U M M A R I U M.

1. Hæc Regula desumitur ex S. Augustino.
2. Intelligitur de solo peccato contra justitiam commissio.
3. Per verba: non dimittitur, intelligitur dimissio quoad culpam & penam æternam coram Deo.
4. Penas civiles remittere possunt Principes.
5. Verus sensus Regule quis?
6. Restitutio ab hæredibus facta non juvat defun-

ctum, nisi eam mandaverit: nec omisso illius nocet eadem.

7. Vulgare dictum: restituam, ne anima in purgatorio pati debeat, videndum.
8. Solvitur obiectio contra hoc.
9. Tot sunt fallentiæ contra Regulam, quot sunt causæ à Restitutione excusantes.
10. Enumerantur præfate causæ.

Hæc Regula desumitur ex Epist. 54. S. Augustini ad Macedonium, & refertur *can. 1. cau. 14. q. 6. ibi: Si res aliena, propter quam peccatum est, cum reddi possit, non redditur, non agitur penitentia, sed fingitur: si autem veraciter agitur, non remittitur peccatum, nisi restituatur ablatum: sed, ut dixi, si restitui potest. Plerumque enim qui aufert, amittit, sive alios patiendos malos, sive ipse male vivendo: nec aliud habet unde restituat.*

- 2 Queritur itaque I. Quomodo hæc Regula intelligenda? & quis verus illius sensus sit? Resp. I. Eam non de quovis, sed de solis peccatis contra justitiam, injustè auferendo, retinendo, vel injustè damnificando commissis intelligi, quæ non dimittuntur, nisi injustè ablatum vel retentum restituatur, vel damnum injustè causatum resarciatur, vel si physica aut moralis impossibilitas intervenit, id, quamprimum fuerit possibile, præstandi seriatim beatur voluntas. Ratio in textu citato allegatur; quia, *si reddi potest, & non redditur, non agitur penitentia, sed fingitur.* Quod

item intellige de eo, cui quidem hic & nunc moraliter vel physice impossibile est restituere, vel damnum resarcire, voluntas tamen id faciendi deest, quando potuerit; quia præsens physica vel moralis impossibilitas juxta communem tam Juristarum, quàm Theologorum sententiam non extinguit, sed tantum suspendit obligationem restituendi, quamdiu impossibilitas durat. Cum res semper clamet ad Dominum suum.

Per verbum autem, *non dimittitur*, intelligitur dimissio tam quoad culpam, quam ei annexam penam æternam (in materia gravi) coram Tribunali Divino, ita, ut etsi quis de peccato injustitiæ peniteat, illudque confiteatur, & firmum propositum id non amplius perpetrandi habeat, tamen nec culpa, nec pena eidem annexa remittatur, nisi restituat, vel ubi defecto non potest, sinceram voluntatem restituendi habeat. Quod idem de injustè damnificante intelligendum; quia verbò restitutionis venit omnis utilitas actoris. *l. cum Prætor. 81. ff. de V. S. & amplius patet*

pater ex lib. V. Tit. XXXII. de Injuriis & damno dato.

4 Dicitur tamen notanter: coram Tribunali Divino; quia pœnam pro peccato injunctam in foro debitam à supremo Principe, vel legitimo Magistratu pro iusto arbitrio penitus remitti, vel moderari posse, indubitati juris est, arg. l. Princeps. 31. ff. de legibus. praxi & consuetudine, quæ optima legum interpret est, ubique confirmatum.

5 Resp. II. Proprius sensus Regulæ IV. sequens est: *Peccatum injustè auferendo; detinendo vel damnificando contra justitiam commissum coram Tribunali Divino nec quoad culpam, nec quoad eidem etiam annexam pœnam æternam dimittitur, nisi, ubi possibile est, restituatur ablatum, vel resarciatur damnum injustè illatum; aut ubi impossibilitas physica vel moralis adest, sincera id præstandi voluntas adsit, vel alia iusta causa excuset.* Sensus hic ex se perspicuus est, & ex jam dictis patet.

6 Solum addendum, quod reatus culpæ & pœnæ non dimittitur, nisi ipsemet injustè auferens, vel damnificans, dum adhuc in vivis est, restitutionem, si potest, per se, vel alios faciat; aut ut de suis fiat, demandet; consequenter non sufficiat, nec illum à reatu culpæ vel pœnæ liberet, etiam si hæredes illius, ipso prius non mandante vel decernente, aut committente eam præstent. Quamvis enim hi cognita injustè ablata in natura vel æquivalente, absque ulla testatoris commissione restituere, & damna injustè illata resarcire ipsimet teneantur; tamen si id absque mandato vel commissione testatoris ex se ipsis, uti tenentur, faciunt, per hoc defuncto nullatenus profunt, nec pœnas purgatorii (ubi materia levis est) tollunt vel minuunt, multò minus à pœnis æternis, ad quas in materia gravi statim damnatus est; amplius liberant. Sicut e contra eidem nec in minimo nocent, nec liberationem è purgatorio retardant, si defunctus in vivis adhuc existens restitutionem debitam ritè demandavit, hæredes verò eam facere culpabiliter omittunt, uti post D. Thomam quodlib. 6. art. 13. cum aliis benè docet Navar. in Mann. cap. 27. n. 68. §. quæsum.

7 Ex quo benè infert Strein ad hanc Regulam n. 5. ridendum esse vulgare illud dictum hæredum: Debeo, vel volo istud aut illud à patre, matre, vel fratre &c. injustè ablatum restituere, vel damnum injustè illatum resarcire, ne alias pati debeant in altera vita.

Regula Juris.

Vel enim defunctus in vivis existens demandavit debitam restitutionem, vel non: si posterius, pœnas illius nec minuent nec tollent, etiam si restituunt: si prius, non nocebunt ei, sed sibi solis, si restitutionem facere ex parte, vel ex toto culpabiliter negligunt.

Nec obstat huic doctrinæ c. In literis. 5. 8 de Raptoribus. ubi Papa vult compelli hæredes ad compensationem damni à defuncto illati, ut sic à peccato valeat liberari; quia verba hæc mendosa sunt, cum loco verbi valeat in singulari, legendum sit, valeant in plurali, quatenus non defunctum, sed hæredes afficiat, qui damna per defunctum injustè illata resarcire ita tenentur, ut, quamdiu id non præstant, à peccato liberari non valeant, uti benè advertit Barbof. ad hanc Reg. n. 8. huncque sensum juxta originale, & antiquiores codices veriore judicat Abbas in cit. c. In literis. n. 4. Vel, si verbum valeat in singulari defunctum afficiens accipiendum contendatur, non directè, sed indirectè intelligendum sit, id est, non quod restitutio hæredum directè juvet defunctum, & à peccati pœnis liberet, sed quia indirectè ei prodest, dum per suffragia, preces & oblationes, quæ in sepultura Ecclesiastica (quæ defunctus interim privatus erat) pro eo fieri solent, eidem succurritur, ut citius à pœna peccati in purgatorio sustinenda liberetur. Barb. Navar. Strein loc. cit. & alii.

Quæritur II. An etiam? & quæ sint Exceptiones aut fallentia contra hanc Regulam quartam? Resp. Eas contra verba Regulæ nudè sumpta esse tot, quot sunt causæ excusantes à restitutione. De quibus etsi ex professo tractent Theologi, nósque de illis etiam in Theologia morali satis egerimus Tr. 9. dist. 5. q. 6. tamen pro majore dilucidatione Regulæ eas etiam hic saltem breviter apponere bonum visum fuit.

Prima causa à restitutione excusans est impossibilitas physica; ratio est, quia nemo potest ad impossibile obligari Reg. 6. de R. 7. in 6.

Secunda: Si restitutio sine damno multò graviori, quàm læsus sustinuit, v.g. in fama, vita, membris, bonis, &c. fortuna sibi, suisve inferendo fieri non potest. can. f. Res. 1. cau. 14. q. 6.

Tertia: Si is, cui restitutio facienda, debitum voluntariè & ultrà remittat arg. l. In remandata 21. C. Mandati.

Quarta: si dilatio restitutionis in magnum bonum creditoris cedit, uti & in casu quò ipse pecuniâ, vel alia restituenda in suam perniciem, vel gravius damnum esset abusus.

E

Quinta:

Quinta: si quis cedat bonis suis, donec ad pinguiorem fortunam venerit. *l. Cum & filii familiar. 7. C. qui bonis ced. poss.*

Sexta: si in damno dato nulla intercessit culpa theologica, in foro interno nulla restituenti obligatio est: *arg. can. Erit autem. dist. 4. & amplius diximus lib. II. Tit.*

XXXVII. §. 2. ubi etiam, an & quando in foro externo restituitio obligatoria sit ob datum datum ex culpa levi vel levissima.

Septimò: ponunt aliqui casum præscriptionis, ut patet ex *Tit. de Prescript.* Quibus similes causas alias plures reperire est apud Theologos.

REGULA V.

Peccati venia non datur nisi correcto.

S U M M A R I U M.

1. Per verbum, Venia, intelligitur hic venia culpa, & annexa pena eterna: verba, nisi correcto, idem sonant, ac nisi penitenti.

2. Aliqui etiam de peccato veniali Regulam intelligunt.

3. Majoris mali vitandi gratia in foro externo peccata impunita relinquuntur.

4. Verus sensus Regulae quis?

5. Solvuntur objectiones. & seq.

QUæritur, quomodo hæc Regula intelligenda? & quis verus illius sensus sit? Resp. Per *Veniam* in hac Regula, intelligi veniam culpæ præsertim mortalis, & pænæ æternæ à Deo infligendæ: non verò veniam pænæ temporalis per Judicem in foro externo infligendæ. Per verba, *nisi correcto*, autem non intelligi idem, ac pænis in foro externo sufficienter, & juxta exigentiam delicti jam castigato & punito, sed prout idem sonat ac *nisi penitenti*, & peccatum derelinquenti, indeque se corrigenti & correcto existenti. Glossa in hanc Reg. §. *Peccati venia*. Barbo. in eandem n. 2. & seqq. Strein. num. 1. Dynus *ibidem*, qui cum aliis benè advertit, hanc Regulam multum concordare cum præcedenti, ita ut, sicut juxta illam peccatum contra justitiam commissum non dimittitur, nisi restituatur ablatum, ita universaliter prorsus nullum dimittatur peccatum, seu venia illius quoad culpam & pænam æternam annexam tribuatur, nisi verè penitenti, & emendandi propositum serium explicitè vel implicitè habenti, sicque correcto; ut proin per nulla quantumvis multa & magna opera bona obtineri valeat venia culpæ mortalis, & pænæ æternæ annexæ, nisi etiam accedat penitentia, id est, perfecta contritio, vel saltem imperfecta seu attritio cum absolutione sacramentali: prout certum est apud Theologos quoque, inter alias rationes etiam illam cum S. Thoma p. 3. q. 86. art. 2. afferentes, quòd cum homo, committendo peccatum, propria voluntate à Deo summo

& infinito bono sit averfus, sine omni propriæ voluntatis motione, & mediante penitentia ad Eum conversione gratiam & veniam ab Eodem non recuperet.

Extendunt aliqui Regulam etiam ad peccatum veniale: licet enim istius venia sine contritione, & sacramentali absolutione obtineri valeat aliis mediis, tamen quia & ipsum aliqua saltem aversio à Lege Dei, & inordinata conversio ad creaturam est, sine penitentia saltem virtuali in hac vita non dimittitur, ut cum D. Thom. *loc. cit. q. 87. art. 1.* benè docent Laym. *lib. 5. Tom. 6. c. 4. n. 12.* & alii.

Cæterum quòd verba, *nisi correcto*, intelligenda sint, ac *nisi penitenti*, & non, ut aliqui volunt, nisi pænis Juris in foro externo sufficienter jam castigato, ac propterea correcto, etiam inde patet; quia in foro externo ad vitandum scandalum etiam disponente Jure ab Ecclesia sæpè relinquuntur peccata impunita, datùrque eorum venialiter non correctis. *can. Denique. dist. 4. can. ut confiteretur. 25. dist. 50. can. quidam. can. 18. q. 4. can. Schisma. 34. can. 24. q. 1. cum Concord.*

Resp. II. Proprius sensus Regulae est sequens: Nullius peccati saltem mortalis, & pena aeterna annexa venia seu remissio datur, nisi verè penitenti, id est, perfectam contritionem, vel saltem imperfectam seu attritionem una cum Sacramento penitentia habenti, indeque correcto. Patet sensus ex dictis.

5. Huic sensui Regulæ non adversatur, quod contra necessitatem pænitentiae obijci-
tur ex *can. fin. dist. 4.* ubi Papa rescribit, eos,
qui in Quadragesima diebus Dominicis car-
nes comedunt, & usque ad mediam noctem
commessationes protrahunt, *si ab hac consue-*
tudine averti non possunt, cum venia suo ge-
nio esse relinquendos, ne fortè peiores existant:
ergo, infertur, etiam sine pænitentia obtine-
tur venia; Respondetur enim, textum hunc
non esse intelligendum de venia culpæ, &
annexæ pænæ Divinæ, sed de venia pænæ
humanis legibus constitutæ in foro externo
infigendæ, quæ majoris mali vitandæ causâ
quandoque remittitur, & peccatum illam in-
ducens permittitur. *cit. can. Schisma. cau.*
24. q. 1. Gloss. in cit. can. fin. Strein. in hanc
Reg. n. 5.

6. Pariter non obstat communiter obijci

solitum *c. quod quidam. §. de Pœnit. & Remiss.*
ubi Papa dicit, eos, qui fatentur, se à crimini-
bus abstinere non posse, tamen admittendos
esse ad confessionem, addita ratione, *quia,*
ait, licet non sit vera hujusmodi pænitentia, ad-
mittenda tamen est eorum confessio; ergo, in-
fertur, etiam sine vera pænitentia datur venia
& remissio: Nam contra est, quòd licet Papa
hic etiam impænitentes & indispositos ad
confessionem admitti mandet, minimè tamen
velit, ut ad confessionem admissi sine vera
pænitentia, & emendationis proposito absol-
vantur, sed ut occasione confessionis charita-
tibus & fervidis adhortationibus ad veram
pænitentiam inducantur: uti cum communi
aliorum benè advertit Barb. in *cit. c. quod qui-*
dam. patétque ex ultimis verbis hujus capi-
tuli, ibi: *crebris & salutaribus monitis pæni-*
tentia indicenda.

REGULA VI.

Nemo potest ad impossibile obligari.

SUMMARIUM.

1. Regula hæc unde desumpta.
2. Impossibile quid dicatur?
3. Impossibile aliud est de factò: aliud de jure.
4. Quid sit impossibilitas Facti:
5. Et quid Juris?
6. Ambe equiparantur.
7. Quod pendet à voluntate Principis, & concedi
non consuevit, impossibile censetur.
8. Sicut & quod sine dispensatione Papæ fieri nequit.

HÆC Regula desumpta est ex *l. Impossibi-*
lia. 185. ff. de R. J. ibi: *Impossibilium*
nulla est obligatio: cui etiam plures aliæ Juris
Civiles leges correspondent, quas citat Barb.
hic n. 1. unde antiqui versus:

Ultra posse meum non me lex justa coëgit,
Nec putat esse reum, qui totum posse peregit.

2. Quæritur, quomodo hæc Regula intel-
ligenda? & quis verus illius sensus sit? Ante
responsionem sciendum, quid & quotuplex
sit, ac dicatur *impossibile.* Impossibile ut sic
dicitur omne illud, quod inspectâ humanâ po-
tentia à nullo fieri potest, sive quia naturæ vi-
res transcendit. *l. Continuus 137. §. Illud. 4.*
de Verb. oblig. sive quia à Jure naturali, divino
aut humano prohibetur, sicque moraliter fieri
nequit. *l. Filius. 15. in fine. ff. de Condition.*
Institut. Barb. hic n. 2.

9. Nemo ad aliquid impossibile sive de factò, sive
Jure ullò modò obligari potest.
10. Difficilia hic non reputantur inter impossibilia.
11. Verus sensus Regula quis?
12. Conditio impossibilis contractui adjecta illum in-
validat: in Testamento tamen & Matrimonio
habetur pro non adjecta.
13. Solvitur objectio contra Regulam, & seq.

Huic definitioni conformiter, licet va-
riæ species impossibilium referantur à Glossa
& DD. in hanc Regulam, tamen ut benè ob-
servat Barbosa *loc. cit.* omnes communiter
& principaliter reducuntur ad duas species,
videlicet ad impossibile de Factò, seu naturæ:
& ad impossibile de jure: seu ad impossibili-
tatem facti & juris *arg. c. fin. de Pactis.* ibi:
Nam etiam juxta legitimas sanctiones pa-
ctum turpe, vel rei turpis aut impossibilis de
Jure vel de factò nullam obligationem indu-
cit. Concordat. *c. Sciscitatus. 13. de Re-*
script. ibi: *Sentimus, quòd tam de Jure, quàm*
de Factò illa impotentia censeatur; ubi etiam
utriusque impotentia seu impossibilitas ex-
plicatur. Uti enim Philosophi & Theologi
dividunt impotentiam in physicam & mora-
lem: sic Legistæ statuunt impossibilitatem
Juris & facti.

4. Impossibile, seu impossibilitas facti (quæ etiam impossibilitas naturalis seu naturalis dicitur) est, & dicitur, quando consideratis circumstantiis loci, temporis, viribus, facultatibus personæ, naturaliter loquendo, absolute fieri nequit; uti respectu cujusvis hominis est digitò tangere cælum, solem aut lunam detrahare, mortuum resuscitare: respectu infantis gravissimum pondus portare: respectu cæcileras legere. §. *Si impossibilis. II. Instit. de inutil. stipulat.*

§ Impossibile de Jure dicitur, quod à Jure, seu lege naturali, divina aut humana prohibitum, honestè, & secundum bonos mores fieri nequit; hinc l. *Filius, qui ff. de condition. Instit.* dicitur: *quæ facta ledunt pietatem, existimationem, verecundiam nostram, & ut generaliter dixerim, quæ contra bonos mores fiunt, nec facere nos posse, credendum est.* Concordant l. *Si stipulor. 35. ff. de Verb. oblig. c. fin. de Pactis. cap. faciat. 15. cau. 22. q. 2. junctâ Gloss. ibidem & non potest.*

6. Advertendum autem cum Fagn. in c. *Nos quidem. de Testam. n. 56.* quod Impossibilitas Juris & facti æquivalentur. Bartol. in l. *continuus. §. Inspiciendum. ff. de Verb. oblig. n. 2.*

7. Porro juxta eundem Fagn. in c. *Cum sit ars. de arate & qualit. n. 31.* etiam ea, quæ pendent à voluntate Principis, & concedi non consueverunt, reputantur inter impossibilia, arg. l. *apud Julianum*, aliàs incipit: *Africanus. 39. §. fin. ff. de Legatis. 1. & ibi Bart. n. 2.*

8. Item illud impossibile cenferi, quod fieri non potest de Jure communi, sed tantum ex Dispensatione Papæ. Fag. in c. *de illis. de despons. impub. n. 42.* quod etiam notat Gloss. in l. *Continuus. & Relicta. ff. de Verb. oblig. Innocent. in c. Pastoralis. 5. de caus. Possess. & propriet.* His præmissis

9. Resp. I. Ad quæstionem n. 2. positam: Regula intelligenda est de utroque impossibili, ita ut vi illius ad id, quod de facto, vel de jure impossibile est, nemo obligari possit neque per legem aut constitutionem: *can. Erit autem 2. dist. 4. ibi: Erit autem lex honesta, justa, possibilis.* nec per præceptum, nec per sententiam, nec per contractum *c. fin. de Pactis. nec per Testamentum. l. 3. ff. de Cond. & Demonstr. §. Impossibilis. junctâ l. si quis inquilinos. 112. §. fin. ff. de legat.* Immo nec sui ipsius obligatio ad impossibile nec de facto valet, uti montes alpium

ultro in aerem deferre. arg. *cum bares. 4. §. 1. ff. de statulib. nec ad impossibile de jure. l. Inter stipulantem. 83. §. Sacram. & l. si stipulor. 35. §. Item. ff. de Verb. oblig.*

Reducunt aliqui, ut Laym. in c. *Scisciat. 10. tatus. de Rescriptis. n. 1.* ad impossibile, de facto etiam illud, quod quidem absolute fieri potest, sed non nisi summa cum difficultate. Verum, licet hæc ordinariè excuset à lege humana communiter lata, per dicta in Regula IV. tamen, quia absolute impossibile non est, & ad id quis seipsum obligare, atque obgraves, præsertim publicas causas per legem & præceptum à legitima potestate obligari potest, hæc impossibilitas ad hanc Regulam spectare non videtur. Hinc

Resp. II. Verus & proprius sensus Regule hic est: *Ad impossibile de facto vel de jure nemo obligari potest neque per legem, vel præceptum, neque per sententiam Judicis, neque per Testamentum, neque per pactum vel contractum, neque propria voluntate.* Per Jura citata: & Ratio est; Tum quia omnis obligatio tendit ad aliquid dandum, præstandum. §. 1. *Instit. de action.* quæ autem impossibilia sunt, dari & præstari nequeunt; ergo. Tum quia, uti benè discurrit Strein ad hanc Reg. n. 5. omni legi peculiare est, ne primæ Regulæ, Divinæ videlicet, sit difformis, consequenter ut sit possibilis, & honesta existat. *cit. can. Erit autem. 2. dist. 4.* ac ne hominibus præsertim impiis occasionem præbeat turbandi & querulandi, si lex vel præceptum ex aliqua ratione impossibile existat.

Notanda tamen differentia in prædictis, videlicet, quod si conditio impossibilis adjiciatur contractui, is totaliter vicietur, & irritus evadat. §. *si impossibilis. II. Instit. de inutili stipulat. ibi: si impossibilis conditio obligationibus adjiciatur, nil valet stipulatio. cum concord. à Gloss. ibidem citatis.* Si verò in Testamento vel Matrimonio apponitur, utrumque propter specialem Juris favorem valeat, & conditio pro non adjecta habeatur. l. *Reprehendenda. 5. C. de Instit. & c. fin. de condit. apposit.* nisi (loquendo de Matrimonio) apposita esset conditio contra substantiam matrimonii; tunc enim etiam ipsum matrimonium invalidum & irritum foret textu claro *cit. c. fin. de condit. apposit. quem per extensum retulimus lib. IV. Tit. V. de condit. apposit. §. 2. v. 40.*

Contra

13 Contra Regulam & sensum ipsius communiter obijci, & per modum Exceptionis poni solet Primò casus, quò quis se obligat ad damna & pericula ex casibus fortuitis evenitura, quæ obligatio tenet *l. quæ fortuitis. 6. C. de Pignorat. Act.* cum tamen impossibile sit evitare casus fortuitos. Sed respondetur, intentionem contrahentium non esse evitare casus fortuitos, sed solummodo se obligare ad sustinenda damna & pericula inde provenientia, quod est possibile. Strein *hic n. 6. Pech. ibid. n. 12.* qui ambo benè addunt, in conventionem de hujusmodi casibus fortuitis tantum comprehendere casus evenire solitos,

non verò insolitos ac infueros. *l. Fissulas. 78. §. fin. ff. de contrab. Empt.*

Secundò Hæres tenetur solvere legatum pro Republica factum ad opus lege prohibitum: *l. si servum. 91. ff. de Verb. obligat.* ergo datur obligatio ad impossibile. Sed Respondetur, in tali casu legantem non censeri voluisse legare, quod lege prohibitum, sed permissum est, non recordando, vel ignorando, quod lege statutum habetur; nec mirum, si in miseræ hujus vitæ statu mentis imbecillitas subinde aberret, *arg. l. Hac consultiissima. 8. C. qui Testamentum facer. poss.* Strein *hic n. 6.* vel dic, Regulam in hoc Exceptionem pati.

REGULA VII.

Privilegium personale personam sequitur & extinguitur cum persona.

S U M M A R I U M.

1. Regula unde desumpta.
2. Privilegium aliud est Reale:
3. Aliud Personale.
4. Regula habet duas partes.
5. Verus sensus Regulæ quoad primam partem, quòd personam sequatur.

6. Sensus ejusdem quoad alteram partem, quòd extinguitur cum persona.
7. Solvuntur objectiones contra Regulam quoad primam partem: & duobus seqq.
10. Et quoad secundam partem.
11. De Privilegiis remissivè.

HÆc Regula desumpta habetur ex *l. In omnibus 68. ff. de R. J.* ibi: *In omnibus causis id observatur, ut ubi persona conditio locum facit beneficio, ibi deficiente ea beneficium quoque deficiat.* cui concordat *l. Lex Privilegia. 196. ff. de Reg. Jur.* ibi: *Privilegia quædam cause sunt, quedam persone: & ideo quedam ad heredes transmittuntur, quæ cause sunt, quæ persone sunt, ad heredem non transeunt.*

2 Quæritur I. Quomodo hæc Regula intelligenda? Et quis proprius illius sensus sit? Ante responsum notandum, juxta jam dicta *lib. V. Tit. XXXIII. de Privilegiis. §. 1. n. 12.* Privilegium aliud esse Reale, aliud Personale. Illud est, quod directè & immediatè ipsi rei, alicui loco, dignitati, officio, causæ &c. vel ratione ipsius conceditur, ac propterea tempore, quò durat, eidem adstringitur. *l. Imperatores. 7. ff. de Publican.*

3 Personale est, quod immediatè ac directè soli alicui personæ, & ratione illius, v. g. propter singularem ipsius experientiam, do-

ctrinam, virtutem, fidelitatem vel merita confertur. Quò nomine non veniunt privilegia, quæ toti alicui communitati, vel certo generi hominum dantur; quia etsi omnes personæ in tali communitate existentes, vel sub tali genere constitutæ tali privilegiò gaudeant, indèque communiter *Privilegium Personale* vocetur: tamen quia non intuitu unius personæ, sed intuitu totius communitatis est concessum, & omnes tam præsentis quàm futuros sub tali communitate viventes, vel sub genere existentes afficit, ad easque transit, privilegium merè personale, vel propriè tale esse non censetur, sed reale: cujusmodi est Privilegium Restitutionis in integrum minoribus concessum, quò non unus solus, sed omnes minores in perpetuum gaudent. *l. Non solum. 6. ff. de In integr. Restit.* Tale etiam privilegium est S. C. Vellejani concessum mulieribus: item privilegia concessa corpori mystico, veluti civitati, Collegio, Academiæ, Religioni &c. His prænotatis

4 Resp. I. Regula solummodo intelligenda est de privilegio merè personali, seu propriè tali. Habet autem hæc Regula duas partes: una est, quòd Privilegium personale semper & ubique sequatur personam, in quocunque tandem loco existat, ita ut quovis tempore & loco privilegiatus illò gaudere valeat, nisi ad certum locum vel tempus, aut certam, ob quam concessum est, causam ab ipso concedente sit restrictum. Altera pars est, quòd cum persona extinguatur, seu pereat, si talis persona moritur, nec ad ullos transeat hæredes.

5 Resp. II. Verus sensus Regulæ sequens est: & quidem quoad primam partem. *Privilegium merè personale semper & ubique sequitur personam, cui est concessum, eique adheret, ita ut illo semper frui queat, in quocunque tandem loco existat, nisi ab ipso concedente sit restrictum.* Quoad alteram verò partem: *Privilegium merè personale extincta per mortem personæ, cui est concessum, pariter extinguatur, ita ut prorsus ad nullum heredem, vel quemquam alium transeat.* Exempla prioris partis obvia sunt; sic v. g. Scholaris etiam si locò migret, & extra Academiam existat, privilegiò gaudet, quòd à Judice laico capi & teneri non valeat. *Auth. Habita. C. Ne filius pro patre.* Strein. *hic n. 2.* sic qui habet privilegium legendi libros prohibitos, comedendi carnes diebus jejunalibus, Breviarium aut Horas mentaliter persolvendi, aut locò earum Rosarium recitandi, illò, ubicunque est, frui potest; quamvis ob scandalum vitandum subinde hic & nunc abstinendum sit, quod prorsus per accidens est.

6 Quoad secundam partem, quòd cum persona privilegium merè personale extinguatur, & ad nullum heredem transeat, exemplis plena sunt Jura, aded ut in *l. penult. §. si puella. 5. ff. de ritu nupt.* & *l. Privilegio. 27. pr. C. de Decurionibus.* & *l. In Filiis. 35. eod.* sancitum habeatur, quòd privilegium parentibus concessum nec ad filios transferatur. Et quamvis Regula, & sensus illius satis sint clari, tamen

7 Quæritur II. An non hæc Regula etiam patiatur suas Exceptiones, & Fallentias? Resp. Plures à nonnullis adduci, quæ tamen re benè considerata, & si id, quod objiciunt, solvitur, Fallentia non sunt, & Regulæ non adversantur. Hujusmodi objectiones plures breviter adducit Gloss. in hanc Reg. & quidem Primò

contra primam partem Regulæ: Usus pallii Archiepiscopo, vel ali Episcopo ex privilegio competens, est privilegium personale. *arg. c. 2. de Authorit. & usu Pallii.* & tamen hoc non sequitur personam; cum Archiepiscopus extra propriam diæcesin illò uti non valeat, *arg. c. 1. de authorit. & usu Pallii.* Et ibi Gloss. *§. quamlibet.* Resp. enim privilegium de usu Pallii ex primæva concessione esse restrictum ad propriam diæcesin, & pro certis duntaxat diebus, *c. ad honorem. de authorit. & usu Pallii.* Tenor autem privilegii attendendus & servandus est, *c. Porro. 7. & c. Recepimus. 8. de Privileg.* Gloss. *hic.* consequenter hæc obiectio non obest, cum in sensu ejus expressè mentionatum sit; *nisi privilegium ab ipso concedente sit restrictum.*

8 Objicitur secundò: Præsente majore minor non utitur privilegiò, *arg. c. Antiqua. 23. de Privileg.* ubi Patriarchis interdicitur, crucem ante se deferri curare, quando in ea urbe Summus Pontifex, vel Ejus legatus utens insigniis Apostolicæ Authoritatis, præsens est. *can. Denique. dist. 21.* Resp. hoc esse speciale ob reverentiam superioris. Adde, hujusmodi privilegium etiam cum restrictione saltè implicita esse datum, videlicet quamdiu Superior in loco præsens non est. Gloss. *hic.*

9 Objicitur tertio: Privilegium personale extinguatur nonnunquam etiam ante mortem personæ; ut cum quis abutitur privilegiò. *can. Privilegium. 63. cau. 11. q. 3.* ibi: *Privilegium omnino meretur amittere, qui permissa sibi abutitur potestate.* Idem fit propter delictum, propter contrarium factum, propter necessitatem &c. ut ait Gloss. in *cit. can. Privilegium.* ergo privilegium personale non semper sequitur personam, cum in dictis casibus manente persona non maneat privilegium. Resp. Regulam habere implicitam clausulam; nisi ex causa per dispositionem juris amittatur; quod enim non est, sequi non potest. Vel dic, Regulam in hoc pati exceptionem.

10 Quoad secundam partem Regulæ, quòd extincta personâ extinguatur, & ad nullos transeat hæredes objicitur *l. Non solum. 6. ff. de In integrum Restit.* vi cujus privilegium restitutionis in integrum à personis in ætate minore constitutis transit etiam ad hæredes: & *l. Hæredes. 20. C. ad S. C. Vellejanum.* disponens, quòd privilegium, seu beneficium

ficium exceptionis adversus creditores mulieribus competens, pariter ad hæredes extendatur, consequenter cum persona non extinguatur. Sed Respondetur, hæc privilegia non esse merè personalia, sed communiter duntaxat personalia, de quibus Regula no-

stra non est intelligenda, prout jam supra n. 4. diximus.

Cæterum si quid amplius de materia privilegiorum desideratur, exactè & fuse tractatum invenitur *cit. lib. 8. Tit. XXXIII. de Privileg. & excess. privilegias.*

REGULA VIII.

Semel malus semper præsumitur esse malus.

S U M M A R I U M.

1. Regula unde desumpta.
2. Præsumptio alia est juris tantum:
3. Alia Juris & de Jure:
4. Alia hominis.
5. Regula intelligenda est de præsumptione hominis, & Juris tantum;
6. Non in diverso,
7. Sed eodem duntaxat genere delicti,
8. Si illud consummavit,
9. Et se non emendavit.
10. Malus de presenti non præsumitur retrò malus.

11. Verus sensus Regule quis?
12. Emendatio tanquam facti non præsumitur, sed probari debet.
13. Quilibet habendus est bonus, donec probetur malus non procedit, quando quis jam semel fuit malus.
14. Fallentia Regule quæ? & duobus seqq.
15. Semel contumax cur de novo citetur?
16. A perjuro recipitur juramentum in suum gravamen, sed non in sui commodum, vel aliorum præjudicium.

Hæc Regula desumpta est ex *can. Parvuli. 14. cau. 22. q. 5. c. Scribam. 9. de Præsumpt.* & aliis LL. citatis à Glossa *bic*:

2 Pro intelligentia hujus Regule supponitur notitia de natura & varietate præsumptionis ex *lib. II. Tit. XXIII. §. 1.* ubi inter alias triplicem potissimum præsumptionem esse diximus, videlicet *Præsumptionem Juris tantum: Præsumptionem Juris & de Jure simul: ac Præsumptionem hominis.* Prima est, quæ in Jure quidem expressè invenitur, pro certa veritate tamen non habetur, sed admittit probationem in contrarium. Gloss. communiter recepta in *c. Is, qui fidem. 30. de Spons.* ubi plura hujus exempla adducit.

3 *Præsumptio Juris & de Jure* illa est, quæ in jure non tantum expressa habetur, sed ab eodem tam firmiter tenetur, ut pro ipsa veritate habeatur, indeque probatio in contrarium facile non admittatur. Gloss. *loc. cit.* ubi pariter plura ex Jure exempla adducit, patetque ex *cit. c. Is, qui fidem. de Spons.* ubi Pontifex inquit: *contra hanc præsumptionem non est probatio admittenda.*

4 *Præsumptio hominis* est, quæ in Jure expressa non habetur, sed juxta rerum ac personarum circumstantias, & apparentia indicia prudenter concipitur: estque alia violenta, seu quæ moralem certitudinem inducit:

alia non violenta, prout amplius declaratur *cit. lib. II. Tit. XXIII. de Præsumpt. §. 1.* His suppositis

Quæritur I. Quomodo Regula VIII. intelligenda? & quis verus illius sensus sit? Resp. I. pro intelligentia hujus Regule quatuor esse advertenda cum Gloss. *bic*, & quidem Primò, Regulam non loqui de præsumptione Juris, & de Jure, quasi verò ille, qui semel scitur malus, semper pro certo habeatur malus, negata omni probatione in contrarium: sed de *præsumptione Juris* tantum, vel hominis, admittente probationem innocentiae.

Secundò: Eam non nisi *in eodem genere delicti* esse intelligendam; ut proin licet quis in uno genere delicti v. g. luxuriæ sciatur reus, tamen propterea vi hujus Regule in alio, vel omni genere delicti v. g. injustitiæ, simoniæ &c. reus præsumi non posset. *arg. c. Ille vos. 4. §. fin. de Pignor. junctâ l. si cui crimen §. 1. ff. de Accusat.*

Sed tantum in eodem genere delicti, 7 uti tacendo plura alia Juris exempla patet ex *cit. can. 14. cau. 22. q. 5.* ubi perjurus semel repertus reus semper præsumitur perjurus, indeque à præstando juramento, & ferendo testimonio semper reiectus existit, ibi: *& qui semel perjurus fuerit, nec testis sit post hoc,*
nec

nec ad sacramentum accedat, nec in sua causa, vel alterius jurator existat. Item ex *de Scribam, 9. de Præsumpt.* ubi de negligentibus servare leges & admonitiones præsumitur, quod eas etiam in futurum sint neglecturi; ibi: *Scribam eis multiplices leges meas: ex prius datis & neglectis apparet, quod has negligent.*

8 Tertiò intelligendam esse, quando quis fuit malus in fine actus, & non in principio tantum: id est, quando delictum quidem inchoavit, illud tamen, cum posset, non consummavit; eo quod resipuisse, & delictum horruisse censeatur, consequenter semper reus præsumi non debeat.

9 Quartò: *Nisi de emendatione sufficienter appareat*: probatò enim, vel sufficienter constitò, quod reus alicujus delicti de eo verè penituerit, illudque emendaverit, malus in eodem delicto præsumi non amplius debet. *can. Ferrum. 18. dist. 50.* ibi: *Non ergo in eo debet despici, quod fuit; quia jam incipit esse, quod non fuit.*

10 Addit quintò Barb. in hanc Reg. n. 9. verbum *semper* in hac Regula sumi debere à tempore, quò semel malus extitit, non autem respectu temporis antecedentis: ut proin licet tabellio falsarius etiam in futurum præsumatur talis, indeque removeri debeat. *l. si aliquid. C. de suscept. cum concord.* non tamen præsumitur retrò falsarius quoad instrumenta ante compertam falsitatem confecta. Et ex his

11 Resp. II. Verus sensus Regulæ sequens est: *Semel in aliquo genere delicti inventus malus, in eodem genere semper præsumitur malus præsumptione Juristarum; vel hominis, nisi de vera emendatione sufficienter constet.* Ratio Regulæ est: quia ex præteritis præsumitur de statu præsentis & futuro. *c. Mandata 6. de Præsumpt.* ibi: *quia ex transacta in te vita didicimus, quid de subsequenti conversatione tua præsumamus. cum concord.* hinc illi antiqui versiculi:

Rumor de veteri facies ventura timeri;

Cras poterunt fieri turpia sicut beri.

12 Nunc valet dicere: forsitan se jam plenè emendavit, & animum mutavit; quia emendatio est facti, consequenter non præsumitur,

sed ex actibus contrariis probari debet. *l. Ei. 2. ff. de Probat.*

Pariter non valet objicere illud tritum Juris: *Quilibet præsumendus est bonus, donec probetur malus. c. un. de Scrutin. & l. Merito. 51. ff. pro socio.* Resp. enim tritum illud procedere, quando actus malus non præcessit, & bonam illam præsumptionem non enervavit; hoc enim præcedente præsumptio de simili valet, donec emendatio, quæ tanquam facti non præsumitur, probetur; *cit. l. Ei. 2. ff. de Probat.*

Quæritur II. An? & quæ sint Fallentia, seu Exceptiones contra hanc Regulam? Resp. Eam juxta aliquos fallere. 1. in genere diversi delicti juxta dicta n. 6. 2. in casu, quo quis in principio duntaxat, sed non in fine actus malus fuit, per dicta n. 8. 3. si de vera emendatione sufficienter constet, per dicta n. 9. Verum cum juxta dicta hi casus in Regula non comprehendantur, fallere contra eam propriè dici non possunt.

Obijciunt alii, & locò fallentia ponunt, casum contumaciae; semel enim contumax non semper præsumitur contumax; cum peremptoriè citatus, si non comparet, denuò citetur *c. Ex literis. 2. de Dolo & contum.* quod necessarium non esset, si illum in contumacia perseveraturum ritè præsumeretur. Sed Resp. quod secundò citati & non comparitis contumacia gravior sit, & gravioribus penis subjaceat, quam primò citati, indeque jura velint, ut per secundam citationem contumacia magis appareat: vel concedo in hoc casu fallentiam Regulæ.

Obijciunt ulteriùs: Juramenta calumniae, fidelitatis, & obedientia etiam à priùs perjuris exiguntur & recipiuntur, *cum in Ecclesiis. 10. de Major.* ergo semel perjurus non præsumitur semper perjurus, Resp. cum Gloss. in *cap. Cum in Ecclesiis. & Juramentum.* & Abb. n. 4. hoc procedere de Juramentis, quæ cedunt in præjudicium ipsius jurantis, illumque onere & obligatione gravant: non item in Juramentis cedentibus in jurantis commodum, & aliorum præjudicium: & in hoc sensu fallentia conceditur.

REGULA IX.

Ratum quis habere non potest, quod ipsius nomine non est gestum.

SUMMARIUM.

1. Regula unde desumpta?

2. Ratum habere proprie quid sit?

3. Regula intelligenda est de propria ratihabitione.

4. Probatur exemplò Juris.

5. Verus sensus Regulæ quis?

6. Afferuntur apparentes, sed non vera Fallentia contra Regulam. & seqq.

Hæc Regula desumitur ex *c. penult. de Sentent. excommun. in 6.* & convenit cum *l. Si pupilli. 6. §. Sed si ego 6. ff. de Negot. gest.*

2. Quæritur I. Quomodo hæc Regula intelligenda? Et quis verus illius sensus sit? Ante Responsum notandum: Ratum habere aliquid nil aliud esse, quam approbare, comprobare, confirmare, & ut suum agnoscere id, quod per alium nostro nomine gestum vel factum est, non habitò à nobis ad hoc faciendum mandatò, commissione, aut requisitione; seu quod per alium non procuratorem nostrum nomine nostro factum est. *l. quod enim. 12. §. 1. ff. Ratam rem habere.* qua ratihabitione rem, seu negotium gestum ita nostrum facimus, quasi à nobis ipsis gestum, aut ad id mandatum datum fuisset, uti dicitur in Regula statim sequenti ita sonante: *Ratihabitionem retrahit, & mandato comparari non est dubium.* Hòc notatò

3. Resp. I. Regula IX. dicens, quòd ratum habere, seu ratificare nemo possit illud, quod suo nomine factum non fuit, intelligenda est de propria Juridica ratihabitione, seu ratificatione cum Juris effectu, quæ fictione Juris translativa rem quasi à nobis gestam efficit, nostramque facit, ac proin Juris effectus, & obligationem nobis incumbentem inducit: Non verò de simplici ratihabitione, quæ quodvis factum alienum non nostro sed alieno quocunque tandem nomine gestum approbare, gratum & ratum habere possumus, v. g. si quis tuum inimicum non tuo, sed alio nomine, vel ex proprio odio occidit, potes quidem factum homicidium simpliciter approbare, gratum & ratum habere (licet sic approbando pecces) tamen fictione Juris homicidium quasi à te factum, sicq; tuum non redidit, nec pænas & obligationes ex homicidio confluentes contrahis. Ratio est; quia ad

Regule Juris.

ratihabitionem juridicam propriè talem, seu quòd quis factum alienum ratum habeat in sensu Regulæ, essentialiter requiritur, ut factum sit nomine ratihabentis. *arg. cit. c. penult. de Excommun. in 6. & l. si Pupilli cum concord. citatis à Tyraquello de Retract. lig. §. 1. Gloss. 9. n. 24.* quò tanquam essentiali requisitò deficiente ratihabitione non datur, consequenter sic factum propriè & cum effectu Juris ratum haberi non potest, id ipsum, quod dicit Regula.

4. Probatur & declaratur responsio ulterius clarissimo multum allegabili exemplò Juris *c. Cum quis. 23. de Sentent. Excommun. in 6. ibi: Cum quis absque tuo mandato manus injectit in Clericum tuo nomine violentas, si hoc ratum habueris, excommunicationem latam à canone incunctanter incurris; cum ratihabitione retrahatur, & mandato debeat comparari.* Si vero injectio eadem tuo nomine non sit facta, tunc licet pecces ratam habendo eandem, non tamen propter hoc excommunicationis vinculo innodaris; cum quis ratum habere nequeat, quod suo nomine non est gestum.

Resp. II. Verus sensus Regulæ iste est: *Nemo potest factum alienum propriè ratum habere cum effectu Juris, ita ut bujus fictione translativa censeatur suum factum, indeque effectus Juris inducat & obligationes ratihabentis imponat, si tale factum non ratihabentis, sed suo proprio, vel alterius nomine peregit.* Per rationes & jura jam allegata; cui accedit etiam illa ratio, quod si quis ratum habere valeret id, quod ipsius nomine non est gestum, facile præjudicium emergere posset tertio, cum quo negotium gestum est, cum is forsitan ex justa causa negotium cum tali habere noluisse, ac propterea, si scivisset, negotium nomine illius agi, à negotio, v. g. contractu abstinuisset.

F

Quæ-

- 6 Quæritur II. An? & quales dentur fallentiæ circa hanc Regulam? Resp. Plures afferri à quibusdam, veluti Primò *can. Lugdunensi*. 10. *can. 9. q. 2.* ubi habetur, quod ordinati ab alieno Episcopo (et si ordinatio ipsius Ordinarii nomine facta non sit) possunt ministrare in ordine suscepto, si proprius Episcopus ordinationem ratam habet. Ex quo satis apparere videtur, ratihaberi posse etiam illa, quæ nomine nostro gesta non sunt.
- 7 Secundò. Vigore *c. quod sicut*. 28. *ff. quod si, de Elect.* Capitulares absentes à præsenibus non vocati, sed contempti, ratificare possunt electionem, licet eorum nomine non fuerit celebrata.
- 8 Tertiò. *c. Cum non, 3. de his, quæ sunt à Prælatu sine consensu Capit.* dicitur, quod alienatio valeat, si eam ratam habeat Capitulum, et si minimè ipsius nomine, sed eo positivè reclamante fuerit facta, ibi: *niscam ratam postmodum habuisset.*
- 9 Quartò. *vi l. 1. ff. de Recept. & l. 1. c. de his, qui latron.* receptores furum puniuntur ex eo, quod sua receptione videantur furta ratificare; licet eorum nomine facta non sint.
- 10 Verùm præfata & similia quantumvis videantur adversari Regulæ, eamque in illis

fallere, retamen benè inspecta eidem sufficienter conciliantur, sicque hanc in illis fallere meritò non existimatur. Et quidem ad tres primas apparentes Fallentias Resp. cum Gloss. hic: *talia jura non loqui propriè de ratificatione, sed de novo quodam consensu.* Et meritò; quia cum ex dictis Ratihabitio propriè sumpta id operetur, ut ratificans per fictionem juris censeatur author illius actus, quem suo nomine factum ratificavit, ac proinde eo obligationem contrahat: hoc autem non evenit in præmissis casibus; utpote in quibus aliquis actum suo nomine non factum, superveniente consensu approbat duntaxat, & quandoque confirmat, (si nempe is à sola potestate & consensu hujus dependet) Vide Laym. in *c. Eos, qui. de Tempor. Ordin. in 6. & c. prudentiam. de officio Judicis delegati. n. 2.* Et sic intelligenda etiam venit Glossa in *c. sicut. 33. de Simon.* dum ait: *Et ita secundum canones possum habere ratum, quod non meo nomine gestum est.*

Ad quartam de Receptoribus furum Resp. quod eos, quia veniunt in partem prædæ, & fures occultant, cum eis consentire, illosque fovere potius; quàm ipsorum rata habere furta censeatur. Pech. in *hanc Reg. n. 2.*

REGULA X.

Ratihabitionem retrotrahi, & mandato non est dubium comparari.

SUMMARIUM.

1. Regula unde desumpta?
 2. Ratihabitio equiparatur mandato.
 3. Et retrotrahitur ad tempus & locum; quò actus nomine ratihabentis fuit gestus.
 4. Ad quod tamen requiritur primò ut sit Ratihabitio propriè talis.
 5. Secundò: ut actus tempore, quo fuit gestus, potuerit à ratificante mandari.
- H**æc Regula pariter desumitur ex *c. penult. de Sent. excom. in 6.* Item ex *l. si fundus. 16. §. 1. ff. de Pignor. & l. 1. §. de jecisse. 12. ff. de vi & vi armata.* cum Concordant. à Glossa relatis *hic.* & intelligenda est de Ratihabitione propria in Regula præcedente n. 3. jam declarata.

- 2 Quæritur I. Quid propriè dicere velis

6. Tertiò: & res tempore ratificationis adhuc sit integra.
7. Quartò: ut actus ab initio non fuerit invalidus.
8. Regula verus sensus quis? Declaratur exemplis: & seq.
10. Fallit Regula, si deest unum ex requisitis:
11. Item quando ad substantiam actus expressum requiritur mandatum.
12. Item quòad incurrendam irregularitatem.

hæc Regula? quomodo intelligenda? & quis verus illius sensus sit? Resp. I. Eam propriè id dicere velle; quòd, quando aliquis tuo nomine quid facit, etiam si à te mandatum, vel commissionem id faciendi non habeat, tamen, si postea illud ratum habes, seu ratificas & approbas, idem sit, & idem sequantur Juris effectus; ac si mandatum

datum; illud faciendi eidem expressè dedisset; consequenter propria ratihabitione expressio mandato æquiparatur per Jura n. 1. citat: quod de omni actu & contractu, imo etiam de ipsis delictis intelligendum est, arg. cit. c. penult. de Sentent. excom. in 6. & l. 1. §. de jectis. ff. de vi & vi armata. dummodo delictum sit tale, quod nomine alterius committi potest: fecus est in delictis, quæ nomine alterius fieri nequeunt, uti sunt delicta libidinis, adulterium, stuprum &c. hæc enim sicut alteriemandari nequeunt, ita etiam ab alio facta propriè ratihaberi non possunt, uti benè advertit Gloss. in cit. §. de jectis, v. Mandato.

3 Porro Ratihabitione non tantum æquiparatur mandato, sed etiam retrahitur tam ad tempus, quàm in locum, in quo actus nomine alterius fuit gestus, ita ut actus non primum à tempore ratificationis, sed jam à tempore & die, quo alterius nomine fuit gestus, validus esse, & effectum suum habere censeatur, uti pro indubitato habet Regula nostra; patetque ex cit. l. si fundus. §. 1. ff. de Pignor. & propter contractum nomine suo gestum, & ratihabitionem non in loco ratihabitionis, sed in loco actus gesti quis forum fortiaur, ut cum aliis benè advertit Barbosa. in hanc Reg. n. 10. arg. l. cum decem. 71. §. 1. ff. de solut.

4 Verum ut Ratihabitione præfatos operetur effectus, plura requiruntur, veluti primò, ut ratihabitione sit propriè talis, quæ ratihabetur, seu approbatur actus verè nomine ratihabentis gestus, quia *Ratum quis habere non potest, quod ipse nomine non est gestum*, uti habet Regula præcedens.

5 Secundò, ut eo tempore, quo actus gestus est, potuerit à ratificante mandari: defectu cujus negotium nomine infantis, vel furiosi gestum ab illis etiam cessante impedimento ratihaberi nequit; quia ab eis tempore, quo gerebatur negotium, mandari non potuit. Barb. hic n. 2. & 3. Abb. in c. fin. de convers. in fid. cum communi aliorum. Et ratio est; quia ratihabitione rei alicujus mandato comparari non potest, quæ mandari nequit.

6 Tertiò requiritur, ut tempore ratihabitionis res adhuc sit integra, id est, omnia adhuc in eo statu existant, in quo fuere tempore, quò actus nomine alterius fuit gestus. Bart.

in l. si uxor. §. si quis uxorem. 3. ff. de adult. Barb. hic n. 7. arg. c. quamvis. 8. de Rescript. in 6. Hinc etiam non valet ratihabitione, si intermedio tempore, aut aliàs jam fuit quaesitum jus tertio, aut eidem injustè præjudicaretur. Barb. hic n. 8. cum communi aliorum. arg. c. quamvis. 8. & c. si pro te. 13. de Rescript. in 6. junctà l. si partem. 19. §. ult. ff. quemadmodum servitutes.

Quartò requiritur, ut actus ab initio de Jure non fuerit invalidus ex defectu conditionis vel solemnitatis à mea potestate non dependentis, uti pro Regula universali ad propositum post Abbatem, & Innocentium in c. prudentiam. 21. de officio Judicis delegat. tradit ibidem Fagn. n. 2. Laym. in c. Nonnulli. 28. §. Sunt & alii. de Rescript. n. 4. ubi plura exempla ad propositum refert; quia ubi actus ab initio ita invalidus est, intrat Regula 18. Juris in 6. Non firmatur tractu temporis, quod ab initio de Jure non subsistit.

Resp. II. Verus sensus Regulæ hic est: *Quandoque aliquid ab alio nomine nostro gestum postea ratificamus, & approbamus, idem est, & eosdem habet effectus Juris, ac si à nobis ei prius expressè fuisset mandatum, seu verum ad id dedissemus mandatum.* Per Jura n. 1. citata, patetque Juris exemplis: sic enim v. g. si quis rem aliquam sine meo mandato, nomine tantum meo emit, & possessionem ejus accipit, & ego postea ratam habeo, seu ratifico, approbo emptionem, idem acquirò dominium & possessionem rei, ac si à Procuratore expressum mandatum ad id habente fuisset empti. arg. l. si ego. 24. ff. de Negot. gest.

Item si quis sine meo mandato, nomine tamen meo percussit Clericum, & ego postea ratum habeo, æquè excommunicatus sum, ac si prius ad id dedissem mandatum. *textu expresso c. penult. de Sentent. Excommun. in 6.* Sic rursus, si alius me etiam infcio, sed meo nomine aliquem deiecit à possessione, & ego hoc postea ratifico, perinde teneor interdicto unde vi ad possessionem restituendam & rescindienda damna illata, sicut tenerer, si id à principio mandasset. c. Cum ad sedem. 15. de Rescript. spoliat. l. 1. §. sed & si. 14. ff. de vi, & vi armata.

10 Quæritur II. An? & quæ dentur Fallentiæ circa hanc Regulam? Resp. Eam fallere primò in illis casibus, in quibus deest unum ex necessariò requisitis à n. 4. allegatis.

11 Secundò, quando expressum mandatum requiritur ad formam & substantiam actûs, vel in vim autoritatis; cum ista per ratihabitionem non suppleantur *c. Cum dile-*

sta. 22. de Rescript. & ibi Felin. n. 6. Barb. hic n. 16. Surd. Decis. 159. n. 10.

Tertiò Fallit quoad irregularitatem in¹² currendam ob homicidium per alium meo nomine factum, & à me ratificatum, uti docet Gloss. in *can. si quis Viduam. 8. dist. 50.* Covar. in *Clement. si furiosus. p. 2. §. 1. n. 5.* Barb. *hic n. 17.* & alii ab eodem relati contra Navarr. in *Manu. cap. 27. n. 233.*

REGULA XI.

Cùm sunt partium jura obscura, reo favendum est potius, quàm actori.

S U M M A R I U M.

1. Regula unde desumpta?

2. Nomine Partium in Regula intelliguntur Actor & Reus. Actor quis dicitur? *ibid.*

3. Reus quis?

4. Quid intelligatur per verbum Jura?

5. Et quid per verbum obscura?

6. Verus sensus Regulæ quis?

7. Declaratur exemplis Juris.

8. Ratio Regulæ, & sensus illius.

9. Solvitur objectio.

10. Fallit Regula in causis favorabilibus.

11. Item in causis piis.

12. Et si actor est in possessione.

In pari causa potior est conditio possidentis.

1 **H**æc Regula desumitur ex l. *Favorabiliores. 125. ff. de R. J. ibi: Favorabiliores rei potius, quàm actores habentur.* cui concordat. *c. Ex literis. 3. de probat. ibi: cum promptiora sint Jura ad absolvendum, quàm ad condemnandum, præterquam in liberali causa.* Item *c. Inter dilectos 6. de fide Instrum. in fin. ibi: cum obscura sunt jura partium, convenit contra eum, qui petitur est, judicari.*

2 Quæritur I. Quomodo intelligenda sit Regula? Et quis verus illius sensus? Ante responsum explicare priùs oportet terminos in Regula positos. Notandum itaque per *Partes* in Regula intelligi *Actorem & Reum*; in omni siquidem judicio vel processu præter Judicem concurrunt *Actor & Reus.* Actor est & dicitur, qui alterum ad judicium provocat, & rem aliquam ab eo præstandam petit. *l. In tribus. 13. ff. de Judiciis,* qui propterea à petendo etiam Petitor nominatur *cit. c. Inter dilectos. de fide Instrum. in fine.* In processu autem Criminali Accusator vocatur.

3 Reus, in genere loquendo, non pro criminoso, & delinquente sumitur, sed à Re, quæ ab eo petitur, sic nominatur, ita ut in sensu Regulæ omnis ille dicatur *Reus*, à quo

aliquid ab Actore etiam iniquè petitur. *c. forus. de Verb. Signif. ibi: Reus à re, quæ petitur, nuncupatur; quia quamvis conscius sceleris non sit, Reus tamen dicitur, quamdiu in judicium pro re aliqua petitur.*

Per verbum *Jura* intelliguntur Partium⁴ probationes, & defensiones, vel media ad probandum, vel se defendendum assumpta & producta; uti sunt depositio testium, instrumenta & scripturæ publicæ ac privæ, juramenta, confessio alterius partis, leges item & canones in vim probationis adducti. Pech. *ad hanc Reg. n. 4.*

Per verbum *obscura* intelligitur, seu⁵ *obscura Jura* esse censentur, quando probationes, instrumenta, documenta, argumenta à partibus pro & contra producta ita sunt constituta, ut consideratis considerandis judex prudenter discernere non valeat, sed meritò dubius hæreat, pro quamam parte genuina veritas & justitia militet. His notatis

Resp. ad quæstionem n. 2. positam, ⁶ Regulam in sequenti sensu, qui genuinus & verus est, intelligendam esse: *Si partium Jura, id est, earum probationes & allegationes non sunt satis clare seu manifestæ, sed dubiæ & obscuræ, seu ita constituta, ut judex æquò animò consideratis considerandis pruden-*

dentur discernere non possit, quam prævalent, aut pro qua parte justitia magis militet, Reo potius, quam Actori favere, consequenter illam à petitione Actoris absolvere debemus. Per Jura clara n. 1. allegata.

7 Declaratur Juris exemplis: sic enim si duo Judices ordinari super eadem causa cognoscant, & unus reum absolvat, alter verò condemnet eundem, quia Jura censentur obscura, absolutoria sententia Rei ob favorem ejusdem præferenda est. *l. Inter pares. 38. ff. de Re judicat. & l. Arrianus. 47. de Obligat. & Action. Dynus in hanc Reg. n. 2.* Sic pariter si ago contra Titium hypothecaria actione, & probò rem mihi esse obligatam à Domino: Titius verò probet, illam rem sibi eodem die à Domino fuisse obligatam, consequenter, cuius prius vel posterius non appareat, sed obscurum maneat, Titius tanquam reus absolvendus est. *l. si debitor. 10. ff. de pignor.* Sic in aliis causis civilibus, si partium jura præfatio modò manent obscura, semper Reo magis quam Actori favendum, sicque Reus vel statim absolute absolvendus, vel saltem præ Actore subinde ad juramentum suppletorium admittendus est in causis dictam juramentum admittentibus juxta dicta *lib. II. Tit. XXIV. de Jurejur. à n. 191.*

8 Præter Jura jam allegata Ratio universalis est; quia Reus invidus, & plerumque inopinatus, & impræparatus in judicio comparere debet: cùm econtra Actor prius cunctis sibi necessariis & conducentibus jam prævisus reum adhuc impræparatum ad judicium inopinatò citari faciat, sicque plus illi, quam huic favere æquitas postulet, uti cum aliis in hanc Regulam observat Barb. *n. 3.* præsertim cùm suadente humanitatis ratione Jura promptiora sint ad absolvendum, quam condemnandum, *cit. c. Ex literis de probat.*

9 Objicitur contra Regulam: *l. Si quis intentione. 66. ff. de Judic.* jubemur petitionem ambiguum Actoris in favorem ipsius interpretari; ergo non semper Reo, sed

etiam Actori in dubio favendum est. Respondet glossa, hanc legem intelligendam esse de initio causæ, non de fine ipsius, quando agitur de ejusdem decissione, circa quam observanda est Regula XI. Verùm Barb. *loc. cit.* cum aliis rejecta opinione glossæ meritò censet, Regulam ab initio, in medio & fine judicii esse observandam, cùm non loquatur de claritate vel obscuritate petitionis ab Actore factæ (quam utique non in illius odium, sed favorem interpretari oportet. *arg. cit. l. si quis*) sed de iurium ab utraque parte productorum obscuritate post sufficientem discussionem adhuc remanente, volens, ut hac stante semper reo potius quam actori faveatur per concordantia jura *n. 1.* citata.

Quæritur II. An? & quæ dentur Fallentia contra Regulam? Resp. Eam fallere primò in casu quo actor fovet causam favorabilem, puta, pro matrimonio, libertate, dote aut testamento; in hujusmodi enim casibus stante dubio actori potius quam reo favendum est, Barb. *hic n. 4. c. fin. de sentent. & re judicat. junctò c. Ex literis de probat.* & aliis juribus citatis à glossa hic, quæ hosce duos versiculos addit:

*Stat testamentum, libertas, conjugium, dos,
Si sunt æquales, qui producuntur utrinque.*

Fallit secundò in omni causa pia, si eam t tuetur actor juxta Tiraquel. *de Privileg. pie cause Privil. 146. cum seqq.* Barb. *loc. cit.* Ratio est: quia causæ piæ etiam inter favorabiles causas veniunt.

Fallit tertio, si actor est in possessione: in hac enim & ipse tuendus est, donec de jure partis adversæ constet. *c. Ex literis. 3. & Quod si de probat. & l. fin. C. de R. V.* Ratio est; quia in possessione existens actor præter jura, quæ cum reo paria habere censetur, etiam militante pro se gaudet Regulâ 65. Juris in 6. *In pari causa potior est conditio possidentis.*

REGULA XII.

In Judiciis non est acceptio personarum habenda.

SUMMARIUM.

1. Regula unde desumpta?
2. Quid intelligatur in Regula per verbum in Judiciis?
3. Acceptatio personarum quid?
4. Quando non exigente justitia, sed ex mera libera

voluntate quid confertur, potest sine acceptione personarum una præ alia respici.

5. Verus sensus Regule quis?

6. Solvitur objectio.

7. Ponantur apparentes, sed non vere Fallentie contra Regulam. & n. seq.

Hæc Regula conformis est præcepto Divino *Deut. 1.* ibi: *quod justum est judicate, sive civi, sit ille, sive peregrinus: nulla erit distantia personarum, ita parvum audietis, ut magnum, nec accipietis cujusquam personam; quia Dei judicium est.* Et traducta videtur ex *c. Novit. §. Caterum. de Judiciis. & c. Statutum. 11. §. Insuper. & seqq. de Rescript. in 6. ac c. 1. de Sentent. & re judicata. in 6.*

2 Queritur I. Quomodo hæc Regula intelligenda? & quis verus illius sensus sit? Resp. I. Verbum *in Judiciis* in hac Regula sumitur in lato sensu, ita ut nomine Judiciorum intelligantur non tantum discussio & definitio causæ inter actorem & reum controversæ, sed etiam alii actus, quibus examinantur & judicantur personarum jura, merita, qualitates in ordine ad justitiam tam distributivam quam commutativam administrandam: in quo sensu vi Regule reprobat acceptio personarum non solum quando juxta justitiam commutativam discutitur & judicatur causa inter actorem ac reum, sed & si discutuntur & judicantur jura, merita, qualitates, habilitates &c. ad servandam justitiam distributivam in conferendis beneficiis, officiis, dignitatibus, imponendis pro bono publico communibus oneribus &c. in quibus, uti in illis non est habenda acceptio personæ, seu non sunt attendendæ qualitates illius ad rem nihil facientes vel conferentes, sed id tantum, quod juxta jura, æquitatem & exigentiam rei, pro causa vel objecto plus, minusve servit, uti cum aliis bene observat Dynus *hic n. 7. Barb. hic n. 3. Strein. hic n. 1. Vincentius Tauino Ord. Min. Reform. glossator Regularum Juris solidus & clarus, hic n. 8.* & magis patebit ex num. sequenti.

3 Per *Acceptationem personarum* intelli-

git, & reprobatur Regula illud vitium, quod aliquid, quod exigente justitia debetur uni, confertur vel adjudicatur alteri non intuitu juris vel meritorum hunc præ illo magis dignum vel aptum facientium, sed ob aliquam personæ conditionem, aut qualitatem, quæ ad id, quod confertur, prorsus nil facit vel confert, v.g. quia pulcher, quia affinis, quia consanguineus est: sic committitur acceptio personæ contra Regulam, si iudex ei contra æquitatem adjudicat causam, quia illius affinis est; cum affinitas prorsus nil faciat ad justitiam causæ: item si quis alicui præ alio longè digniore confert Parochiam, quia ejus consanguineus est; quia consanguinitas nil confert ad Parochiam: item si quis alicui præ alio longè utiliori confert officium publicum, à quo bonum commune multum dependet, quia amat illum, vel reciprocè quia æstimatur aut amatur ab illo; cum nec passivus nec activus amor horum quidquam faciat ad officium publicum, uti bene advertunt DD. n. præced. citati, estque in re etiam communis Theologorum acceptationem personarum sic explicantium.

Notanter autem dicitur, quod *exigente justitia* commutativa nempe, vel distributiva, debetur uni; quia in casu, quo quis non ex justitia, sed ex mera gratia & libera voluntate aliquid v.g. eleemosynam tribuit, vel distribuit, non committit vitiosam acceptationem personarum, si unam personam v.g. consanguineam, gratam, amatam præ alia respicit, uni nil vel minus aut plus quam alteri largitur, vel largiri facit, uti cum D. Thoma 2.2. q. 63. Sylvestro & Acceptio personarum. & aliis advertit Barb. *hic n. 4.* id bene declarans exemplò divinò: sic enim ait; quia Deus non ex debito justitiæ, sed ex mera gratia, bonitate & benignitate dona sua & gratias prout vult,

vult, distribuit (si enim ex iustitia esset debitor gratiæ, jam gratia non esset gratia) non dicitur acceptor personarum, quando præfata dona sua diversimodè, uni multa & magna, alteri modica & pauca, uni duo, alteri quinque talenta pro divino beneplacito suo distribuit; uti patet ex textu Evangelii apud Matth. 20. v. 15. *aut non licet mihi, quod volo, facere.* Hinc

Resp. II. Verus sensus Regulæ hic est: *In Judiciis seu, quando ex iustitia commutativa, vel distributiva aliquid judicandum vel distribuendum est, non est habendus respectus vel acceptio personarum, hoc est, non debet id, quod exigente iustitia uni debetur, alteri adjudicari vel tribui intuitu alicujus conditionis vel qualitatis in persona repertæ, quæ ad iustitiam causæ, quæ judicatur, vel ad rem, quæ tribuitur, nihil facit aut conferit.* Per Jura n. 1. citata. Cujus ulterior ratio est; quia iustitia semper & ubique intendit æquitatem & æqualitatem: commutativa quidem arithmeticam; uti vocant, id est, ut perfectè & exactè in substantiâ, qualitatè, pondère, numero, mensura vel æstimatione tantum detur, quantum debetur: distributiva verò geometricam, id est talem, quâ beneficia, dignitates, munera & officia publicâ; bona & onera communia juxta exigentiam & diversitatem qualitatum, meritorum, facultatum, idoneitatis &c. ita distribuuntur ac conferuntur, ut is, qui bonis qualitibus, meritis, idoneitate &c. manifestè prævalet, aliis in collatione vel promotione præferatur; vel melius, utilius, nobilius, & dignius quid, quam alter minus dignus accipiat: ac ille, qui minus in facultatibus habet, ad minus: ille verò, qui majoribus facultatibus gaudet, ad plus pro sublevanda publicâ necessitate contribuendum adigatur; quam æquitatem vel æqualitatem in alterutro si quis intuitu impertinentis ad rem qualitatis vel conditionis in persona repertæ lædit, contra iustitiam commutativam, vel distributivam procul dubio delinquit, & vitiosam acceptionem personarum habere censetur, uti cum præcatis etiam alii tam Theologi, quam Juristæ bene observant.

Obijciunt contra Regulam & sensum 6
ejus *can. Clerico. 37. dist. 50. & c. Nisi special. li. 3. de offic. legat.* ubi expressè habetur, quod Papa ex speciali erga personam amore remiserit penam delicti; nam *cit. c. Nisi.* dicitur: *Nisi specialis illa dilectio, quam ad personam tuam habuimus, & habemus, justum motum animi nostri temperaret; pena docente cognosceres, quantum excesseris.* Resp. Quamvis etiam in iustitia vindicativa Judices inferiores non possint habere respectum & acceptionem personarum, nisi in casibus à Jure præscriptis (nam *pro mensura peccaverit flagarum modus. Deut. 25. v. 2.*) tamen aliud est in Principe supremo, utpote, qui lege sua superior existens jus aggratians, & penam remittendi vel mitigandi habet per *Vulgaria.*

Quæritur II. An hæc Regula? & quas 7
Fallentias patiatur? Resp. Aliquos, uti casum in præced. num. ita & illos ponunt, in quibus ex dispositione legum in pænis infligendis habetur respectus ad personas dignitate, libertate, vel alia qualitate præditas. *l. Aut facta 16. §. 4. ff. de Penis. l. ad Bestias. 31. ff. eod. can. Indignantur. can. 32. q. 6.* Verum quia respectus iste personarum habetur Jure sic disponente; non delinquitur contra iustitiam, nec quod uni ex iustitia debetur, alteri tribuitur, consequenter non committitur vitiosa acceptio personarum per Regulam reprobata.

Sic pariter non est contra Regulam 8
Fallentia, quam alii tamen ponunt; quod si quis ætate major contrahat cum pupillo sine autoritate tutoris, major vi contractus obligetur pupillo; & tamen hic non obligetur illi *l. Julianus. 13. §. 29. ff. de action. empt.* quia hoc non contra iustitiam, sed juxta expressam Juris dispositionem, sicque justè, ac sine vitiosa acceptione personarum fit; præsertim cum hæc Juris ordinatio æquissima sit; utpote per quam calliditati hominum obviatur, ne pupillis & minoribus infirmitate ac imbecillitate judicii plerumque adhuc laborantibus per circumventionem contractibus nocere valeant. *l. 1. ff. de Minor.*

REGULA XIII.

Ignorantia facti, non Juris excusat.

SUMMARIUM.

1. Regula unde desumpta?
2. Ignorantia quid?
3. Alia est ignorantia facti proprii vel alieni:
4. Alia Juris.
5. Utraque alia vincibilis: alia invincibilis; & quæ in foro interno?
6. Quæ in foro externo dicitur vincibilis?
7. Ignorantia vincibilis alia dicitur supina, seu crassa: alia affectata.
8. Aliud est ignorantiam excusare in ordine ad vitandum damnum: aliud ad acquirendum lucrum.
9. Regula habet duas partes, & quoad utramque secundum forum externum, & de ignorantia invincibili intelligenda est.
10. Verus sensus Regule quoad primam partem de ignorantia facti quis?

11. Facti alieni, non proprii ignorantia excusat.
12. Solvitur objectio: & n. seq.
14. Verus sensus Regule quoad secundam partem de ignorantia Juris.
15. Ignorantia Juris non excusat quoad acquirendum lucrum, bene verò quoad vitandum damnum.
16. Solvitur objectio. contra Regulam: & n. seq.
18. Quis teneatur solvere expensas litis? remissive.
19. Fallit Regula quoad primam partem in factis notoriis ac publicis.
20. Fallit etiam quoad secundam partem de Ignorantia Juris in militibus, minoribus, ac subinde etiam in rudibus.
21. Item in feminis: & quomodo?
22. Item quando Jura non sunt clara, sed ambigua.

Hic Regula desinitur ex l. Genero. §. ff. de his, qui not. infam. ex l. 1. & seqq. ff. de Juris, & facti ignorantia; uti & ex Tit. XVIII. C. de Juris & facti ignorantia.

2. Queritur I. Quomodo hæc Regula intelligenda? & quis verus illius sensus sit? Ante responsionem sciendum, quid, & quod duplex sit Ignorantia. Quidam errorem cum ignorantia confundunt, & idem esse dicunt, sed minus solidè; quia Error consistit in positivo falso judicio intellectus: Ignorantia autem consistit in privatione scientiæ; & communiter benè describitur: Ignorantia est privatio, seu carentia scientiæ, seu notitiæ circa ea, quorum scientiam habere possibile est.

3. Ignorantia sic descripta alia est facti, alia Juris. Ignorantia facti est, & dicitur, quando quis ignorat aliquid esse factum vel omisum, ad hunc, vel illum pertinere; v. g. ignorat quis, rem esse venditam: vel utrum Provincia quædam ad hunc vel illum pertineat Principem: an pugna sit commissa, an victoria ab hoc vel illo reportata. Hæc ignorantia rursus alia est facti proprii, alia facti alieni. Ignorantia facti proprii est, quæ facta nostra propria seu ea, quæ à nobis ipsis facta sunt, ignoramus, seu non amplius scimus. Ignorantia facti alieni est, quæ nescimus, quæ ab aliis sunt, vel facta sunt.

4. Ignorantia Juris est, quæ ignoramus

Jura, seu Leges vel Canones, aut Statuta municipalia, mandata vel decreta; tali ignorantia laborat v. g. qui solemnitates Juris ad alienationem rerum Ecclesiasticarum requisitas ignorat: vel quod decimæ novalium primò trienniò semper pertineant ad Parochum &c.

Ignorantia tam facti quàm Juris ulterius alia Vincibilis, alia Invincibilis est, quæ utraque aliter in externo, aliter in foro interno sumitur. In foro interno enim invincibilis ignorantia (quam etiam antecedentem, item probabilem & justam vocant) illa dicitur, quæ morali diligentia impediri, seu tolli non potuit, eò quod vel in mentem non venerit cogitare vel dubitare de opposito: vel etsi inciderit, scientiam tamen vel notitiam etiam adhibitâ diligentiam & inquisitione acquirere, & ignorantiam defellere quis non valuit. Ignorantia vincibilis verò (quæ etiam consequens dicitur) in eodem foro interno est, quæ morali diligentiam superari, & tolli, scientiamque opposita acquiri potuisset & debuisset.

In foro externo autem, in quo quisvis scire præsumitur id, quod illius status, conditio, aut officium requirit, omnis ille dicitur habere Ignorantiam vincibilem, qui ea ignorat, quæ scire ad statum & conditionem illius requiritur, etiam si de illo dubitare, vel cogitare non inciderit. arg. c. fin. §. Si quis. de Clandest. Despons.

Porro

7 Porro Ignorantia vincibilis adhuc dividitur in *crassam*, seu *supinam*, & in *affectatam*. Crassa, seu supina est, quâ quis ex tædio, pigritia, aliâve insufficienti causa vel nullam, vel non debitam adhibet diligentiam ad acquirendam notitiam eorum, quæ ex statu aut conditione scire debet: affectata verò ignorantia dicitur, quâ datâ operâ scire quis non vult, vel scire cavet, quæ scire tenetur, ut vel liberius, & sine remorsu conscientia delinquere, vel excusationem circa legis obligationem prætereundum queat: juxta quod de talibus legitur Job. cap. 21. *Quid dixerunt Deo, recede à nobis, scientiam viarum tuarum nolumus.* & Psal. 35. *Noluit intelligere, ut bene ageret.* Sic de natura & diversitate Ignorantia tam Theologi, quàm Juristæ communiter docent, suamque doctrinam desumunt & firman ex Juribus n. 1. citatis præsertim ex *Titulis ff. & C. de Juris & facti ignorantia.*

8 Prænotandum etiam hîc, aliud esse ignorantiam excusare in ordine ad damnum vitandum: aliud in ordine ad acquirendum lucrum. arg. l. 8. ff. de Jur. & facti ignor.

9 Resp. I. Ad quæstionem n. 2. positam: Regula XIII. quæ duas habet partes, unam de *Ignorantia facti*, alteram de *Ignorantia Juris*, quoad utramque intelligenda est secundum forum externum, & quidem de *Invincibili*, non de *Vincibili Ignorantia*; per hanc enim sive facti, sive Juris sit, neminem excusari vel juvari, certum est; quia, si crassa & supina habetur, deperditi, socordis, ac hoc ipso inexcusabilis hominis est. l. *Plurimum*. 3. ff. de Juris & facti Ignorantia. indeque à jure reprobat, etiam si facti sit. l. 6. ff. de Juris & facti Ignorantia. ibi: *Nec supina ignorantia ferenda est factum ignorantis*: junctâ l. Regula est. 9. §. 2. eod. ibi: *quid enim, si omnes in civitate sciant, quod ille solus ignorat?* Si Juris est, etiam à SS. Canonibus rejicitur c. fin. de constit. in 6. ibi: *dum tamen eorum ignorantia crassa non fuerit aut supina.* Si autem affectata, sive Juris sive facti fuerit, minus excusat, utpote pejor omni alia. Et Ratio ulterior est, quia scire, & scire debere, facillèque

Regula Juris.

posse in Jure paria habentur. cit. v. fin. §. Si quis. de Clandest. Despons. & l. si Titius 48. pr. ff. de Fidejuss.

Resp. II. Verus Regulæ sensus quoad primam illius partem de Ignorantia Facti hic est: *Invincibilis, seu probabilis ignorantia facti alieni in foro externo excusat tam quoad vitandum damnum, quàm in commodis.* per Juratitâ, junctâ l. 8. ff. de Jur. & facti. ignor. ibi: *Error facti ne maribus quidem in damnis vel compendis (id est, in damno vitando, vel lucra captando) obest.* Ratio est; quia, cum facta aliena quasi innumera, eaque diversa & obscura sint, etiam prudentissimos, & expertissimos facillè latent & fallunt, ut dicitur l. 2. ff. de Jur. & facti. ignor. Unde etiam hæc ignorantia facti alieni in judiciis semper præsumitur, nisi à parte adversa scientia probetur. arg. l. verius. 21. ff. de Probat. & c. præsumitur. 47. de R. J. in 6. ibi: *Præsumitur ignorantia, ubi scientia non probatur.*

Dicitur autem notanter: *Facti alieni*; nam ignorantia facti proprii non excusat. c. Ab. Excommunicato. 41. de Rescript. & l. Quamquam. 7. pr. ff. ad S. C. Vell. cum nemo prudens censeatur ignorare facta propria; nisi forsan valde antiqua sint, vel quis plurimis negotiis implicatus, aut in extremis existens foret, indeque verisimilis oblivio prudenter præsumi valeret, uti post Marant. in l. Is potest. ff. de acquir. heredit. n. 227. Menoch. de Præsumpt. lib. 6. præsumpt. 23. à n. 28. & seqq. observat Barb. in hanc Reg. n. 20. & seq.

Nec obstat Responsioni can. in le. 12. etum. 6. can. 34. q. 2. ubi habetur, quod marito sit imposita penitentia ob concubitum cum sorore uxoris suæ ignoranter factum; cum dicta soror absente uxore lectum clanculum ingressa maritum deceiverit, & secum quasi cum uxore propria ad copulam induxerit; Nam contra est, tum quia ille maritus propterea non fuit habitus reus adulterii: quod autem punitus fuerit, non in penam delicti, sed ad evitandum scandalum, & pro majori cautela, si forsan in cavendo incestu & adulterio negligentia vel culpa interve-

tervenisset, factum est, Gloss. *hic*, & in *cit. can. In Lectum. y. Penitentiam*.

- 13 Pariter non obstat *c. Innotuit. 20. de Elect.* ubi Canonici ignoranter eligentes indignum ob defectum Natalium repelluntur: consequenter etiam ignorantia facti non excusare satis innuitur; Nam respondetur *primò*: Pœnam privationis tunc non fuisse impositam. Resp. *secundò*: Canonicos illos improvidè, & ex vincibili ignorantia facti elegerunt; quia ex officio tenebantur indagare & habere notitiam de habilitate eligendi: de vincibili autem ignorantia Regula non loquitur, sed ipsamet eam rejicit juxta dicta *n. 9.*

- 14 Resp. III. Verus sensus Regulæ quoad secundam illius partem de Ignorantia Juris sequens est: *Nulla ignorantia Juris sive divini & naturalis, sive humani, sive legis, sive Canonis, sive statuti municipalis, sive receptæ consuetudinis in foro externo excusat quoad acquirendum lucrum: bene verò quoad vitandum damnum in re sua amittenda emergens. arg. can. Turbatur. 12. can. 1. q. 4.* Ratio est; quia leges ab omnibus intelligi & sciri debent. *l. Leges. 3. C. de Legib. & l. Constitutiones. 12. C. de Jur. & fact. ignor. ibi: Constitutiones Principum nec ignorare quemquam, nec dissimulare permittimus.* ut proin ignorantia Juris, sicuti ignorantia facti, non præsumatur, sed pro culpa lata habeatur, uti post Bart. & Bald. bene observat Barb. *hic n. 25.*

- 15 Dicitur autem notanter, *quoad acquirendum lucrum, bene verò quoad damnum vitandum in re sua amittenda*; quia leges ipsæ expressè sic distinguunt, *l. Juris. 7. ff. de Jur. & fact. ignor. ibi: Juris ignorantia non prodest acquirere volentibus, suum verò petentibus non nocet. & l. Error. 8. ff. eod. ibi: Ceterum omnibus Juris error in damnis advertendis non nocet.*

- 16 Objicitur contra secundam hanc partem Regulæ *c. fin. de Constit. in 6.* ubi expressè habetur, quòd Statutorum, sicque Juris ignorantia excuset, nisi sit crassa aut supina. Resp. ibi sermonem esse de sententiis censurarum, ad quas contrahendas contumacia, & quasi contemptus potestatis Ec-

clesiastica aliquid sub censura prohibentis requiritur. *c. Sacro. 48. de Sent. Excom. & c. Ex parte. 23. de V. S.* quæ contumacia sine prævia monitione & notitia prohibitionis sub censura factæ non datur.

Objicitur ulterius: Jura, Leges ac¹⁷ Canones innumeri sunt, & maxima pars hominum eos inculpabiliter ignorat, cum illos scire nec status, nec conditio eorum requirat; ergo æquum est, ut etiam Juris ignorantia probabilis aut invincibilis excuset. Resp. objectionem procedere quidem & stringere in foro interno, non item in externo; in hoc enim juxta Jura *n. 14.* citata nulla attenditur ignorantia, eò quòd, licet multi Jura ignorent, de iis tamen in judicialibus, & subinde etiam extrajudicialibus majoris momenti negotiis ipsos concernentibus per alios informari, ac notitiam eorum acquirere possint &c. indèque ipsos ignorantia illorum in foro externo non excuset.

Ceterum ex Regula hætenus declarata adducit Glossa *hic* notabilem doctrinam, an & quando vi dictæ Regulæ quis in judicio teneatur ad expensas litis; Verum quia de hac materia sufficienter jam egimus *lib. II. Tit. 27. §. 7.* Lectorem illuc remittimus.

Quæritur II. An? & quales Regula¹⁹ XIII. patiat fallentias? Resp. I. Eam quoad partem primam de *Ignorantia facti* fallere in casibus, & factis publicis ac notoriis, aut valde notabilibus & ponderosis, quæ ferè cunctis patent, & à quovis modicâ duntaxat adhibitâ diligentia sciri possunt. Barb. *hic n. 22.* Menoch. de *Præsumpt. præsumpt. 23. n. 68. arg. cit. l. Regula est. 9. ff. de Juris & fact. ignor. ibi: sed facti Ignorantia ita demum cuique non nocet, si non ei summa negligentia objiciatur; quid enim, si omnes in civitate sciant, quod ille solus ignorat.* cum concordant. quamvis hæc propria fallentia dici vix queat; cum in hujusmodi casibus censeatur adesse supina ac vincibilis ignorantia facti, sicut in illis factis, quæ quis vi status & conditionis scire tenetur; de qua ignorantia quia non loquitur Regula per dicta *n. 9.* fallentia in dictis casibus propriè non censetur subiecta. Resp.

20 Resp. II. Quoad secundam partem de Ignorantia Juris Regula fallit I. in militibus & minoribus *l. Regula est. 9. ff. de Jur. & fact. Ignor. & l. 1. C. eod.* Item in omnino rudibus, casu quo copiam peritorum Juris, quos consulant, non habent, uti communiter volunt DD. *arg. cit. l. Regula. §. 3. ff. de Jur. & fact. Ignor. item l. 1. §. fin. ff. de Edendo.* ac adhuc clariùs *l. fin. C. de Testament. ibi: in illis locis, in quibus raro inveniuntur homines litterati, per presentem legem Rusticanis concedimus &c.*

21 Fallit 2. juxta aliquos in fæminis propter sexus infirmitatem *arg. supe. cit. l. Regula.* Verùm quia hæc lex non absolūtè, sed cum restrictione fæminas excepit, ibi: *quod & in fæminis in quibusdam causis propter sexus infirmitatem dicitur:* causas autem has *l. fin. C. eod.* non nisi illas esse dicat, ubi agitur de vitando damno, ibi: *Ne passim liceat fæminis omnes suos contractus retractare in his, qui ignoraverunt, statuimus, si per igno-*

rantiam Juris damnum aliquod circa jus vel substantiam patiantur, in his tantum casibus, in quibus præteritarum legum auctoritas eis suffragatur: hinc propria fallentia dicenda non videtur; cùm Juris ignorantia quoad vitandum damnum nulli noceat, sed quemvis etiam vi Regulæ excuset juxta dicta n. 15.

Fallit 3. quando Jura non sunt clara,²² sed ambigua, obscura, ac propterea multum controversa inter DD. Hujusmodi enim Juris ignorantia tam quoad acquirendum, quam vitandum damnum excusat. Barb. *hic. n. 26. Abb. in c. de quarta. de Prescript. n. 12.* & alii communiter: & Ratio est; quia ubi jus est verè dubium, ac inter DD. contrarium, non est major ratio, cur quis unam potius quam aliam opinionem sequi teneatur; quinimo talis ignorantia propriè non est Juris, cùm de ratione Juris seu legis sit esse manifestum. *can. Erit autem lex. dist. 4.*

REGULA XIV.

Cùm quis in Jus alterius succedit, justam ignorantia causam habere censetur.

S U M M A R I U M.

1. Hæc Regula exemplificat duntaxat, & declarat antecedentem.
2. Succedens in jus alterius sive universale, sive particulare præsumitur ignorare facta antecessoris.
3. Si contra ipsum agitur, non item, si ipse actionem instituit.

4. Verus sensus Regulæ quis?

5. Solvitur objectio:

Ignorantia Successoris non tollit obligationem solvendi debita antecessoris, sed suspendit tantum, donec probetur: ibid.

Hæc Regula desumpta ex *l. qui in alterius. 42. pr. ff. de R. J.* nil aliud vult, quam aliquò Juris exemplo declarare & confirmare Regulam præcedentem XIII. uti benè notat Gloss. *hic in fine;* cùm enim juxta dicta in antecedente Regula, Ignorantia facti alieni excuset: quid autem antecessor debeat, an, & qualiter bona ipsius gravata sint, sit factum alienum, ignorans illud Successor meritò excusatur. Hinc pro brevi hujus Regulæ expeditione

2 Quæritur, quomodo hæc Regula sit

intelligenda? & quis verus illius sensus? Resp. I. Per verba: *in Jus alterius succedit.* hic non tantum intelligi illum, qui ex testamento, vel ab intestato in universum Jus alterius, sed quemvis alium, qui etiam quoad res particulares in jus alterius succedit, veluti Legatarius, Fidei-Commissarius, Donatarius, Emptor; imò etiam Prælati, & alii in dignitate, officio, & beneficio succedentes; cùm hi æquè ac hæredes facta antecessorum, utpote aliena invincibiliter ignorare præsumantur, ac propterea excusari mereantur, Strein *in hanc*

Reg. n. 1. Canisius in eandem in pr. Barb. ibid. n. 3. & 4. & alii ab eo citati, per Jura in præcedenti Regula allegata.

3 Notandum tamen cum Gloss. cit. Dyno, Viviano hic & aliis, Regulam intelligi debere in casu, quo succedens in jus alterius convenitur ab aliquo, ut v. g. solvat debitum antecessoris, vel restituat rem ab ipso ablatam &c. in tali enim casu excusat ipsum ignorantia debiti tanquam facti alieni, quod solvere non teneatur, nisi prius debitum probetur: non autem in casu, quod successor ipse contra alium actionem instituit, tunc enim ignorantia ei non opitulatur; cum quisvis ad iudicium provocans certus esse debeat de facto suo: quod totum liquet ex cit. l. qui in alterius. 42. ff. de R. J. ibi: *qui in alterius locum succedunt, justam habent causam ignorantia, an id, quod peteretur, deberetur &c. Hac ita de herede dicta sunt, si cum eo ageretur, non etiam, si agat; nam planè, qui agit, certus esse debet: cum sit in potestate ejus, quando velit experiri, & ante debet rem diligenter explorare, & tunc ad agendum procedere.* Et ex his

4 Resp. II. Genuinus sensus Regulæ XIV. hic est: *Qui in jus alterius sive universale, sive particulare succedit, invincibiliter cen-*

setur ignorare gesta antecessoris, consequenter nec in culpa nec in mora est solvendi debita per antecessorem occulte contracta, vel restituendi injustè ab eodem ablata, vel aliam præstandi occultam obligationem, donec à petente sufficienter probetur. Per Jura & rationes jam allegatas.

Objicitur contra hanc Regulam & sensum illius l. Ad diem. 77. ff. de Verb. oblig. & l. fin. ff. de Nautico fænore, vi quarum habetur, quod si quis alicui mille florenos ad certum diem sub pænâ quinquaginta florenorum promittit, & ante adventum conventæ diei moriatur, hæres etiam ad pænâ teneatur; ergo Ignorantia facti ab antecessore non excusat successorem in jus illius. Resp. Hæc leges loqui de casu, quod debitum & pænâ ex contractu adjecta jam sufficienter sunt probata: in quo utique Ignorantia non amplius excusat, utpote quæ non extinguit reales obligationes & vera debita antecessoris, sed succedentem duntaxat immunem reddit à culpa & mora solvendi, donec debitum sufficienter probetur, quod factò ignorantia cessat, & stringit succedentem in jus alterius eadem obligatio, quam habuit antecessor. Zoës. in l. Stipulationum. 2. §. Ex his. ff. de V. O. n. 15.

REGULA XV.

Odia restringi, & favores convenit ampliari.

S U M M A R I U M.

1. Regula celebris, sed difficilis explicatu est: & quare?
2. Quenam materia, lex, vel dispositio sit & dicatur favorabilis? & quæ odiosa? & trib. seqq.
6. Verus sensus Regule quis?
7. Declaratur Exemplis: & duob. seqq.
10. Omnes Leges penales censentur odiosæ, ac strictè interpretandæ.
11. Leges, Rescripta & Dispositiones, quæ à Jure communi exorbitant, censentur odiosæ.
12. Idem est de Privilegiis.
13. Afferuntur plura exempla ex Jure de restringendis, ac non extendendis odiosis: & trib. seqq.
17. Alia exempla de ampliandis, extendendis, & latè explicandis favoribus, ac odius restringendis: & duobus seqq.
- Nomine Populi in odiosis non veniunt Clerici, bene verò in favorabilibus. ibid.

18. Nomine Clericorum in odiosis non veniunt Episcopi, Prelati, Canonici, Religiosi: bene verò in favorabilibus.
19. Nomine Territorii in favorabilibus veniunt etiam loca exempta, non item in odiosis.
20. Regula circa exorbitantia à Jure communi, consequenter odiosa, fallit quando favor concessus est pro utilitate publica.
21. Vel pro cultu Divino, Fide, Religione, salute animarum, au* causa pia.
22. Vel ex motu proprio.
23. Item ubi est eadem ratio in lege expressa.
24. Item si extensio requiritur ad evitandum absurdum.
25. Circa ampliandos favores fallit etiam Regula in Beneficiis Ecclesiasticis.
26. Et quando præjudicatur Juri tertii jam quæsito.

Celeberrima est hæc Regula, & in praxi frequentissimè occurrens, non tamen

sine difficultate; cum non modica inter DD. controversia existat, quanam materia, lex & dispo-

dispositio favorabilis: & quænam odiosa sit. Quamvis enim extra dubium sit, illas Leges, Canones, Statuta, privilegia, quæ merum beneficium in favorem unius sine præjudicio alterius & Juris communis continent, favorabiles censeri, indèque latè interpretari ac extendi posse & debere. *l. Beneficium. 3. ff. de Constit. Princ. &c. Cum Dilecti. 6. de Donat.* Tamen quia in legibus, dispositionibus, privilegiis &c. plerumque, quod uni est favorabile, alteri odiosum, vel à Jure communi exorbitans, ac econtra: difficultas in decidendo est, quænam favorabilis & quænam odiosa dispositio habenda sit?

2 Sanch. *lib. I. de Matrim. disp. 1. n. 5.* cum aliis magnæ notæ Doctoribus putat, attendendam esse principalem intentionem disponentis vel legislatoris; si enim hic per suam legem, statutum, dispositionem principaliter intendit, alicui favorem exhibere, lex & dispositio favorabilis censenda, consequenter amplianda, extendenda, & latè interpretanda est, licèt etiam in damnum & odium alterius redundet: si verò primum intentum in alicujus odium & pœnam tendit, vel contra jus commune militat, lex odiosa reputari debet, etsi cedat etiam in alterius favorem. Quæ opinio vera & solida videtur, si accipitur cum restrictione, quam facit *disp. 3. n. 5.*

3 Ubi communiore, magis veræ ac solidæ adhæret doctrinæ, quàm de hac materia jam tradidimus *lib. I. Tit. 2. §. 17. à n. 437.* videlicet, quotiescunque odium & favor ab invicem separari possunt, lex, vel dispositio partim favorabilis, partim odiosa censenda est: ac proin qua parte favorabilis, latè interpretanda venit: qua parte verò odiosa videtur, strictè interpretationis est, ac restringi debet.

4 Si autem favor & odium in lege vel dispositione reperta separari nequeunt, attendenda est principalis intentio disponentis, seu legislatoris juxta dicta *n. 2.* quæ intentio tum ex verbis ipsius, tum ex subiecta materia desumi poterit.

5 Quod si verò non appareat, an constitutio principaliter facta sit in favorem vel odium alterius, tunc favorabilis censenda, & consequenter latè interpretanda est. Et hanc doctrinam satis probavimus & declaravimus per Jura, rationem duplicem Glossæ DD. Bart. Bald. Jafon. Covarr. Abbat. ipsūque Sanch. & alios cit. *lib. I. Tit. 2. §. 17. à n. 437.* ubi

vide, ne superflua fiat repetitio. His præmissis

Quæritur I. Quomodo Regula XV. intelligenda? & quis verus illius sensus sit? Resp. Eam in sequenti genuino sensu intelligendam esse. *Leges*, canones, statuta, Rescripta, dispositiones odiosæ, id est, illæ, quæ vel à jure communi exorbitant, vel principaliter in odium & pœnam tendunt, strictè interpretandæ, & propterea non extendendæ, sed restringendæ sunt: Favorabiles verò, illæ videlicet, quæ principaliter in favorem alicujus factæ sunt, latè explicari & extendi possunt & debent. ut in præcedentibus numeris jam compendiosè, ex cit. *lib. I. autem Tit. 2. §. 17.* plenius declaratum probatumque habetur, & ampliùs

Huic sensui ac doctrinæ conformiter rem magis variis exemplis declarat Glossa, & quidem in primis in *c. Si propter. de Rescript. in 6.* ait, constitutionem in hoc c. contentam, quâ ad debita solvenda Episcopo concedebantur beneficiorum fructus primi anni, esse favorabilem; quia principaliter est facta in favorem Episcopi ad solvenda sua debita, quamvis in eorum, quibus beneficia conferebantur, redundet damnum, utpote qui propterea redditus primi anni percipere non poterant.

Similiter in *c. Sciant cuncti. de Elect. in 6. §. alios.* inquit, eam constitutionem, quâ laici excommunicantur, quia gravare præsumperunt Clericos ex eo, quòd rogati noluerint eligere illos, pro quibus laici intercedebant, esse favorabilem, non obstante, quòd laicis ob excommunicationem fuerit odiosa; quia principaliter facta est in favorem Clericorum ne injustè gravarentur.

Pariter *can. Si quis suadente diabolo 9* quia principaliter in favorem status Clericalis conditus est; censetur favorabilis ex parte Clericorum, indèque latè interpretandus, & etiam ad conversos, seu sic dictos Laicos Religiosos extendendus est: *c. Non dubium. de Sentent. Excommuni.* licèt ex parte violentium illum sit odiosus ob excommunicationem annexam, ac propterea ex parte personarum violentium, id est, violentas manus in Clericum mittentium strictè & cum effectu de actuali violenta iniectione manûs interpretandus, & nullatenus ad verbalem, vel minus verberum in Clericum extendendus; quia

favor & odium in hoc separari possunt juxta dicta n. 3.

¹⁰ Porro quia Regula duas habet partes, unam de odiis restringendis, alteram de favoribus ampliandis, loquendo specialiter de prima parte, seu de restringendo odio, seu odiosis inprimis omnes leges & dispositiones pœnales censentur odiosæ, ac propterea in dubio stricte interpretandæ, nec ultra casum, & personas expressas extendendæ sunt, uti amplius jam dictum *cit. lib. 1. Tit. 2. §. 17. à n. 427. arg. l. 42. ff. de Penis. ibi: Interpretatione legum pœne molliendæ sunt potius, quàm exasperandæ. & c. In penis. 49. de R. J. in 6. ibi: In penis benignior interpretatio est faciendæ.*

¹¹ Dein leges, Rescripta, ac omnes dispositiones à Jure communi exorbitantes, & multò magis Juris correctoriæ tanquam odiosæ, stricte interpretandæ, & nec in consequentiam trahendæ, nec de persona ad personam, neque de casu ad casum extendendæ sunt juxta *c. quæ 28. de R. J. in 6. ibi: quæ à Jure communi exorbitant, nequaquam in consequentiam sunt trahendæ. & c. Is qui. de filiis Presbyt. in 6. ubi Papa ait: pretextu dispensationis hujusmodi, quam exorbitantem à Jure oportet velut odiosam restringi. junctâ l. Sivero. 64. §. de Viro. 9. ff. Solutio Matrim.*

¹² Et quoniam privilegia à potiori sunt contra Jus commune, *can. Privilegia. dist. 3. à potiori etiam odiosa censentur; cum omnis recessus à Jure sit odiosus c. 1. & 2. de filiis Presbyt. in 6. consequenter stricte interpretationis juxta tritum brocardicum: Privilegium concessum contra Jus est stricte interpretandum.* Non obstantem, quod ex parte privilegiatorum contineant favorem, & dans privilegium principaliter intenderit favorem illis conferre; quia hic favor privatus est, cui præponderat favor Juris communis: quamvis hæc doctrina patiaturs etiam suas fallentias juxta dicenda n. 21.

¹³ Sic ulterius in specie, quia *Clem. 1. de Privileg.* prohibens sub censuris, ne Religiosi sine licentia Parochi administrarent extremam unctionem, & Matrimonium, non extenditur ad administrantes Baptismum, quia odiosa est.

¹⁴ Sic licet *Clement. un. de Consang. & Affin.* Moniales professæ si nubunt, & illi, qui eas in uxores ducunt, sint excommunicati: tamen, quia odiosa est, stricte interpretari de-

bet, & ideo ad faminam, quæ professio Religiosa nubit, extendi non potest. *Taccin. hic n. 8.*

Pariter quamvis vi Concilii Trident.¹⁵ excommunicationem incurrant, qui faminas ad ingrediendam Religionem cogunt, tamen hanc excommunicationem non contrahunt cogentes masculum ingredi Religionem; quia Tridentina dispositio tanquam odiosa ad personas non expressas extendi nequit.

Rursus ob eandem rationem Clerici sæ-¹⁶culares fraudantes decimas non incurrunt pœnas, quas contrahunt id facientes Religiosi. *Gloss. in Clement. 1. de Decimis.*

Loquendo autem ulterius in specie de¹⁷ secunda parte Regulæ, id est, de ampliando, latè interpretando, & extendendo favore, imò pro utraque parte serviunt pro declaratione inter alia etiam sequentia exempla. *Primò: licet in odiosis & pœnalibus nomine populi non veniant Clerici: arg. c. si Sententia. 16. de Sent. Excom. in 6. in favorabilibus tamen eodem nomine etiam comprehenduntur; quia favores sunt ampliandi & extendendi.*

Secundò: Quamvis in materia odiosa¹⁸ & pœnali nomine Clericorum non veniant Episcopi: c. quia periculosum. 4. de Sent. Excom. in 6. neque Canonici, nec alii in Ecclesiastica dignitate constituti c. Sedes Apostolica. 15. de Rescript. & c. Statutum. 22. de Elect. in 6. nec Religiosi, juxta Gloss. in Clement. 1. de Supplend. neglig. Pralat. sed soli Clerici sæculares: tamen in materia favorabili præfati omnes nomine Clericorum comprehenduntur.

*Tertiò: Nomine Territorii in materia¹⁹ favorabili veniunt etiam loca exempta, non item in materia pœnali, vel aliàs odiosa. Fe-
lin. in c. Rudolphus. de Rescript. n. 18.*

Quæritur II. An? & quæ sint Fallentiæ²⁰ contra Regulam XV. Resp. Eam quoad primam partem de odiis restringendis fallere in exorbitantibus à Jure, consequenter odiosis tam legibus, quàm rescriptis, & privilegiis, ita ut non stricte, sed latè explicari & extendi possint ac debeant. 1. Quando agitur de favore publicæ utilitatis. arg. l. Catera. 41. §. sed si quis. ff. de legatis. 1. Alexander lib. 2. Consil. 216. n. 38. Tuschus lit. E. Concl. 665. Bartol. Imola & alii.

*Fallit 2. In Rescriptis & Privilegiis con-²¹cessis pro favore cultûs divini, fidei, Religio-
nis,*

nis, salutis animarum. *Fag. in c. olim. de P. S. n. 25. Sylvest. p. Privilegium. q. 3. arg. c. in his. 30. de Privileg. ibi: In his, quæ ad cultum divinum facere dignoscuntur, non maligna, sed benigna esset potius interpretatio facienda.* Ratio redditur *l. sunt persona. 43. ff. de Religios. & sumptibus fun. ibi: Nam summam esse rationem, qua pro Religione facit.* Quam fallentiam Gloss. in *c. Sciant. p. alios. de Elect. in 6. Sylvest. loc. cit. Suarez lib. 8. de legib. cap. 27. n. 7. Laym. Tract. 4. cap. 23. n. 5. & alii etiam extendunt ad illa, quæ concessa sunt in favorem Ecclesiæ, Monasterii, Hospitalis, vel alterius causæ piæ, aut aliàs favorabilis.*

22 Fallit 3. quando Privilegium aut Rescriptum Juri communi contrarium datum est motu proprio Laym. *loc. cit.* Suarez *loc. cit. n. 8.* Tale siquidem tanquam proprium Principis beneficium, & ex certa scientia concessum amplam & latam interpretationem meretur. *c. Si motu proprio 23. & c. Si pluribus. 24. de Preb. in 6.*

23 Fallit 4. circa leges, ubi est eadem ratio in lege expressa; ob hanc enim etiam lex pænalis, vel aliàs odiosa ad casum non expressum extenditur. Abbas Panorm. *lib. 1. Consil. 75. n. 6. Tusch. lit. E. Concl. 665. n. 4. Gloss. in Clement. 1. p. Eligatur. de Elect. arg. c. si postquam. 33. §. si vero de Elect. in 6. & l. Si quis id. 7. ff. de Jurisdic. quia ratio in lege expressa est anima legis. can. Consuetudo. dist. 1. & l. cum ratio 7. ff. de Portion. qua liberis. & ubi hæc est eadem, etiam eadem censetur*

esse legis dispositio. *l. Ideo. 27. ff. de legib. cum Concord.*

Fallit 5. In casibus, in quibus exorbitantia à Jure communi extensionem exigunt ad evitandum absurdum, v. g. quia aliàs durius ageretur cum Ecclesiis, & personis ecclesiasticis contra *c. 1. de Dolo & Contum. ac Concordantias, junctâ l. Servius. 4. ff. quod vi aut clam.* ubi similis extensio fit: *ne melioris conditionis sint stulti, quam periti.*

Quoad secundam partem de favoribus ampliandis Fallit 1. in Beneficiis Ecclesiasticis, utpote quæ propter ambitionem stricte interpretanda sunt textu claro *c. quamvis. 4. de Preb. in 6.* ubi etiam ratio exprimitur, ibi: *Quamvis plenissima sit aliàs in beneficiis interpretatio facienda, littera tamen super obtinendis beneficiis debent, cum sint ambitiose, restringi.*

Fallit 2. In quibuscunque etiam maxime favorabilibus dispositionibus, quæ præjudicant Juri tertii jam quæsito, prout desumitur ex *c. Super eo. 15. de Offic. Deleg. c. tunc. 12. de Offic. Ordin. & c. cum capella. 16. de Privileg. junctâ Regula Cancell. 18. de non tollendo jus quæsitum.* ubi Papa expressè declarat, quod per nullas literas & gratias, etiam motu proprio datas tollatur Jus tertii jam quæsitum.

Cæterum, qui plura circa hanc Regulam, ac de interpretatione illius scire desiderat, legat ex *lib. 1. Tit. 2. de Constit. §. 17. & Tit. 3. de Rescript. §. 5.*

REGULA XVI.

Decet concessum à Principe Beneficium esse mansurum.

SUMMARIUM.

1. Regula unde desumpta?

2. Beneficium propriè & latè sumptum quid?

Hic sumitur in sensu lato, prout etiam privilegium comprehendit.

3. Decet quidem Principem, ut beneficia non revocet: potest tamen tale suo subdito concessum ex causa iusta revocare.

4. Non item concessum alieno.

5. Cur deceat Principem beneficia & privilegia concessa non revocare?

6. Ponitur verus sensus Regulæ.

7. Solvitur objectio: Par in parem non habet imperium: quomodo intelligendum?

8. Causæ, ob quas revocari possunt, vel ipso jure cessant privilegia.

9. Enarrantur breviter.

Hæc Regula desumitur ex *c. Si super gratia. 9. de Offic. Delegat. in 6. c. Si cui. 36. de Preb. in 6.* & aliis à glossa hic citatis Juribus.

2 Quæritur, Quomodo hæc Regula intelligenda? Et quis verus illius sensus sit?

Resp. I. Quamvis Beneficium Principis propriè sumptum illud solum dicatur, quod ex liberalitate non contra, sed præter Jus commune sine ullius, quam concedentis præjudicio confertur, uti amplius diximus *Lib. 1. Tit.*

Tit. 2. de Constitut. n. 445. & seq. tamen à Regula hinc sumitur latè, prout privilegium quoque, etiam contra Jus concessum comprehendit, uti cum Strein *hic n. 1.* benè observat Peckius *hic n. 4.* ut proin sicut beneficia propria, sic etiam Privilegia à Principe (cujus nomine etiam Episcopi veniunt juxta Gloss. *hic*) concessa constanter durare, & manere debeat, consequenter morte concedentis non expirent, nisi aliter in concessione beneficii, gratiæ, vel privilegii exprimat *arg. c. si gratiosè. §. de Rescript. in 6.* ubi gratia à Pontifice concessa usque ad sue voluntatis beneplacitum per obitum concedentis, quò ejus beneplacitum omnino extinguitur, eo ipso expirare dicitur.

3 Per verbum *Decet* dicere vult Regula, quòd omnino conveniens sit, & deceat quidem Principem, ut beneficia, gratias & privilegia à se, vel antecessore concessa permanere permittat: ad id tamen absolute non obligetur, nec potestas ei adempta sit, quin hujusmodi beneficia & privilegia proprio subdito concessa ex parte, vel in toto, saltem ex justa causa moderari, vel tollere & revocare valeat, uti probat Gloss. ex *c. quia saepe 40. de Elect. in 6.* ibi: *Non obstantibus quibuscunque privilegiis. c. Clericis 3. de Immunit. Ecclesiast. in 6.* ibi pariter: *Non obstantibus quibuscunque privilegiis.* cum Concord.

4 Dicitur autem, notanter: proprio subdito; quia privilegium non proprio sed alieno subdito concessum à concedente non amplius potest revocari, uti jam diximus & probavimus *lib. V. Tit. 33. §. 6. n. 121.* ubi *n. 122.* addidimus, quòd privilegia non merè gratiosa, sed onerosa, vel intuitu meritorum, aut per modum pacti etiam subditis propriis concessa revocari non amplius valeant; ubi vide, ne superflua fiat repetitio.

5 Ceterum, cur deceat Principem, ut concessa à se, vel antecessore beneficia ac privilegia manere & durare permittat, Ratio est: tum quia etiam Princeps ex suo consensu æquè ac privatus obligatur propter æquitatem & rationem naturalem dictantem, ea, quæ semel placuere, esse servanda *l. 1. pr. ff. de Pactis.* ibi: *hujus edicti æquitas naturalis est; quid enim tam congruum fidei humanæ, quàm ea, quæ inter eos placuere, servare.* junctâ *Reg. 21. Jur. in 6.* Quod semel placuit, amplius displicere non potest. Tum quia vel maximè convenit Principi illud *Psal. 61. &*

12. Semel locutus est Deus. & illud Pilati: *quod scripsi, scripsi.* Joan. cap. 19. v. 22. cum debeant habere unam linguam, & unum calamum atque immobiles esse instar lapidis angularis, aut poli in cælo, uti post Bald. & Gail. *lib. 2. Observ. 55. n. 3.* benè observat Strein. *hic n. 2.* Præsertim quia cuivis viro bono, & multò magis Principi turpe ac probrosum est esse inconstantem, ac infidelem in dictis & promissis. Dictis conformiter

Resp. II. Verus sensus Regulæ hic est: 6
Beneficia, Privilegia, & alia gratiosa concessiones Principum sine determinatione temporis, vel clausula restrictiva concessa, durare & manere debent: personalia quidem usque ad mortem privilegiati: realia verò stabiliter, ita, ut neque à concedente, neque à successore auferri conveniat, nec cessent sine justa, eaque gravi causa. per rationes & Juracitata, præsertim *c. Si cui 36. de Prob. & Dignit. in 6.*

Nec objicias: Par in parem non habet 7
imperium, *c. Innotuit. 20. de Elect. & l. Nam Magistratus. 4. ff. de Recept. arbitr.* ergo saltem à successore, cujus potestatem ligare non potuit antecessor, liberè revocari possunt beneficia & privilegia ab antecessore concessa. Resp. enim, hoc procedere quoad futura, non autem quoad præterita, præsertim intuitu meritorum, aut onerosè vel per pactum concessa; talia enim sicut nec à concedente, sic nec à successore sine justa, eaque gravi causa saltem honestè ac licitè pro libitò auferri valent juxta communem tam Juristarum, quàm Theologorum; cum aliàs quavis rebus & juribus suis, etiam jam quæsitis, pro libitò Principis successoris privari posset.

Dicitur autem notanter *n. 6. sine justa,* 8
eaque gravi causa; ex hac enim sicut concedens & successor beneficia & privilegia revocare possunt, sic etiam aliquoties per se cessant & amittuntur juxta unanimum DD. Quenam autem sint hæ causæ, fusè diximus *Lib. V. Tit. 33. de Privileg. §. VI. & seqq.* ac compendiosè adducuntur à Gloss. *hic,* & *can. Renovantes. 6. dist. 22.* ac *can. Privilegium. 63. cau. 11. q. 3.* suntque abusus, delictum, negligentia, seu non usus, contrarium factum, atque superveniens enorme damnum. Et quidem breviter de his loquendo

Propter abusum perdi privilegium ha- 9
betur cit. *can. Privilegium. 63. cau. 11. q. 3.* ibi:

ibi: *Privilegium omnino meretur amittere, qui permissa sibi abutitur potestate.*

Propter Delictum perdi, patet ex *can.*

Ita nos. 25. cau. 25. q. 2. ubi civitati duos Episcopos suos occidenti in pœnam delicti subtrahitur Sedes Episcopalis.

Propter negligentiam seu non usum: *l.*

1. ff. de Nundinis, ubi dicitur: *Nundinis impetratis à Principe non utendo qui meruit, decenni tempore, usum amittit.*

Propter contrarium factum, *arg. c. si de terra. de Privileg. ibi: de privilegio tamē indulto tanto tempore vobis detrahere voluistis, cum liberum sit, cuique jus suum renuntiare, eaque modò non potestis vos in hac parte tueri.*

Propter superveniens enorme damnum.

arg. c. Dilecti. 8. de Decimis. ibi: Unde quo-

niam iidem fratres ex hoc gravantur enormiter &c. & c. Suggestum. 9. de Decimis. quò revocatur privilegium ex eo, quòd caperit enormiter nocivum esse; ubi glossa *fr. Privilegium* sic habet, & pluribus probat: *quòd secundum diversitatem temporum, & varietatem rerum privilegia sint varianda;* unde illi versus:

Indultum tollit contemptus, crimen, abusus, Oppositum factum, damnum, tempus variatum.

De quibus causis plura invenies cit. *lib. V. Tit. 33.* & quidem de Abusu §. 8. à n. 176. De non usu, item de contrario facto, §. 10. De Damno superveniente, item de lapsu temporis §. 8. ubi etiam à n. 183. alia assignatur causa, videlicet Cessatio causæ finalis, non item impulsivæ. Item §. 9. Renuntiatio.

REGULA XVII.

Indultum à Jure Beneficium non est alicui auferendum.

S U M M A R I U M.

1. In quo differat hæc Regula à præcedenti?

2. Beneficium, vel Privilegium alicui de jure communi competens à nullo homine, etiam Judice &c. auferri potest:

3. Nisi à supremo legislatore ex gravi justa causa.

4. Ponitur verus sensus Regule:

5. Et declaratur exemplis.

QUAMVIS hæc Regula (quæ ex *l. 1. §. Neque enim. ff. de feris. & l. Adulter. C. ad legem Juliam. de Adulter.* desumpta habetur) non multum dissimilis sit à præcedente, tamen ab ea in hoc principaliter differt, quòd præcedens de beneficiis & privilegiis ab homine potestatem concedendi privilegium habente, Principe nempe concessis, loquatur: præfens verò Regula agat de beneficiis & privilegiis, quæ ab ipso jure communi habentur, eique inserta reperiuntur; qualia sunt v. g. Privilegium Exemptionis Clericorum à jurisdictione laicorum: privilegium Restitutionis in integrum Minoribus ab ipso Jure concessum, juriq; communi insertum. Itaque

2. QUÆRITUR, Quomodo hæc Regula sit intelligenda, & quis verus illius sensus sit? Resp. Eam sic esse intelligendam, quòd indultum beneficium, vel privilegium de Jure communi alicui competens, à nullo homine, etiam judice (nisi supremus Legislator sit) auferri valeat. Ratio est; quia, cum indulta

Regula Juris.

& privilegia juri communi inserta naturam legis assumant, lex autem ex natura sua debeat esse perpetua *arg. c. fin. de offic. legat.* cum concord. suamque firmitatem & stabilitatem tum ab autoritate legislatoris, tum à promulgatione & acceptance, consensuque communi totius populi habeat, à nullo homine privato, nec à Judice auferri, mutari, aut effectus illius impediri potest; eò quòd Judices sint tantum ministri ac executores Juris & legum, indeque illis se accommodare, & juxta eas, non verò pro suo libitu contra easdem procedere ac judicare possint & debeant. *can. In istis. 3. dist. 4. c. 1. de Sentent. & re judic. l. fin. C. Si contra jus & utilitatem. & l. Nemo. 13. C. de Sent. & interlocut.*

Dicitur autem notanter: *nisi supremus legislator sit*; hic enim, sicut alias leges & constitutiones, sic etiam indulta, beneficia, & privilegia etiam juri communi inserta per aliam legem revocare, mutare, variare, aut penitus auferre potest ob gravem & justam causam, præsertim ob necessitatem aut uti-

H

litatem

litatem publicam. *arg. c. Non debet. 8. de Consang. & affin. c. 2. & 3. de Censib. in 6. junctâ l. Princeps. 31. ff. de LL. cum Concordant. & amplius dictum est Lib. I. Tit. 2. de Constit. §. 19. & seqq.* Nec obstat, quod lex ex natura sua debeat esse perpetua; quia perpetuitas legis in sensu negativo, ita videlicet intelligenda est, quod, sicut sine ulla determinatione temporis, aut præfixo termino conditur, sic etiam sine ullo respectu semper & perpetuò, seu tamdiu servari debeat, donec à Supremo Legislatore ex justa causa revocetur, mutetur, varietur, minuat &c. vel etiam per contrariam legitimam consuetudinem tollatur, uti fieri posse certum est *c. fin. de Consuet.* His præmissis

4 Resp. II. Verus sensus Regulæ hic est: *Indultum beneficium, vel privilegium à Jure communi, lege, vel Canone concessum, sicque*

de Jure communi alicui competens, nullus homo, nec Judex ab eo auferre, vel illum impedire potest, quod minus tali indultò liberè uti & gaudere valeat: Per Jura & rationes allegatas.

Exempla hujus innumera habentur in Jure; sic enim nullus etiam Judex tollere potest privilegium immunitatis ecclesiasticæ, vel impedire, quod minus eâ utatur Clericus. Nullus item auferre aut impedire potest beneficium restitutionis in integrum Minoribus & Ecclesiis de jure communi competens. Sic pariter *c. fin. de secundis. Nupt.* prohibetur, ne facultas à Jure communi mulieri concessa transeundi inter annum luctus ad secunda vota eidem auferatur. Et quoniam circa hanc Regulam difficultas aliqua facile non solubilis vix invenitur, pergitur ad Regulam XVIII. declarandam.

REGULA XVIII.

Non firmatur tractu temporis, quod de Jure ab initio non subsistit.

SUMMARIUM.

1. Regula unde desumpta?
2. Intelligenda de Nullis ipso jure: non de primùm annullandis:
3. Et nisi aliò adminiculò firmentur priùs invalida.
4. Ponitur verus Regulæ sensus.
5. Declaratur & firmatur exemplis, in Testamentis:
6. Legatis:
7. Contractibus:
8. Judiciis:
9. Rescriptis:
10. Alienationibus rerum Ecclesiæ; quia hæc omnia

reversita, si ab initio invalida fuerunt, non firmanur tractu temporis.

11. Solvitur obiectio de Professione, quæ ab initio invalida post quinquennium valida evadit.
12. Sicut & contractus Minoris invalidus post quinquennium convalescit non solo tractu temporis, sed præsumpta tacita ratificatione.
13. Collatio beneficii patronati sine consensu invalidè facta validatur non tractu temporis, sed ob negligentiam Patroni.
14. Fallit Regula in contractibus.

1 Desumitur hæc Regula ex *l. quod in initio. 29. ff. de R. J. ibi: Quod in initio vitiosum est, non potest tractu temporis convalescere.* cui concordat *c. Imperialem. Lib. 2. Feud. de prohibita feudi alienat. per Fredericum. ibi: quia ab initio de Jure non valuit, tractu temporis convalescere non debet.*

2 Queritur I. Quomodo hæc Regula intelligenda? & quis verus illius sensus sit? Resp. I. Eam duntaxat de ipso jure nullis, non verò de primùm annullandis de Jure, seu de illis, quæ de jure quidem valida sunt, eodem autem disponente annullari possunt,

intelligendam esse, uti benè advertit Gloss. hic. *arg. c. Bone. 4. de Postulat. Prælat.* ubi Postulatio Archi-Episcopi Colon. admittitur, quamvis de jure fuisset annullanda. *cum Concord.*

Item intelligendam esse: nisi de Jure nullum aliò adminiculò, v. g. novò tacito vel expresso necessariò consensu, sublatâ causâ invaliditatis firmetur, uti pluribus probat Gloss. *hic §. non firmatur.* In quo tamen casu priùs invalidum non firmatur ex *tunc*, quando actus nulliter actus est (uti res se habet in ratihabitione iuxta Reg. X. n. 3.) sed

fed ex nunc, quando ex tacito vel expreffo confenfu actus valere incepit, nifi jus in particulari aliter difponat.

4. Resp. II. Verus fenfus Regulæ fequens eft: Nullus actus, qui, dum perficitur, ipfo jure invalidus, & nullus eft, fole tractu & lapfu temporis fine alio adminiculo convalefcit, ut vim & effectus actus ab initio valide gefti habeat. Ratio eft; quia ficut actus ab initio legitime & valide initus non poteft ex præfcripto tractu temporis vitari aut annullari, juxta Reg. 73. de R. J. in 6. Factum legitimum retractari non debet &c. ita è contrario folus tractus feu lapfus temporis non poteft actum ab initio nullum revalidare; cum tempus ex fe fole fit infufficiens ad ponendam vel tollendam obligationem, nifi aliud extrinsecum adveniat actui. l. obligationum. 44. §. 1. ff. de obligat. & action.

5. Et præcedit fummè practica hæc Regula verè univerfaliter veluti in Testamentis, & ultimis Voluntatibus: In Contractibus: in Beneficiis & Refcriptis, in Judiciis &c. prout pluribus exemplis ex Jure declarat ac firmat Dynus & Gloffæ hic. Sic enim Testamentum ex defectu testantis, v. g. ab amente, furiofo, impubere invalidè factum non convalefcit, etiamfi amens tractu temporis fiat rationis compos, aut impubes pubefcat. §. Prætereæ. Inftit. quibus non eft permiffum facere testamentum. junctæ l. Ejus. 8. pr. l. Si filiusfam. 19. ff. qui Testamenta facere poff.

6. Sic legata ab initio nulliter & invalidè facta ob incapacitatem legatarii v. g. apoftatæ à fide, tractu temporis etiam remotò impedimentò non convalefcunt. arg. l. Hi, qui Sanctam. C. de Apoftatis.

7. Sic in Contractibus: fi impuberes, ubi malitia non fupplet ætatem, contrahunt fponfalia, ea ex defectu ætatis invalidè contracta non convalefcunt, etiamfi tractu temporis legitima fuperveniat ætas. c. un. pr. de Difponf. Impub. in 6. ibi: Sponfalia hujusmodi, quæ ab initio nulla erant, per lapfum temporis minime convalefcunt. Idem eft in aliis contractibus.

8. Sic in Judiciis: Sententia de Jure nulliter lata manet talis, & nullò quantumvis longo tempore valida evadit, nec tranfit in rem judicatam, etiamfi illà gravatus fatalia appellationis neglexerit. l. Si expreffim. 19. ff. de Appellat.

Sic in Beneficiis & Refcriptis; Nam fi 9 in ætate nondum legitima per invalidam collationem beneficium accepifti, collatio postmodum tractu temporis fuperveniente ætate fufficiente non evadit valida, quia ab initio fuit nulla. c. Si eo tempore. 9. de Refcript. in 6.

Sic alienationes rerum Ecclefiafticarum¹⁰ ex defectu requifitarum folemnitatum ab initio invalidæ tractu temporis non validantur. Extravag. Ambitiofa. de Reb. Ecclef. non alien. inter commun.

Objicitur tamen contra Regulam & 11 fenfum illius 1. Profeflio Religiofa ab initio invalidè facta per quinquennium ita firmatur, ut reclamans non amplius audiat. Concil. Trident. Sef. 25. cap. 19. de Regular. Resp. Profefionem hujusmodi non firmari fole tractu temporis, fed quia nulliter profefsus præfumitur intrà quinquennii tempus profefionem ratificaffe.

Objicitur 2. Contractus Minorum abs-¹² que curatoris autoritate celebrati ipfo jure funt nulli. l. f. curatorem. 3. C. de In integr. reftit. min. & tamen fi per quinquennium integrum non conqueruntur, poftquam Majores facti funt, æquè fubfiftunt, ac fi ab initio cum debiti Juris folemnitate fuiffent initi. l. fin. C. Si Major. fact. alienat. ergo tractu temporis firmatur, quod ab initio non valuit. Sed Resp. ut ad priorem objectionem, videlicet contractum Minoris ab initio invalidè factum non validari præfcripto tractu quinquennii, fed tacito confenfu, quem habere præfumitur, fi major factus tacet, & non conqueritur. Vivian. hic. Strein. ibid. n. 3.

Objicitur 3. Collatio beneficii patro-¹³ nati fine Patroni præfentatione vel confenfu facta, ipfo jure nulla & irrita eft. can. Decernimus. cau. 16. q. 7. & tamen fi Patronus intrà tempus ad præfentandum à jure fibi conceffum alium non præfentat, collatio prius nulla convalefcit, uti poft Felin. in c. Cum Bertoldus. de Sentent. & rejudicat. docet Strein. hic n. 3. ergo. Resp. præfatam nulliter factam collationem non fole tractu temporis, fed ex fpeciali Juris difpofitione ob negligentiam Patroni validari; quando enim Patronus intrà tempus à jure præfcriptum ad beneficium præfentare negligit, ea vice jure præfentandi privatus exiftit, & validatur collatio prius nulliter facta, ne longior beneficii vacantia

evadat Ecclesiæ damnosa, & animabus periculosa. Felin. ubi supra n. 14. Pech. *hic* n. 4. & Strein. n. 3.

14. **Quæritur II.** An detur Fallentia contra Regulam XVIII? Resp. Eam fallere in præscriptione; in hac enim lapsus temporis à Jure præscripti firmat contractum emptionis & venditionis etiam quoad translationem dominii, ita ac si ab initio omni ex parte rite

celebratus esset. Si dicis: ad præscriptionem non sufficere solum tractum temporis, sed requiri etiam possessionem & bonam fidem, Resp. etsi res ematur bona fide & possideatur, tamen contractus emptionis est & manet quoad translationem dominii adhuc imperfectus, donec præscriptus adveniat temporis lapsus, qui proin solus contractum ex integro perficit.

REGULA XIX.

Non est sine culpa, qui Rei, quæ ad se non pertinet, se immiscet.

S U M M A R I U M.

1. Regula unde desumpta?
2. Nomine Rei hic intelliguntur etiam officia, negotia, facta, acta &c.
3. Res ad aliquem non pertinere, & ei se immiscere dicitur, qui invadit rem alienam:
4. Qui exercet actum de jure vi statûs prohibitum: Clericus chirurgiam exercens, secuta morte, est irregularis: ibid.
5. Item, qui invito Domino negotium illius assumit:
6. Vel Jurisdictionem alterius exercet.
7. Item falsò jactans scientiam vel artem, quam non

callet, qui etiam ad restitutionem secuti damni tenetur.

8. Item qui ex ambitione Dignitates & Officia Ecclesiastica obtinent.

9. Ponitur verus sensus Regulæ:

10. Quæ fallit I. In casu necessitatis:

11. II. Quando quis requisitus alterius negotium agit.

12. III. Vel irrequisitus utiliter agit.

13. Si aliàs ad rem habilis & peritus est.

14. IV. Si se alterius negotio etiam contra prohibitionem illius immiscet, ut illum ab interitu eruat.

1. **H**æc Regula desumpta videtur ex c. *Tua*. 19. de Homicidio; eique concordat Regula 26. ff. de R. J. ita sonans: *Culpa est, se immiscere rei ad se non pertinenti.*

2. **Quæritur I.** Quomodo hæc Regula intelligenda? & quis proprius illius sensus sit? Resp. I. Nomen *Rei* in Regula intelligendum esse in sensu lato, ita ut non tantum res illa, quæ ad aliquem jure proprietatis pertinet, sed etiam officia, negotia, administrationes, munera, judicia, sententiæ, aliæque facta & acta nomine rei hic comprehendantur, prout cum communi aliorum benè observat Peck. *hic* n. 1. & Tacinus *ibid.*

3. Verba autem, *que ad eum non pertinet*, iisdem modis intelligi debent, quibus modis res quædam ad aliquem pertinere dicitur: ut proin sicut variis modis res ad aliquem pertinere potest, v. g. quia verum illius dominium & proprietatem habet, vel ususfructus rei illi competit, vel ratione officii, muneris, statûs, administrationis, tutelæ, obedientiæ &c. sic iisdem modis res quædam ad aliquem non pertinere possit, ac per consequens ille dicatur se culpabiliter immi-

scere rei ad se non pertinenti I. qui rem alienam invadit, vel possessionem vacantem propria autoritate capit; quia omnes scire debent, id, quod suum non est, ad alium omnibus modis pertinere. *L. fin. C. Unde vi.*

2. Qui exercet actum, vel ei se immiscet, qui illi ratione statûs non competit, sed Jure prohibitus est, ut si Clericus sagittarium agit *can. Clerico. dist. 50.* vel artem chirurgicam exercet c. *Tua. de Homicidio.* ibi enim dicitur: *quòd Monachus multum deliquerit alienum officium usurpando, quod sibi minime congruebat.* ubi etiam decernitur, quòd Religiosus chirurgiam exercens, si ex ea mors sequatur, irregularis sit, etiam si sit peritus & diligens, & hoc fecerit causa pietatis. ut ibidem summarium habet.

3. Qui directè vel indirectè, physicè vel moraliter, invito vel prohibente Domino aut eo, ad quem pertinet, negotium illius assumit, gerit, aut ei se immiscet, culpabiliter agit, ac nec stipendium, nec honorarium meretur, nec factos sumptus repetere potest, etiam si negotium benè, & in utilitatem Domini gesserit *L. fin. C. de Negot. gest.*

4. Qui

6 4. Qui alterius jurisdictionem exercet, vel illius præsertim inviti vel non requirentis officio se ingerit, per Jura allegata, & l. *Culpa*. 36. ff. de R. J.

7 5. Et præcipuè, qui simulat, jactat, vel profitetur scientiam vel artem v. g. scientiam juridicam, theologicam, Medicam, chyrurgicam, mechanicam, quam non callet, indèque ad officium aliquod hujusmodi scientiam aut peritiam artis requirens se intrudit, vel ad illud intuitu ejusdem assumitur. Dynus hic Gloss. in cap. ad aures. de etat. & qualitat. Barb. eod. n. 2. Strein. ibid. n. 2. Tacin. n. 2. cum communi aliorum meritò docentium, hujusmodi sit in præsentem quàm prioribus numeris rei alienæ culpabiliter se immiscentes etiam ad restitutionem teneri, & aliquando publicâ pænâ puniri posse, si exinde damnum sequatur. l. Idem Juris. 8. §. Mulionem. & l. sequenti. ff. ad legem Aquil. junctâ l. Illicitas. 6. §. Sicuti. 7. ff. de officio Præsid. Ratio est; quia revera ad illum non pertinet officium, manus vel negotium, qui requisitâ ad illud scientiâ vel peritiâ caret, consequenter illud assumens rei alienæ, quæ ad eum non pertinet, culpabiliter se immiscere, & pænâ dignus esse censetur. Nec excusat ipsum in officio vel munere jam existentem prius nota inhabilitas vel infirmitas; quia, ut meritò dicitur cit. l. Idem Juris. Nec videtur iniquum, si infirmitas culpa adnumeretur, cum affectare quisque non debeat, in quo intelligit, vel intelligere debet, infirmitatem suam aliis periculofam futuram. & tit. l. Illicitas. §. 7. Medico, quod per imperitiam commisit, imputari ei debet. & infra: Prætextu humane fragilitatis delictum decipientis in periculo homines innoxium esse non debet.

8 Ad culpabiliter se immiscentes rei alienæ ad se non pertinenti, præsertim ad speciem in n. præced. allegatorum, omnium maximè jure meritò ex S. Chrysof. Lib. 4. de Dignit. Sacerd. reducit Strein hic n. 1. Regulares & sæculares Clericos, qui præsertim minus apti dignitates & officia honorifica ecclesiastica ambiunt; quia hæc ad illos planè non pertinent, cum per Jura illis indigne habeantur. Hinc S. Chrysof. loc. cit. ait: Nullus relinquitur excusationi locus in his, quæ postea commisit is, qui se ad susceptionem honoris illius opportunum spondet; nec potest ultra dicere, quia invitatus hoc aut illud feci, aut invitatus in hoc deliqui: Respondebitur enim

illi à Judice; cur conscius tibi tam grandis inscitia (aut juxta l. 8. & 9. ff. ad leg. Aquil. imperitiæ vel infirmitatis) ausus es accedere officium, quod vires tuas superat? quis te coëgit? Huc serviunt etiam illa, quæ de Pastoribus animarum, & ambientibus horum officia diximus ad Regulam decimam appositam quinto Decretalium.

Resp. II. Sensus genuinus Regulæ sequens est: Qui rei, quæ ad eum non pertinet, se immiscet, id est, qui rem alienam, in qua nil Juris habet, invadit: aut negotio vel officio contra prohibitionem illius, ad quem pertinet: vel quod ratione propria imperitiæ aut inhabilitatis: vel intuitu præsentis status sibi non congruit, se ingerit, culpam committit, ac propterea non tantum ad restitutionem, damni que inde secuti resarcitionem tenetur, & conveniri valet: sed etiam pænâ publicâ pro culpa & circumstantiarum qualitate affici potest. Per Jura & rationes allegatas; quibus accedit, quòd qui sic agit, illicitè & culpabiliter agat, sicque pro exigentia culpæ etiam pænâ mereatur. c. Tua. 19. de Homicid. c. Sententiam. 9. Ne Clerici vel Monachi. junctâ l. 8. & 9. ff. ad l. Aquil.

Quæritur II. An? & quas Regula XIX. 10 patiatur Fallentias? Resp. Eam fallere in sequentibus, & quidem 1. In casu necessitatis: hac enim urgente etiam Clericus & Monachus possunt exercere artem chyrurgicam vel medicam aliàs ratione status sibi prohibitam, consequenter ad se non pertinentem, v. g. incisionem, vel aduſionem facere, experimentò probatam medicinam suadere & præbere absque omni culpæ vel irregularitatis periculo, si alii periti in arte desint, vel venire & juvare detrectant. Navar. in Manu. cap. 25. n. 110. Sanch. lib. 6. Moral. cap. 14. n. 18. Laym. Lib. 3. tr. 3. p. 3. cap. 10. n. 3. Covar. in Clement. Si furiosus. p. 2. §. 4. n. 9. Strein hic. cum communi aliorum. c. quod in lege. 4. de R. J. ibi: Quod in lege non est licitum, necessitas facit licitum. Et Ratio est; quia in casu necessitatis lex humana cedere debet legi divinæ & naturali, quæ vult, ut proximo in necessitate succurramus.

Fallit 2. In casu, quo quis requisitus alterius negotium vel officium peragit, dummodo conditioni status non incongruum sit. Ratio est; quia non decet alicui suum officium alteri præstitum esse damnosum ut dicit c. Cum non. 30. de Elect. in 6. Nec refert, si

alter per accidens exinde damnum patitur; quia tunc non tam ex parte gerentis seu præstantis alienum negotium vel officium, quam ex parte requirentis adesse videtur culpa, ex qua propria si quis damnum sentit, de jure sentire non censetur. *l. quod quis ex culpa. 203. ff. de R. J. ibi: quod quis ex culpa sua damnum sentit, non intelligitur damnum sentire.*

12 Fallit 3. universaliter, quando quis ad rem aliâs habilis & peritus, & irrequisitus non in proprium, sed alterius, præsertim absentis, commodum & lucrum negotium illius sibi ratione statûs non inconueniens utiliter gerit vel peragit. Strein. *hic n. 4. Gloss. hic. §. Non est sine.* id probans ex variis Juribus: & Ratio est; quia hominis interest, ab homine affici beneficiò. *l. Servus. 7. ff. de servis export. ibi: cum beneficiò affici hominem inter sit hominis.* ob quam rationem Gloss. *loc. cit.* etiam infert, eum, qui alienum negotium utiliter gerit, non se immiscere rei alienæ ad se non pertinenti, cum ad eum suò modò, lege humanitatis videlicet, pertineat. *l. Non*

tantum. 6. ff. de appellat. & Relat. unde ei etiam competit actio, & eidem debent restitui facti sumptus saltem in eo, quod utiliter gessit, textu claro *l. 2. ff. de Negot. gessis.* non item pro eo, quod inutiliter gessit. *arg. cit. l. 2. ibi: si utiliter gessit.* hinc etiam ad initium hujus fallentiæ notanter dicitur, qui utiliter gerit.

Dicitur ulterius notanter ibidem: *Ad 13 rem aliâs habilis & peritus:* inhabilis enim ac imperitus se alieno negotio immiscens semper in culpa, & si damnum sequatur, restitutioni obnoxius est, per Jura & rationem *n. 7.* allegata.

Fallit 4. in casu, quò quis alieno negotio etiam contra prohibitionem illius, ad quem pertinet, se immiscet, ut eum ab interitu aliâs secuturo seruet. Gloss. *loc. cit. arg. l. Non tantum. 6. ff. de Appellat. & Relat.* ubi habetur, quòd locò condemnati ad mortem quivis, etiam contradicente condemnato, appellare possit, & exigente lege humanitatis audiendus sit.

REGULA XX.

Nullus pluribus uti defensionibus prohibetur.

S U M M A R I U M.

1. Regula unde desumpta?
2. Est intelligenda de solo Reo, non item de Actore.
3. Cur Reus pluribus defensionibus, & non actor pluribus actionibus uti valeat?
4. Reus non simul, sed successive plures exceptiones contrarias adhibere potest.
5. Eâsque non omnes absolute, sed disjunctivè veras esse dicere habet.
6. Ponitur verus sensus Regule.

Hæc Regula desumpta est ex *l. Nemo. 8. ff. de Exception.* ubi dicitur: *Nemo prohibetur pluribus exceptionibus uti, quamvis diverse sint:* Cui etiam concordat Reg. *Nemo ex his. 43. ff. de R. J. ibi: Nemo ex his, qui negant se debere, prohibetur etiam aliâ defensione uti, nisi lex impediât.*

2 Quæritur I. Quomodo hæc Regula intelligenda, & quis verus illius sensus sit? Resp. I. Eam de Reo duntaxat, non autem de Actore intelligendam esse, ita ut licet reus pluribus, iisque diversis defensionibus & ex-

7. Solvitur objectio: & seq.
9. Reus appellans, assumit personam Actoris, & non potest amplius uti pluribus defensionibus.
10. Fallit Regula in Reo negante se servum habere:
11. Vel quadrupedem possidere:
12. Vel pecuniam sibi numeratam:
13. Vel scripturam suam esse:
14. Vel Pignus sibi datum, si desuper conventus, & de mendacio convictus fuerit.

ceptionibus se, suâque Jura contra Actorem tueri valeat per Jura citata, Actor tamen plures actiones super eadem re contra reum adhibere non possit, sed si plures ad manum forent, unam duntaxat ex illis eligere, & in eadem permanere debeat juxta unanimum DD. textu claro cit. *l. Nemo ex his. ff. de R. J. ibi: quoties concurrunt plures actiones ejusdem rei nomine, unâ tantum quis experiri debet. & l. quod in hered. ff. de tributaria actione.* ibi: *Eligere quis debet, qua actione experietur, utrum de Peculio, an tributaria; cum scit, sibi regressum ad aliam non futurum.*

Ratio

3 Ratio autem, cur Reo plures diversæ defensiones, non verò Actori plures actiones de Jure concedantur, iusta proorsus & æqua est. Tum, quia defensio est Juris naturalis *l. ut vim. 3. ff. de Justit. & Jur.* quæ autem hujus juris existunt, magis favorabilia sunt. §. *penult. Instit. de Jure naturali.* prout etiam in specie causâ Rei favorabilior est, quàm Actoris juxta Regulam XI. *de R. J.* & dicta ad eandem supra. Tum, quia actor pro suo libitu actionem omittere vel instituire, aut differre, interea autem totis viribus se præparare, præsentis & absentes Jurisperitos consulere potest: quo favore reus non fruitur, utpote qui citatus ad judicem, impræparatus quoque ac inopinato tempore sibi præscripto comparere & respondere debet. *l. Pur. 5. §. fin. ff. de doli mali except.* etiam Jurisperitis necdum consultis; ad quam inæqualitatem tollendam reo plures defensiones, actori verò una tantummodo actionis species conceduntur. Taccin. *hic. n. 1.* cum communi aliorum.

4 Verum dum Regula præfens & alia Jura Reo permittunt plures defensiones etiam contrarias, ulterius ita intelligenda sunt, non ut plurium exceptiones contrariæ simul, sed successivè in judicio admittuntur, quatenus si una non proficit, vel probata non sufficit, ad aliam recurrere liceat exceptionem vel defensionem. Gail. *de Pace publ. lib. 1. c. 18. n. 6.* Peck. *hic. n. 7.* & Strein. *n. 2.* Zoëf. in *cit. Reg. Nemo. circa finem.* Barb. *hic. n. 3.* cum communi aliorum. *arg. c. Imputari. de fide Instrum.*

5 Notandum etiam Reo est, ut, dum plures exceptiones, vel defensiones diversas & contrarias etiam successivè adhibet, non asserat, eas omnes esse absolutè veras; cum id repugnet naturæ, sed esse veras conditionatè, seu disjunctivè vel alternativè in hoc sensu, quòd, si una non est vera, saltem altera vel tertia sit vera: v. g. si accusaris hominem à te fuisse occisum, tu verò excipiendo negas: pòtes nihilominus postquam convictus es, aliam exceptionem adhibere dicendo, te eum moderamine inculpatae tutelæ ad defendendam propriam vitam fecisse. Vel si actor in judicio fundum, quem possides, à te petit, excipere & defendere te potes dicendo successivè, illum tuum esse, quia emisti eum, vel quia tibi donatus est, vel quia jam legitimè præscripsisti Covarr. *Lib. 1. variar. Resolut. cap. 5. n. 3.* Menoch. *Lib. 2. præsumpt. 42.*

n. 1. cum aliis. In quo sensu intelligendus esse videtur Barb. *ad hanc Reg. n. 5.* ubi dicit, non posse reum uti pluribus exceptionibus ita sibi contrariis, ut juxta rectum sententiam simul veræ esse non possint: alias enim doctrina Barbose Juri, & Regulis illius diversis exceptiones admittentibus esset contraria, Reisque multum odiosa; cum præfata diversæ exceptiones simul sumptæ absolutè veræ non sint, benè verò in sensu alternativo, seu disjunctivo & conditionato supra jam explicato.

Resp. II. Verus sensus Regulæ hic est: 6
Nullus Reus in judicio conventus prohibetur pro eadem re, vel jure suo conservando plures etiam diversas, & sibi contrarias adhibere exceptiones, non quidem eas simul & semel, sed successivè proponendo, ac successivè dicendo, quòd si una non sit vera, vel insufficiens existat, saltem altera, vel tertia vera & sufficiens maneat. Per Jura & rationes allegatas: Exempla plura ex jure affert Gloss. *hic* & Dynus: habes etiam aliqua supra *n. 5.* posita.

Obijcitur contra Regulam & sensum 7
illius *1. c. Veniens. 19. de Prescript.* ubi exceptio præscriptionis fuit rejecta, quia prius jam alia, privilegii videlicet exceptio fuerat adhibita. Resp. In hoc capitulo non Rei, sed Actoris exceptionem fuisse rejectam, cum juxta dicta *n. 2.* actor pluribus exceptionibus uti non possit.

Obijcitur 2. commune illud Brocardi- 8
cum: *Contraria allegans non est audiendus. arg. c. Imputari. 13. de fide Instrum.* cum concord. Resp. illud intelligendum esse de Actore. *l. 1. C. de Furtis.* non autem de Reo, utpote cui de jure naturali competit, ut omni, quò potest, modo se defendere, damnumque & injuriam avertere valeat. *l. ut vim. 3. ff. de J. & J.* dummodo contraria non simul proponat. *c. Imputari. de fide Instrum.* ubi rejicitur, qui scripturas contrarias simul produxit.

Obijcitur 3. Species quædam excep- 9
tionis etiam Appellatio est; sed reo appellanti non licet contrarias exceptiones adhibere *arg. l. si Procuratorio 2. §. 1. ff. quando appell.* Resp. Reum appellando assumere personam Actoris, cui, qui in prima instantia una tantum actione experiri licet, per Jura *n. 2.* allegata, multò magis ad id tenetur in secunda instantia.

10 **Quæritur II.** An? & quas Fallentias Regula hæc XX. patitur? Resp. Eam fallentis subiectam esse clarè patet ex cit. *Reg. 43. ff. de R. J. quæ*, dum dicit, Reum pluribus uti posse defensionibus, addit, *nisi lege prohibeatur*: Lege autem subinde prohibitum est etiam, reo plures adhibere defensiones: consequenter Regula fallit 1. quando quis conventus de noxa servi negat, se habere servum in potestate, convictus enim de mendacio non ampliùs auditur. *l. quoties. 21. §. fin. ff. de Noxali.*

11 Fallit 2. si conventus de pauperie quadrupedis negat, se habere quadrupedem: convictus siquidem alia exceptione uti nequit. *l. 1. §. 15. ff. Si quadrup. pauper.*

12 Fallit 3. In casu quo quis conventus, ut pecuniam sibi mutuo datam, & à se jam solu-

tam solvat, negat, sibi pecuniam unquam fuisse numeratam; convictus enim de mendacio non ampliùs auditur textu claro *Auth. Contra. C. de non numerat. pecun.*

Fallit 4. Et ad ulteriorem exceptionem non admittitur, si debitor conventus negat propriam scripturam in qua debitum continetur: in quo sicut & priori casu Reus conventus postea convictus insuper in duplum condemnatur. *cit. Auth. Contra: ibi: Contra, qui propriam scripturam, quâ convenitur, abnegat, vel numeratam inficiatur, convictus in duplum condemnatur &c.*

Fallit 5. Si creditor conventus de pig-nore, se pignus habere negat, cum habeat; convictus enim in hoc de mendacio ad aliam defensionem non ampliùs admittitur. *Auth. Item possessor. C. qui potior in pignore.*

REGULA XXI.

Quod semel placuit, ampliùs displicere non potest.

S U M M A R I U M.

1. Regula unde desumpta?
2. Ad eam requiritur primò, ut, quod placuit, non sit contra jus, bonos mores, vel animam. Gravi-ter errant, qui promissâ iniqua observant.
3. Secundo requiritur, quòd libere placuerit: Et quidem
4. Tertiò, Externè.
5. Quartò, quòd alterius interfit in semel placito manere.
6. Ponitur verus sensus Regule.
7. Humana fidei & commercio nil tam congruum, quàm verba & promissâ servare.

8. Declaratur Regula exemplis Juris: § 6. seqq.
15. Fallit Regula primò ubi habetur mutui con-sensus.
16. Secundo superveniente de novo, vel priùs non cognita causâ.
17. Tertiò, in iis, in quibus licet penitere de Jure, uti in desponsatione impuberum.
18. In ultimis voluntatibus.
19. in Contractibus innominatis.
20. In contractu Societatis, si res adhuc est integra.
21. In Sententia interlocutoria,
22. Et Appellatione.

1 **H**æc Regula juxta Gloss. & Barb. hîc n. 1. desumitur ex *l. Sicut. 5. C. de Obligat. & act.* ubi dicitur: *Sicut initio libera potestas unicuique est habendi vel non habendi contractus* (de quibus Regula præcipue procedit) ita rennunciare semel constituta obligationi, adversario non consentiente, nemo potest. Quapropter intelligere debetis, voluntaria obligationi semel vos nexos ab hac, non consentiente altera parte minime posse discedere.

2 **Quæritur I.** Quomodo hæc Regula intelligenda? & quis verus illius sensus sit? Resp. I. Quamvis hæc verè æqua, rationalis, & pro constantia seu perseverantia in bono plurimum serviat, uti benè advertit Barb. hîc: tamen sine requisitis ad eam, ac

pluribus limitationibus intelligenda non venit. Primò enim ad eam servandam requiritur, ut, quod placuit, non sit reprobatum à Jure, nec turpe, nec contra bonos mores, aut in detrimentum animarum; arg. c. Penitentes. dist. 55. & c. fin. de Pactis. ibi: *Pactiones factæ à vobis pro quibusdam spiritibus obtinendis, cum in hujusmodi omnis pactione, omnisque conventio debeat omnino cessare, nullius penitus sunt momenti. Quod etiam de aliis est dicendum, quæ observate vergunt in anime detrimentum; Nam etiam juxta legitimas sanctiones, pactum turpe, vel rei turpis aut impossibilis de Jure vel facto, nullam obligationem inducit. etsi etiam juramentò firmetur; quia Non est obligatorium contra*

contra bonos mores præstitum juramentum, juxta Regulam 58. de R. J. in 6. ut proin graviter etiam Principes errent, qui prætextu hujus Regulæ vel perseverantiæ & constantiæ in servando semel dato verbo, facto promisso, aut resolutione tenaciter adhærent illis, quæ semel promiserunt, condixerunt, resolverunt, statuerunt, quantumvis contra Jura, vel bonos mores, aut in detrimentum animæ, vel præjudicium etiam boni communis militare manifestè appareant; cum tamen potius ea non servandi, quàm servandi obligatio certa existat.

3. Secundò requiritur ad eam, ut id, quod placuit, *scienter*, & non per errorem facti placuerit. Gloss. hic. arg. l. 1. §. 1. & l. 2. ff. de Jur. & fact. Ignor.

4. Tertiò requiritur, ut, quæ placent, non sola mente & internè, sed etiam externè, verbò vel factò placeant. arg. c. Tua. 25. de Sponsal. ibi: *Scilicet necessaria sunt, quantum ad Ecclesiam, verba consensum exprimentia*. fecus in ordine ad Deum; nam valet votum sola mente liberè emissum.

5. Quartò requiritur, quòd alterius interest in semel placito permanere, & ex illius revocatione vel mutatione præjudicium patiatur juxta Reg. 23. in 6. *Mutare consilium quis non potest in alterius detrimentum*. ubi Gloss. ff. in alterius. bene infert: ergo à contrario ubi alteri non præjudicatur, mutare licet.

6. Resp. II. Proprius sensus Regulæ sequens est: *Quod alicui scienter, liberè & jussè ita placuit, ut inde jus questum sit tertio, cum hujus præjudicio revocari vel mutari amplius non potest*. arg. cit. l. 5. C. de Obligat. & Act. cui concordat utriusque Juris Regula, Canonici quidem 33. de R. J. in 6. num. præced. jam allegata: Civilis verò 75. ff. de R. J. *Nemo potest mutare consilium suum in alterius injuriam*.

7. Ratio est: tum quia, sicut commercio & fidei humana nil tam congruum, quàm verba & promissa servare. arg. l. 1. in prin. ff. de Pactis, ibi: *quid enim tam congruum humana fidei, quàm ea servare, quæ inter eos placuere*: ita eidem, æquitateque & juri naturali nil magis adversum, quàm dicta & promissa, sicque fidem præsertim in aliorum præjudicium non servare. l. 1. ff. de pecun. constit. pr. ibi: *Grave est fidem fallere* &c. Tum quia, cum hæc Regula præcipue in contractibus & promissis

procedat, ubi ex utriusque contrahentis consensu, uti & ex promittentis promissione ac promissarii acceptatione oritur obligatio naturalis, eidem cum alterius præjudicio contravenire non licet. arg. cit. l. 5. C. de Obligat. & act. cum Concord.

Declaratur Regula ulterius quibusdam 8 Juris Exemplis, quæ à Gloss. hic, Dyno & aliis in Regulas Juris scribentibus copiosè adducuntur. Sicut enim 1. Judex sententiam definitivam, quam ferre semel placuit, non amplius mutare, aut revocare potest. l. Paulus. 42. ff. de Rejudicat.

2. In Judiciis Actor post contestationem 9 litis invito reo non potest amplius recedere. l. Purè. 5. §. fin. ff. de Doli except. & reus, qui judicem tit legitimum contestando litem agnovit, illum tanquam incompetentem, vel suspectum recusare non amplius valet. l. Nemo. 4. C. de Jurisdic.

3. Sic ex libero beneplacito factis juramento 10 mentis & votis contravenire non licet. c. Quamvis de Pactis in 6. & c. licet. 6. de vot.

4. In collationibus & resignationibus 11 Beneficiorum, unum alicui semel collatum ei auferri, & alteri conferri non amplius valet. c. Si tibi absenti. 17. de Præbend. in 6.

5. Sic beneficium per resignationem vel 12 cessionem liberè dimissum repeti non potest. cap. quàm periculosum. 8. cap. 7. q. 1.

6. Sic à Matrimonio, quod liberè inire, 13 & à Professione religiosa, quam emitte placuit, recedere non amplius licet per dicta in suis Titulis lib. III. & IV.

7. Et universaliter in contractibus & con- 14 ventionibus ritè initis Regulam observare oportet, & eis cum præjudicio alterius contravenire non licet. cit. l. 5. C. de Oblig. & Act. quia, *quod semel placuit, displicere amplius non potest*.

Quæritur II. An? & quas Fallentias pa- 15 tiatur Regula XXI? Resp. Eam sat multas habere fallentias, ex quibus feligemus potiores ad rem magis servientes, & ex quarum notitia etiam aliæ cognosci possunt. Fallit itaque Regula Primò & universaliter, quando recessus fit ab eamutuo consensu utriusque partis. l. Sicut. 5. C. de Oblig. & Act. exceptò Matrimonio & Professione religiosa; cum illud semel consummatum nec utriusque nubentis consensu, nec ista consentiente Prælato & subito amplius invalidari queant, nisi causà transitus ad aliam Religionem. c. 18. de Regul.

- 16 Fallit *Secundò* in non paucis, propter supervenientem de novo, & prius non cognitam causam. Gloss. *hic. arg. c. Ut circa. 4. & c. Nulli. 8. de Elect. in 6. ibi: Nulli licere decernimus (postquam in scrutinio nominaverit aliquem, & electio fuerit subsecuta, vel postquam prastiterit electioni de ipso ab aliis celebrata consensum) illum super electione ipsa (nisi ex causis postea emergentibus) impugnare: vel nisi ei morum ipsius antea celata de novo pandatur improbitas, vel alicujus alterius latentis vitii, vel defectus, qui verissimiliter ignorari potuerit, veritas reveletur. Et ratio est; quia quæ de novo emergunt, novò indigent auxilio. *c. Pastoralis. 4. de Except. & l. de etate. 11. §. 8. ff. de Interrog. in Jur.**
- 17 Fallit *Tertiò* in omnibus, in quibus de Jure licet pænitere & variare, etiam uni sine consensu alterius: sic licet impuberi à Sponsalibus contractis liberè resilire, quando pubertatem adeptus fuerit. *c. de illis. 7. & c. à nobis. 8. de Despons. impub.* Pariter à Matrimonio rato nondum consummato resilire, & Religionem intrare permillum est à Jure. *c. Verùm. 2. de convers. conjug.* Huic fallentiae universali conformiter

Fallit *Quartò* in ultimis Voluntatibus; 18 quia hæ ambulatoriæ sunt ad mortem. *l. Quodsi. 4. ff. de adim. & transfer. legat. & quidem in tantum, ut de non mutanda ultima voluntate nemo seipsum adstringere valeat. l. Si quis. 22. ff. de legat. 3. ibi: Nemo enim sibi eam legem dicere potest, ut à priori ei recedere non liceat.*

Fallit *Quintò* in contractibus innominatis, quando res adhuc est integra. *l. Si pecuniam. ff. de Condit. causa data. Item in Deposito. l. 1. §. 2. ff. Depositi.*

Fallit *Sextò* in Mandato & in contractu Societatis, si res adhuc est integra, seu si interesse alterius necdum inceperit. *§. Mandatum. 11. Instit. de Mandato. & §. Manet. 4. Instit. de Societ.*

Fallit *Septimò* in Sententia interlocutoria, utpote quam Judex, qui eam tulit, revocare potest, cum officio suo ex integro nondum functus fuerit. *c. Cum cessante. 60. de Appellat.*

Fallit *Octavò*, in appellatione, à qua semel interposita appellans pro libitu recedere potest. *c. Si quis libellos. 28. C. de Appellat.*

REGULA XXII.

Non debet aliquis alterius odio prægravari.

SUMMARIUM.

1. Regula unde desumpta?
2. Quomodo intelligenda?
3. Ponitur verus sensus illius:
4. Et probatur.
5. Ratio Regule.
6. Objicitur ex Scriptura:
7. Ex Jure Canonico:

HÆc Regula desumitur ex *l. Si quis. 33. §. Legis. C. de Inoffic. Testam.* cui etiam concordat *l. Sancimus. 22. C. de panis. & Regula 155. ff. de R. J. ibi: Factum cuique suum, non adversario nocere debet.*

Quæritur, quomodo hæc Regula intelligenda? & quis verus illius sensus sit? Ante responsum est notandum, Doctores in declaranda hac Regula non convenire; Barbofa siquidem *hic n. 2.* vulgarem opinionem, quæ dicit, Regulæ sensum & intentum esse, ut nullus propter delictum alterius puniatur, idedò reji-

8. Et Civili, quòd propter peccata aliorum puniantur innocentes.

9. Respondetur, quare Deus ob peccata aliena puniat aliquos.

10. Jus Canonicum id facit propter utilitatem publicam:

11. Sicut & Jus Civile.

cit, quia in hoc sensu, ut ait, non esset diversa, sed eadem cum sequenti, quæ idem dicit illis verbis: *Sine culpa, nisi subsit causa, non est aliquis puniendus:* non est autem verisimile, quòd Papa Bonifacius VIII. duas distinctas Regulas idem significantes ponere voluerit. Verùm hæc Barbofæ ratio non videtur stringere; quia uti ex ipsis verbis utriusq; Regulæ liquet, nihilominus quævis earum diversum & distinctum ab alia importat sensum. Præsens enim Regula id principaliter velle videtur, ne quis innocens pænâ, aut damnò gravetur pro-

propter alterum, quem ob delictum vel inimicitiam, malam vitam, vel ex alia causa odio habet penam infligens, vel damnum inferens. Sequens autem Regula absolute, & abstrahendo ab omni odio vult, ut nullus sine culpa puniatur, nisi subsit causa: quod in facto contingere posset absque omni odio erga tertium. v. g. ex proprio odio, & aversione, quâ erga innocentem fertur, penam in Jure non contentam inferens; vel ex proprio interesse, vel ex respectu humano, vel alia minus justa causa. Hinc

3 Resp. ad questionem num. *preced.* positam: Regula præfens principaliter intelligenda est de pena, gravamine & damno, quod infertur innocenti propter odium, quod injustè damnificans vel gravans ex quacunque causa fertur erga tertium, v. g. cognatum, amicum, fratrem, filium, parentem, servum familiarem innocentis; ut proin verus sensus Regulæ sequens sit: *Nullus innocens potest affici vel gravari penâ aliquâ damno, vel alio incommodò propter odium, quod injustè gravans ex quacunque tandem causa fertur erga tertium v. g. consanguineum, amicum &c. familiarem innocentis.* Sic in sensu isto Regulam intelligit Caramuel in *Theolog. fundament. n. 764.* Strein. *hic.* & alii.

4 Probatur hic sensus præcipuè per *l. Si quis. 33. §. Legis. C. de Inofficios. Testam.* ex qua desumpta habetur Regula; ibi enim propter rationem hujus Regulæ corrigitur lex antiqua, quâ perittebatur filium innocentem exheredari à Matre præcisè ob odium, quod gerebat erga maritum, ex quo infans progenitus erat, illis verbis: *Hoc iniquum judicantes, ut alieno odio aliquis prægravetur.* Idem sensus clarè desumitur ex *l. Sancimus. 22. C. de penis.* ibi: *Sancimus, ibi esse penam, ubi noxa est. Propinquos, notos, familiares, procul à calumnia submovemus, quos reos sceleris societas non facit. Nec enim affinitas, vel amicitia nefarium crimen admittunt. Peccatum igitur suos teneat autores, nec ulterius progrediatur metus, quam reperiatur delictum. Hoc singulis quibusdam iudicibus intimetur.* Concordat *l. Crimen. 26. ff. de Penis:* ibi: *Crimen vel pena paterna nullam maculam filio infligere potest; nam unusquisque ex suo admisso sorti subjicitur.* Huc facit & ob eandem rationem, si Compromissarius eligat indignum, potestas eligendi redit ad eligentes, & ipse solus punitur, non verò compro-

mittentes, quos illius odio non convenit prægravari, ut pena suum autorem teneat juxta Regulam 155. ff. de R. J. supra n. 1. jam citatam. Item illuc Ezech. cap. 18. v. 20. ibi: *Anima, quæ peccaverit, ipsa morietur; filius non portabit iniquitatem Patris, & pater non portabit iniquitatem filii.* sicut nec uxor tenetur pro marito *l. 2. & 3. C. Ne uxor pro marito.*

Ratio præter jam in textibus expressas 5 ulterior est, quia justitia commutativa & distributiva exigunt, ut jus suum cuique reddatur, innocentes ab injuriis & injustis damnis, aut gravaminibus defendantur, nocentes & rei puniantur, promeriti verò condignè præmientur: quod non fit, si plenè innocentes ex præciso odio erga alium, ejusque delicta damnificantur, gravantur, puniuntur, aut alia incommoda sustinere coguntur.

Verùm quantumvis justa & æqua ex di- 6 ctis appareat Regula nostra, tamen graves patitur instantias tam ex Scriptura sacra, quam utroque jure. Ex sacris enim paginis habemus propter unius vel plurium delicta etiam alios innocentes à Deo fuisse punitos. Sic enim tacendo plura alia exempla, propter scandala suorum filiorum populum à sacrificio retrahentium Deus Heli illorum patrem è vivis sustulit. *1. Reg. cap. 4. v. 18.* & propter peccatum David populum superbè numerantis, de populo innocente à Dan usque Bersabee septuaginta millia virorum sæva peste delevit.

De Jure Canonico à Patre & Matre hæ- 7 reticis filii & nepotes innocentes catholici procreati ad Beneficia ecclesiastica & officia publica inhabiles existunt. *c. Quicumque. 2. §. Hæretici. &c. Statutum. 9. de Hæreticis. in 6.*

De Jure Civili autem propter crimen 8 læsæ Majestatis etiam innocentes filii infames evadunt, atque à materna, avitæque & propinquorum successione excluduntur. *l. quisquis. 5. C. ad Leg. Jul. Majest.*

Respondetur tamen & quidem ad exem- 9 pla sacre Scripturæ, inprimis à Deo nullum innocentem penâ æternâ, vel aliâ animæ noxivâ puniri: temporali tamen quandoque propter unum etiam alios affici, vel quia, etiam si appareant, tamen revera innocentes non sunt, sed ejusdem criminis coram oculis divinis directè vel indirectè rei existunt, ob quod meritò puniuntur, uti contigit in Heli, qui debetè corrigere filios negligens, etiam illorum criminum factus est particeps. Vel, quia licet innocentes

in uno, in multis tamen aliis peccatis rei coram Deo inveniuntur, indeque iuste puniuntur. Vel, quia innocentes aliquo modo ut filii ad parentem, subditi ad principem pertinent, puniuntur, ut delinquens pœnam acerbius sentiat, dum interea alii, si pœnam ob peccata alterius commissâ à Deo immissâ in his innocentes patienter sustinent, alia sua peccata extinguunt, animæ dona, gratias & merita sibi cumulant, & salutem æternam facilius consequuntur, sicque ex huiusmodi pœna plus lucri, quàm damni acquirunt, ac propterea afflictiones à Deo immissæ respectu delinquentis duntaxat nonten veræ pœnæ: respectu illorum, qui propter alium patiuntur, nomen medicinæ doni & boni spiritalis merentur juxta D. Thom. 1. 2. q. 87. 4. 1.

10 Ad dispositiones Juris Canonici respondetur, per illas propter alios puniri in nonnullis etiam innocentes non tam odioso erga illos v. g. hæreticos parentes, quàm favore cultûs divini, ecclesiæ, & communis utilitatis ejusdem, quæ exigit, ut non nisi ab omni suspitione mali alienos habeat mini-

stros, quales non sunt illegitimè nati, & hæreticorum filii, utpote de quibus non immerito metuit Ecclesiâ, ne imitatores sint incontinentiæ & perfidiæ paternæ. cit. 1. quisquis. S. filii verò. C. ad Leg. Jul. Majest.

Ad leges civiles respondetur, eas quodammodo non tam odio delinquentis, quàm curâ & amore boni communis & publici pœnâ in aliquibus afficere innocentes ad avertenda graviora, bonoque publico magis nociva, præsertim læsæ Majestatis crimina, quatenus quisvis sciens, huiusmodi crimina etiam in filiis innocentibus tam graviter puniri, ab iis committendis magis & efficacius abstergeatur.

Quodsi alicui hæc responsiones minus placeant, & per Jura in aliquibus casibus nonnullos etiam aliorum odio contra Regulam gravari contendat, respondetur, Regulam fallere in casibus, in quibus ob odium erga unum etiam alium ex justa causâ boni publici gravari volunt: ut proin huic Regulæ non minus ac sequenti apponi valeat exceptio: *Nisi subsit causa.*

REGULA XXIII.

Sine culpa, nisi subsit causa, non est aliquis puniendus.

S U M M A R I U M.

1. Regula quomodo intelligenda?
2. Ponitur verus sensus illius.
Sine culpa non datur pœna. ibid.
3. Nisi ob causam boni communis.
4. Declaratur exemplis Juris Canonici:

Simonix ab alio commissæ pœnâ quis non incurrit, sisto prohibente, vel protestante committitur. Ibid.

5. Et Civilis.

10 **Q**uæritur, quomodo hæc Regula intelligenda? Et quis verus illius sensus sit? Resp. I. Sicut præcedens Regula vult, ut nullus innocens puniatur, injustè gravetur, damnum vel incommodum patiatu præcisè ex odio alterius: sic præsens universaliter, & abstrahendo ab omni odio dispositum indicat, ut nullus puniatur sine culpa ex quacunque tandem minus justa bonum commune non concernente causâ, v. g. ex interesse proprio, ex respectu humano, ex amore erga alium forsan inimicum puniti seu puniendi &c. Siquidem per verba: *nisi subsit causa:* Regula non nisi justam, & bonum commune concernentem causam intelligit juxta dicenda infra n. 2. & 3. Hinc

Resp. II. Verus sensus Regulæ hic est: 2
Nemo est puniendus vel gravandus ob alicujus actûs commissionem vel omissionem, quæ dolò & culpâ vacat, nisi ex justa bonum commune seu publicum concernente causâ. Primæ partis, ut nemo sine culpa puniatur, ratio est; quia ubi non est noxa, ibi non est pœna. l. Sancimus. 22. C. de Penis. ibi: *Sancimus, ibi esse pœnam, ubi est noxa.* Siquidem pœna est noxæ vindicta l. aliud. 131. pr. de Verb. Sign. ac insuper pœna est mensura culpæ juxta illud Deut. 25. ibi: *Juxta mensuram peccati eris plagarum modus:* Hinc ubi nulla culpa, nulla quoque esse debet pœna. c. Cognoscens. 2. de Confess. ibi: *Rem, quæ culpâ caret, in dampnum vocari non convenit.*

huc

huc quadrat etiam illud S. Augustini effatum lib. 2. *Retract. cap. 9.* ibi: *pena, si justa est, peccati pena est, & supplicium vocatur.*

3 Ratio secundæ partis, seu potius exceptionis, videlicet, quod quis etiam sine culpa ex iusta bonum commune concernente causa, seu propter utilitatem publicam puniri vel magis propriè loquendo, gravari, & incommodari valeat, hæc est; quia bonum commune, seu publica & communis utilitas est præferenda privatz: consequenter, si illa exigit, ut privatus, etiam sine culpa, puniatur, gravetur, damnum temporale sentiat, hic merito sustinere debet. *arg. l. penult. ff. ad leg. Cornel. de Sicar.* ubi ad sedandum tumultum decurio inconsulto Principe decapitari potest, quod aliàs sine consensu Principis fieri nequit: cum Concord.

4 Declaratur & firmatur Regula ulteriùs exemplis ex Jure desumptis; Sic enim præter ea, quæ ad præced. Regulam n. 7. & 8. adduximus ex utroque Jure ulteriùs beneficium dimittere tenetur, qui illud acquisivit per Simoniam ipso ignorante ab alio commissam. *c. Nobis. 27. de Simonia.* (nisi impetrans expressè prohibuerit, vel protestatus fuerit, ne aliquid temporale detur pro beneficio: textu expresso *c. Sicut tuis. 33. de Simonia.*) quia communis Ecclesiæ utilitas requirit, ut summè eidem nocivum simoniæ vitium omnibus odio fiat, indeque magis extirpetur. Sic innocens uxor sine culpa puniatur, suboque jure conjugali privatur. *arg. c. quoniam. 5. §. Si autem, ut lite non contestat.*

ta. ibi: quoniam in conjugio multi casus occurrunt, in quibus Conjuges sine culpa, sed non sine causa continere coguntur.

Sic de Jure Civili propter bonum commune, videlicet, ut veritas adulterii bono communi plurimum præjudiciosi eruatur, servus torquetur, tortus autem domino amplius non restituitur. *Dynus hic. arg. l. si postulaverit. ff. ad L. Jul. de Adulter. & l. fin. ff. de calumniat.* Sic propter bonum commune dominus punitur, quod causam prosequi non amplius possit, si procurator illius, etiam absque culpa domini, fatalia appellationis labi permisit. *l. 1. §. fin. ff. quando appellan. fit.* Sic universaliter quia potestas Supremi Principis Ecclesiastici ad beneficia & officia ecclesiastica, res & jura ad loca & personas ecclesiasticas pertinentia se extendit. *can. cuncta. 17. can. 9. q. 3. & c. licet. 2. de Præbend. & Dignit. in 6.* potest de illis non quidem pro libitu, sed ex causa iusta publica propter communem utilitatem & Religionis bonum disponere cum præjudicio & gravamine tertii innocentis: Sicut à pari quia potestas supremi Principis sæcularis circa honorem & officia civilia, res, bona & jura privatorum versatur, *arg. l. fin. C. de quadrien. præscript.* de iis disponere, eaque subditis legali vel alia ordinatione etiam innocentibus auferre, transferre, & denegare valet, si communis utilitas Reipublicæ ita exigit. Abbas in *c. Que in Ecclesiis. de constit. n. 7. Gaill. lib. 2. observ. 26. n. 3.* cum communi aliorum.

REGULA XXIV.

Quod quis mandato facit Judicis, dolo facere non videtur: cum habeat parere necesse.

SUMMARIUM.

1. Regula unde desumpta?
2. Est intelligenda non solum de Judicis, sed etiam Principis, Superiorum, Dominorum, & Parentum mandatis.
3. Ponitur verus sensus Regulæ.
4. Procedit etiam in dubio, an eorum mandatum sit iustum.

5. Confirmatur exemplis ex Jure.
6. Fallit Regula in casu, quod quid contra jus divinum:
7. Vel etiam clarum & manifestum jus humanum præcipitur.
8. Fallit insuper in Judice, si hic aliquid ad suum officium non pertinens mandat.

Hæc Regula sumpta est ex *l. Non videntur data. 167. ff. de R. J.* ibi: *qui jussu Judicis aliquid facit, non videtur dolo malo facere, qui parere necesse habet.*

Quæritur I. Quomodo hæc Regula intelligenda? & quis verus illius sensus sit? Resp. I. Regula intelligenda est non solum de mandato Judicis, sed etiam Principis.

1. *quod Princeps. 23. ff. de aqua plu. arc.* & quorumvis Superiorum ac Dominorum respectu suorum subditorum, nec non Parentum respectu filiorum, ita ut à dolo immunis censeatur non tantum ille, qui ex mandato Judicis, sed etiam qui ex mandato sui Principis, Superioris, Domini aut Parentis quid facit aut omittit; quia ratio Regulæ de quolibet ex præfatis obedientibus pariter procedit, videlicet, cum habeat parere necesse. Hinc

Resp. II. Verus sensus Regulæ hic est: *Quicumque ex mandato Judicis, vel cujus-
cunque legitimi Superioris sui aliquid facit
vel omittit, à dolo & culpa immunis censeatur:*
Per Rationes & Jura allegata. Probatur ulterius tam ex Sacra Scriptura, quam utroque humano Jure. Nam Paulus ad Romanos cap. 13. de Principibus dicit: *Omnis anima potest-
atibus sublimioribus subdita sit: non est
enim potestas nisi à Deo; quæ autem sunt à
Deo, ordinata sunt. Itaque qui resistit pote-
stati, Dei ordinationi resistit; qui autem re-
sistunt, ipsi sibi damnationem acquirunt.* De obedientia debita Superioribus & præpositis præstanda ad *Habr. cap. 13. v. 17. Obedite
præpositis vestris, & subjacete eis.* De Dominis ad *Ephes. 6. v. 5. Servi obedite Domi-
nis carnalibus cum timore & tremore sicut
Christo.* quæ obedientia Principibus, Superioribus, Dominis & Parentibus debite præstanda etiam alibi in Scriptura sicut & in utroque Jure passim, indeque certa habetur, quod subditi habeant parere necesse: necessitas autem tollit præsumptionem doli *l. Mater. 2. C. de Calumniat.* & inducit præsumptionem positivam, fraudem & dolum abesse. *l. Si stipulatus. 81. §. 1. ff. de Solution.*

Procedit Regula etiam in casu, quo Judex vel Superior indifferentia præcipit, vel ubi dubium est, num justè vel justa præcipiat; quia Judex (idem dic de Superioribus) quæ facit, & jubet, justè facere & jubere præsumitur. *arg. c. Sicut. 16. in fine. de Sent. & re judic. & l. fin. C. de offic. Civil. Jud. ibi: Non
arbitramur. præsertim cum in dubio melior sit conditio possidentis. arg. in pari. de R. J. in 6. & ff. de R. J. Judex autem in possessione præcipiendi existat. Accedit argumentum à contrario: qui non paret judici, doli reus præsumitur; nam juxta Regulam Juris Civilis 199. ff. de R. J. Non potest dolo care-
re, qui imperio Magistratus non paruit: ergo.*

Confirmatur Regula exemplis Juris: *5*
sic enim si debitor ex præcepto Judicis solvat debitum Minori absque autoritate Tutoris, non tenetur amplius Minori solvere, nec minor habet actionem ad solutionem denuo præstandam. *l. ait Prator. 7. §. Permittitur. ff. de Minoribus.* quia habuit parere necesse. Sic etiam, si quis ex mandato Judicis sepulchrum destruxit, quo mediante aqua pluvia nocere poterat, non tenetur actione de sepulchro violato, quia autoritas Judicis ipsam excusat. *Dyn. hic. n. 2. arg. l. Quamquam. 4. prin. ff. de aqua plu.* Sic insuper si quis, factò apud aliquem depositò, moritur relictis quatuor hæredibus, & depositarius undantaxat eorum depositum ex mandato Judicis restituit, dolo non egisse præsumitur, nec tenetur aliis actione depositi. *l. si stipulatus. 81. §. Si lancem. ff. de Solut.* quia mandato Judicis habuit parere necesse.

Quæritur II. An? & quas patiat Regula 24. Fallentis? Resp. Eam fallere Primo *6*
in casu, quo Judex, Princeps, aut Superior mandat aliquid Juri divino aut naturali manifestè adversum; quia in hujusmodi casu non habet parere necesse, sed potius tenetur non parere juxta illud *Act. 4. Si justum est in conspectu Dei, vos potius quam Deum audire, judicate.* & rursus ait *cap. 5. Obedire oportet magis Deo, quam hominibus.* Hinc si Judex ecclesiasticus etiam sub pæna excommunicationis præcipiat mulieri, ut viro suo reddat debitum conjugale, parere nec tenetur, nec salvà conscientiam potest, si ipsa occulti impedimenti matrimonium dirimentis conscia est, licet id probare nequeat, textu expresso *c. Inquisitioni. 44. de Sent. Excom. ibi: Si alter conjugum pro certo scit impedimentum conjugii, quamvis illud apud Ecclesiam non possit probare & c. debet potius excommunicationis sententiam humiliter susinere, quam per carnale commercium peccatum operari mortale.*

Fallit Secundo, si quid præcipitur, quod *7*
contra jus clarum manifestè militat; siquidem etiam in tali casu parere non habet necesse, sed resistere potest, ac debet. *Dynus hic cum communi aliorum. l. omnes. 33. C. de Decur. & l. Evidenter. de Excusat. muner. cum concord. apud Dynum hic n. 4.*

Fallit Tertiò in Judice, si mandat ali- *8*
quid, quod ad suum non pertinet officium. Ratio est; quia Judici in iis tantum parere necesse

neceſſe eſt, in quibus ſuò fungitur officiò, non item in aliis. *arg. l. factum 170. ff. de R. J. ibi: Factum à Judice, quod ad officium ejus non pertinet, ratum non eſt.* Et l. I. C. ſi non compet. eſtque idem, ſi Judex rem ad ipſius officium non pertinentem mandet, ac ſi ex-

tra territorium ſuum jus dicat, indèque faciat, quòd ei impunè non pareatur. *l. ſin. ff. de Jurisdic. ibi: Extra territorium jus dicenti impunè non paretur; idem eſt, ſi ſupra Jurisdictionem ſuam velit jus dicere.*

REGULA XXV.

Mora ſua cuilibet nociva eſt.

S U M M A R I U M.

1. Regula unde deſumpta?
2. Quid hic intelligatur per moram?
3. Mora aliqua eſt ex perſona, quæ etiam regulas vocatur:
4. Alia ex re, ſeu irregularis, ubi jus & dies interpellat pro homine. Declaratur exemplis. & n. ſeq.
6. Ponitur verus ſenſus Regule.
7. Culpabiliter moroſus tenetur ad æſtimationem rei, etiamſi caſu perierit.
8. Item ad compenſandos fructus:

9. Atque ad intereſſe, & uſuras:
10. Nec non ad ſubeundam penam contractui adjectam.
11. Fallit Regula in fideiſſore, cui aliena, Principalis videlicet debitoris mora nocet.
12. Idem eſt in contractu Societatis:
13. Ac in parente reſpectu filii.
14. Fallit item, quando in mora exiſtens moram legitime purgat.
15. Item in caſu, quò debitor ſolvere voluit, & creditor non acceptavit.

Hæc Regula deſumitur ex l. In condemnatione. 173. §. Unicuique. ff. de R. J. ibi: Unicuique ſua mora nocet. & l. Emptor. 12. ff. de aqua plu. arc. aliſque à Gloſſ. citatis hic.

2. Quaritur I. Quomodo hæc Regula intelligenda? & quis verus illius ſenſus ſit? Ante reſponſionem præmittendum eſt, quid, & quotuplex ad propoſitum ſit mora, de qua loquitur Regula præſens. Sciendum itaque, quòd etſi latè loquendo nomine moræ veniat omnis dilatio, tarditas, & procrastinatio, ad propoſitum tamen accipitur pro culpabili & damnoſa, ſeu nociva dilatione dandi vel ſolvendi, ſeu ſolutionem acceptandi, vel faciendi aliquid eo tempore, quò quis debet & poteſt: ut ſi quis non præſtat vel non acceptat ſolutionem tempore, quo id facere poteſt & debet. Juxta quod exemplum Barb. n. I. cum multis aliis allegatis dicit: *Moram ad propoſitum eſſe dilationem culpofam circa ſolvendum vel accipiendum creditum.* Simili ferè modo ad propoſitum deſinitur apud Strein: *Mora eſt culpa prætermiſſi officii in ſolvendo, recipiendove debito, quæ alteri nociva eſt.* Vel eſt fruſtratio debitoris non ſolvendi, vel creditoris non accipientis. Verùm cum non tantum in ſolvendis & recipiendis debitis, ſed etiam in aliis obligationibus præ-

ſtandis culpabilis detur mora, prima deſinitio videtur melior.

Mora ſic ſumpta duplex eſt: una ex perſona, quæ etiam Regularis communiter vocatur: altera ex re, quæ mora Irregularis nuncupatur. *arg. l. Mora. 32. ff. de uſur. & fruct.* Ex perſona intervenit culpabilis mora, quando is, cui debetur, monet, ſeu interpellat, ut debitum ex contractu v. g. venditionis & emptionis ſine determinatione temporis contractum eidem ſolvatur; facta enim hujusmodi competenti monitione ſolvere ulterius differens in culpabili mora ſolvendi eſt, & ad damnum ex hac mora poſtea ſecutum tenetur. Ad quod tamen neceſſariò requiritur dicta prævia monitio, ſeu interpellatio pro ſolutione præſtanda; quamvis enim in omnibus obligationibus, in quibus certa dies vel tempus non apponitur, ſtatim, ac ipſa obligationis die quis teneatur l. In omnibus. 14. ff. de R. J. ibi: *In omnibus obligationibus, in quibus dies non ponitur, præſenti die debetur;* tamen ut debitor in culpabili mora ex perſona conſtituatur, neceſſe eſt, ut opportuno tempore prius ſaltem ſemel interpelletur. *arg. cit. l. 32. ff. de uſur. & fruct.*

Mora ex re, ſeu irregularis eſt, quando debitor non ſolvit aut ſatisfacit eo die vel tem-

tempore, quo, ut solvat sine ulla interpellatione creditoris, jus ipsum disponit & mone-
re censetur, prout fit in omnibus contracti-
bus, in quibus contrahentes ipsimet certam
diem vel tempus pro solutione præstanda
præfigunt: eò quòd in his, Jure sic dispo-
nente, dies ipsa determinata pro homine in-
terpellet, indeque eà elapsà in culpabili mora
existat debitor, textu expresso *l. Magnam. 12. C. de contrab. stipul. ibi: Sancimus, ut, si quis certo tempore facturum se aliquid vel datum stipuletur, vel, que stipulator voluit, promiserit, & adjecerit, quòd si statuto tempore minimè hæc perfectà fuerint, certam penam dabit, sciat minimè se posse debitor ad evitan- dam penam adjicere, quòd nullus eum admo- nuat.* cum concord.

5 Sic etiam fur à die commissi furti sem-
per est in culpabili morâ restituendi, quæ ei
nocet, jure ipso sic disponente, &, ut statim
restituatur, furem monente. *l. fin. ff. de condi- dict. furt. junctâ l. Merito. 19. ff. de vi & vi armata.* Sic pariter in contractu emptionis, ubi nullum tempus certum pro solutione de-
terminatum est, disponente & monente jure
emptor fructus ex re emptâ, pretiò nondum
solutò, interea perceptos sine ulla interpellatione venditoris ei restituere debet, in quan-
tum ipsius interest, & non restituens in cul-
pabili morâ est. *l. Curabit. 5. C. de Action. empti.* Cæterum hæc mora idèò vocatur *ir-regularis*, quia regulariter loquendo mora
ex interpellatione creditoris nascitur, *arg. cit. l. Mora. ff. de usur. & fruct.* His præmissis

6 Resp. ad quæstionem n. 2. positam:
Regula non tantum de mora ex persona, sed
etiam ex re venit intelligenda, ut proin verus
illius sensus sequens sit: *Quando debitor id, quod debet, tempore debito non præstat, mora ipsi, non creditori nociva est, sive ab homine, creditore videlicet, sive à Jure, aut statuta die fuerit interpellatus, ita, ut ad omnia damna & incommoda ratione moræ secuta re-
sarcienda teneatur.* per Jura citata, & adhuc
citanda.

7 Declaratur, firmaturque Regula & sen-
sus illius per effectus moræ ex Jure desump-
ptos, quorum aliquos specificat Dynus *hic n. 1. & seqq.* Sic enim inprimis tenetur culpa-
biliter morosus præstare æstimationem rei
debitæ v. g. equi, qui tempore moræ perit,
etsi interitus casu contigerit *l. quod te. ff. de Reb. credit. si cert. petat. l. si in Asia. 12.*

*§. fin. ff. de pos. cum concord. à Dyno ci-
tatis.*

Dein tenetur ad fructus compensandos 8
& quidem in contractibus bonæ fidei à tem-
pore inchoatæ moræ. *l. si quis bonorum. 23. ff. de legat. 1. l. Mora. cit. §. 2. l. qui solidum. 78. §. etiam. ff. de legatis II. Dynus hic. & Peck. n. 21.*

Uterius tenetur ad interesse & usuras, 9
quæ peti possunt, & augentur à die moræ;
quod in odium debitoris ita constitutum ha-
betur *l. Ratio 3. §. Si per venditorem. ff. de action. empti. & l. Si Kalendis. 11. ff. de Re judicat.*

Rursus tenetur ad subeundam penam, 10
si quam ratione moræ contrahentes statu-
runt. *cit. l. Mora. §. 2. ff. de usur. & fruct. Peck. hic loc. cit.* ubi plures moroso debitori
nocivos effectus enumerat. Item qui Minori
aliquid debet ex legato, fidei commissio, bo-
næ fidei contractu, illud statim sine ulla inter-
pellatione hominis, ipso monente Jure ac
die, quo debere incipit,olvere tenetur, &
non solvens in mora constitutus censetur, in-
dèque ad damna & usuras obligatur. *l. In Min. 3. C. in quibus caus. restitutio necess.*

Quæritur II. An? & quales Regulae
XXV. patiatur Fallentias? Resp. Eam fallere
in eo, quòd mora non tantum ipsi moroso,
sed etiam alii nociva sit, & quidem primo in fi-
deijussore, utpote cui nocet mora in solvendo
existentis debitoris principalis *l. Mora. 88. ff. de R. O. ita ut teneatur fideijussor etiam ad
damnum, & interesse, saltem si in omnem casum promisit. l. quæro. 54. pr. ff. locati, con-
ducti.* Dicitur autem notanter, *saltem si in omnem causam se obligavit;* quia non desunt
authores apud Barb. *hic n. 9.* docentes, fidei-
jussorem, si in omnem casum expressè non
promisit, ad debitum principale quidem, ad
damnum & interesse verò non teneri, con-
tradiciente Glossâ *hic*, Strein, & aliis volenti-
bus, fideijussorem semper censi in omnem
casum fidejubere. *l. Si fideijuss. 7. ff. de Fi-
dejuss.*

Fallit secundo in casu quo duo socii sunt, 11
obligati, ubi mora unius nocet alteri socio.
*l. penult. ff. de duobus reis. ibi: Ex duobus reis
ejusdem Stichi promittendi factis, alterius
factum alteri quoque nocet. & l. In conde-
mnatione. 173. §. 2. ff. de R. J. ibi: Unicui-
que sua mora nocet, quod & in duobus reis
promittendi observatur;* quia sociorum
commu-

communis causa commodi & incommodi est, & quisque sibi imputare debet, qui minus diligenti socio se adjunxit. §. *fin. Instit. de Societ.* Nam qui parum diligentem socium sibi assumit, de se queri, sibi que imputare debet.

13 Fallit *tertiò*, quoad actionem de peculio, ubi mora filii patri nocet. *l. cum filius. 49. pr. ff. de V. O.* quamvis omnes has tres fallentias verè tales esse aliqui negent, eò quòd filius cum patre, fideiussor cum principali creditore, socius cum socio in hujusmodi casibus idem fictione juris esse velint.

14 Fallit *quartò*, quòd nec ipsi debitori sua mora sit nociva in casu, quo debitor moram suam legitime purgat, remonstrandò, se in mora culpabili non fuisse, sit, si subterfugia non querit, sed de fideiussoribus & aliis sollicitè indagat, quorum auxilio creditori satisfieri queat. *l. Sciendum. 21. ff. de usur. & fruct.* quia in tali casu mora culpabilis adesse non videtur. Legenda in ordine ad hanc fallentiam est Glossa hinc varia Jura pro & contra allegans & concilians sub distinctione, quòd ubi dies præfigitur à Jure penam imponente & dies præfixa culpabiliter non observatur, mora purgari

non possit (pena enim semel commissà non purgatur) & sic intelligi multa Jura, ac præsentem Regulam vult: nisi in casu aliquo moram purgari posse specialiter caveatur.

Huc pertinet, & Fallit Regula *quintò*, 15 quando debitor non quidem illò, quò debuit, eò tamen tempore solvit, antequam creditor aliquod damnum passus est: vel si solutionem elapso jam debito tempore obtulit, & creditor, etsi poterit, eam non acceptavit; cum hujus posterioris moram purgetur prior. *l. Illud. 17. ff. de Pericul. & commod.* ita ut debitor ab obligatione sustinendi moram nocumenta absolvatur: exceptà penà à contrahentibus constitutà. Gloss. *hic.* quam ipsam tamen præstare non tenetur, si docet, quòd à præstatione debiti absque propria culpa fuerit impeditus etiam ipso tempore, quò aliàsolvere tenebatur. *l. quod te. 5. ff. de reb. cred.* cum universaliter loquendo præsens Regula loqui censeatur de morà, quæ dolum & culpam præsupponit. *cit. l. quod te.* & ibi Bart. Taccin. *hic n. 6.* Farin. *Tom. 1. Consil. 15. n. 36.* & magis patebit ex Regula 60. h. t. Non est in mora, qui potest exceptione legitima se tueri. *arg. cau. Biduum. 29. cau. 2. q. 6.*

REGULA XXVI.

Ea, quæ fiunt à Judice, si ad ejus non spectant officium, non subsistunt.

S U M M A R I U M.

1. Regula unde desumpta?
2. Quid per officium Judicis intelligatur?
3. Ponitur verus Regule sensus.
4. Declaratur Juris Exemplis.
Judex quando nulliter agat: *ibid.*
5. Non tantum inferior, sed etiam supremus Judex nulliter agat, si excedit limites sui officii:
6. Etiam si utiliter agat: quia
Non sufficit bonum agere, nisi etiam bene fiat.

Desumitur hæc Regula ex *l. Factum. 170. ff. de R. J.* ibi: *Factum à Judice, quod ad officium ejus non pertinet, ratum non est.* cui concordat *l. fin. ff. de Jurisdic.*

2. Queritur I. Quomodo hæc Regula intelligenda? Et quis verus illius sensus sit?
Regule Juris.

7. In dubio, an Judex excedat limites sue potestatis, stat præsumptio pro Judice.
8. Quivis in alieno territorio existens sortiri ibidem potest forum ratione delicti, contractus, &c.
9. Valet citatio subditi extra territorium existentis.
10. Fallit Regula in iis, quæ sunt potestatis ordinis.
11. Item, quæ sunt jurisdictionis ordinariæ.
12. Et in Episcopo injustè expulso.

Resp. I. Per officium Judicis hinc intelligi potestatem & jurisdictionem à Lege, Canone, vel homine Judici concessam ad debitè & legitime examinandas, tractandas, judicandas, expediendas causas & negotia ad suam potestatem, seu jurisdictionem pertinentia: ut proin Judex tunc aliquid, quod ad officium

officium non spectat, agere dicatur, quando transgreditur limites concessæ sibi potestatis & jurisdictionis; sive dein id faciat circa rem & causam sub potestate & jurisdictione non comprehensam, sive circa personam jurisdictioni illius non subjectam, sive extra territorium suæ jurisdictioni præfixum, sive contra præscriptam Juris formam & ordinem. Quæ omnia & singula à Judice facta juxta Regulam nulla & invalida sunt per rationes & Jura infra alleganda. Hinc

3 Resp. II. Verus Regulæ sensus hic est: *Omne id, quod Judex ultra limites potestatis & jurisdictionis sibi concessæ, vel contra præscriptam Juris formam facit, nullum & invalidum est.* Ratio est; quia tota vis & valor eorum, quæ à Judice geruntur, fundatur in potestate publica, & jurisdictione sibi data, ac præscripta: consequenter ubi hoc fundamentum deficit, valorem quoque actorum ab eo deficere necesse est. Barb. hic n. 1. cum Gloss. communiter recepta in l. 1. ff. de Jurisdic. arg. c. forus. 10. §. Judex. de V. S.

4 Declaratur & firmatur Regula sensusque illius exemplis Juris. Sic enim imprimis si Judex laicus judicat & condemnat, quem constat esse Clericum, vel laicum sub ipsius jurisdictione non existentem, sententia ipso jure est nulla, utpote à non competente Judice lata. c. At si Clerici. 4. pr. de Judiciis. l. 1. & per totum maxime. l. fin. C. Si à non compet. l. fin. ff. de Jurisdic. cum concord. apud. Dynum; Item si pupillo dat tutorem suæ jurisdictioni non subjectum, vel pupillo sibi non subiecto tutorem assignat, utraque assignatio ipso jure invalida est. l. Scire oportet. §. fin. ff. de Excus. Tit. Item si causam matrimonii cognoscit & judicat &c. Item si actus Jurisdictionis extra suum sibi competens territorium exercet, vel ibi sententiam definitivam fert, cuncta sunt nulla & invalida c. fin. de constit. in 6. & l. fin. ff. de Jurisdic. Item si fert sententiam parte altera non auditâ, invalida est sententia. l. Ea, quæ. & l. consentaneum. C. quomodo & quando judic. Eadem nullitas habetur, si Judex parte utraque non consentiente tempore feriatur procedit. l. 1. §. Si verò. ff. de fer. Pari-ter nulla est sententia à Judice lata sine præ-

via causæ cognitione. l. Nec quicquam. 9. ff. de offic. Procons. quia in his cunctis Judex limites suæ potestatis egreditur, & contra præscriptam Juris formam, consequenter nulliter agit.

Et procedit Regula non tantum in inferiore, sed etiam supremo Judice ac Principe; cum & hic, si extra territorium suæ provinciæ, vel in aliquem sibi nulla ratione subditum, vel in causa ad se non pertinente jurisdictionem & potestatem suam exercere attentaret, nulliter ageret: uti si Rex Poloniæ in ditionibus Romani Imperii jurisdictionem exercere, vel Papa infidelem seu paganum Ecclesiæ non subditum excommunicare vellet. Strein hic n. 4. Sylvester. §. Papa. cum communi aliorum per rationes & jura citata universali praxi confirmata.

Insuper procedit Regula etiam in casu, quo Judex sive inferior, sive supremus bonum & utile quid, sed ultra suam potestatem facit, judicat, aut ordinat. Strein hic n. 4. cum aliis & Glossa. can. bene quidem. 1. & can. si Imperator. 11. dist. 96. & c. Ecclesia 10. de constit. ubi statutum Basilii de non alienandis rebus Ecclesiæ etiam ipsis Ecclesiis proficuum ex ea ratione fuit reprobatum, quod ad ejus ceu Principis laici non spectaret officium de rebus seu personis Ecclesiasticis statutum condere. Simile quid accidit post appellationem ad Papam; post eam enim nil debet innovari per inferiorem Judicem, & si secus fiat, id irritum est & inane. arg. c. Dilectus. 55. de Appell. Nam ut Glossa ait hic: *Generale est, quod non sufficit bonum facere, nisi & bene id fiat.*

Verum hætenus dicta de Regula & sensu illius procedunt in iis duntaxat, quando sufficienter constat, hoc vel illud non spectare ad officium Judicis, seu potestatem & Jurisdictionem illius, non verò ubi dubitatur, ut bene notat Glossa hic. §. non spectat. & sequitur Barb. hic n. 2. Taccin. n. 7. Strein cum communi aliorum; nam ubi dubium est de potestate & jurisdictione Judicis, valent interim acta & sententia illius, utpote pro quo stat præsumptio, cum ad ejus munus spectet examinare, quæ ad suam jurisdictionem pertinent. arg. l. Si quis ex aliena. 5. ff. de Judiciis. ibi: Pra-

Prætoris enim est, æstimare, an sua sit jurisdictio, vocati autem, non contemnere auctoritatem Prætoris. Quod si aliqui à Jurisdictione se exemptos prætendunt, providè statim in eadem lege subjungitur: *ut in jus vocati veniant, privilegia sua allegaturi*, alioquin pænis subjaceant.

8 Objicitur 1. contra Regulam: Valet citatio non subditi in territorio Judicis existentis: *l. Si quis. 7. ff. de Judic.* Resp. hoc non obstat Regulæ; quia quisvis etiam in alieno territorio existens variè fortiri potest forum Judicis territorii, v. g. ratione delicti, contractus &c. uti latè dictum *lib. II. Tit. 2. §. 3. & 4.*

9 Objicitur 2. Valet citatio subditi extra territorium existentis, adeò, ut si citatus non compareat, excommunicari queat. *c. Tue. 3. ut lite non contest.* & *c. Ex tua. II. de Cleric. non resident.* Resp. Judicem citando subditos in alieno territorio contumaciter absentes, eosdèmq; excommunicando non transgredi limites suæ potestatis; cum hujusmodi citatio vel in ipso territorio Judicis ad valvas affigi, vel publicè promulgari, vel per literas aut nuncium sine ullo strepitu judiciali alienæ

jurisdictioni præjudiciosa fieri valeat, & excommunicationis sententia lata in subditum extra territorium existentem, illius animam invisibiliter liget, uti benè ratiocinatur Abb. *in c. fin. de Foro compet.*

Quæritur II. An? Et quas Fallentias¹⁰ patiatur Regula XXVI? Resp. Eam fallere 1. in illis spiritualibus, quæ potius dependent à potestate ordinis, quàm jurisdictionis; nam Episcopus consecrans alienam Ecclesiam vel Altare, vel ordinans alienum subditum etiam incito vel invito proprio Episcopo, etsi illicite agat, validè tamen consecrat & ordinat Gloss. hic claris Juribus.

Fallit 2. In iis, quæ sunt voluntariæ¹¹ jurisdictionis: sic enim Episcopus etiam extra territorium suum existens potest conferre beneficia per dicta *lib. III. Tit. 5. de Prob.*

Fallit 3. in Episcopo injustè expulso à¹² sua civitate & Sede Episcopali; talis enim ex speciali dispositione Juris in vicino Episcopatu suam jurisdictionem erga sibi subditos validè & licitè exercere potest. *Clement. unic. de Foro compet.*

REGULA XXVII.

Scienti, & consentienti non fit injuria, neque dolus.

SUMMARIUM.

1. Hæc Regula unde desumpta?
2. Est intelligenda in sensu copulativo, non disjunctivo. Scire, & scire debere ac facillè posse pro eodem habentur.
3. Ponitur verus sensus Regulæ.
4. Declaratur exemptis Juris & n. seq.
5. Sciens & libere consentiens censetur cedere Juri suo.
6. Injunctio violenta in Clericum volentem trahit secum excommunicationem.
7. Non item jocosa mutua Clericorum.
8. Raptus Virginis scientis & consentientis punitur

& quare. Dolosa persuasio plus est, quàm violenta coactio. *ibid.*

Raptus verè consentientis virginis non inducit impedimentum matrimonii. *ibid.*

9. Ex metu scienter consentiens patitur injuriam.

10. Actio furti competit domino consentienti in furtum: quando? & quare?

Mala facta, quæ trahi possunt in exemplum, puniuntur, etsi nondum sint perfecta. *ibid.*

11. Liber consensus Martyrum in torturas & mortem quare non excuset tortores ab injuria.

12. Regula fallit in consentientibus in prohibita de Jure divino.

Desumitur hæc Regula ex *l. Nemo videtur. 145. ff. de R. J. ibi: Nemo videtur fraudare eos, qui sciunt, & consentiunt.* Concordat *l. Cum Donationes. C. de Trans.* & aliæ à Glossa citatæ hic.

Quæritur I. Quomodo hæc Regula intelligenda? & quis verus illius sensus sit?

Resp. I. Eam intelligendam esse copulativè non disjunctivè, ita ut conjunctim quis sciat, simulque consentiat, & quidem libere,

non vi aut metu coactus, sitque consensus in id, in quod quis consentire potest, seu de jure non prohibetur. Taccin. *hic n. 2.* Glossa hic communiter recepta. Sufficit autem scientia non tantum actualis, sed etiam praesumpta talis, quam debet quis habere, etsi non habeat. Strein *hic n. 1.* quia qui ignorat, quod scire debet, non meretur excusationem. *c. 1. de postulat. Prel.* cum scire & scire debere, ac facile posse pro eodem habereant. *c. fin. §. Si quis. de clandest. Despons.*

3 Resp. II. Verus sensus Regulæ sequens est: *Ei, qui aliquid sufficienter intelligit, & in illud nulla vi, nulloque metu coactus liberè consentit, nec injuria nec dolus fieri censetur.* Ratio Regulæ est; quia nullus injuriam patitur, cujus jus non violatur; sed illius, qui scienter & liberè consentit, jus non violatur; cum juri suo, quod in aliquid habet, consentiendo in illud, cedere censeatur.

4 Declaratur & firmatur exemplis Juris: Sic enim, si quis ingenuus scienter contrahit matrimonium cum serva, vel si ingenua scienter & voluntariè contrahit cum servo, non potest exceptionem facere ob dolum aut injuriam, sicut posset; si ignoranter id fecisset, textu claro *can. si quis ingenuus. 4. & can. si famina. 5. cau. 29. q. 2.*

5 Sic pariter qui vendit liberum hominem scientem & consentientem, non tenetur actione injuriarum. *l. 1. §. usque adeò. ff. de Injur.* Et qui retinet liberum hominem volentem & consentientem, non tenetur interdicto de libero homine exhibendo. *l. Quod & 3. §. si quis volentem 5. ff. de homine libero exhib.* Rursus si quis emit domum, cui servitutem annexam scit, non habet de illa exceptionem. *l. 1. ff. de action. empti & venditi.* Sic universaliter qui utitur, vel fruitur jure alterius bene scientis & liberè consentientis: item qui accipit, retinet, vel consumit rem alterius probè scientis & liberè consentientis, non infert huic injuriam, neque dolum; quia liberè consentiendo videtur in hoc cedere juri suo, sicque in hoc jus illius non violatur, & consequenter nec injuriam patitur, quamdiu scienter ita consentit. Exempli plura adhuc habentur *l. Cum Donatones. 34. C. de Transact. l. Venditor. 11. C. de Rescind. vendit. l. quamvis. 11. ff. de In jus vocand. l. Indiem. 9. ff. de aqua plu. arcen.* cum concord. apud Dynum *hic n. 2.*

6 Obijcitur tamen variè contra hanc Re-

gulam, & quidem imprimis. *c. Contingit. 36. de Sentent. Excommun.* Injunctio manuum in Clericum volentem, dum videlicet quis ipsum volentem percutit in satisfactionem precedentis injuriæ, *et si non violenta, tamen injuriosa* dicitur: ergo etiam volenti fit injuria. Resp. Injuriam in hoc casu non fieri Clerico, utpote consentienti, bene verò toti statui clericali, in ejus favorem canon *si quis suadente* conditus est, cui per suum consensum clericus derogare non potest.

Urgebis. Clerici, qui non ex odio, invidia, vel indignatione, sed levitate jocosa se ad invicem percutiunt, aut etiam intuitu discipline & correctionis, non incurrunt excommunicationem, neque censentur inferre injuriam statui clericali. *c. 1. de Sentent. Excomm.* Ergo idem erit dicendum de casu in cit. *c. Contingit.* ubi Clericus volens percussus perhibetur causâ satisfactionis. Respondet Glossa in cit. *c. Contingit.* disparitatem esse, quia manus percutientis in *c. contingit*, saviit, & causâ ulciscendi priorem injuriam percussisse videtur; non sic illi, qui joco.

8 Obijcitur ulterius: Qui virginem etiam consentientem rapit, graviter puniatur à Jure *l. Raptores. C. de Raptu Virg.* ergo etiam scienti & consentienti videtur irrogari injuria. Resp. legem illam non obesse Regulæ, partim quia prædicta lex in præsumptione fundatur, quâ ordinariè præsumitur, virginem si non vi, saltem dolo fuisse raptam, & hoc ipsò injuriam passam. Dynus *hic n. 3. & 4.* quia qui dolose decipitur, pro non volente habetur; cum dolosa persuasio plus sit, quàm violenta coactio. *l. 3. §. Si quis volentem. ff. de homin. liber. exhib.* Partim quia, si non ipsi virgini, saltem parentibus illius per raptum filia censetur irrogari injuria. Taccin. *hic n. 9.* Partim quia si sufficienter constat, virginem absque omni vi & dolo scienter ac liberè consensisse, verus raptus non est, & virgo hujusmodi non tam rapta, quàm occultè fugitiva dicenda venit, sicque Regula in suo valore procedit. Navarr. *lib. 5. Consil. 3. n. 1. de Raptu. Sanch. lib. 7. de Matrim. disp. 12. n. 36. & alii. arg. c. Cum causam. 6. de Raptor.* ubi Summarium sic habet: *Raptus non dicitur, ubi volens pro matrimonio abducitur;* prout etiam ibidem impedimentum exinde non induci deciditur.

Obijcitur adhuc *l. Si Mulier. 21. §. 5. ff. quod metus caus. gest.* ubi mulieri beneficiò resti-

restitutionis in integrum succurritur, etiam si sciens & consentiens adierit hæreditatem sibi nocivam: ergo scienti & consentienti fit injuria; aliàs enim si mulier hæc injuriam passa non fuisset, lex restitutionem in integrum non concessisset. Resp. dictam mulierem gravi metu adactam hæreditatem adiisse, uti legenti textum patet. Et quamvis coacta voluntas adhuc sit voluntas: tamen, quia habuit jus, ne ad hæreditatis damnosæ additionem metu adigeretur, & violatione hujus sui juris injuriam passa est, æquitate suadente per dictum extraordinarium medium meritò illi succurrebatur.

- 10 Objicitur etiam *l. Si quis servus. 20. C. de furt. & servus corrupt.* ubi domino conceditur actio furti & servi corrupti contra illum, qui domini servo, ut aliquam domini sui rem furriperet, & sibi afferret, persuasit, et si servus ante ablationem rei iniquam suasionem sincerè manifestarit, & dominus in ablationem sciens consenserit. Resp. Actionem Dominò fuisse concessam tum, quia dominus habuit jus, ne servus suus iniquè corrumperetur; quo jure, quia se non abdicavit, in eo injuriam passus est: tum ad terrorem aliorum, ne servos alienos facillè corrumperent; quia *in delictis, quæ trahi possunt in exemplum, puniuntur factum, licet non sit perfectum*, ut notat Rubr. in cit. *l. Si quis.* & favent verba ultima ejusdem legis, ibi: *Ne ex hujusmodi impunitate & in alium servum, qui facile possit corrumpi, hoc facere pertinet.* Tum etiam, quia Dominus non in retentionem, sed ablationem duntaxat rei suæ consensit animo experiendi malitiam iniqui suavisoris, ut scelere in effectum deducto eum actione furti, & corrupti servi

securius convenire possët. Peck. *bic. n. 13. in fine.*

Objicitur denique exemplum Sanctorum Martyrum, qui scientes, & consentientes sustinuerunt martyrium, vitam, & membra perdiderunt, & tamen facta est illis injuria: ergo etiam scienti & consentienti fieri potest injuria. Resp. Quamvis SS. Martyres amore Dei, & fidei Martyrium à Deo permissum scienter, & libenter sustinuerint, imò etiam desiderarint: tamen per hoc non consenserunt in tortorum iniquitatem, ac injustam actionem, quæ membris & vitâ fuerunt privati, nec ullò modo renuntiârunt juri in vitam & membra, cum horum domini non fuerint; & hinc juri ad illa renuntiare non potuerint. Sylvester. *¶ Consensus. n. 2. Less. de Justit. & Jur. lib. 2. cap. 7. n. 14.*

Quæritur II. An? & quales Fallentias? Regula XXVII. patiatur? Responder. Pirh. *Tit. de Usur. n. 11.* Eam fallere in cunctis iis, ubi aliunde adest prohibitio, præsertim jure divino, uti est in usuris utpote jure divino & naturali prohibitis, et si mutuatarius in illas scienter consenserit; præcipuè cum hujus consensus sit etiam quodammodo coactus, eò quod mutuum, quò necessariò indiget, obtinere non possit, nisi in usuras consentiat, prout *lib. V. Tit. 19. n. 85.* & toto illo Titulo fusiùs diximus. Idem est de adulterio, quod, quia jure divino prohibitum est, consensus ad id ab uno conjugum dari nequit, & scienter ac liberè datus adulteros non excusat, quin coràm Deo & mundo rei existant, pænisque à Jure humano in adulteros statutis subjaceant.

REGULA XXVIII.

Quæ à Jure communi exorbitant, nequaquam ad consequentiam sunt trahenda.

S U M M A R I U M.

1. Regula unde desumpta?
2. Exorbitare à Jure quid sit?
3. Aliud est exorbitans à Jure, aliud correctorium Juris.
4. Exorbitans à Jure in stricto & lato sensu sumitur.

5. Ponitur verus sensus Regule.

Exorbitantia à Jure sunt odiosa; non possunt extendi ad casus & personas non expressas. *ibid.*

6. Etiam si sit eadem ratio.

7. Declaratur exemplis Juris. & tribus seqq.

K 3

10. At.

10. Attendendo Jus Civile, Pater potest occidere filiam in sua potestate adhuc constitutam, & adulterum in adulterio comprehensos.

11. Consuetudo non extenditur de loco ad locum.

12. In quibus Regula fallat, ita ut exorbitantia à

Jure extendi possint ad casus & personas non expressas.

13. Necessario connexa se invicem includunt, etsi unius tantum fiat mentio.

Hæc Regula desumitur ex l. quod contra rationem. ff. de R. J. ibi: quod contra rationem juris receptum est, non est producendum ad consequentiam. Concordat c. Is, qui. de filiis Presbyt. in 6. ibi: pretextu dispensationis hujusmodi (quam exorbitantem à Jure oportet velut odiosam restringi) &c. & alia Jura per Gloss. citata hic.

2. Queritur I. Quomodo hæc Regula intelligenda? & quis verus illius sensus sit? Ante responsionem prænotandum venit, exorbitare ut sic idem esse, ac ab orbita, seu via communi deflectere & deviare. Gloss. & Dynus hic: quod Sacra Scriptura ad dextram vel sinistram declinare vocat. Hinc ad propositum exorbitantia à Jure sunt, & dicuntur, quæ à communi Jure, seu à via Juris communis deflectunt, seu Juri communi adversantur, & contraria sunt.

3. Ulterius notandum, in proprio sensu aliud esse exorbitans à Jure, aliud correctorium Juris. Exorbitans à Jure est, quod dispositioni Juris communis ex parte duntaxat, & non ex toto adversatur, & contrarium existit: Correctorium verò Juris est, quod illius dispositionem ex toto corrigit. Ex quo venit, quod exorbitantia à Jure communi, v. g. dispensationes, privilegia, consuetudines, statuta Juris communis dispositioni ex parte tantum contraria facilius extendantur, quam correctoria illius, seu eidem ex integro adversa, prout ex Farin. jam notavimus lib. I. Tit. 2. de consuet. n. 423. arg. c. Auditis. junctâ Glossâ ibidem & Minoris. de In integr. restit. & docet Taccin. hic.

4. Porro sunt alii, qui exorbitans à Jure in stricto sensu illud appellant, quod Juri communita adversatur, ut non nisi difficillimè, & rarissimè concedi soleat: in lato sensu autem omne illud rescriptum, statutum, dispensatio, privilegium à Jure communi exorbitans est & dicitur, quod eidem qualitercunque adversatur. Regula nostra tam de correctoriis Juris, quam de exorbitantibus à Jure communi, & de his tam in stricto, quam lato sensu intelligenda est: cum omne correctorium Juris sit etiam exorbitans, seu devians ab illo, etsi in proprio sensu non omne exorbi-

tans ab illo sit etiam correctorium ejusdem: licet aliqui inter hos terminos non distinguant, sed utrumque uno vocabulo exorbitantis à Jure exprimant. His prænotatis

Resp. ad quæstionem n. 2. positam. Regula præsens juxta sequentem proprium illius sensum intelligenda est: Quæcumque à Jure communi exorbitant, id est, legales, aliæque dispositiones, rescripta, statuta, dispensationes, privilegia, consuetudines, quæ alicui dispositioni Juris communi ex parte vel ex toto adversantur, ad consequentiam, sive ad alios casus & personas non expressas, non sunt trabende, seu extendende. Ratio est; quia odia restringi, & favores convenit ampliari juxta Reg. 15. de R. J. in 6. Ea autem, quæ à Jure communi exorbitant, juxta omnium DD. sententiam odiosa censentur: & merito; hoc ipso enim, quod Jus commune propter utilitatem publicam conditum, & ab omnibus receptum, indeque summè favorabile sit, quidquid ei adversum seu contrarium est, merito odiosum reputatur, & per consequens ad consequentiam sive ad alios casus & personas, non expressas nequaquam trahendum, seu extendendum est. arg. c. Sanè. 9. de Privileg. & c. Is, qui. de filiis Presbyt. in 6. ibi: pretextu dispensationis (quam exorbitantem à Jure oportet velut odiosam restringi) &c. Hinc c. Cum expediat. de Elect. in 6. universaliter sancitum habetur, ut omnis correctio Jurium, quatenus fieri potest, sit evitanda.

Et procedit Regula, etiam si in alio simili casu, vel persona videatur eadem vel major ratio: nisi hæc in exorbitante dispositione sit expressa juxta dicta ad Regulam 15. vel extensio ad similia expressè concessa. Strein hic n. 2. exemplificans id in Principe, cui ex necessitate fuit concessum in certo loco nominare Prælatum; is enim in alio loco aliquem nominare non valet, etsi in tali loco eadem sit necessitas.

Declaratur Regula & confirmatur Exemplis ex Jure deductis: Sic enim etsi laicis Juris spiritualis aliàs incapacibus à Jure concedatur jus præsentandi ad Ecclesias & Beneficia ab illis fundata, uti constat ex Tit. de Jure Patronatus. tamen hæc Juris dispositio trahi & ex-

& extendi non potest ad liberam collationem, electionem, vel causarum Jurispatronatus judicalem cognitionem. *c. Sacrosancta. c. Messana. de Elect. & c. quando de Judiciis.*

8 Sic pariter licet Anglis ex eo, ut ad fidem recenter conversi in ea firmitus maneat, dispensativè concessum fuerit cum consanguineis matrimonium: tamen hæc concessio, utpote à Jure communi exorbitans, ad alias gentes recenter conversas trahi & extendi non potuit. *can. quedam lex. 20. §. quod scripsi. cau. 35. q. 3. & ibi Glossa communiter recepta.*

9 Siculterius si alicui illegitimè nato per dispensationem papalem generaliter, & sine curæ mentione conceditur accipere beneficium, non potest conferri curatum. *c. Is, cui. de Prab. & Dignit. in 6.* nec potest dispensatio extendi ad plura beneficia. *arg. c. fin. de filiis Presbyt. in 6. Gloss. in c. 1. Eod.* quia utraque hæc dispensatio à Jure exorbitans, sicque odiosa est, consequenter extendi non debet.

10 Similiter et si *l. Patri. 20. ff. ad Leg. Jul. de adult.* concedatur, quod pater filiam sub potestate sua adhuc constitutam una cum adultero occidere possit, tamen hæc potestas, utpote à Jure communi aliàs exorbitans, sicque odiosa ad alios consanguineos talis filiæ, vel ad filium familias patrem, extendi non potest. *arg. cit. l. Patri. Fachin. lib. 7. cap. 28. Strein hic n. 1.* Et sic intellige de aliis hujusmodi concessionibus, dispensationibus à Jure communi exorbitantibus, seu deviantibus, utpote quæ tanquam odiosæ ad alios casus & personas etiam ob similitudinem, paritatem, identitatem rationis trahi aut extendi non possunt.

11 Nec objicias cum Decio *Consil. 384.* quod consuetudo civitatis Episcopalis ad opida & pagos ejusdem Diæcesis, imò etiam ad vicina loca diæcesis extendatur *arg. c. Ex parte. de Censib. & Exat.* Resp. enim, id vi

dicti capituli fieri ex præsumptione, quod etiam in aliis hujusmodi locis consuetudo vigeat: qua præsumptione non data certum est, quod consuetudo à Jure exorbitans, seu eidem adversa ab una diæcesi ad aliam, vel de loco ad alium locum non extendatur, ut fusè dictum ac probatum habetur *lib. 1. Tit. 4. de consuet. à n. 1. &c.*

Quæritur II. An? & quas Fallentias¹² Reg. XXVIII. patiat? Resp. Eam habere omnes illas fallentias, quas adduximus supra in Regula XV. à num. 20. usque ad n. 24. inclusivè. Et quidem eas breviter recapitulando Fallit 1. quando agitur de favore utilitatis publicæ juxta dicta ad *cit. Reg. XV. n. 20. 2.* In concessionibus, dispositionibus, rescriptis, privilegiis pro favore Cultûs divini, fidei, religionis, salutis animarum, juxta dicta ibidem n. 2. 3. fallit, quando dispositio, dispensatio, rescriptum, privilegium datum est motu proprio, juxta dicta ibi n. 22. 4. fallit, ubi est eadem ratio in lege expressa juxta n. 23. 5. fallit, quando extensio requiritur ad evitandum absurdum, juxta dicta ibidem n. 24.

Fallit 6. In necessariò connexis, & nisi¹³ extensio fieret concessionis à Jure exorbitantis, aliàs esset inutilis & careret effectu: necessariò enim connexa comprehendere & includi censentur in concessio uno, etsi non fiat expressa mentio alterius. *arg. c. Prætoræa. 5. de Offic. & potest. Jud. deleg.* Exemplum habes: quod minor 25. annis dispensatus ad beneficium parochiale, vel aliud curatum, censeatur etiam dispensatus ad susceptionem Sacerdotii intra annum, etiamsi de ea nulla fiat mentio, quia est necessariò connexa; cum beneficium curatum ultra annum nec administrari, nec retineri valeat sine ordine Sacerdotali, & aliàs dispensatio careret effectu, & foret inutilis contra mentem Papæ dispensantis, uti cum aliis benè advertit Abbas in *c. Nonnulli. 28. de Rescript.*

REGULA XXIX.

Quod omnes tangit, debet ab omnibus approbari.

SUMMARIUM.

1. Regula unde desumpta?

2. Ratio difficultatis in Regula.

3. Aliud est: tangere omnes, vel plures ut singulos.

4. Aliud: tangere omnes, vel plures ut universos vel collegialiter sumptos.

5. Regula intelligenda est de eo, quod omnes ut singulos tangit.

Poni-

Ponitur verus sensus illius. *ibid.*

6. Declaratur exemplis juris: & duobus seqq.

7. Electio unico vocali spretò, seu non citatò est nulla.

8. Ad compromissum requiritur omnium consensus.

9. Majora valent, quando res omnes ut universos vel collegialiter tangit.

Regula hæc desumitur ex *l. fin. C. de Authorit. præst.* ibi: Etenim necesse est, singulos pro suis partibus, vel regionibus authoritatem pupillo præstare. Concordant *l. Perfundum. ff. de servit. Rust.* & alia Jura per Gloss. citata *hic*.

Quæritur I. Quomodo hæc Regula intelligenda? & quis verus illius sensus sit? Ante responsonem notandum, non minus difficilem, quàm celebrem esse hanc Regulam; quamvis enim DD. communiter, imò teste Barbos. *hic n. 2.* omnes dicant, Regulam esse sic intelligendam, quod omnes ut singulos tangit, non autem, quod omnes ut collegium aut communitatem, seu collegialiter & in communi tangit, ab omnibus esse approbandum: Tamen difficultas non levis remanet, quandonam aliquid plures aut omnes ut singulos, & quando illos ut collegium vel communitatem tangere dicatur. Pro cuius intelligentia

Ulterius notandum, Illud aliquem vel aliquos tangere dici, quod ad eum, vel illos aliquò modò pertinet, vel eis de Jure competit, ita ut ex illius ablatione, diminutione, violatione gravamen & præjudicium patiantur. Porro potest aliquid plures, seu omnes vel ut singulos, seu singillatim & distributivè sumptos: vel omnes ut universos, seu collectivè & collegialiter sumptos, ac prout unum corpus efficiunt, tangere, sive eis de Jure competere & ad eos pertinere. Plures vel omnes ut singulos aliquid tangere, eis competere, & ad eos pertinere dicitur, quando quivis in specie ac in individuo in illo jus habet, sicque de jure & præjudicio cujusvis in specie, directè, &, ut loquitur Barbosa *hic n. 3.* principaliter agitur: ut si plures in eundem fundum jure & dominio gaudent, non potest tali fundo sine omnium approbatione & consensu servitus imponi, quia omnes ut singulos, seu quemvis in specie tangit, & de illius præjudicio directè ac principaliter agitur. *arg. cit. l. fin. C. de authorit. præst.* cum Concordant.

10. Intellige tamen in necessariò, non autem voluntarie agendis:

11. Ac nisi pars minor, vel unicus rationabiliter contradicat.

12. Fallit Regula in favore liberationis à debitis:

13. In Arbitris pro dirimenda lite:

14. Item in compatronis Juris patronatus.

15. Et, si Fiscus concurrat cum privatis.

Plures vel omnes ut universos, vel collectivè, collegialiter, & in communi sumptos, ac prout unum corpus, collegium, vel communitatem constituunt, aliquid tangere, eis jus competere, & ad eos pertinere dicitur, quando illud non ad quemvis in specie aut individuo, sed ad totum collegium, communitatem, Monasterium, Capitulum &c. pertinet, uti sunt fundi, prædia, aliæque Jura ad totam communitatem pertinentia, in quorum proin alienatione, vel violatione non de singulari, vel cujuslibet in specie aut individuo, sed de totius communicatis, collegii, corporis mystici Jure ac præjudicio directè, primariò, ac principaliter agitur, quamvis indirectè, secundariò, ac minùs principaliter etiam singulos tangat, hòcipsò, quòd talis communitatis sint membra: in quo sensu juxta jam dicta, & adhuc magis dicenda non omnium, sed majoris duntaxat partis consensus, & approbatio requiritur. *arg. l. I. §. Denuntiari. ff. de ventr. inspiciend. cum concord.* His prænotatis

Resp. ad quæstionem n. 2. positam: Regula præsens intelligenda venit de eo duntaxat, quod omnes ut singulos: non autem de eo, quod omnes simul, vel collectivè, seu collegialiter sumptos tangit, modò n. 2. & 3. explicatò; ut proin proprius illius sensus sit sequens: Quod plures ut singulos tangit, id est, ad eos pertinet, etique ut singulis de Jure competit, ita, ut agendo de illo, de jure & præjudicio cujuslibet in specie ac individuo directè, primariò, ac quasi principaliter agatur, ab omnibus unanimiter approbari debet, ita ut unico dissentiente, contradicente, spretò aut neglectò tota actio sit nulla & invalida. Ratio Regulæ est; quia nullus invito Jure suo spoliandus est, Nec debet alteri per alterum iniqua conditio inferri. *l. Non debet. 74. ff. de R. J.* Et Id., quod nostrum est, sine factò (seu consensu) nostro ad alium transferri (vel auferri) non potest. *l. Id. quod. 11. ff. de R. J.* Hinc dum *l. In concedendo. ff. de aqua pluvi. arc.* deciditur, ut in concedendo jure

jure aquæ ducendæ accedat consensus omnium, qui in re jus habent, subjungitur: *Nec immerito, cum enim minuatur jus eorum, consequens fuit, exquiri, an consentiant.*

6 Declaratur & firmatur Regula, ejusque sensus variis exemplis Juris per *Dynembic*, & alios adductis: Sic enim inprimis si plures fundum aliquem in communi habent, non possunt in eo servitutem constituere, nisi interveniat unanimis omnium consensus, ita, ut unico dissentiente constitutio sit nulla, textu claro *l. per Fundum. 11. ff. de servit. Prad. Russ. & l. Receptum. ff. Commun. prad.* quia fundus tangit omnes ut singulos, & de jure ac præjudicio ejusvis in specie directè agitur. Idem est in casu, quò novus aquæ ductus concedendus est; omnes enim & singuli, qui prius jus ad aquam jam habebant, consentire debent. *arg. cit. l. In concedendo. ff. de aqua pluvi. arc.* per rationem ex illa desumptam & n. præced. jam positam: Sic etiam, si plures servum propriè talem in communi habent, omnium consensus requiritur, ut Sacros Ordines suscipere valeat, quia omnes tangit, id est ad omnes pertinet, & de cujusvis jure & præjudicio agitur, hoc ipsò quòd quisvis per ordines suò ad servum habito jure privetur, cum sacris initiatus servus esse non possit, sed homo liber evadat, *can. 2. dist. 54.*

7 Sic rursus omnes tam Regularis, quam sæcularis statûs vocales, qui debent & volunt, ac commodè possunt interesse, ad electionem Prælati citari & admitti debent. *c. quia propter. de Elect.* cum concord. ita ut si unus contemptus, id est, legitimè non citatus, vel illegitimè exclusus esset, Electionem invalidam reddere posset. *c. Quod sicut 28. de Elect.* quia quisvis in specie jus eligendi habet, quò invitatus privari nequit, prout amplius diximus *Lib. I. Tit. 6. de Elect. n. 115.*

8 Sic ulterius ut electio per compromissum fieri queat, unanimis omnium Vocalium consensus necessariò requiritur, adeò ut unus dissensus compromissum impediatur, & nihilominus electionem per compromissum factam invalidam reddat, uti Gloss. in *c. Quia propter. x. Vice omnium.* communiter recepta benè docet *arg. cit. c. Quia propter. de Elect.* & amplius dictum habetur *cit. Lib. I. Tit. 6. de Elect. n. 71.* quia causa compromissi omnes ut singulos tangit, cum alioquin invitatus privaretur voce sua activa.

9 Obijci solent contra hanc Regulam factis clari textus Juris, utriusque, Canonici qui-

Regule Juris.

dem ex *c. 1. De his, que sunt à Major. par. capit.* ubi universaliter disponitur; nisi à paucioribus & inferioribus aliquid rationabiliter objectum fuerit, & offensum, prævalet semper, quod à majori & saniore parte Capituli fuerit constitutum. Ex Jure Civili autem *l. quod major. 19. ff. ad municipalem.* ibi: *Quod major pars Curie efficit, pro eo habetur, ac si omnes egerint.* Sed Resp. hos & similes universales Juris textus de his materiis & causis intelligendos esse, quæ vel non omnes ut singulos in specie, sed omnes ut universos, seu collectivè sumptos, sive totum collegium tangunt juxta sensum supra n. 4. allegatum: vel non ipsa collegii aut curiæ membra, sed tertium aliquem respiciunt.

Quamvis ceteroquin etiam præfati textus (præsertim verò ex *c. quia propter.* ¹⁰ desumptus) non semper, sed tunc tantum verificentur, quando aliqua facienda sunt ex necessitate, uti alienationes, electiones, & hujusmodi: non autem in iis, quæ ex mera voluntate sunt; tunc enim major pars non sufficit, sed omnes & quidem collegialiter consentire debent, prout benè observit & probat Gloss. in *c. Cum omnes. de Constitut. x. constit.* ac etiam ad hanc Regulam: ubi plura de hoc.

Et nos quoque *Lib. III. Tit. 11. De his, que sunt à majori parte Capit. à n. 24.* ¹¹ plures adduximus casus, etiam tales, qui omnes collectivè sumptos, seu totum collegium & communitatem tangunt, in quibus non sufficit major pars, quin minor pars contradicere, & intentum majoris partis ex rationabili causa impedire valeat *cit. c. 1. De his, que sunt à major.* ibi: *nisi à paucioribus aliquid rationabiliter fuerit objectum & offensum:* ubi etiam addidimus, unicum ceteris omnibus efficaciter contradicere posse, tunc nempe, quando reliqui in manifestum damnum Collegii, Communitatis aut Ecclesiæ decernunt, ubi vide.

Queritur II. An? & quas Fallentias patiatur Regula XXIX. Resp. Eam fallere ¹² in pluribus, veluti *Primò* in favore liberationis à debitis. *l. Majorem. ff. de Pactis.* ubi habetur, si hæredes possint ut cum creditoribus, quota parte debiti, velint esse contenti, *Prætor sequetur majoris partis voluntatem:* ubi Rubrica sic habet: *Hodie in iis, que sunt communia pluribus, ut singulis, quod sit à majore parte, præjudicat aliis favore liberationis.*

L

Fallit

13 Fallit *secundò* in arbitris favore litium dirimendarum; nam arbitris, qui communi partium consensu in dispari numero sunt assumpti, discordantibus, statuer sententiæ majoris partis, etsi res plures ut singulos tangat. *arg. c. Sanè I. de Arbitris.*

14 Fallit *tertiò* in casu, quò pluribus Patronis competit Jus patronatus; nam iis discordantibus valet presentatio personæ idoneæ facta à majore parte, textu expresso *c. Quoniam. 3. de Jure Patron.* idque favore Ecclesiæ & animarum, quibus longior beneficii

vacatio damnosa videtur & periculosa. *arg. c. Ne pro defectu. 41. de Elect.*

Fallit *quartò*, Si Princeps, vel fiscus illius rem aliquam cum aliis communem habet; quia potest ille, etiam his invitis, rem totam vendere, reddita tamen parte pretii aliis competente. *l. Multum. 2. C. de Commun. rerum alienat.* quia fisci in hoc specialiter privilegiatus independenter ab aliis agit, nec in effectu illis præjudicat; cum plerumque commodius sit & utilius, rem totam, quam partem illius distrahere. *arg. l. Mævius. 52. ff. Familia Eriscunda.*

REGULA XXX.

In obscuris minimum est sequendum.

S U M M A R I U M.

1. Regula à quo desumpta?
2. Obscurum quid sit? & Minimum quid dicatur?
3. Regula non procedit, nisi prius circumstantiæ de veritate rei perpendantur: Hinc Regula hæc subsidiaria dicitur. *Ibid.*
4. Ponitur verus sensus Regula.
5. Regula ample extenditur.
6. Procedit enim in legibus:
7. In contractibus & promissionibus:
8. In Testamentis & legatis:
9. In peccatis & delictis.
Satiùs est impunitum relinquere facinus nocentis, quam innocentem damnari. *Ibid.*
10. Procedit insuper in penis:

1 Hæc Regula desumitur ex *l. Semper in obscuris. 9. ff. de R. J. ibi: Semper in obscuris, quod minimum est, sequimur.* concordat *l. Semper in stipulationibus 34. ff. de Reg. Jur.*

2 Queritur I. Quomodo hæc Regula intelligenda? & quis verus illius sensus sit? Resp. I. *Obscurum* in hac Regula sumitur pro eo, in quo rei veritas, & intentio disponentis, etiam consideratis considerandis circumstantiis nec verisimiliter satis apparet. Per *minimum* verò illud intelligitur, quod minùs obligat, vel minùs gravat.

3 Dicitur autem notanter etiam consideratis considerandis circumstantiis; enim verò hæc Regula non ita nudè intelligenda venit, quòd in quovis obscuro statim, ac sine ulla consideratione *minimum* sit eligendum: sed priùs videndum est, an non rei veritas, & vera disponentis intentio ex more Regionis, ex ratione, vel fine, vel ex alia lege, ex ante-

11. In Votis.

In pari causa melior est conditio possidentis. *Ibid.*

12. Et sententiis.

13. Solvitur obiectio.

Pars indistinctè nominata significat dimidium. *ib.*

14. In obscuris & Judex sequi debet minimum.

15. Quivis censetur habere animum agendi, quod agit.

16. Fallit Regula in speciebus & artefactis:

17. Nisi sub specie duo tantum adint individua.

18. In genere propriè tali non fallit.

19. In Homicidio, à pluribus commisso, fallit. Delicta non debent manere impunita. *Ibid.*

cedentibus aut subsequenter verbis, vel ex aliis circumstantiis saltem verisimiliter erui valeat, prout benè observat Glossi. & clarè desumitur ex *cit. l. 34. ff. de Reg. Jur. ibi: Semper in stipulationibus, & in ceteris contractibus id sequimur, quod actum est: aut si non appareat, quid actum est, erit consequens, ut id sequamur, quod in Regione, in qua actum est, frequentatur.* Quid ergo, si neque Regionis mos apparet, quia varius fuit, ad id, quod *minimum* est, redigenda summa est. Concordat Regula 45. Juris in 6. Inspicimus in obscuris, quod verisimilis est: vel quod plerumque fieri consuevit. & *l. Nummis. 75. ff. de Legatis III.* ibi: Si neque ex consuetudine Patris familias, neque ex Regionis, unde fuit, neque ex contextu testamenti possit apparere. Hinc Regula hæc communiter vocatur *subsidiaria*, id est, in subsidium, casu quo aliunde de veritate factis non constat.

Resp.

Resp. II. Verus sensus Regulæ hic est:

4 Quando in lege, statuto, aut alia dispositione sensus ita obscurus est, ut neque ex natura actus, neque ex antecedente aut subsequente tenore verborum, neque ex consuetudine loci, nec ex aliis circumstantiis vera legislatoris, vel aliter disponentis voluntas ac intentio, saltem verisimiliter satis appareat, id, quod minimum, hoc est, quod minus obligat, vel gravat, sentire debemus. Per Jura citata: Ratio est; Tum quia Jura prouiora sunt ad liberandum, quam obligandum, magisque inclinant ad minuendam, quam augendam obligationem, arg. l. Arianus. ff. de Obligat. & Act. Tum quia sequendo minimum minus errandi periculum est; hoc ipso, quod in maiori, vel maximo etiam minus vel minimum includatur, juxta Reg. 35. Jur. in 6. Plus semper in se continet, quod est minus: consequenter si disponens forsitan de maximo intentionem habuit, etiam minimum inclusum existat, non sic e converso.

5 Porro hæc Regula sat amplè extenditur; procedit enim non tantum in legibus & statutis, sed etiam in contractibus, & voluntariis promissionibus: in testamentis & ultimis voluntatibus: in peccatis & delictis: in pænis, & in sententiis. Dynus hic cum communi aliorum, patetque adducendo de singulis exempla Juris.

6 Et quidem in primis de Legibus & statutis; hæc enim quando obscura sunt, & vera, aut verisimilior intentio legislatoris non apparet, mitiorem, minusque obligantem, vel gravantem præ duriori interpretationem sequi licet. Strein hic n. 2. Taccinus n. 3. arg. l. Arianus. 47. ff. de oblig. & Act. ibi: Ubi de obligando queritur, propensores esse debere nos, si habeamus occasionem, ad negandum: ubi de liberando, facilius sis ad liberationem.

7 Secundò de Contractibus & voluntariis promissionibus; nam qui vendit servum, dicens, illum esse peculiarem, sufficit, si is minimum habeat peculium textu claro l. Si quid venditor. 18. §. ult. ff. de Edilit. Edict. ibi: Si quis simpliciter dixerit, peculiatum esse servum, sufficit, si is vel minimum habeat peculium. Dynus hic n. 3. Strein. n. 2. Taccin. n. 3. Sic qui alicui certam mensuram tritici promissit, viliorum speciem dando satisfacit, textu claro l. fideiussorem. 52. ff. Mandati. ibi: Si sine adiectione bonitatis tritici pro altero triticum spondit, quodlibet tri-

ticum dando reum liberare posse existimo. Ratio est; quia in hoc obscuro viuior species promittentem minus gravat. Sic ulterius qui numero decem Canonicis Ecclesiæ A. promissit singulis annis dare viginti aureos, ita, ut qui liber habeat duos, auctò postea Canonicorum numero, non tenetur super addere, ut, qui recesserunt, tantundem accipiant. Strein hic n. 3. Pech. n. 3. quia in hoc obscuro, ita dando, minus gravatur promittens.

8 Tertiò in Testamentis, legatis, & aliis ultimis voluntatibus; si enim alicui indistinctè legatur pecunia, hæredes satisfaciant, si minimam quantitatem legatario dant. arg. l. Si ita relictum. 43. ff. de Legat. II. & l. Nummis. 75. ff. de Legat. III. ibi: Nummis indistinctè relictis, hoc receptum est, ut exiguiore relictis videantur, quia in hoc obscuro minimum, seu minus gravans hæredes sequi licet. Sic ulterius si alicui legatur tanta pars, quantum unus hæres accipit, & partes hæredum sunt inæquales, non nisi illa pars debetur legatario, quæ inter hæredes est minima. Dynus hic n. 2. textu claro cit. l. Si ita relictum. 43. ff. de Legat. II. ibi: Si ita relictum & c. quantum unus hæres habebit, tantum Titia hæredes necesse dare volo, minor pars erit accipienda. Ratio est, quæ supra.

9 Quartò in peccatis & delictis; si enim non satis constat, sed dubium & suspicio duntaxat est de crimine commisso, minimum sequi, & reum absolvere oportet. Dynus hic n. 17. textu claro l. Absentem. pr. ff. de Penis. ibi: Sed nec de suspicionibus debere aliquem damnari, Divus Traianus rescripsit; satius enim est, impunitum relinquere facinus nocentis, quam innocentem damnari. Quod si de delicto constat quidem, obscurum tamen & dubium maneat, de qualitate delicti, an v. g. vi armata, an sine armis contigerit, minimum, id est, minorem inducens penam, sicque sine armis commissum fuisse præsumendum est. Dynus loc. cit. l. Si Preses 32. ff. de Penis. junctâ l. Hæc enim cause. §. Quid ergo. ff. de suspect. Tut.

10 Quintò in Pænis, prout omnes docent, 10 ob currentes alias Regulas Juris claras; nam juxta Regulam 49. Jur. in 6. In pænis benignior est interpretatio facienda. & Reg. 155. §. fin. ff. de Reg. Jur. ibi: In pænalibus causis benignius interpretandum est. junctâ l. Interpretatione. 42. ff. de Penis. ibi: Interpretatione legum pæne mollienda sunt potius, quam exasperanda.

11. *Sextò in Votis*: qui enim dubitat, utrum verè voverit, ad votum non tenetur, prout communiter tenent DD. tum ex hac Regula, tum ex Regula 65. in 6. *In pari causa potior est conditio possidentis*: taliter autem dubitans est in possessione suæ libertatis. Quod si certus de voto, dubius manet circa qualitatem, quantitatem, pondus, numerum, vel mensuram, minimum, id est, minis gravans sequi potest, nisi ex circumstantiis aliud prudenter desumatur per Jura citata, junctò c. *Ex parte*. 18. *de censibus*. Sicut enim in hoc, ita & in aliis aliatis Juri exemplis attendenda est clausula n. 3. adducta; *si consideratis, considerandis circumstantiis aliud verisimiliter non appareat*.

12. *Septimò in sententiis*: siquidem si ex tribus iudicibus vel arbitris unus ad quindecim, secundus ad decem, tertius ad quinque reum condemnet, minimum, quinque nempe, utpote minis gravans, sequi oportet textu claro l. *Diem proferre*. 27. §. *Si plures*. ff. *de Receptis qui arbitrium*. ibi: *Si ex tribus arbitris unus quindecim, alius decem, tertius quinque condemnent, Julianus scribit, quinque debere praestari; quia in hanc summam omnes consenserunt*. Secus foret, si duo Judices similiter condemnassent ad majus, v. g. ad quindecim, & tertius ad dena; quia in tali casu res non amplius obscura, sed certa appareret, reum teneri ad quindecim ob clara Jura disponentia, majorem partem Judicum idem sententium prævalere cit. l. *Diem*. §. 3. ibi: *Si major pars consensiat, et stabitur: quod utrumque clarè deciditur c. 1. de arbitris in 6. ibi: Si ex tribus arbitris te duo in decem, & tertius in quinque condemnent, debet sententia prævalere duorum: licet cum unus in quindecim, alius in decem, tertius verò in quinque pronuntiant, in illius, qui dixit de Summa minori (cum in illa omnes concordantes existant) sententia efficax censetur*.

13. Objicitur autem contra Regulam & sensum ejus Primò l. *Etiam*. 43. ff. *de Usufructu & quomodomodum*. ubi expressè habetur, quod si pars legetur sine determinatione quotæ, dimidia pars totius legata censeatur; ibi: *Si non sit specialiter facta partimentio, dimidia pars bonorum continetur*. ergo in obscuris legatis minimum sequi non licet. Resp. hunc casum non versari in obscuro, quia clara lege decisum habemus, quod; si

quota non determinetur, nomine partis dimidium intelligatur. l. *Nomen*. 164. §. 1. ff. *de V. S.* ibi: *Si non fuerit portio adjecta, dimidia pars debetur*.

Objicitur secundò l. *Voluntatis*. 7. C. de 14 *Fideicommissis*. ubi dicitur: *Voluntatis defuncti questio in estimatione Judicis est*. Resp. id quidem verum esse, ita tamen, ut si consideratis considerandis certum vel verisimilius non appareat, & ipse de minimo judicare debeat per Jura hæcenus allegata.

Objicitur tertio l. 1. C. *ad legem Cornel.* 15 *de Siccar*. ex qua colligitur, quod si constet aliquem à Mævio fuisse occisum, is teneatur de homicidio, etsi non constet de animo occidendi, nisi Mævius hunc abfuisse, & homicidium casu contigisse probet; ergo in delictis non licet sequi minimum. Resp. hanc legem non obstare Regulæ; quia in hujusmodi non in obscuro, sed in claro versamur: cum in dubio quivis censeatur id agere voluisse, & agendi animum habuisse, quod egit, nisi aliud probetur, & animus ordinariè sit talis, qualem facta demonstrant. arg. cit. l. 1. & c. *Dilecti*. 52. de Appellat.

Quæritur II. An? Et quales Fallentias 16 patiatur hæc Regula? Resp. cum Glossi & Dyno hic. n. 7. quod etsi Regula in quantitate & numero &c. procedat, tamen generaliter fallat in speciebus (subaudi in sensu juridico acceptis juxta dicenda infra) & iis, quæ æquipollent speciebus, uti sunt artefacta, circa hæc enim in obscuris non minimum, sed mediocre est præstandum. l. *legato generaliter*. 37. ff. *de Legat. I.* ibi: *Legato generaliter relicto, veluti hominis Gaius Cassius scribit, id esse observandum, ne optimus vel pessimus accipiatur. & l. Qui lancem*. 31. ff. *de Auro & Argent. legat.* ubi disponitur, quod relinquens tres lanceas unam ex illis legat, mediæ magnitudinis lanceam legasse censendus sit. junctâ l. *Si quis argentum*. 35. §. 1. C. *de Donat.* ubi habetur, quod si quis certum redditum ex suis possessionibus donet, non exprimendo earum nomina, teneatur dare ex agris, quin nec omnibus, quos habet in possessione, anteponuntur, nec deteriores omnibus sunt, sed status mediocris inveniuntur.

Quod si verò ex legata vel donata specie duo tantum individua adsint, v. g. duo tantum equi, vel boves, vel fundi, vel servi, unus melior, alter deterior, in silvo manet Regula, *In obscuris minimum est sequendum*: indè

indéque non nisi ad deterius dandum obligatio inducitur. Dynus *bic. n. 8. & 9. arg. l. cum servus. 39. §. 6. ff. de Legat. l. & l. si ita relictum. 43. §. fin. ff. de Legat. II.*

¹⁸ Porro plures Doctores cum Dyno *bic. n. 7.* asserunt, Regulam non tantum in speciebus, sed etiam in generibus fallere; Notandum tamen eos loqui de genere & specie non in philosophico, sed in Juridico sensu acceptis; in quo ultimo sensu etiam individua & alia singularia vocantur species: econtra veræ species philosophicæ habentes sub se plura individua, uti homo, leo, asinus &c. apud Juristas vocantur genus, prout magis dicitur infra explicando Regulam 34. *Generi per speciem derogatur.* Dynus *l. cit.* cum

aliis. *arg. l. Ita stipulatus. 115. ff. de V. O.*

Ceterum Fallit Regula *secundo* in casu, ¹⁹ quo homicidium à pluribus committitur, & nescitur: sed obscurum manet, quis eorum vulnus lethale infixerit: tunc enim non minimum de puniendo uno vel nullo, sed maximum, videlicet ut omnes tanquam homicidæ puniantur, eligendum statuitur. *l. Item Mela. 11. §. 2. ff. ad l. Aquil.* Et merito; cum enim omnes in actu homicidii deprehensi culpabiles existant, omnes jure merito pænæ subjacent, ne cum gravi damno reipublicæ delicta maneant impunita contra *l. Ita vulneratus. 51. §. 2. ff. ad Leg. Aquil.* ibi: *cum neque impunita maleficia esse oporteat.* Dynus *bic. n. 19.*

REGULA XXXI.

Eum, qui certus est, certiorari ulterius non oportet.

S U M M A R I U M.

1. Regula unde desumpta?
2. Certus quis dicatur? tribus modis certus fieri quis potest.
3. Quid sit certiorari?
4. Ponitur verus sensus Regulae
Natura & Jura nil faciunt frustra. *Ibid.*
5. Declaratur Regula exemplis Juris. & duob. seqq.
Renditor servitutem fundi insinuare non tenetur, quam emptor jam scit. *Ibid.*
Nec vitium mancipii, vel alterius jam notum. *Ibid.*
6. Nemo tenetur alium de claris Juribus certiozem reddere.
Dies interpellat pro homine. *Ibid.*
7. Iter ad Curiam Romanam in causa litigiosa arripere aequivalet Appellationi.
8. Fallit Regula, quando ulterior certioratio requiritur ad substantiam actus:

9. Usi ad declarandum contumacem:
10. Et ad privationem privilegii Clericis:
11. Nec non ad ferendam Excommunicationem majorem.
12. Testes in Testamento non valent, nisi sint rogati.
13. Judex non nisi imploratus, & judicialiter informatus in causa procedere potest.
14. Venditor non tenetur ad evictionem, nisi fuerit ab emptore laudatus.
15. Clerici concubinarij ut penas incurrant, prius debent moneri: & quomodo?
Concilii Tridentini textus ad propositum. *Ibid.*
16. De penis Clericorum lascivæ viventium remissive.
17. Quod ulterior certificatio sit de substantia actus, non presumitur, sed probari debet: bene verò presumitur ignorantia, nisi scientia probetur.

Hæc Regula juxta Glossam *bic* desumitur ex *l. 1. ff. de Actionibus empti & venditi.* ubi habetur: *quia non videtur esse celatus, qui scit, nec certiorari debuit, qui non ignoravit.*

² Queritur I. Quomodo Regula intelligenda? & quis verus illius sensus sit? Resp. I. Certus per Regulam præsentem intelligitur ille, qui non qualemunque, sed indubitatam notitiam, seu scientiam rei, vel negotii alicujus habet; quæ notitia vel certitudo triplici modo haberi potest: vel *physicè*, ac naturaliter per quinque sensus, visum præsertim

& auditum, ut si quis Instrumentum authenticum rem continens ipsemet vidit & legit, vel quid aliud in quæstione versari propriis oculis cognovit, vel auribus audivit, v. g. promulgationem legis præsens auribus percepit: vel *moraliter*, quæ notitia provenit ex motivis adeo vehementibus, ut nullus prudens dubitandi relinquatur locus: cujusmodi certitudo ex relatione virorum omni exceptione majorum, fidéque dignorum habetur: vel ex *dispositione legis naturalis*, quæ cunctis nota esse debet, vel humanæ claræ ac certæ ritéque promulgatæ, Taccin. *bic. n. 1.*

Peck. n. 1. cum aliis. arg. l. Magnam. 12. C. de contrab. & committend. stipul.

3 Per certiorari intelligit Regula particularem aliquam judicalem, vel aliam denuntiationem, insinuationem, aut notificationem, vultque dicere, quod, qui aliquo ex præfatis modis de re quadam certus est, seu sufficientem notitiam jam habet, vel saltem habere deberet, ei ulteriorem aliquam insinuationem, vel denuntiationem facere ad hoc, ut notitiam acquirat, non sit necesse. Hinc

4 Resp. II. Verus Regulæ sensus hic est: *De jure non est necessarium, ut alicui, qui sufficientem notitiam vel scientiam de re, vel negotio aliquo jam habet, vel saltem habere deberet, pro acquirenda ejusdem rei, vel negotii notitia, adhuc ulterior aliqua fiat denuntiatio, insinuatio, vel notificatio.* Rationem dat Vivianus hic: quia denuntiatio alicui regulariter ideo fit, ut notitiam acquirat de re aliqua. Item veniunt. 20. §. 11. ff. de Hæred. petit. Ergo si is sufficientem notitiam jam habet, frustranea & superflua est ulterior notificatio talis rei: sicut autem natura, sic etiam leges & Jura nil frustra, aut superfluum faciunt vel exigunt. can. 1. dist. 19. cum concord.

5 Declaratur Regula & sensus illius exemplis Juris: Sic enim, licet vendens fundum, vel domum aliquam servitute affectam, teneatur emptorem de servitute certiolem reddere; cum id omittens teneatur actione empti ad interesse emptoris: tamen hujusmodi servitutum insinuare non obligatur, si emptor prius jam scit fundum servituti esse subjectum textu claro l. 1. §. 1. ff. de Action. empti. ibi: *Venditor si, cum sciret deberi servitutem, celavit, non evadet ex empto actionem; si modo eam rem emptor ignoravit; quia, uti §. fin. ibidem additur, non videtur esse celatus, qui scit, neque certiorari debuit, qui non ignoravit.* Sic etiam licet quis mancipium vel aliam rem, v. g. equum vitiosum, scabiosum vendens debeat emptorem certiolem reddere de moribus & vitiis mancipii, vel morbo aut gravi defectu equi; cum alias teneatur actione redhibitionis, vel quanto minoris: tamen hos defectus emptori notificare non debet, quando is horum prius jam sufficienter conscius est. l. 1. ff. de Edilit. Edict.

Sic universaliter nemo tenetur adversarium suum de claro Jure aut lege certiolem reddere, quia hanc quemvis scire præsumitur, cum scire debeat, indeque ignorantia hujusmodi juris ipsum non excuset juxta Regulam 13. Jur. in 6. Ignorantia facti, non Juris excusat: & dicta ibidem. Prout etiam necesse non est, aliquem monere, vel certiolem reddere de die solutionis, ubi is in contractu est appositus; quia debitor in tali casu præsumitur jam certus, cum dies ipsa interpretet pro homine l. Magnam. 12. C. de contrahend. stipulat. cum concord.

Sic ulterius in specie arripens in causa litigiosa iter ad Curiam Romanam sciente Præfato inferiori Judice, non tenetur illi communicare iter aggressum, minus attentati insinuare appellationem, vel eum de hac certiolem reddere, quia ipsemet Prælatus scivit, vel scire debuit, iter ad curiam Romanam arreptum habere vim appellationis arg. c. Si duobus. 7. & c. Meminimus. 9. de Appellat. ac stante hujusmodi appellatione excommunicationem non subsistere. c. Ad presentiam. 16. de Appellat. cum concord. Hinc in sensu Regulæ n. 3. posito notanter additum: *si de re notitiam jam habet, vel saltem habere deberet;* cum scire & scire debere pro eodem sumantur per dicta in Regulam 13. Jur. in 6.

Quæritur II. An? & quas Fallentias habeat præfens Regula? Resp. Eam universaliter fallere in iis, in quibus ulterior denuntiatio, seu insinuatio rei alias jam notæ non ideo fit, ut alter, cui fit, acquirat rei majorem vel certam notitiam: sed ideo, quia ulterior certioratio, seu denuntiatio ex dispositione Juris requiritur ad substantiam & valorem actus, uti cum Dyno hic n. 4. communiter advertunt Doctores arg. l. Denuntiatio. 17. ff. de Adult. & clarè patebit adducendo ad propositum exempla Juris: Sic enim

Primò sufficientem notitiam rei jam habens reus absens, ut contumax declarari, & contra eum quæ talem procedi non potest, nisi præviâ trinâ, vel unâ, tribus æquivalente peremptoria citatione in jus fuerit vocatus; quia sic in Jure expressè disponitur l. Ad peremptorium. 68. cum seqq. ff. de Judiciis. & l. Contumacia. 53. ff. de Re judicata. ibi: *Contumax est, qui tribus edictis prepositis, vel uno pro tribus, quod vulgo peremptorium appellatur, litteris evocatus presentiam sui facere*

contemnit : Et ampliùs diximus *Lib. II. Tit. 14. de Dolo & Contumacia.*

¹⁰ *Secundò*, ut quis etiam scelerum suorum benè conficius privilegio clericali legitime exuatur, trina monitio prævía de Jure necessaria est, textu claro *c. Contingit. 45. de Sentent. Excomm. junctâ Clement. I. de Vita & honest. Cleric.*

¹¹ *Tertiò* pariter requiritur prævía trina monitio, ut quis per Judicem Ecclesiasticum excommunicatione majori feriat. *c. Constitutionem. 10. de Sentent. Excomm. in 6. ibi: Judices sive monitionibus tribus utantur, sive unâ pro omnibus, observent aliquorum dierum competentia intervalla. & ampliùs habetur Lib. V. Tit. 39. de Sentent. Excomm.*

¹² *Quartò*, quamvis testes præsentes audiant voluntatem testatoris, & omnia circa testamentum ritè peragi videant: tamen pro valore testamenti non sufficiunt, nisi testes ut actu adsint, fuerint rogati. *l. Heredes. 21. §. 2. ff. qui Testamenta facere possunt. ibi: Testes rogati adesse debent. cum concord. & jam dictum est Lib. III. Tit. 26. de Testam. n. 21.*

¹³ *Quintò*, Et si Judex causam inter aliquos controversam per se optime compertam habeat: tamen in ea judicialiter procedere non potest, nisi à partibus imploratus, & judicialiter informatus fuerit, non ut notitiam acquirat, quam jam habet, sed ut judicii & processûs forma fervetur. *l. Dies. 4. §. Hoc autem 8. ff. de Damno infecto. ibi: Hoc autem judicium certam conditionem habet, si postulatum est: ceterum qui non postulavit, experiri non potest. Postulare autem propriè hoc dicimus pro tribunali petere, & non alibi. junctâ authent. C. quomodo & quando judic.*

¹⁴ *Sextò* Venditor, moræ benè conficius non tenetur emptori de evictione, nisi ab emptore fuerit laudatus, sive de lite, ut causam defendat, priùs admonitus. *l. Emptor. 18. & l. Empti. 21. C. de Evict.*

¹⁵ *Septimò* Clerici concubinari, vel aliàs suspectam mulierem in propria domo, vel extra illam frequentantes, quantumvis scelerum suorum confici, fructibus beneficii, ex parte vel ex toto, aut ipsò beneficiò privari non possunt, nisi certæ præcedant monitiones juxta præscriptum Concil. Trid. *Sess. 25. cap. 14. de Reform.* cujus textus huc denuo relatu omnino dignus est, ibi: *Quàm turpe, ac Clericorum nomine, qui se divino cultui*

addixerunt, sit indignum, in impudicitie sordibus immundòque concubinato versari, satis res ipsa communi fidelium omnium offensione, summoque Clericalis militia dedecore, testatur. Ut igitur ad eam, quam decet, continentiam, ac vitæ integritatem ministri Ecclesiæ revocentur; populusque hinc eos magis discat revereri, quò illos vitâ honestiores cognoverit: prohibet Sancta Synodus quibuscunque Clericis, ne concubinas, aut alias mulieres, de quibus possit haberi suspicio, in domo vel extrâ detinere, aut cum illis ullam consuetudinem habere audeant: alioquin penis à sacris Canonibus vel statutis Ecclesiarum impositis puniantur. Quòd si à Superioribus moniti ab iis se non abstinuerint, tertia parte fructuum, obventionum, ac proventuum beneficiorum suorum quorumcunque & pensionum ipso facto sint privati, quæ fabrica Ecclesiæ, aut alteri pio loco arbitriò Episcopi applicetur. Sin verò in delicto eodem, cum eadem vel alia femina perseverantes, secunda monitioni adhuc non paruerint, non tantum fructuum omnes, ac proventus suorum beneficiorum, & pensiones eo ipso amittant, quæ prædictis locis applicentur; sed etiam à beneficiorum ipsorum administratione, quoad Ordinarius, etiam ut Sedis Apostolica delegatus, arbitrabitur, suspendantur: & si ita suspensi nihilominus eas non expellant, aut cum iis etiam versentur, tunc beneficii, portionibus, ac officiis & pensionibus quibuscunque Ecclesiasticis perpetuò priventur, atque inhabiles ac indigni quibuscunque honoribus, dignitatibus, beneficiis, ac officiis in posterum reddantur, donec post manifestam vitæ emendationem ab eorum Superioribus cum iis ex causa visum fuerit dispensandum. Sed, si postquam eas semel dimiserint, intermissum consortium repetere, aut alias hujusmodi scandalosas mulieres sibi adjungere ausi fuerint, præter prædictas penas excommunicationis gladiò plectantur. Nec quævis appellatio, aut exemptio prædictam executionem impediat aut suspendat: supradictorumque omnium cognitio non ad Archidiaconos, nec Decanos, aut alios inferiores, sed ad Episcopos ipsos pertineat: qui sine strepitu, & figura judicii, & sola facti veritate inspecta procedere possint. Clerici verò beneficia Ecclesiastica, aut pensiones non habentes, juxta delicti, & contumacia perseverantiam

rantiam & qualitatem, ab ipso Episcopo carceris pænâ, suspensione ab ordine, ac inhabilitate ad beneficia obtinenda, aliisve modis, juxta sacros Canones puniantur. Episcopi quoque, quod absit, si ab hujusmodi crimine non abstinerint, & à Synodo provinciali admoniti, se non emendaverint, ipso facto sint suspensi: & si perseverent, etiam ad Sanctissimum Romanum Pontificem ab eadem Synodo deferantur, qui pro qualitate culpa etiam perprivationem, si opus erit, in eos animadvertat.

- 16 Porro quibus pænis aliàs subjaceant Clerici incaſte viventes, vide *Lib. III. Tit. 2. de cohabit. Cleric. & mulier. §. 2. per totum.*

Cæterum benè advertit Dynus *hic. n. 17* 5. quòd in dubio, utrùm ulterior monitio vel certificatio aliàs jam certificati sit de forma & substantia actûs, ea non, sed contra præſumatur, nisi aliter probetur; cùm denuntiationes ordinariè ideò tantum fieri soleant, ut incertus certificetur. *l. Item veniunt. 20. §. Petitam. 11. ff. de Hæredit. petit. junctâ l. Aut qui aliter. 5. §. Et si fortè. 2. ff. quod vi aut clam.* Licet cæteroquin etiam ad propositum quòd quis scientiam & notitiam de re aliqua jam habeat, consequenter ulteriùs certificari non debeat, non præſumatur, in iis, quæ sunt facti alieni, nisi probetur. Strein *hic. n. 1.* cum aliis juxta *Reg. 47. Jur. in 6. Præſumitur ignorantia, ubi scientia non probatur.*

REGULA XXXII.

Non licet actori, quod reo licitum non existit.

S U M M A R I U M.

1. Regula unde desumpta?
 2. Est expresse negativa, & tacite affirmativa.
 3. Ponitur verus sensus Regule.
Favorabiliores sunt partes Rei, quàm Actoris. *Ibid.*
 4. Regula declarat exemplis Juris: & quinque seqq.
 10. Plura licent reo, quæ actori non licent: enumerantur. & trib. seqq.
 11. Reus non tenetur actori edere sua instrumenta, bene tamen econtra.
 12. Reus admittitur ad Juramentum suppletorium & purgatorium; sed non econtra.
 13. Reus potest excipere contra actorem excommunicatum; non econtra.
 14. Fallit Regula primò: quia Actor potest extraordinarium Judicem petere; non item reus.
 15. Secundo; quia potest ex pluribus ordinariis Judicibus unum pro libitu eligere; non item reus.
 16. Tertio; quia actor reum de crimine accusare; non verò reus, nisi purgatus, illum reaccusare potest.
Defensio non relatione criminum, sed innocentia fieri debet. *Ibid.*
 17. Actor suum libellum explicare potest, non Reus.
 18. Actor probatò furto Rei admittitur ad juramentum de amissa quantitate: non item Reus ad juramentum purgatorium.
- & seqq. Cùm id Regula minimè asserat, sed præcisè insinuare intendat, Actorem non esse melioris conditionis, quàm Reum, consequenter, quod illi licet, etiam huic licitum esse debere, ac quod illicitum huic, etiam illicitum fore illi; Non verò: quod licet Reo, etiam Actori licere: aut quod Actori non licet, nec Reo esse licitum; cùm causâ rei favorabilior sit, quàm Actoris juxta *Reg. 125. ff. de R. J. & Reg. 11. de Reg. Jur. in 6.* Hinc
- Resp. II. Verus, ac genuinus sensus Regule hic est: *Quidquid in judicio ad promovendam, & assequendam suam intentionem Actor permittitur, à fortiori etiam Reo ad se defendendum, suamque exceptionem fundandam permittendum erit: Et quidquid in præſa-*

1 Regula hæc desumitur ex *l. Non debet. 41. ff. de Reg. Jur. ibi: Non debet Actori licere, quod Reo non permittitur.*

2 Quæritur I. Quomodo hæc Regula intelligenda? & quis verus illius sensus sit? Resp. I. Eam quidem expresse esse negativam, tacite tamen etiam affirmativam, sicque partim affirmativam, partim negativam, consequenter sic intelligendam: quod Reo non licet, nec Actori licitum est: item, quod Actori licet, etiam Reo licitum existit. Idque non ideò, quia correlativi sunt, ac propterea, ob æqualitatem servandam, quod uni licet, etiam alteri licitum esse debet, ut post Gloss. in *Clement. Sæpe. V. Voluerit. de Verb. Signif. vult Barb. In Axiomat. Jur. axiom. 10. n. 7.*

- præfato sensu Reo non licet, multò minùs A^{ct}ori licebit.* Ratio manifesta desumitur ex utraque Regula Juris Canonici & Civilis; hæc siquidem numerò 125. ff. de R. J. sic sonat: *Favorabiliores rei potius, quàm actores habentur.* Canonica verò numerò 11. sic: *Cum sunt partium Jura obscura, reo favendum est potius, quàm actori:* Idque ob rationes suprà in hanc Regulam 11. jam allegatas.
- 4 Declaratur & firmatur Regula, ejùsque sensus variis exemplis ex Jure desumptis: sic enim loquendo de sensu affirmativo: si A^{ct}ori petenti conceditur dilatio propter testes, etiam Reo concedi debet. Dynus hic. n. 1. Taccin. n. 4. arg. l. Petenda. C. de Temp. in integr. restitut. cum concord.
- 5 Loquendo de sensu negativo: quia post cognitatos testium depositiones ulterior productio testium non est licita Reo, Novell. 90. cap. 4. §. *Illud tamen.* multò magis illicita erit A^{ct}ori, ob rationem n. 3. allegatam. Strein. hic n. 1.
- 6 Item: quia post litem contestatam non amplius licet Reo revocare Procuratorem. l. *Post litem.* 17. & l. *qua omnia.* 25. ff. de Procurat. multò minùs id licebit A^{ct}ori. Dynus hic n. 2.
- 7 Item: quia Reus coram Judice delegato conventus cum clausula commissioni inserta: *ut remotà appellatione procedat:* non potest appellare, à fortiori prohibita appellatio erit A^{ct}ori c. fin. de mutuis petit. si hic coram eodem Judice reconveniat. Gloss. in Clement. Sape. de Verb. Signif. Decius in Regulam 41. ff. de Reg. Jur.
- 8 Ulterius: quia Reus pro suo Procuratore non potest constituere militem: l. *Necque femina.* 54. ff. de Procurat. Nec A^{ct}or id poterit.
- 9 Rursus, si A^{ct}or in causa civili impetrat, ut Reus personaliter compareat, personaliter quoque comparere debet A^{ct}or. Gloss. in c. 2. de Mutuis petit. Decius loc. cit. n. 2. Baldus & alii.
- 10 Immo non tantum illicita A^{ct}ori sunt ea, quæ Reo non licent, sed insuper multa Reo permittuntur à Jure, quæ A^{ct}ori non conceduntur: sic enim præter ea, quæ ad Regulam 11. diximus, primo Reo conceduntur de Jure recusatoriæ, ac etiam deliberatoriæ dilationes, non item A^{ct}ori. Authent. offeratur. C. de litis contest. Et illi plures quam huic permittuntur dilationes probatoriæ, l. fin. ff. de Feriis.
- Regula Juris.

Secundò; Reus non tenetur sua instrum¹¹enta edere A^{ct}ori ad fundandam suam intentionem. l. *qui accusare.* C. de Edendo. licet a^{ct}or subinde sua instrumenta edere debeat reo ad probandam suam Exceptionem.

Tertiò; quando A^{ct}or non plenè pro¹²bat, in Civilibus, Reo potius, quàm A^{ct}ori defertur Juramentum suppletorium. c. & §. fin. de Jure Jurando. & amplius diximus Lib. II. Tit. 24. eod. à n. 191. In Criminalibus verò Reus non convictus, sed graviter suspectus, & gravatus admittitur ad Juramentum purgatorium. c. 1. & 2. de Purgat. canon. cum Concord. cum tamen in iisdem criminalibus A^{ct}or in vim probationis jurare nunquam permittatur.

Quartò Potest Reus contra A^{ct}orem¹³ excommunicatum excipere, non sic contra Reum ut talem A^{ct}or. c. *Intelleximus.* 7. de Judiciis. ubi Summarium sic habet: *Excommunicatus, in judicio nisi tanquam reus stare non potest.* Quæ & similia Reo, non item A^{ct}ori sunt licita; quia juxta duplicem Regulam n. 3. citatam favorabiliores sunt partes Rei, quàm A^{ct}oris.

Quæritur II. An? & quas Fallentias¹⁴ Regula XXXII. patiatur, ita ut A^{ct}ori liceat, quod Reo licitum non existit? Resp. Eam fallere in sequentibus; & quidem primò potest A^{ct}or petere, & per Rescriptum Principis extraordinarium Judicem impetrare, atque ad illum trahere Reum. l. *Si quando.* 2. C. de Dilat. quod tamen vicissim Reo minimè permittitur. Novell. 69. cap. 1. Dynus hic.

Secundò, quando A^{ct}or plures habet¹⁵ Judices ordinarios, potest unum pro libitu suo eligere. l. *Cum Clericis.* 25. pr. C. de Episcop. & Cleric. junctà l. fin. C. ubi in rem actio. Et tamen id non licet Reo, utpote qui nullum ordinarium judicem recusare, sed coram eo per A^{ct}orem conventus comparere tenetur. l. *Nemo.* 4. C. de Jurisdic. omn. Judic.

Tertiò Potest A^{ct}or Reum de crimine¹⁶ accusare coram competente Judice: & tamen Reus nisi prius purgatus A^{ct}orem coram eodem judice reaccusare non valet. l. *Neganda.* 19. C. qui accusare non poss. quia non relatione criminum, sed innocentia suà se purgare debet Reus, clarò textu, l. *Si quis.* 5. pr. ff. de public. Judiciis. ibi: *Si reus factus est, purgare se debet, nec antè potest accusare, quàm fuerit excusatus.* Constitutionibus enim observatur, ut non relatione criminum, sed innocentia Reus purgetur.

7. *Quartò*, Stante obscuritate libelli sensum ejus declarare Actori, non item Reo licet *l. Inter. 83. §. 1. ff. de Verb. oblig.* sic suadente æquitate, hoc ipso quòd Actori intentio & sensus proprii libelli melius perspectus censeatur, quàm Reo.

18. *Quintò*, quando Actor res sibi à Reo ablatas debite probavit, admittitur ad Juramentum de asserenda earum quantitate *c. fin. de His, quæ vi metusque causâ.* ubi tamen in tali casu ad Juramentum purgatorium nullò

modò admittitur Reus; quia facta contra illum probatio furti vel rapinæ eundem suspectum jam & odiosum reddit.

Sextò Permissum est Actori etiam die feriato nuntiationem novi operis facere: non tamen licet Reo hujusmodi feriato die remissionem nuntiationis petere. *l. 1. §. 4. ff. de Novi oper. Nuntiat.* Et meritò; quia in nuntiationis mora longè majus periculum est, quàm in dilatione remissionis, prout ex rei natura patet.

REGULA XXXIII.

Mutare quis consilium non potest in alterius præjudicium.

S U M M A R I U M.

1. Regula unde desumpta?

2. Est intelligenda, quando alteri jus jam est questum.

3. Mutare consilium, quando nemini præjudicat, laudabile & prudentis est: Eidem, & opinionis sue tenaciter inherere, si circumstantiæ & equitas aliud exigunt, pertinacia & superbia est. *Ibid.*

4. Laicus Patronus cumulando potest mutare, & præsentare alium.

5. Procurator, re adhuc integra, mutari potest.

6. Ponitur verus sensus Regula.

7. De Fallentis Regula remissivè.

8. Filius repudians hereditatem paternam potest mutare, & eam adhuc adire.

Huic Regula concordat 75. Regula. ff. de R. J. ex qua etiam desumpta censeatur: *Nemo potest mutare suum consilium in alterius injuriam.* Consonat Regula 21. Jur. in 6. supra jam declarata: *Quod semel placuit, amplius displicere non potest.*

2. Quæritur I. Quomodo hæc Regula intelligenda? & quis verus illius sensus sit? Resp. I. Eam esse intelligendam de illis duntaxat casibus, seu tunc solummodo locum habere, quando ex alicujus consilio, consensu, contractu, aut quocunque actu liberè & consultò facto, alteri jus jam est questum, consequenter hic ex mutatione, variatione, aut revocatione pateretur detrimentum, injuriam, ac præjudicium, uti cum Glossa, Barbosa & Dyno hic communiter tradunt Doctores per argumentum à contrario desumptum; nam hoc ipso quòd dicat Regula: Non licet mutare consilium *in alterius præjudicium*: benè cum Glossa infertur; ergò à contrario, ubi præjudicium & detrimentum alterius abest, mutare licet.

3. Immo quando mutatio consilii nemini præjudicat, nec aliàs à Jure communi pro-

hibita existit, subinde non tantum licita, sed etiam laudabilis est, ut si mutantur circumstantiæ, aut novæ superveniant, aut jam existentes prius minus consideratæ, aut per genuinam informationem primum sufficienter cognitæ, atque consilii mutationem exigere visæ fuerint: tunc enim prudentis & sapientis est mutare consilium. *arg. l. Nonnunquam. 8. ff. de Collatione bonorum.* Ubi contra in hujusmodi circumstantiis consilio, opinioni, resolutioni suæ tenaciter inherere evidens signum est pertinaciæ, & occultæ superbiæ, quæ pro conservanda reputatione, aut æstimatione, & ne quis inconstans, levis, aut ignarus, vel minus doctus & expertus appareat; mutare & revocare erubescit, effectu prorsus contrario ordinariè subsequente; cum ita tenaciter sensui suo inhaerens non vir constans, prudens & doctus, sed pertinax, imprudens, simulque occultè superbus, aut certè ex proprio interesse, passione, affectu vel respectu privato procedens plerumque reputetur, & non raro etiam propriam conscientiam multum gravet, præsertim quando satis apparet, quòd, nisi mutetur vel revocetur consilium, opinio, votum, reso-

resolutio & bonum commune, aut tertius patiat; dum contra exigentibus circumstantiis consilium suum mutans aut revocans, non inconstans, levis aut ignarus, sed vir prudens, veritatis & æquitatis amans, indifferens, Deum timens, humilis ac tractabilis, simulque doctus habeatur, æstimetur, & diligatur. Præsertim cum etiam prudentissimi, doctissimi, piissimi supremi Legislatores, Pontifices, Cæsares ac Principes pro exigentia circumstantiarum leges, ordinationes, Resolutiones, consilia & mutare & revocare non erubescant, ut patet ex satis pulchro, & ad propositum benè serviente claro textu *c. fin. de Sent. Excom. in 6. ibi: Alma Mater Ecclesia plerumque nonnulla rationabiliter ordinat, & consultiè, quæ suadente subjectorum qualitate postmodum consultius & rationabilius revocat, in meliusve commutat.* ac Imperatoris Novell. 22. in Prefat. §. Non enim erubescimus. ibi: Non enim erubescimus, si quid horum, quæ ipsi prius diximus, adinveniamus, hoc sancire, & competentem prioribus correctionem imponere, nec ab aliis expectare corrigi legem. quibus consonat illud Luciani: Melius est & medio cursu recurrere, quàm malè currere.

4 Firmatur hæc doctrina etiam Juris exemplis: Sic enim si laicus Patronus aliquem etiam idoneum ad beneficium præsentavit, potest ante institutionem ipsius adhuc alium præsentare. *c. Cum autem. 24. de Jure Patron.* quia priori jus necdum fuit quæsitum, consequenter mutando consilium eidem non fit injuria.

5 Sic pariter Procurator ad negotia deputatus, re adhuc integra revocari potest. *l. Si Mandatum. 15. ff. Mandati.* Sicut etiam ad litem prosequendam constitutus, ante litis contestationem liberè revocari valet. *c. Quamvis. 2. de Procurat. in 6.* Idque ex ratione jam allegata; quia videlicet nulli eorum fit injuria; cum nullus eorum adhuc jus quæsitum habuerit. Ex qua eadem ratione, quia Reo non fit injuria, etiam Actor libellum jam oblatum ante litis contestationem licitè revocare, mutare & emendare potest. *l. Edita. 3. C. de Edendo.* Hinc

6 Resp. II. Verus sensus Regulæ hic est: Nemo potest suum consilium, consensum, resolutionem &c. mutare aut revocare, post-

quam alteri jus jam fuit quæsitum, & consequenter ex mutatione, seu revocatione consilii &c. injuria vel detrimentum eidem inferretur. Ratio Regulæ est; quia Jure naturali & divino cautum est: alterum non ledere, suum cuique tribuere. *Instit. de Jur. & Just. §. 3.* quod idem *l. Justitia. 10. §. 1. ff. eod.* repetitur, & universali Juris Regulæ 74. ff. de R. J. firmatur: Non debet alteri per alterum iniqua conditio inferri.

Exempla Juris Regulam & sensum illius magis declarantia & firmantia affert Glossa hic, Dynus & Barb. quorum aliqua jam adduximus supra declarando Regulam 21. à n. 8. quibus accedunt, quod post publicatum scrutinium Vocales variare, & mutare non amplius valeant, cum electo jus jam sit quæsitum. *c. Publicato. 58. de Elect.* Ex qua eadem ratione Patronus Ecclesiasticus mutare, & Superiorem alium præsentare amplius nequit, postquam ei leni jam aliquem præsentavit. *c. Cum autem. 24. §. Verum si. de Jure Patron.* ubi etiam habetur, quod idem facere nequeat Patronus laicus, excludendo prius præsentatum, benè verò cumulando, seu addendo priori alterum juxta dicta supra, & amplius declarata. *Lib. III. Tit. 38. §. 3.*

Quæritur II. Num, & quas Fallentias 8 patiatur Regula XXXIII? Resp. à Glossa & aliis plures afferri, ex quibus etiam sunt illæ, quas jam retulimus contra Regulam 21. à n. 15. quibus addunt casum, quo filius paternam repudiavit hæreditatem, utpote qui re adhuc integra intra certum tempus, si mavult consilium mutare, & hæreditatem adire, adhuc potest. *l. fin. C. de Repud. hæredit. junctâ l. Si quis suis hæres. 8. ff. de Jure deliber. & l. Nonnunquam. 8. ff. de Collat. bon.* quamvis frater cohæres exinde videatur pati detrimentum. Verum si strictè loqui volumus, vix censentur propriæ Fallentiæ, cum Regulæ adversari non videantur: hoc ipso enim quod juxta dicta n. 2. Regula tunc tantum procedat, quando alteri jus jam est quæsitum, & consequenter per mutationem ei inferatur injuria; in præallegatis autem casibus jus firmum alicui necdum sit quæsitum, legibus mutationem adhuc concedentibus, mutans consilium in memoratis casibus injuriam alicui inferre non censetur; quia, qui utitur Jure suo, nulli facit injuriam, per vulgaria: prout

prout etiam Glossa in *l. Nemo potest. ff. de Reg. Jur.* ad casum, quò filius prius repudiat, & postea adit hæreditatem paternam, bene observat illis verbis: *Non dicitur, fratrem habere damnum, quod per injuriam denota-*

tur: sed magis dicitur non lucrari, inter quæ est differentia. arg. l. fin. §. 2. C. de Codicill. ibi: Non enim par, eademque ratio videtur, amittere debita, & lucra non capere.

REGULA XXXIV.

Generi per speciem derogatur.

SUMMARIUM,

1. Regula unde desumpta?
2. Quid sit genus in sensu Juridico?
3. Et quid in sensu Philosophico?
4. Quid sit species apud Juristas?
5. Minus commune respectu magis communis dicitur etiam species.
6. Nil refert, an species præcedat, vel sequatur,
7. Ponitur verus sensus Regule.
8. Procedit Regula in plurimis;
9. Uti in legibus & statutis:
10. In Rescriptis;
11. In Contractibus;

12. In Legatis;
13. In Testamentis.
14. Et in omni materia, in qua dispositio specialis contraria est generali.
15. Solvitur objectio.
16. Fallit Regula primo in Privilegiis: & seq.
17. Non item in Rescriptis: & quare?
18. Fallit secundo, quando genus tantum in una specie verificatur.
19. Vel species tantum pro declaratione adducitur.
20. Fallit tertio, & quidem universaliter, quando per genus jam fuit quesitum Jus tertio.

Sumitur hæc Regula ex *l. In toto Jure. 80. ff. de Reg. Jur.* ibi: *In toto Jure generi per speciem derogatur, & illud potissimum habetur, quod ad speciem directum est.* Consonat *c. 1. de Rescript. & c. Studiisti. de Offic. Leg.* ibi: *Speciale mandatum derogat generali.* Item *c. Pastoralis. 14. de Rescriptis.* ibi: *Cum generali per speciale procul dubio derogetur. cum concord.*

Quæritur I. Quomodo hæc Regula intelligenda? & quis verus illius sensus sit? Ante responsum Notandum, *Genus* & *species* aliter à Juristis, aliter à Philosophis accipi. *Genus* quippe apud Juristas dicitur omne illud, quod plura sub se continet, sive dein hæc plura sint veræ species philosophicæ, uti homo, equus, leo, aquila &c. sive alia communia, v. g. vestis, lex, pecunia, &c. sive mera individua & singularia, sive aliæ partes aut res sub tali genere comprehensæ: ut proin in sensu Juridico etiam homo, equus, leo, & aliæ species philosophicæ dicantur *genus*, quia plura sub se continent individua, Petrum v. g. Paulum, hunc vel illum equum, leonem in individuo. Item *genus* sunt Vestimentum, fundus, frumentum, Rescriptum, mandatum, privilegium, contractus, actio &c. quia cuncta hæc continent sub se plura, uti *vestimentum* togam, pallium, indusium &c. *frumentum* triticum, hordeum, avenam &c.

fundus agrum, hortum, vineam &c. *lex* divinam, naturalem &c. *rescriptum*, *mandatum* hoc vel illud in individuo &c.

Apud Philosophos verò ea, quæ non nisi plura individua sub se habent, ut est homo, equus &c. non *genus*, sed *species* dicuntur: *genus* verò, quod plures hujusmodi species, in sensu philosophico acceptas comprehendit, ut animal avis &c.

Species in sensu Juristarum dicitur omne illud, quod sub genere Juridico, plura continente, comprehenditur, etiam si sit individuum, seu singulare, prout respectu hominis est Petrus, Paulus, respectu equi hic vel ille in individuo ac singulari. Taccin. hîc. *n. 1. Strein. n. 1. Vocabularium Juris & Species.* Joan. Berchan. in *l. Rectè dicimus. ff. de Verb. Signif. & alii. arg. l. Mutuum. 2. pr. ff. de Rebus credit. cum Concord.*

Porro apud Juristas nomine speciei venit etiam illud, quod quidem tanquam commune plura continet, tamen minus commune est, & pauciora sub se comprehendit, quàm aliud, cum quo hic & nunc concurrat, ut proin idem sub diverso respectu & concurrentia in sensu Juridico nunc *genus*, nunc *species* vocari valeat; uti si duæ sint leges generales, unâ magis generalis quàm altera: tunc enim minus generalis lex, respectu magis generalis, speciei nomen habet, quàmvis & hæc minus

minus generalis respectu legis singularis, seu particularis etiam *genus* vocetur. Decius in *l. In omni jure. ff. de Reg. Jur. Dyn. hic. n. 8. arg. cit. l. In omni jure. 80. ff. de R. J. l. Sanctio legum. ff. de penis. ibi: Sanctio legum, quæ novissimè certam penam irrogat eis, qui legis præceptis non obtemperaverint, ad eas species pertinere non videtur, quibus ipsa lege penam specialiter addita est, nec ambigitur in cetero omni jure, speciem generi derogare.*

6 Cæterum nil refert, an species præcedat, vel sequatur legem, seu prius vel postea sit constituta; semper enim præcedit Regula, quòd generi per speciem derogetur. Dynus *hic. n. 4. Pech. n. 7. Taccin. n. 4. Strein. n. 2. Decius l. cit. n. 7.* quia ratio Regulæ in utroque casu locum habet, uti patebit ex n. 8.

7 Quid autem sit & dicatur species in sensu philosophico, dictum est supra n. 3. His Notatis

8 Resp. ad quæstionem n. 2. positam; Regula præfens intelligenda est de genere & specie in sensu Juridico hætenus declarato, ita ut verus illius sensus hic sit: *Quando due dispositiones sibi contrariæ concurrunt, illa, quæ specialis est, derogat generali, & si amba communes sunt, una tamen magis, altera minus talis est, ea, quæ minus communis, sicque species est, derogat magis communi tanquam generi in eo tamen duntaxat, in quo specialis generali, vel minus communis magis tali contraria existit.* Per Regulas & Jur. hætenus allegata. Ratio & finis Regulæ est teste Barb. *hic. n. 2. & communi Doctorum*, ut discordantes species & genus, quantum possibile est, concordentur, juxta universale Juris præscriptum *c. Cum expediat. 29. de Elect. in 6. ibi: Cum expediat concordare Jura Juribus, & eorum correctiones (si sustineri valeant) evitare;* quod melius fieri non potest, quam si, uti vult Regula, species generi in eo duntaxat, ubi eidem contraria est, derogare dicatur, salvâ in reliquo utriusque naturâ & proprietate verborum: eò ferè modò, quò fit in Regula aliqua universali, & ejus Exceptione seu Fallentia, ubi Regula stat locò generis, & Exceptio seu Fallentia locò speciei, quæ derogat Regulæ in eo, ubi est eidem contraria.

9 Regula sic explicata procedit in plurimis, prout post Dynum *hic. n. 1. & seqq. observat Gloss. hic. Decius loc. cit. & alii;* uti in Legibus & statutis: in Rescriptis & mandatis: in Legatis & ultimis voluntatibus: In

Contractibus: & universaliter in cunctis dispositionibus, ubi specialis contraria existit generali, prout patebit adducendo de singulis exempla ex Jure desumptis: Et quidem

Loquendo de Legibus & statutis, certum est, quòd lex specialis derogat generali in eo, in quo sibi sunt contrariæ, uti constat ex innumeris locis utriusque Juris, v. g. in Titulo de Testament. ubi leges speciales de Testamentis militum, ad pias causas derogant dispositioni generali de Testamentis in eo, quo sibi sunt contrariæ; eò semper salvò, ut in reliquis maneat concordia. *arg. citi c. Cum expediat. de Elect. in 6. & l. Præcipimus. 32. §. fin. C. de Appellat. ibi: Quidquid hac lege non videtur expressum, veterum legum, constitutionumque Regulis omne relictum intelligent.*

De Rescriptis & mandatis Principum exemplum habes in *c. Studuisti. 2. de Officio Legati.* ubi specialis alicujus causæ delegatio per speciale Rescriptum Episcopo facta derogare dicitur delegationi universali ad omnes causas, quam vi literarum Apostolicarum habet legatus à latere, in tota, quam commissum possidet, provincia: additâ illâ ratione: *cum mandatum speciale deroget generali.*

De Contractibus exemplum est in casu, 12 quò in venditione prædii contrahentes expressè renuntiant beneficio. *l. Rem majoris. 2. C. de Rescind. Vendit.* vi. cujus generaliter conceditur contractus rescissio, vel rescarcitio pretii, si pars in eo ultra dimidium læditur; nulli enim contrahentium ad rescissionem contractus, quasi ex dolo initii, venire conceditur, quia per clausulam specialem generali derogatur *l. Doli. 119. ff. de V. O. ibi: Doli clausula, quæ stipulationibus subijcitur, non pertinet ad eas partes stipulationis, de quibus nominatim cavetur.* Dynus *hic. n. 14.* ubi adhuc aliud exemplum ponit.

De Legatis exemplum ponit Dynus 13 *hic. n. 2. Taccin. n. 6.* Si penus in genere legatur Petro, & vinum in specie legatur Paulo, huic debetur vinum, etiam si vinum sub penu contineatur. *l. Qui penum. 3. ff. de penu legat.* Idem est, si Titio vestimenta in genere, & Sophiæ vestis muliebris legatur; hæc enim et si sub vestimentis in genere contineatur, Sophiæ debetur textu expresso *l. 1. pr. ff. de Auro & Argento Legato:* ibi: *Si alii vestimenta, alii vestis muliebris separatim legata sit, detractis muliebribus, & ei assignatis, cni*

specialiter legata sunt, reliquum alteri debetur. Ratio utriusque est; quia *generi per speciem derogatur.* Advertit tamen benè Dyn. *hic n. 2.* præfata & similia exempla intelligenda esse, si genus uni, & species alteri legetur: non verò si alicui prius genus, & postea eidem una vel plures species sub eodem genere contentæ legarentur; quia tunc generi per speciem non derogaretur, sed per hanc illud magis firmaretur, & legatarius utrumque obtineret.

14 De Testamentis post Dynum *n. 12.* ponit Strein *n. 1.* exemplum: Si quis patrem & filium in certa bonorum parte in solidum instituit, ac invicem substituit? in reliquis verò partibus alios hæredes instituit, & tandem universaliter sic concludit: Omnes invicem substituo: in hoc casu sub hac ultima generali substitutione pater & filius, utpote certa parte specialiter invicem substituti, non continentur. *l. Cohæredi. 41. §. 5. ff. de vulg. & pupill. substit.*

15 Tandem procedit in omni materia, ubi specialis dispositio contraria est generali. Barbos. de *Axiom. Juris. axioma 107. n. 3.* Surdus. *Consil. 56. n. 1.* Navarr. *Consil. 7. n. 5.* Tusch. *Lit. G. Concl. 16. n. 5.* quia eadem ubique est ratio Regulæ.

16 Obijcitur contra Regulam *c. Ex parte. 12. de Offic. delegati.* ubi priori generali Rescripto de conferendo Clerico N. Archidiaconatu in Ecclesia vacaturo, non derogatur per rescriptum speciale de conferenda Clerico R. Archidiaconatûs dignitate. Resp. cum Glossa, tum *cit. c. Ex parte.* tum *hic*, quod ibidem, si benè intueamur, utrumque Rescriptum fuerit speciale; quia primum rescriptum tantum ad unum beneficium restringebatur, fuitque purificatum in specie, id est, in prima dignitate proximè vacatura.

17 Queritur II. An? & quas Fallentias Regula XXXIV. habeat? Resp. Eam inter alia fallere in sequentibus, & quidem primò Fallit in Privilegiis; quia Rescriptum speciale non præjudicat privilegio generali, nisi de eo fiat expressa mentio, & derogatio. Barb. *loc. cit. n. 26.* Tusch. *loc. cit. concl. 36. n. 99.* Gloss. in *c. Cum Ordinem. de Rescript.* & *hic, arg. cit. c. Cum Ordinem.* ibi: *Non facta mentione Cisterciensis Ordinis.*

Quinimmodò etiam secundum privilegium speciale non tollit primum generale eidem contrarium, nisi expressa derogationis fiat mentio, ut ait Gloss. *hic. §. Generi. arg. c. Veniens. 19. de Prescript.* ibi: *Non obstante privilegio Clementis Papa, per quod privilegio suorum Antecessorum non extitit derogatum; cum de ipsis nullam fecerit mentionem.*

Nec dicas: Rescriptum speciale derogat generali, si sit secundum, si sit primum: ergo idem dicendum de Privilegio. Resp. enim Gloss. *hic.* negando paritatem; quia *arg. c. Veniens. 19. de Prescript. & c. Decet. 6. de Reg. Jur. in 6. cum Concordant.* semper valet primum privilegium, si sit generale, si sit speciale, si in secundo non tollatur expressè. Ratio disparitatis est inter Rescriptum & Privilegium; quia per primum privilegium etiam generale consequitur quis Jus plenum: per primum rescriptum generale verò non acquiritur plena jurisdictio in speciebus. *arg. c. Pastorale. de Rescript.* nam ante expressionem personarum vel rerum delegatus solum in habitu habet jurisdictionem, non verò in actu, & idèdè facilius tollitur prius rescriptum, quàm privilegium.

Fallit secundò, quando genus in unum tantum specie verificatur, & consequenter hæc illi contraria non est, quia tunc genus pro specie reputatur. Barb. *loc. cit. n. fin.* Menochius. *Consil. 71. n. 23.* *arg. l. 2. ff. de Liber. & posthum. cum Concord.*

Fallit tertio, si species præcisè adducitur pro majori declaratione generis. Barb. *loc. cit. n. 22.* Tusch. *lit. G. Consil. 36. n. 103.* Ratio est; quia ibi nulla intervenit contrarietas.

Fallit quarto, & quidem universaliter, quando per genus jam est quæsitum jus tertio; tunc enim generi per speciem non derogatur, nisi exprimitur. *arg. c. Super eo. 15. de Offic. delegat. & l. qui Generaliter. 2. ff. qui potior. in pign. hab.* Gloss. in *cit. c. Super eo. §. Intent. & Marginalis. hic.* Exemplum esto: quando quis alicui creditori generaliter omnia sua bona per hypothecam obligavit, & postea cuidam prædium aliquod in specie hypothecavit, non derogat hypotheca specialis hypothecæ generali; quia prior

prior creditor per generalem hypothecam in cuncta bona debitoris jus eatenus acquisivit, quatenus non amplius in potestate debitoris est, aliquod ex suis bonis alteri per specialem hypothecam obligare, & per hanc supervenientem creditoris prioris jus lædere, ejusque conditionem facere deterio-rem,

textu claro *l. Si generaliter. 6. C. qui potior in pign. hab.* ibi: *Si generaliter bona sint obligata, & postea res alii specialiter in pignus detur &c. non oportet te ab eo, qui postea credidit, inquietari. junctâ l. qui generaliter. 2. ff. eod. ubi idem repetitur.*

REGULA XXXV.

Plus semper in se continet, quod est minus.

S U M M A R I U M.

1. Regula unde desumpta? & quibus concordet?
2. Plus & minus diversimodè sumitur.
3. Ad præsens sumitur plus in quantitate & toto. Ponitur verus sensus Regulæ. *ibid.*
4. Procedit Regula in plurimis, uti ultimis voluntatibus:
5. In Contractibus:
6. In sententiis & Judiciis.
7. Solvitur obiectio. & duobus seqq.

9. Regula affirmativè, non item negativè procedit.
10. Solvitur obiectio de contractibus.
11. Solutio universalis.
12. Fallit Regula in volente non totam, sed partem hereditatis adire. *Nemo partim testatus, partim intestatus decedere potest. ibid.*
13. In generali mandato non includuntur ea, quæ speciale mandatum exigunt.

Regula hæc deprompta habetur ex *l. In eo, quod plus. 110. ff. de Reg. Jur.* ibi: *In eo, quod plus sit, semper inest minus. & l. In toto. 113. ff. eod. ibi: In toto & pars continetur: cui suò modo concordant etiam plures aliæ Juris Regulæ, veluti 53. de R. J. in 6. ibi. Cui licet, quod est plus, licet utique, quod est minus. Item 80. eod. Tit. In toto partem non est dubium contineri. Item Regula, Non debet. 21. ff. de Reg. Jur. Non debet, cui plus licet, quod minus est, non licere.*

Quæritur I. Quomodo hæc Regula intelligenda? & quis verus illius sensus sit? Ante responsum Notandum cum Barb. *hic. n. 1.* & aliis, plus & minus aliquid diversimodè esse & dici: & quidem primò in quantitate, uti in summa, sive numero, in mensura & in pondere respectu minoris. *l. 1. §. Si stipulanti. ff. de Verb. Oblig.* in quo sensu decem plus est respectu quinque: quinque mensuræ plus sunt, quàm duæ &c. Secundo in toto, quod plus est, quàm quævis pars totius, quæ in eo continetur, & semper contineri censetur juxta cit. Regul. *In toto. ff. de Reg. Jur.* in quo sensu domus plus est, quàm quævis pars illius v. g. tectum, paries. *l. Eum qui ades. 23. ff. de Usucap.* Tertiò in genere respectu specierum. *l. Si Chorui. 79. pr. ff. de Legat. III.* Quartò in qualitate; in quo

sensu plus est obligatio pura, vel in diem, quàm conditionalis. *§. Fideijussores. 5. §. Item. Instit. de fideijuss.* Hòc notatò

Resp. I. Regula intelligenda est duntaxat de *plus & minus* prout sumitur in primo & secundo sensu, de plus in quantitate & toto integrali: uti cum aliis loc. cit. benè observat Barbos. Quare verus Regulæ sensus hic est: *Quantitas major sive in summa & numero, sive in pondere aut mensura semper in se continet quantitatem minorem: Et quodlibet totum semper in se continet sui partem.* Ratio Regulæ non tam ex Jure, quàm ex lumine naturali evidenter patet, uti benè observant Barb. *loc. cit. n. 2.* Tusch. *Tom. 7. Lit. S. Conclus. 885.* & alii. Absque omni enim probatione per se naturaliter constat, plus esse centum, quàm viginti, indèque centum, quod plus est, continere in se viginti, quod minus est: consequenter eum, qui habet, promissit, debet, aut dedit centum, habere, promississe, debere, & dedisse etiam viginti. Sic pariter lamine naturali evidens est, totum aliquod plus & majus quid esse, quàm hujusmodi totius partem, ac propterea in toto contineri totius partem: cum impossibile sit, subsistere, vel considerari posse totum sine sui parte, prout benè discurrunt Doctores citati.

Verùm

4 Verum quantumvis lumine naturali nota sit Regula & sensus illius, tamen pro applicatione practica declaratur, & firmatur etiam variis Juris exemplis à Glossa hic, Dyno, Peckio, Streinio, Taccino adductis, quia ferè ubique, ut in ultimis voluntatibus, sententiis, probationibus, & in quavis dispositione locum habet, ut patet ex verbo *semper*, & notant Doctores citati: sic enim in ultimis voluntatibus si quis intendens alicui legare quartam bonorum partem ex errore scripsit dimidiam, debetur ei quarta pars, quæ dimidiæ, quæ plus importat, inest. *l. Qui quartam. 15. ff. de Legat. I. & l. Quoties. 9. §. Sed si majorem. ff. de Hered. instit.* Item si quis absolutus est à petitione universali v. g. petitione hæreditatis, gaudet etiam exceptione rei judicatæ contra petentem partes aliquas hæreditatis in singulari. *l. Julianus. 3. l. Si quis cum totum. 7. ff. de Except. rei judicata.* quia plus, id est, tota hæreditas continet in se minus, quod est quævis pars hæreditatis in specie.

5 Sic in contractibus, si alicui stipulanti viginti, alter decem respondeat, non nisi de decem erit obligatio textu claro *l. 1. §. 4. ff. de Verb. Oblig.* ibi: *Si stipulanti mihi decem, tu viginti respondeas, non esse contractam obligationem nisi in decem constat.* E contrario quoque si, me viginti interrogante, tu decem respondeas, obligatio nisi in decem non erit contracta; licet enim oportet congruere summam, attamen manifestissimum est, viginti & decem inesse.

6 Sic etiam in sententiis & judiciis, si quis absolutus est à petitione totius, absolutus etiam videtur à quavis parte fundi, ita ut petenti aliquam partem fundi obstat exceptio rei judicatæ. *cit. l. Si quis cum totum. 7. ff. de Except. rei judicat.* quia pars tanquam quid minus continetur in toto, utpote quod plus est. Sic si inter tres conjudices vel arbitros unus in quindecim, alius in decem, tertius in quinque condemnat, sententia in quinque valebit; quia in hac parte omnes conveniunt, cum hæc tanquam minus quid tam in decem, quam quindecim, utpote plus, verè contineantur. *l. Diem proferre. 27. §. Si plures. ff. de Recept. qui Arbitr. junctò c. 1. de Arbitr. in 6.* ibi: *Licet cum unus in quindecim, alius in decem, tertius verò in quinque pronuntiant, illius, qui dixit de Summa minore (cum in illa omnes concordēs existant) sententia efficax censetur.*

Objicitur autem contra Regulam 1. 7
c. *Cui de non. 27. de Præbend. in 6.* ubi aperte habetur, quod ei, cui mandatur integra, vel certi valoris præbenda conferri, non possit vi talis mandati Apostolici aliqua dimidia, vel minoris valoris præbenda conferri, etiam si talis esset contentus. Resp. cum Glossa hic, id provenire ex forma mandati, quæ exactè est observanda. c. *Cum dilecta. 22. de Rescript.* Unde in *cit. c. Cui de non.* in fine suæ Constitutionis Papa rationem subdit: *Non enim hujusmodi mandata (quorum fines diligenter observari oportet) debent ad casus alios, quam expressos extendi.* Accedit, quod Regula procedat duntaxat, quando minus se habet ut pars illius, quod est majus: non verò quando plus & minus sunt species separatæ, ut sunt duæ præbendæ, quarum una majoris, altera minoris valoris est Dyn. hic. *ad finem. Pirh. de Præbend. n. 267.*

Objicitur 2. Quando alicui conceditur merum imperium ut latrunculatori, non censetur ei concessa cognitio de re pecuniaria *l. Solemus. 61. §. Latrunculator. ff. de Jud.* Ergo plus, quod hic est merum imperium, non continet in se minus, quod hic est cognitio causarum civilium. Resp. ut supra cum Dyno hic n. 6. merum imperium, & cognitionem causarum civilium non se habere ut totum & partem, sed ut duas species distinctas & separatas arg. *l. Imperium. 3. ff. de Jurisdic.* quarum una, etsi major, non continet minorem, sed potius dum una nominatum conceditur, altera denegata videtur. arg. *cit. l. Solemus. 61. junctà l. Si ita quis. 21. & l. Cum ex filio. 39. ff. de vulgar. & pupill. substit.*

Objicitur 3. Ex eo quod Caio viginti non debeam, haud sequitur, quin eidem sim obligatus ad decem tanquam minus & partem contentam in viginti. Resp. Glossa marginalis hic: Regula procedit, si affirmative proferatur, v. g. debeo Caio viginti: ergo eidem & decem debeo: non item si negativè proferatur, v. g. non debeo Caio viginti, ergo non decem. Et quamvis Covarr. *Lib. 1. Var. Resolut.* ex pluribus Doctoribus responsum Glossæ controversum reddat, tamen addit: etiam si, an verum sit, majori summæ affirmativæ inesse minorem, controvertant DD. tamen manifestum est, majori summæ negativè prolatæ minorem nec naturaliter nec civiliter inesse.

Obji-

¹⁰ Obijciunt 4. §. *Præterea*. 5. *Instit. de inutil. stipulat.* ubi si stipulanti decem, promittantur quinque, inutilis reputatur stipulatio, ibi: *Præterea inutilis est stipulatio &c. si quis decem aureos à te dari stipulatur, tu quinque promittas.* cum tamen quinque in decem contineantur. Resp. stipulationem inutilem solum esse quoad illa ex decem quinque, ad quæ promissor stipulanti non consensit, quoad sola quina autem, quæ promissit, validam esse stipulationem l. 1. §. 4. ff. de Verb. Oblig. per textum v. §. citatum.

¹¹ Plures alias objectiones adducit & solvit Glossa in l. *Non debet cui.* ff. de R. J. & universaliter facile solvuntur, respondendo, quod exempla ex Jure in contrarium adducta non loquantur de plus & minus in quantitate, vel toto, circa quod hæc Regula solum est intelligenda per dicta n. 3. vel aliter rem se habere ex defectu consensûs: vel adesse specialem Juris dispositionem, consequenter in ea fallere Regulam.

Quæritur II. An? & quibus Fallentiis 12 subjaceat Regula XXXV. Resp. Eam fallere 1. in casu quo hæres institutus non totam hæreditatem, sed unam vel alteram duntaxat partem illius adire, ac reliquum repudiare vult; quamvis partes hæreditatis in hac tota contineantur, tamen Jura expressè volunt, ut vel totam adeat, vel penitus abstineat, ne quis partim testatus, partim intestatus decedere videatur. arg. l. *Sed et si* 2. ff. de Acquirend. hered. & l. *Jus nostrum*. 7. ff. de R. J. ibi: *Jus nostrum non patitur, eundem in paginis & testato & intestato decessisse, earumque rerum naturaliter inter se pugna est, testatus, & intestatus.*

Fallit 2. In Procuratore generaliter constituto, utpote qui non admittitur ad ea, in quibus speciale exigitur mandatum. c. *Qui ad agendum.* de Procurat. in 6. licet cæteroquin semper generalibus specialia insint. l. *Semper*. 147. ff. de Reg. Jur.

REGULA XXXVI.

Pro Possessore habetur, qui dolo desiit possidere.

S U M M A R I U M.

1. Regula unde proveniat? & quibus concordet?
2. Finis Regule est, avertere fraudem possidentium, & damnum eorum, ad quos res pertinet.
3. Intelligenda est tam de bonâ, quam malâ fidei possessoribus.
4. Ac etiam de illis, qui possidere dolo omiserunt.
5. Item de illis, qui non quidem dolo, latâ tamen culpâ possessionem deseruerunt, vel acquirere omiserunt.
Lata culpa, & dolo equiparantur in civilibus, Ibid.
6. Dolo, vel latâ culpâ possessionem deserens, vel

illam non acquirens habetur possessor in sui damnum, non in sui commodum.

7. Dolus non presumitur, sed probari debet: Probatur ex conjecturis.
8. Ponitur verus sensus Regule.
Fraus & dolo nulli patrocinari debet. Ibid.
9. Fictio Juris censetur aliqua esse, quæ non sint.
10. Contra illum, qui actu adhuc malè possidet, datur actio directa: & contra illum, qui fictione Juris pro tali habetur, actio utilis,
In quo differant hæc actiones? Ibid.

¹ Desumitur hæc Regula ex l. *qui dolo*. 131. ff. de Reg. Jur. ibi: *Qui dolo deserit possidere, pro possidente damnatur: quia pro possessore dolo est.* Cui concordat l. *Parem esse*. 150. ff. eod. *Parem esse conditionem oportet ejus, qui quid possideat, vel habeat, atque ejus, cujus dolo factum est, quò minus possideret, vel haberet.* Item l. *Ad ea*. 157. ff. eod. ibi: *Semper, qui dolo fecit, quò minus haberet pro eo est habendus, quasi haberet.*

² Quæritur I. Quomodo hæc Regula intelligenda?

quid principaliter intendat? & quis verus illius sensus sit? Resp. I. Eam intelligendam de dolo malo, & principalem finem illius esse, avertere fraudes possidentium, ne dolosè possessionē deserentes illis injustè noceant, ac præjudicent, qui rem à possessore justè vindicare intendunt. Quando enim malæ, fidei possessor rem ad alium pertinere, huncque eam vindicare velle advertens, illam absumit, destruit, vendit, distrahit, ne ut possessor conveniri valeat, & eam subinde etiam cum fructi-

fructibus restituere teneatur, dolose possessionem deserit, alter injuste præjudicat, & nocet, indeque fictione Juris adhuc pro possessore habetur, quatenus ut talis vindicatione rei conveniri possit, *l. Sin autem. 27. §. 3. ff. de Rei Vind.* actione saltem utili, quæ petitur, ut rem suam, quam alter possidere dolo desit, & distraxit, ab eis, ad quos pervenit, distrahens iterum recuperet, & restituat, vel si id præstare nequeat, (quia forsitan res jam est destructa) ad æstimationem condemnatur. *l. Qui restituere 68. §. Si verò. ff. de Rei Vind.* Hinc bene ad propositum Glossa: *Si tu possideris rem meam, cumque tu dolo possidere desisti, quod datâ operâ ad me fraudandum possidere desisti, adhuc possum agere contrate rei vindicatione, ac si rem etiamnum possideres. Et quidem si possis rem recuperare à novo possessore, teneberis recuperare, mihi que restituere: si minus, Judex te condemnabit ad æstimationem præstare.* Ratio est; quia *fraus & dolus nemini debet patrocinari c. Sedes. 15. & c. Ex tenore. 16. de Rescript.*

3 Rursus intelliienda est Regula non tantum de malâ, sed etiam bonâ fidei possessore; nam & hic in sui damnum pro possessore fictione Juris habetur, & pro restitutione convenitur (intellige, nisi jam legitime præscriptum) si rem possidere dolo desit. *Strein hic n. 2. & alii. textu claro l. Si bona. 12. ff. de Noxal. act. ibi: Si bona fidei possessor eum servum, quem bona fide possidebat, dimiserit, ne agi cum eo noxali ex causâ possit, obligari eum actione, quæ datur adversus eos qui servum in potestate habent, aut dolo fecerint, quod minus haberent, quia per hoc adhuc possidere videtur.*

4 Ulterius intelligenda est non tantum de illo, qui verè possedit, & dolo desit possidere, sed etiam de illo, cujus dolo factum est, ne possideret rem, & ne ut possessor conveniatur, ac condemnatur. *l. Is, qui. 69. ff. de Rei vindic. ibi: Is, qui dolo fecit, quod minus possideret, hoc quoque nomine punitur. & l. Ad ea. 157. ff. de Reg. Jur. cujus textum n. 5. allegavimus, junctâ l. Sed etsi. 25. §. 8. de Heredit. petit. ibi: Nam & is, qui dolo fecit, quod minus possideret, ut possessor condemnatur: accipies, si ve dolo desit possidere, si ve dolo possessionem nonderit. admittit. Subaudi, si in eo est causa, ut ex contractu, vel quasi contractu teneatur possidere.*

5 Proccedit etiam Regula in casu, quò quis non quidem ex vero dolo, attamen ex culpa

lata rem possidere desit, aut possessionem illius non acquirit; nam & talis rei vindicatione, actione utili conveniri potest ad æstimationem rei culpabiliter amissæ, vel non possessæ. *Strein hic. n. 2. Bart. in l. un. C. de Alienat. jud. mut. caus. & alii. l. Si culpa. 63. ff. de Rei vind. ibi: Si culpa, non fraude quis possessionem amiserit, pati debet æstimationem.* Ratio est; quia (exceptâ causâ criminali. *l. In lege. 7. ff. ad Leg. Cornel. de Siccar.*) culpa lata, utpote dolo proxima, ordinariè æquiparatur dolo. *arg. l. Mulier. 22. §. 3. ff. ad S. C. Trebell.*

Porro, quòd hætenus dictum est, eum, 6 qui dolo, aut lata culpâ possidere desit, aut acquirere omisit, fictione Juris haberi pro possessore, intelligi debet in sui damnum, quatenus videlicet ut possessor possit rei vindicatione, directâ vel utili actione conveniri ad restitutionem, vel æstimationem rei; non verò in sui commodum, ut tanquam possessor habitus aliquod commodum inde sentiat. *Dyn. hic. n. 3. Vivian. hic. Strein hic. n. 3. arg. l. qui dolo. ff. de R. J. ne aliàs ex iniquitate commodum reportet contra c. Ex parte. de Rescriptis.*

Ceterum notandum, quòd dolus non 7 præsumatur, sed probari debeat. *Dyn. loc. cit. n. 4. l. Quoties. 18. §. Qui dolo. ff. de Probat.* Probatur autem dolus ex conjecturis *c. 2. de Renuit. in 6.* ut si, postquam jam oblatus fuit libellus, vel quòd illum offerre vellet, insinuatum est possessori, & multo magis si hic jam fuit citatus, aut jam esset contestaturus litem, & tamen desineret possidere, præsumitur dolo desinere. *Dyn. hic. n. 4. arg. l. Quadam. 9. §. Nihil. ff. de Edendo. cum Concordant.*

Resp. II. Verus sensus Regulæ hic est: 8 *Qui rem aliquam bonâ vel malâ fide possidet, eamque ab alio vindicandam advertens, illam dolo malo, aut lata culpâ possidere desinit, eandem consumendo v. g. vel destruendo, aut in alium distrabendo, pro possessore adhuc in sui damnum habetur, & ut talis pro restitutione, vel æstimatione rei conveniri potest.* Per Jura hætenus allegata, & Ratio est; quia aliàs ex fraude & dolo quis commodum, & innocens incommodum ac præjudicium frequenter reportaret contra *c. Sedes. 15. & c. ex tenore. 16. de Rescript. ibi: Fraus & dolus alicui patrocinari non debent. junctâ l. Ne ex dolo. 12. ff. de dolo malo.*

Exigua est contra Regulam obiectio, quod possessio sit facti. l. 1. pr. & §. 1. ff. de Acquir. posses. ergo *non possessio*, quæ per desertionem evenit, eidem comparari, & *possessor ac non possessor* æquiparari, pro eodemque haberi nequeunt. Resp. enim, non possunt æquiparari naturaliter, conceditur, fictione Juris in ordine ad obtinendos eodem effectus, negatur. Hinc in Jure plura similia habentur exempla: sic enim l. 2. C. de Impub. substit. Pater & filius quoad effectus pro una, eademque persona sumuntur. Et c. Ad audientiam. 15. de Cleric. non resid. Clericus in servitiis Episcopi absens habetur pro presenti, ac Monachus vivus pro mortuo reputatur. can. Placuit. 8. cau. 16. q. 1. ibi: quia mundo mortuus est, Deo autem vivit. cum Concord.

Non majoris difficultatis est illa, quâro dicitur: Contra possessorem rei actualem datur actio directa, contra eum verò, qui dolò desit possidere, actio tantum utilis: ergo æquiparari nequeunt. Resp. quòd etsi actio directa & utilis origine differant, in effectu tamen ad propositum obtineant idem, solâ illâ cum differentiâ, quod actione directâ semper res ipsa apud possessorem adhuc existens vindicetur: actione verò utili id obtineatur, ut res in alterum distracta per dolosè distrahentem iterum recuperetur, & restituatur in natura, aut si fieri amplius nequit, re forsan jam destructâ, æstimatio illius præstetur. l. qui restituere. 68. §. Si verò. ff. de Rei vind.

REGULA XXXVII.

Utile per inutile non debet vitari.

S U M M A R I U M.

1. Regula unde desumpta?
2. Utile & Inutile quid?
3. Ponitur verus sensus Regule.
4. Valde latè procedit.
5. Declaratur exemplis. Et quatuor seqq.
Donatio ultra 500. Solidos valet saltem quoad 500. Ibid.
6. Plura promittenti, quàm sinit petitiùm valet quoad minus.
7. Superflua verba non vitiant scripturam.
8. Electio valida non vitatur per invalidam confirmationem.
9. Quid de Alienatione bonorum Ecclesiasticorum?
10. In Testamento utile per inutile non vitatur.
11. Ponuntur Fallentiæ usque ad n. 20.
Fallit universaliter in iis, quæ separari non

- possunt.
12. Probatur ab exemplis.
13. Testimonium & Instrumentum in uno falsum, censetur ex toto falsum.
Fides est inseparabilis. Ibid.
14. Error grammaticalis, vel in stylo curiæ vitiat totum Rescriptum.
15. Fallit Regula etiam in sententiis.
16. Et Actibus legitimis.
17. Electio Ecclesiastica non admittit laicum.
18. Ex duobus delegatis, uno recusato, alter procedere non potest.
19. Locatio Rerum Ecclesiasticarum ultra triennium ex integro est invalida.
20. Regula est: Utile per inutile vitatur in separabilibus.

Regula isthæc desumitur ex l. 1. §. 5. ff. de Verb. Obl. ibi: Dne sunt quodammodo stipulationes, una utilis, alia inutilis, neque vitatur utilis per hanc inutilem. cum Concordant. à Glossa citatis hic.

Quariar I. Quomodo hæc Regula intelligenda? & quis verus illius sensus sit? Resp. Quamvis nonnulli cum Baldo. lib. 2. Feud. Tit. 34. & Similiter. putent per utile hic intelligi omne & solum illud, quod spectatâ naturâ rei, de qua agitur, & dispositione legis validum, aptumque est ad validè agendum; per Inutile econtra illud, quod ad validè agendum invalidum, & ineptum est;

tamen, quia multa sunt, quæ ad valorem actûs non requiruntur, & tamen *utilia* censentur: & multa, quæ valorem non destruant, & nihilominus *inutilia* reputantur, uti patebit ex infrâ allegandis exemplis; ideo, loquendo in latiori sensu per *Utile* hic omne illud intelligi volunt alii, quod vel ad valorem rei, de qua agitur, requiritur, aut ad eundem servit, vel aliàs pro eadem re, etiam abstrahendo à valore, pro meliori, firmiori, aut securiori illius esse, conducens & aptum est: Per Inutile verò illud intelligi, quidquid contra legem, vel aliàs ad naturam rei, de qua agitur, & valorem illius ineptum est. Taccin. hic. Strein hic. n. 1. Hinc

3 Resp. II. Verus sensus Regulæ hic est: *Quidquid ex se, sive de Jure validum, vel aliàs ad efficiendam, firmandam, aut asscurandam rem aptum & conducens est, valorem & vim suam non amittit adjunctione, vel accessione alicujus de Jure prohibiti aut invalidi, vel aliàs inepti.* Ratio est; tum quia communis agentium & contrahentium mens ac intentio est, ut ea actuum suorum fiat interpretatio, quatenus potius valeant, quam pereant, vel nullius valoris existant: consequenter si quid inutile actibus eorum admisceatur, ab eis amoveatur, vel pro non adjecto habeatur, ut in reliquis actus suum valorem retineant. *c. Abbate. 25. de Verb. Signif. & l. Quoties. 12. ff. de Reb. dub. ibi: Quoties in actionibus, aut in exceptionibus ambigua oratio est, commodissimum id accipi, quod res, de qua agitur, magis valeat, quam pereat. jundâ l. Sancimus. 34. C. de Donat.* Tum quia nisi hoc observaretur, & per quodvis inutile semper vitaretur utile, plurimi actus aliàs subsistentes, invalidi existerent non sine confusione & præjudicio humani commercii. *Vivian. hic. Strein. n. 1.*

4 Regula hæc latissima est, & frequentissime in praxi observanda venit, hoc ipso, quod ferè in omnitam Ecclesiastica & spirituali, quàm profana materia, cunctisque actibus locum habeat, si, ut persæpe fit, eis quid inutile ac superfluum, ad rem non pertinens vel ineptum admisceatur, adeò, ut teste Dyno *hic. n. 1.* hujus Regulæ inveniantur innumerable Juris exempla, ex quibus patet, per adjunctionem alicujus inutilis actum, cæteroquin validum, non invalidari, consequenter utile per inutile non vitari. Plurima hujusmodi exempla adducit Glossa *hic*, Dynus & alii; ex quibus nos quoque pro majori declaratione & intelligentia Regulæ aliqua hic subjun-
gimus.

5 Sic enim primò: Donatio profana inter vivos 500. solidos excedens, & sine inscriptione apud Judicem facta, non vitatur, seu invalidatur quoad summam à Jure permissam, sed quoad excessum duntaxat. textu claro *l. Sancimus. 34. C. de Donat. ibi: Si quid autem supra legitimam definitionem fuerit donatum, hoc, quod superfluum est, tantummodo non valere: reliquam verò quantitatem, quæ intra legis terminos constituta est, in suo robore perdurare, quasi nullo penitus aliò adjecto, sed hoc pro non scripto, vel*

non intellecto esse credatur. Et infra: *Exceptis donationibus tam Imperialibus, quam his, quæ in piissimas causas procedunt.* De hujusmodi donatione amplius vide *Lib. III. Tit. 24. §. 1. de Donat.*

6 Secundò in Stipulationibus & contractibus, in quibus plus spondetur, quàm petitur; nam ut dicitur *l. 1. §. Si stipulanti. ff. de V. O. ibi: Si stipulanti mihi decem, tu viginti respondeas, non esse contractam obligationem nisi in decem, constat.* & infra. *§. Sed si: Si mihi Pamphylum stipulanti, tu Pamphylum & Stychum sponderis, Stychi adjunctionem pro supervacuo habendam puto; nam si tot sunt stipulationes, quot corpora, duæ quodammodo sunt stipulationes, una utilis, alia inutilis: neque vitatur utilis per inutilem.*

7 Tertiò, quando verba superflua, inutilia, vel inepta scripturis, contractibus, vel aliis actibus admisceantur, actum non vitari aut annullari certum est. *l. Testamentum. 17. C. de Testam. ibi: Cum superflua non noceant. & l. Verba superflua. 37. C. de Donat.* ubi, postquam prohibitum fuit, adhibere verba superflua, deciditur, quod si tamen quisquam per verborum superflua verba adhibuerit, actum non vitari. *jundâ l. Non solent. 94. ff. de Reg. Jur. ibi: Non solent, quæ abundant, vitare scripturas.*

8 Quartò: in Electionibus; Electio enim canonicè & validè facta non invalidatur per supervenientem illius confirmationem invalidam. *c. Si Confirmationem. 39. de Elect. in 6.* Sic etiam, etsi inter eligentes unus excommunicatus irritum dederit votum, non irritantur vota aliorum, nec vitatur, vel invalidatur electio per majora valida vota celebrata. *c. Cum ex eo. 14. §. Adhuc. de Pæn. & Remiss.*

9 Quintò exemplificant aliqui in locatione bonorum immobilium Ecclesiasticorum ultra triennium; hæc enim juxta illos valida manebit quoad primum triennium, etsi invalida existat quoad tempus ulterius. Verùm juxta dicenda infra *n. 19.* contrarium sentimus.

Sextò de Testamentis Dynus *hic* ponit exemplum: si damno hæredem meum, & Regem Franciæ decem dare, tenetur hæres, licet Regem Franciæ damnare non potuerim *l. Si duobus. 16. ff. de Legat. I.* Sic etiam si Testamentum est nullum ex causa exhæredationis, vel præteritionis, in reliquis firmum manet.

manet. *Authent. fin. C. de liber. prateritis. ibi: Ex causa exheredationis vel prateritionis irritum est testamentum, quantum ad institutiones: cetera namque firma permanent.* His adde exemplum de Tutoribus: quando enim ad contractum pupilli unus verus, alter falsus tutor auctoritatem præbuit, contractus à pupillo initus valet, & ab inutili Tutore non vitatur. *l. 1. §. 3. ff. Quod falso Tutore.*

II Quaritur II. An? & quas Fallentias patiatur hæc Regula? Resp. Plures. & quidem *primò* ac universaliter Fallit, quando utile ab inutili separari non potest. Gloss. *hic.* Dynus; Barbos. Vivianus & Doctores communiter, benè advertentes, quòd etsi Regula in sensu negativo ponatur, consequenter semper observanda sit, nisi specialis ratio, vel casus specialiter in Jure exceptus adsit, tamen in individuis ac inseparabilibus non procedat, qualia etiam sunt, quæ à natura partibus non constant, vel ad substantiam & formam actûs duo aut plura, consequenter inseparabilia quoad formam: vel absentiam unius ab altero requirunt: vel ab invicem necessariò dependent: vel ex ipsâ Juris dispositione, aut agentium vel contrahentium voluntate separatim valorem non habent: vel aliàs separari non possunt. Patebit res adducendo plura exempla in specie: Vivianus post Glossam ponit sequens.

12 Si habeo servitutem ducendi ad aquam certum numerum pecorum, & majorem eorum numerum ducam, utilis concessus numerus per inutilem excessum non vitatur, quia hic ab illo per dominum separari potest. *l. 1. §. 18. ff. de Aqua quotid. & astro. ibi: Si quis jus habens pecoris ad aquam appellendi plura pecora appulserit, non in omnibus pecoribus eum prohibendum, quod est verum, quia pecora separari possunt.* Si verò habeo servitutem ducendi aquam per fundum tuum, & ego aliam aquam illi immisceo, à toto potèro prohiberi, quia aqua mixta inseparabilis est, textu expresso *tit. l. 1. §. 17.*

13 Ex priori universali Fallentia sequitur, & fallit Regula *secundò* in testimonio, quod testis fert; si enim una pars illius falsa reperitur, totum hujusmodi testis testimonium corruit. Barbos. *hic n. 2.* cum communi aliorum. *can. Pura. 17. cau. 3. q. 9. ibi: Totam testimonii fidem partis mendaciò decolorat.* Pariter totum Instrumentum à Notario publico confectum fidem, & probandi vim

amittit, si in una parte falsum deprehenditur. *arg. l. 2. C. de veteri Jure enucl. & ibi Gloss. §. Libri. communiter recepta, junctò can. Si ad scripturas. 7. dist. 9.* Ratio utriusque est; quia etiam partes tam testimonii, quàm instrumenti separabiles existant, tamen fides notarii & testis indivisibilis est, indeque si falsitas in una parte apparet, totius testimonii vel instrumenti labefacta fides, illudque suspectum reddit. Concordat doctrina S. Augustini, qui ob indivisibilitatem fidei dicere non dubitavit, quòd si sacræ Scripturæ aliquæ etiam officiosæ duntaxat mendaciæ essent insertæ, totius scripturæ corrueret Auctoritas, & referretur cit. *can. Si ad Scripturas. dist. 9.* Pariformiter ob indivisibilitatem S. Thomas 2. 2. *q. 5. art. 3.* docet, quòd uni articulo fidei non credens, in nullo reneat fidem Catholicam. Caterùm de fide Attestationum & Instrumentorum amplius vide *lib. II. Tit. 20. de Testibus, & Attestat. Item Tit. 22. de fide Instrum.*

Fallit *tertiò* in Rescriptis, seu literis **14** Apostolicis, si in eis reperitur solacismus, seu vitium constructionis, vel phr. sis à stylo curiæ aliena; quia unicus talis defectus notabilis fidem & vim probandi toti Rescripto aufert. *c. Ad audientiam. II. de Rescript. ibi: Quibus litteris, quoniam manifestum continent in constructione peccatum, fidem te notumus adhibere.* quia meritò præsumitur, illud à Sede Apostolica non fuisse emanatum, cum per plures manus transeat, & omnitero carens stylo conforme semper expediat. De quo plura habes *lib. I. Tit. 3. de Rescript. §. 9. à n. 212.*

Fallit *quartò* in sententiis, v. g. aliqua **15** Judicis, qui debitorem certæ summæ centum florenorum, ad majorem summam, v. g. centum quinquaginta florenorum condemnat; talis enim sententia nec quoad minorem verè debitam summam valet. Barb. *hic. n. 1.* Tac. cin. *n. 20.* Pech. *n. 12.* quia sententia indivisibilis est, & non potest ex uno judicio res judicata in partem valere, & in partem non valere, ut dicitur *l. In hoc judicio. 27. ff. Famil. Hærescund.*

Fallit *quintò* in Actibus legitimis, si eis **16** conditio apponitur contra *Reg. 50. Jur. in 6.* sic habentem: *Actus legitimi conditionem non recipiunt, neque diem,* uti magis patet per exempla, quæ pro declaranda hac Regula quinquagesima adducentur infra.

17 Fallit *sexto* in Electione Prælati Ecclesiastici à Clericis & laicis simul celebrata; etiam si major pars Clericorum unum certum pro Prælatu eligat, quia de substantia Electionis Ecclesiastica est, ut ad eam nullus laicus concurrat. *c. Massana. 56. de Elect.*

18 Fallit *septimo* in casu duorum delegatorum, quando unus ob justam suspensionis causam recusatus est; quia recusatio uno, collega, qui unam cum ipso Jurisdictionem habuit, amplius procedere non potest. *c. Cum super. 23. de Offic. delegati. & c. Judex. 5. eod. in 6.*

19 Fallit *octavo* in locatione rerum Ecclesiasticarum ultra triennium, si locatio uno

contractu irrevocabili ad longius tempus fiat: vel si repetitur quidem, ita tamen, ut vi contractus in potestate locatoris non sit, locationem ulteriorem denegare, prout amplius declaratum & probatum habes *lib. III. Tit. 18. §. 1. de locato & conducto in 23.*

Ex quibus hactenus dictis cum Bar-20 bos. *hic.* & Glossa *hic* communiter recepta merito subjungitur: quod sicut in separabilibus & divisibilibus Regula negativa sit, & semper procedat: *Utile per inutile non debet vitari*: sic alia Regula affirmativa in contrarium poni valeat: *In iis, que inseparabilia, ac indivisibilia sunt, utile per inutile vitatur.*

REGULA XXXVIII.

Ex eo non debet quis fructum consequi, quod nifus extitit impugnare.

S U M M A R I U M.

1. Regula unde desumpta?
2. Intelligenda est de Impugnatione in judicio.
3. Ponitur verus sensus Regulae
Quod quis juris in alterum statuit, eo & ipse uti debet. *Ibid.*
4. Impugnans rem in judicio censetur renuntiare Juri ex illo aliis competentibus.
5. Qui dicit Decretales Epistolæ non esse Authenticas, non potest illas pro se allegare.
6. Testamentum tanquam falsum, aut inofficiosum impugnans nil percipit ex illo.

- Secus est: si illud ut minus solumne impugnatur. *ib.*
7. Impugnans Instrumentum vel testem nequit illum pro se allegare.
8. Fallit Regula 1. quando quis ante sententiam desinitivam impugnare desistit.
Penitentes digni sunt venia. Ibid.
9. Fallit 2. quando quis alieno nomine ex officio impugnat.
10. Fallit 3. quando non est eadem materia.
11. Et 4. respectu tertii.

1 Desumitur Regula ex *l. Papinianus. 8. §. 14. ff. de Inofficioso testamento. & c. Cum olim. 19. de Censib.*

2 Queritur I. Qualiter hæc Regula intelligenda? & quis verus illius sensus sit? Resp. I. Regulam intelligendam esse de Impugnatione in judicio, in quo sicut si quis aliquando quid approbavit, amplius reprobare non potest *l. Pomponius. 9. ff. de Negot. gest. junctâ Reg. 21. de Reg. Jur. in 6. Quod semel placuit, displicere amplius non potest.* Sic e contrario, quod semel quis reprobavit, aut impugnavit, pro suo commodo & fructu approbare, adducere, & uti amplius nequit. *l. Dispensatorem. 62. ff. de Solut.* quod juxta Tacuin. *hic. n. 1.* & alios Doctores ideo statutum censetur, ut inconstantia in judicio evitentur, & inconstantes saltem in tantum puniantur, quatenus fructum aliquem ex ea re,

quam impugnant, non percipiant, quem aliis percepissent, si illam rem non impugnassent.

Resp. II. Verus sensus Regulæ hic est: 3
Qui Legem, Rescriptum, Instrumentum, Attestationem, Contractum, Testamentum, vel aliam quamcunque demum dispositionem in judicio semel impugnavit, eam pro se & sua utilitate allegare, eâve uti, & fructum aut commodum ex illa percipere non amplius potest. Rationem assignat Vivianus *hic*; quia qui in judicio aliquid impugnat, hoc ipso illud pro injusto aut invalido, & pro tali habet, quod adversarius pro se, suâque intentione producere vel allegare, eâve uti, & ex illa fructum vel commodum justè percipere non possit: quod dum impugnans facit, seipsum in tantum jugulat, ut ex eadem re, quam impugnando pro injusta & invalida habet, ipse fructum aut commodum aliquod percipere non

non amplius valeat juxta æquissimum illud: *Quod quisque juris in alterum statuit, ipse uti debeat eo; & sapientis dicat Auctoritas, pateralegem quam tu ipse tuleris. c. Cum omnes. 6. de Constit. junctâ l. 1. ff. quod quisque juris in alterum statuerit. &c.* ubi etiam æquitas hujus dispositionis adducitur illis verbis: *Hoc edictum summam habet æquitatem. & sine cujusquam indignatione justa. Quis enim aspernabitur idem jus sibi dici, quod ipse aliis dixit, vel dici effecit.*

4 Et procedit Regula, etiam si aliquis ex illo, quod in judicio impugnavit, fructum & commodum aliàs de Jure percipere omnino potuisset; quia, uti cum aliis benè advertit Vivianus, Juri, quod prius in re habuit, impugnando eandem, tacite renuntiâsse censetur, textu satis claro *c. Olim. 19. de Censibus. ibi: Licet enim ex forma secundæ compositionis deductiones aliquæ essent faciendæ; quia tamen compositionem idem Abbas nullatenus approbavit, sed studuit multipliciter impugnare, ex eo non debet beneficium consequi, cui renuntiâsse tacite videbatur.* Ad id autem, cui quis semel renuntiavit, reditus de Jure non amplius conceditur. *l. Si quis. 11. C. de Reb. Credit. ibi: Satis enim absurdum est redire ad hoc, cui renuntiandum putavit.*

5 Declaratur & firmatur Regula & sensus illius variis exemplis, & quidem in primis de Legibus; Nam ut benè exemplificat Glossa *hic*: qui Decretales Epistolas, vel aliàs constitutiones, aut sanctiones Apostolicas non esse authenticas asserit, nequit eas postmodum in sui favorem allegare. *arg. can. Si Romanorum. dist. 19. ubi ii, qui Decretalium Auctoritatem temerè negare audent, à Nicolao Papa reprehenduntur illis verbis: Cum ipsi, ubi hæc suæ intentioni suffragari conspiciunt, illis indifferenter utantur, & solum tunc ad imminutionem Sedis Apostolicæ potestatis, & ad suorum augmentum privilegiorum, minus accepta esse perbibeant.* Concordat *can. 1. dist. 8. & c. quia frustra. 14. de usur. ibi: Frustra legis auxilium implorat, qui committit in legem: sive non est dignus legis auxilio, qui facit contra legem.*

6 Dein in Testamentis: qui enim testamentum tanquam falsum aut inofficiosum impugnat, & succumbit, ex tali sic impugnato testamento non tantum nihil recipit, sed etiam, quod jam accepit, eidem iterum auferitur, & Fisco appropriatur. *l. Papinianus. 8.*

*§. 14. ff. de Inoffic. Testam. ibi: Meminisse autem oportebit eum, qui testamentum inofficiosum improbe dixit, & non obtinuit, id, quod in testamento accepit, perdere, & fisco vindicari quasi indigno ablatum; eò quod sic impugnando testamentum, juri, ex illo aliàs competentit tacite renuntiâsse censeatur. cit. c. Olim. de Censibus. Secus foret, si quis testamentum non ut falsum vel inofficiosum, sed ut carens debitis Solemnitatibus, sicque de jure non subsistens impugnaret; talis enim legata in illo pro se facta non amitteret, prout clarè statutum habetur cit. l. Papinianus. §. 14. & l. Post legatum. 5. §. 1. ff. de His, quæ ut indign. junctâ l. Si Testamentum. 24. ff. eod. Rationem disparitatis affert Dyn. *hic. n. 3. & 4.* quia qui Testamentum ut falsum impugnat, non solum institutionem hæredis, sed etiam legata impugnat, consequenter hæc ex illo percipere non potest: Non sic qui illud impugnat ut minus solemne; cum corruente testamento ob defectum solemnitatis nonnunquam valeant adhuc legata saltem ad causas pias per dicta *lib. III. Tit. 26. de Testam. n. 164.* Item, qui testamentum tanquam inofficiosum impugnat, censetur dicere, quod testator quasi non sanæ mentis fuerit. *l. 2. ff. de Inoffic. Testam. ibi: Hoc colore inofficioso testamento agitur; quasi non sanæ mentis fuerunt, qui testamenta ordinarent.* consequenter sicut ad instituendum hæredem, sic etiam ad condenda legata inhabiles fuerint. Dynus *loc. cit.**

Procedit ulterius in Instrumentis, ut qui aliquod impugnat, illud in favorem allegare non amplius possit *cit. c. Cum olim. de Censib.* Idem est de impugnante testem: item de impugnante contractum tanquam invalidum.

Quæritur II. An? & in quibus Regula 8 XXXVIII. fallat? Resp. Eam fallere insequentibus, & quidem primò, quando quis impugnationem rei usque ad sententiam definitivam non continuat, sed ante hanc ab illa voluntariè desistit. Glossa hæc communiter recepta textu expresso *l. Papinianus. §. 14. ibi: Ei demum auferitur, quod testamentum datum est, qui usque ad sententiam Judicium lite improba perseveraverit. Caterum si ante sententiam desistit, vel decesit, non ei auferitur, quod datum est. junctâ l. Alia. 8. C. de his quibus ut indig. cum pœnitenti, & errorem agnoscanti venia non sit neganda. can. Quantum. 8. cau. 2. q. 4. ibi: quia sicut in pertinacia persi-*

perſiſtentibus ſeveros nos eſſe convenit, ſic iterum humiliatis & penitentibus negare locum ventæ non debemus.

- 9 Fallit ſecundo, ſi quis non ſuo, ſed alieno nomine & ex officio, ſicque non plenè liberè, ſed quaſi neceſſariò impugnat, uti tutor & curator nomine pupilli vel minoris; talis enim etiam ex illo, quod impugnat, fructum pro ſe conſequi, conſequenter ex teſtamento v. g. ſic impugnat, legata in illo ſibi facta percipere valet. Gloſſ. *cir. cum communi aliorum*, textu claro *l. Adverſus. 30. ff. de In-offic. Teſtam.* ibi: Tutoribus, pupilli nomine, ſine periculo ejus, quod teſtamento datum eſt, agere poſſe de inofficioſo teſtamento, Divi Severus & Antoninus reſcripſerunt. Concordat *l. Cum quadam. 26. C. de adminiſtr. Tut.* Cum non deceat alicui officium ſuum eſſe damnoſum. *c. Cum non deceat. 30. pr. de Elect.* in 6. & ne diſpendium patiat, qui videtur premium meruiſſe. *c. Pervenit. 2. de Fideijuſſ.*
- 10 Fallit tertio, ubi non eſt eadem materia,

vel Capitulum (ut Gloſſa ait *hic.*) quod quis impugnat cum illo, ex quo etiam poſt impugnationem fructum conſequi nititur. Nam licet quis ſententiam ex uno capite impugnet, adhuc ex alio capite fructum percipere valet. *arg. c. Utile non debet per inutile vitiari 37. de R. j. in 6. juncto c. Raynuius. 16. & c. Raynaldus. 18. de Teſtam.* ubi ſententia Judicis inferioris, à qua partes ambæ, quatenus contra ſe fuerat, appellaverant ad Papam, ex una parte confirmatur à Papa, ſicque proſuit impugnanti.

Fallit denique quarto, reſpectu tertii, ita ut licet quis ex eo, quod contra certum aliquem impugnavit, contra eundem fructum percipere, vel eadem re impugnata fructuoſè uti non valeat; tamen eadem re impugnata, & jure exinde ſibi competente contra tertium frui omnino poſſit. *Peck. hic. n. 5.* eò quòd regulariter alius non noceat res inter alios judicata. *c. Quamvis. 25. de Sentent. & rejudic.* cum Concordant.

REGULA XXXIX.

Cum quid prohibetur, prohibentur omnia, quæ ſequuntur ex illo.

SUMMARIUM.

1. Ponuntur Concordantiæ cum Regula.
 2. Subſequentia ex prohibito, non item media ad illud, cenſentur prohibita.
 3. Alia ſimpliciter tantum: alia etiam ſub nullitate prohibentur.
Multa fieri prohibentur, quæ ſi facta fuerint, roboris obtinent firmitatem. Ibid.
 4. Regula implicite duas habet partes: Ponitur verus utriusque ſenſus.
Connexorum eadem eſt ratio. Ibid.
 5. Declaratur Regula exemplis. & ſeqq.
 6. De jure non licet in quadrageſima comedere Lacinia.
 7. Prohibitione concupiſcentiæ prohibentur omnia mala. *Ibid.*
 8. Prohibita alienatione prohibetur omnis ſpecies & ſubſequentia.
 9. Exiſtente nullo matrimonio nulla etiam jura ex eo ſequentia.
 10. Omnes contractus civiles prohibiti etiam ipſo jura ſunt nulli.
 11. Fundus dotalis vendi non poteſt.
 12. Ex contractu prohibito nulla eſt etiam tranſlatio domini.
 13. Quando aliquid conceditur, conceduntur omnia, quæ ſpectant ad illud.
- 1 Cum hac Regula concordare videntur *Reg. 42. de Reg. jur. in 6.* ibi: *Accoſſorium naturam ſequi congruit principalis.* ſicut & illud commune: connexorum eadem eſt ratio: ſive: quod de uno connexorum ſtatuitur, ad alia quoque connexa extendi debet. *c. Tranſlato. 3. de Conſtitut.* juncto Gloſſa ibidem.
- 2 Addit Vivianus *hic*, cum Regula con-

cordare etiam illud, quod pro quaſi Regula habetur *l. Oratio. 16. ff. de Sponſal.* juncto Summariò ibidem. Cum aliquid prohibetur, videtur etiam eſſe omne illud prohibitum, per quod pervenitur ad illud. Verum diſplice hæc concordantia Dyno *hic. n. 1. Strein. n. 1. acaliis.* Et merito; quia per noſtram Regulam prohibentur ſequentia ex principali prohibito; per textum *l. Oratio.* autem pro-

prohibentur solum media ad consequendum prohibitum, uti consideranti patet.

3 *Quæritur I. Quomodo Regula intelligenda? & quis verus illius sensus sit?* Ante responſionem Notandum, in Jure ſubinde aliqua tanquam minus honeſta, minusque licita ſimpliciter tantum prohiberi, non autem ſimul annullari, ſeu non prohiberi ſub nullitate; de quibus verificatur illud, *c. Ad Apoſtolicam. 16. de Regular. Multa fieri prohibentur, qua ſi facta fuerint, roboris obtinent firmitatem.* prout res ſe habet in Matrimonio v. g. utpote quod ſine denuntiationibus præviis, aut certis temporibus fieri prohibetur quidem, & tamen ſi absque illis, & tempore prohibito celebratur, validum exiſtit juxta dicta *lib. IV. Tit. 3. de Clauſteſtin. deſponſ. n. 15.* Aliqua verò non tantum ſimpliciter prohiberi, ſed etiam ſimul annullari, ſeu ſub nullitate inhiberi: cujuſmodi ſunt Matrimonia cum impedimento dirimente contracta; quia non tantum ſimpliciter, ſed etiam ſub nullitate prohibentur, indeque non ſolum illicita, ſed etiam invalida ſunt, juxta dicta *Lib. IV. Tit. 1. de Sponſ. & Matrim. §. 9.* Hòc notatò

4 *Reſp. Hæc Regula non tantum de iis, quæ ſimpliciter, ſed etiam de illis, quæ ſub nullitate prohibentur, intelligenda eſt: ut proin duas implicite contineat partes, & quævis in ſuo, ſicque ambæ ſub diverſo ſenſu intelligendæ veniant. Et quidem genuinus ac verus Regulæ ſenſus quoad primam partem de ſimpliciter tantum prohibitis ſequens eſt: Quando aliquid ſimpliciter duntaxat tanquam minus honeſtum, minusve licitum absque nullitate prohibetur, ſimpliciter prohibita quoque, ſicque illicita, non item invalida cenſentur omnia ea, quæ ex principali prohibito propter neceſſariam connexionem & dependentiam ordinariè ſequuntur, ſaltem ſi eadem de his, uti de illo militat ratio. Quoad ſecundam verò partem verus Regulæ ſenſus hic eſt: Quando aliquid non tantum ſimpliciter dicitur illicitum, ſed etiam ſub nullitate, ſeu per legem annullantem prohibetur, ſimiliter prohibita, ſicque illicita ſimul & invalida cenſentur, quæ ob neceſſariam connexionem & dependentiam ex principali prohibito ſequuntur. Taccin. hic. n. 2. Ratio utriusque partis ex mutua connexionem & dependentiam deſumitur; connexorum enim eadem eſt ratio: ſive quod de uno connexorum ſtatuitur, ad alia quoque*
Regule Juris.

connexa extenditur juxta dicta *n. 1. arg. c. Translatò. 3. de Conſtitut.* Et quæ ex aliquo ſequuntur, acceſſoria illius ſunt: *Acceſſorium autem naturam ſequi congruit principalis* juxta pariter jam citatam Regulam 42. *Jur. in 6.*

5 *Declaratur prima Regulæ pars ampliùs, & firmatur exemplis per Gloſſam adductis: ſic enim ex eo, quòd prohibitum ſit in Quadrageſima comedere carnes, prohibita etiam cenſentur omnia, quæ ex ſementina trahunt originem carnis, lac videlicet, ova, caſeus, &c. can. Denique 6. diſt. 4. ibi: Par autem eſt, ut quibus diebus à carne animalium abſtinemus, ab omnibus quoque, quæ ſementinam carnis trahunt originem, jejunemus, à lacte videlicet, caſeo & ovis; intellige, niſi alicubi legitime præſcripta habeatur conſuetudo, uti in Germania, ubi vi conſuetudinis lacticia licitè comeduntur, licè in plurimis aliis Catholicis Regnis ac Provinciis dicta prohibitio ſtriè obſervetur, indeque Regula in illis locum habeat.*

6 *Sic pariter, dum concupiſcentia prohibetur, prohibentur omnia mala inde oriunda c. Nam. 4. de Conſtit. ibi: Hoc enim elegit Apoſtolus generale, unde omnia mala oriuntur; bona eſt ergo lex, quæ dum hoc prohibet, omnia prohibet. Si etiam dum prohibetur Machia, prohibitus cenſetur omnis illicitus concubitus can. Meretrices. II. can. 32. q. 4. ibi: Profectò nomine Machia omnis illicitus concubitus, atque illorum membrorum non legitimus uſus prohibitus debet intelligi.*

7 *Secunda pars Regulæ, quæ præter rationem & Jura allegata ſpecialiter etiam in illo claro Juris textu n. 9. adducendo firmatur l. Non dubium. 5. C. de Legibus. declaratur etiam exemplis: ſic enim quia alienatio rerum Eccleſiasticarum ſine debita ſolemnitate non tantum ſimpliciter, ſed etiam ſub nullitate eſt prohibita per dicta *Lib. III. Tit. 13. de Rebus Eccleſ. alien.* quævis etiam donatio, venditio, & ſimilia ſub nullitate cenſentur prohibita unà cum connexis & ſubſequentibus ex illis, qualia ſunt traditio, dominium, Dynus *hic. n. 4.* addens, Prælatum vel æconomum propterea admitti ad vindicationem rei alienatæ. *l. Jubemus. 14. C. de Sacroſ. Eccleſ.**

8 *Sic ulterius, quia Matrimonium cum dirimente impedimento contrahere, lege annullante & irritante, prohibetur, ut nulla etiam*

consentur prohibita aliàs consequentia ex matrimonio, v.g. jus petendi debitum conjugale, jus percipiendi fructus dotis, jus agendi uxorio nomine &c. sicut insuper, quia sub nullitate etiam in matrimonio legitimo prohibita est venditio fundi dotalis. *l. Rem in presenti. §. Et cum Lex. 15. C. de Rei uxor. act.* etiam traditio & dominium, quæ aliàs ex venditione sequuntur, nullæ sunt. *Dyn. hic. n. 4. Instit. quibus modis alien. licet.*

9 Sic universaliter omnia ex contractibus sub nullitate prohibitis subsequencia, nulla quoque & irrita sunt. Ubi specialissimè notandum, omnes & singulos contractus civiles, qui Jure Civili simpliciter tantum prohibentur, censi etiam sub nullitate prohibita, etsi annullatio & irritatio contractus expressè non addatur, textu claro, & per extensum relatu certè digno. *l. Non dubium. 5. C. de Legibus.* ibi: Nullum enim pactum, nullam conventionem, nullum contractum inter eos videri volumus secutum, qui contrabunt lege contrahere prohibente: quod ad omnes etiam legum interpretationes tam veteres, quàm novellas trahi generaliter imperamus; ut legislatori, quod fieri non vult, tantum prohibuisse sufficiat, ceteraque quasi expressa ex legis liceat voluntate colligere: hoc est, ut ea, quæ lege fieri prohibentur, si facta fuerint, non solum inutilia, sed pro infectis etiam habeantur, licet legislator fieri prohibuerit tantum, nec specialiter dixerit, inutile esse debere, quod factum est: sed & si quid fuerit subsecutum ex eo, vel ob id, quod interdiciente lege factum est, illud quoque cassum, atque inutile esse precipimus. Ex quo inferitur, in contractibus civilibus nunquam verificari illud Juri canonico insertum, *c. Ad Apostolicam. 16. de Regular.* Multa fieri prohibentur, quæ si facta fuerint, roboris obtinent firmitatem. Quod benè notandum.

10 Nec valet objicere *l. Penult. ff. de Fund. dotal.* ubi licet aliàs prohibita habeatur &

nulla sit venditio fundi dotalis: facta tamen traditione, dominium transfertur; quod idem dicitur *l. Cum vir pradium. 42. ff. de Usucap.* ergo subsecuta ex prohibito & nullo valent. Resp. enim, præsentibus leges, uti legenti patet, loqui de valore dominij soluto matrimonio, ubi fundus dotalis non amplius habet rationem dotis, sed ex hereditate vel alio titulo evadit propria mariti: prout etiam res se habet in venditione rei furtivæ, si fur sit hæres domini. *cit. l. Cum vir pradium.* ibi: Cum vir pradium vendidit scienti, vel ignorant; rem dotis esse, venditio non valet: quam defuncta postea muliere confirmari convenit, si tota dos lucro mariti cessit; Idem juris est, cum is, qui rem furtivam vendidit, postea Domino hæres extitit.

Neque obstat *l. Et eleganter. 7. ff. de II Dolo malo.* ubi habetur, quod ex contractu prohibito fieri possit translatio dominij. Resp. enim cum Baldo apud Peck. *hic*, translationem dominij non fieri ex vi contractus prohibiti, tanquam ex causa immediata ac principali, sed ex voluntate domini tradentis, qui etiam ex contractu in sui favorem invalido ultro potest transferre dominium rei suæ in alterum.

Ceterum benè ad propositum Regu-12 læ nostræ: Cum quid prohibetur, prohibentur omnia, quæ sequuntur ex illo: Subjungit Barb. aliam Regulam e contra veram: Quando aliquid conceditur, conceduntur omnia, quæ spectant ad illud. *l. 2. ff. de Jurisdicte.* ibi: Cui Jurisdictio data est, ea quoque concessa esse videntur, sine quibus Jurisdictio explicari non potest. & c. Præterea. 5. de Offic. deleg. ubi dicitur, quod facta alicui delegatione causæ, censeatur eidem etiam concessa potestas citandi & condemnandi contumacem; Ratio apponitur ibi: Quia ex eo, quod causa sibi committitur, super omnibus, quæ ad causam ipsam spectare noscuntur, plenariam recipit potestatem.

REGULA XL.

Pluralis locutio, duorum numero est contenta.

SUMMARIUM.

1. Regula unde desumpta?
2. Duo faciunt numerum pluralem.
3. Verus Regulae sensus.
4. Ordinarie ferè in cunctis duo testes sufficiunt.
5. Dispensatus ad plura beneficia non nisi duo obtinere potest.
6. Verba in diebus, vel annis verificantur in duobus.
7. Jus Patronatus duabus presentationibus probatur.
8. Legatum pauperibus factum in duobus salvatur.

9. Numerus pluralis unò duntaxat non salvatur.
Olim non nisi coram duobus saltem presentibus Missa celebrari poterat.
10. Verbum liberi etiam in una prole verificatur.
11. Cur Principes & Praelati utantur verbò Nos?
12. Fallit Regula, quando Jura, ad verificandum numerum, plura quàm duo expresse requirunt.
& seqq.

Desumitur hæc ex *l. Ubi numerus. 12. ff. de Testib.* ibi: *Ubi numerus testium non adjicitur, etiam duo sufficiunt; pluralis enim locutio duorum numero est contenta. & can. Si testes. 3. can. 4. q. 3.* ubi eadem referantur verba.

2 Quæritur I. Quomodo hæc Regula intelligenda? & quis verus illius sensus sit? Resp. I. Per hanc Regulam à plurali numero non excludi majorem duobus numerum, sed illud duntaxat indicari, quòd si absque determinatione numeri *plura* ad contractum aliquem, vel quid aliud requiruntur: aut *plura* indistinctè conceduntur, donantur, permittuntur, aut in dispositione aliqua *pluries* dicatur, numerus duorum sufficiat, nisi Jura majorem numerum ad rem, de qua agitur, expresse requirant. Hinc

3 Rep. II. Verus Regulae sensus hic est: *Quandoque in Lege, Statuto, Rescripto, Instrumento, vel quacunque alia dispositione terminus pluralis, plures, plura, pluries &c. indistinctè ponitur, requiritur, & sufficit numerus dualis, seu duorum, nisi majorem numerum Jura expresse requirant.* Rationem bene assignat Vivianus hic, quia exclusio unius est inclusio alterius. *arg. l. Cum Prætor. 12. ff. de Judiciis.* Hinc quoniam numerus singularis non salvatur, nisi in uno, Glossa hic: & in *can. Sufficit. de Consecrat. dist. 1.* idèd si plures unò, uti sunt duo, adsint, hi numerum pluralem efficiunt, qui tamen saltem duo ad talem numerum pluralem requiruntur. *can. Hoc quoque. 61. dist. 1. de Consecrat.*

Declaratur Regula exemplis: sic in primis universaliter, ubi ad valorem actus cujuscunque plures testes indistinctè requiruntur, sufficiunt duo, textu claro cit. *l. Ubi numerus. 12. ff. de Testib.* & *can. Si testes. 3. can. 4. q. 3.* prout etiam Glossa hic observat, ad causas & instrumenta regulariter sufficere duos testes, semper subaudi, nisi aliter in Jure expresse disponatur.

Sic in specie, si Papa cum aliquo dispensat, quòd possit habere *plura beneficia*, & aliud non exprimit, ista pluralitas non nisi de duobus beneficiis, & quidem non curatis intelligi debet. *c. Is, cui. 19. de Præbend. in 6.* Tum quia ista pluralitas in duobus verificatur: tum quia hæc dispensatio tanquam Juri contraria est odiosa, consequenter restringenda per *Reg. Odiarestringi &c. 15. de Reg. Jur. in 6.* præsertim cum alias *In obscuris minimum sit sequendum. c. In obscuris. 30. de R. J.*

Sic alterius si Testator in suo testamento disponat, ut *in diebus* aliquid certum fiat, intra biduum impleri debet, textu expresso *l. Inter illam. 217. ff. de Verb. Sign.* ibi: *Item ita data conditione: illud facito in diebus: si nil præterea fuisset adjectum, in biduo conditionem impleri oportet.* Sicut etiam, si servo legatur libertas post annos, de duobus intelligi debet. *l. Libertas. 17. §. 3. ff. de Manumiss. Testam.* Ratio utriusque est; quia tam dierum, quàm annorum pluralis indistincta expressio duorum numero verificatur per Jura citata.

7 Sic rursus Ordinationi Concilii Tridentini Sess. 25. de Reform. cap. 9. quod probatio Juris patronatus ex multiplicatis presentationibus fieri debeat, satis fit allegando, & probando duas. Barb. de Offic. & Potest. Episc. p. 3. alleg. 72. n. 4.

8 Item flegatur certa pecuniæ quantitas pauperibus distribuenda, satisfacere executores, si eam quantitatem totam duobus tantum pauperibus distribuat, ex Regula nostra docet Tacet. hic. n. 8. Diana. p. 10. tract. 11. Resolut. 19.

9 Dicitur notanter in Regula: duorum numerus requiritur & sufficit; quia ad verificationem termini numerum pluralem significantis, sicut duo sufficiunt, sic etiam saltem duo necessario exiguntur, ita, ut in uno solo numerus pluralis non salvetur juxta communem DD. cām. Hoc quoque. 61. dist. 1. de Consecrat. ubi propterea ab antiquo prohibitum perhibet, coram uno solo Missam celebrare; cum in tali verificari non videantur verba Missæ pluralem numerum indicantia: Dominus vobiscum, & Orate fratres. Verba præfati can. sic sonant: Hoc quoque statutum est, ut nullus Presbyterorum Missarum solemnia celebrare præsumat, nisi duobus presentibus, sibi que respondentibus ipse tertius habeatur; quia, cum pluraliter ab eo dicitur, Dominus vobiscum, & illud in secreto, orate pro me, aptissime convenit, ut ipsius respondeatur salutationi. Quod tamen statutum hodie non amplius servatur; quia pluralis locutio Sacerdotis ad totam Ecclesiam, omnes Christi fideles complectentem, dirigi censetur, cujus nomine unus Ministrans sufficienter respondere videtur.

10 Caterum præfata doctrinæ non obest communiter obijci solita l. Non est. 148. ff. de Verb. Signif. vi cujus terminus pluralis, liberi, unica prole verificatur, ibi: Non est sine liberis, cui vel unus filius, unde filia est: Non obstat, inquam, quia terminus Liberi caret singulari, & ideo semper in plurali profertur, prout lex ipsa afferendo rationem satis declarat statim jungens:

Hæc enim enuntiatio, habet liberos, non habet liberos, semper pluralis numerus profertur.

Pariter non obstat loquendi modus Principibus, & Prælati consuetus, quò una persona plurali numero exprimitur, Nos, Noster, Nostra, Vos, Vester &c. quia per verba hæc Majestatem, Autoritatem & dignitatem, quæ pluribus æquivalere, ac propterea majori respectu, reverentiæ ac honore digni esse censentur, aliis indicare, indeque juxta antiquam consuetudinem quivis suam personam ipsamet in plurali exprimere, & ab aliis pari modo appellari volunt.

Queritur II. An etiam? & in quibus fallat Regula? Resp. Eam universaliter fallere in iis, in quibus ex speciali dispositione legis ad verificandam pluralitatem, indistinctè positam, major, quàm dualis, numerus requiritur: prout fit per l. 1. ff. de optione & electione leg. ubi Divus Pius Cæcilio Proculo rescripsit, eum, cui indistinctè servorum legata est electio, tres posse eligere; consequenter locutionem pluralem numero duorum non esse contentam.

Fallit universaliter 2. quando leges ad valorem actus certum numerum duobus majorem requirunt, ut ad codicillum 5. ad Testamentum 7. requiruntur testes per dicta lib. III. Tit. 26. de Testamentis.

Fallit e contra 3. & ad verificandam pluralitatem positam sufficit etiam unum, quando leges ita volunt & declarant, ut fit in termino liberi juxta dicta n. 9. & in casu, quò plures servi legantur, ac interea uque ad unum distrahuntur, salvatur adhuc legatum pluraliter factum in unico superstiti. l. Falsa. 33. ff. de Condition. & Demonstrat. ibi: Si quis ita scripserit, Stybium & Pimphilius Titio do, lego, si mei erunt, cum moriar, & unum ex his alienaverit, an vel aliter a legatario possit vindicari? Placet vindicari: nam hunc sermonem, licet pluralis sit, pro eo oportet accipi, atque si separatim dixisset; Stybium, si meus erit, si moriar.

REGULA XLI.

Imputari non debet ei, per quem non stat, si non faciat,
quod per eum fuerat faciendum.

SUMMARIUM.

1. Regula unde desumpta?

2. Ponitur verus sensus Regulae.

Nemo puniri, aut jure suo privari debet sine culpa. Ibid.

3. Impedimentum debet probari.

4. Impeditus intra annum suscipere Sacerdotium, non perdit Parochiam.

5. Stante impedimento non censetur appellatio deserta.

6. Canonici intra tres menses eligere impediti non privantur jure eligendi.

7. Clerici egroti non praestantes officium tamen percipiunt fructus.

8. Sicut etiam integrum Salarium annum, laborare impediti Consiliarii, Officiales, Advocati &c.

9. Nisi aliter tacite vel expresse sit conventum.

10. Legitimè impeditus cessante impedimento illico praestare tenetur debitum.

11. Fallit Regula universaliter, quando impedimentum ex propria culpa contrahitur.

12. Intellige, si hac studio fuit ordinata ad contrahendum impedimentum.

13. Secus si ad illud ordinata non fuit.

14. Fallit in Patrono Ecclesiae intra tempus debitum praesentare impedito.

Regula desumitur ex c. Quia diversitatem. 5. de Concess. Praebend. & concordant Reg. 6. de R. J. in 6. Nemo potest ad impossibile obligari: & Reg. 66. eod. Cum non fiat per eum, ad quem pertinet, quò minus conditio impleatur, haberi debet perinde, ac si impleta fuisset.

2. Queritur I. Quomodo hac Regula intelligenda? quis finis illius, & verus ejusdem sensus sit? Resp. finem hujus Regulae esse, quemvis salvare à pœna, & damno in casu, quò legitimè impeditus non fecit, quod aliàs facere debuisset; ut proin verus illius sensus sit sequens: *Qui legitimè impeditus non facit, quod aliàs facere deberet, propterea nec pœnam, nec damnum sentire debet.* Ratio est, tum; quia juxta jam dicta, Nemo potest ad impossibile obligari: cit. Reg. 6. Nemo. Tum quia sine culpa nemo debet puniri, nec jure suo privari, vel damno affici arg. c. Sine culpa. 23. b. i. in 6.

3. Quoniam verò impedimentum in facto consistit, facere debitum omittens, probare debet faciendi impedimentum, simulque docere, à se sufficientem adhibitam fuisse diligentiam, quâ tolleretur impedimentum: nisi aliunde satis constet Menoch. de Arbit. lib. 2. cent. 2. casu 118. Strein. hic. n. 2. ubi inter alia etiam sequentia adducit impedimenta, veluti gravem morbum, captivitatem, aëris infectionem, inundationes, aut alia gravia pericula viarum, mortem parentum, defectus rerum necessariarum ad iter, bellum,

causam reipublicæ, violentam detentionem &c.

Declaratur Regula exemplis Juris per Gloss. adductis hic; sic enim licet non Sacerdos ad Ecclesiam Parochialem promotus intra annum sub pœna amissionis Parochiae adeptæ suscipere teneatur Ordinem Sacerdotalem; c. 35. de Elect. in 6. tamen ab hac pœna immunis est, si sufficienter probat, se legitimè fuisse impeditum v. g. propter absentiam, suspensionem, aut gravem morbum Episcopi Ordinem præfatio annò conferre non valentis. cit. c. Commissa. 35. de Elect. in 6. ibi: *Annus autem hujusmodi tibi non currit, si promoveri justò impedimento detentus intra tempus hujusmodi nequivisti.*

Sic etiam licet, si quis à sententia appellat, appellationem intra annum prosequi teneatur c. Cum sit. 5. de Appellat. tamen in præjudicium illius non censetur appellatio deserta, si impedimentum intra annum id faciendi per se pateat, aut probetur. c. Ex ratione. 8. de Appellat. ibi: *dummodo prosecutionem ipsius per impotentiam vos constituerit omisisse.*

Sic pariter quamvis sub pœna devolutionis electio fieri debeat intra tres menses c. Ne pro defectu. 41. de Elect. tamen etiam post tres eligere adhuc possunt Canonici, si impedimentum intra tres menses eligendi sufficienter probant. cit. c. Ne pro defectu, ibi: *intra quos, scilicet tres menses (justò impedimento cessante) si electio celebrata non fuerit,*

fuert, qui eligere debuerant, eligendi potestate careant ea vice.

7 Sic rursus licet beneficium detur propter officium seu sacrum ministerium, & hoc Beneficiatus præstare teneatur *c. fin. de Rescript. in 6.* tamen beneficium & fructus illius non perdit, si infirmitate impeditus incumbens aliàs debitum sacrum ministerium non peragit *v. l. de Clerico agrot.*

8 Sic ulterius de annuis Salariis nil detrahi potest, sed integra debentur Consiliariis, Officialibus, Advocatis; & si illa in antecessum jam acceperunt, nil amplius restituere tenentur dicti Consilarii, Advocati &c. quamvis nil operentur & laborent, si per eos non fiat, quò minus operas & labores aliàs incumbentes peragant *v. g. si Professor publicus tempore belli vel pestis non docet*, Consilarii consilia non frequentant, officiales nil laborant: vel si Advocati ex defectu litigiosæ causæ nullum officium exhibent. *Gail. lib. I. Observ. 44. n. 12. Strein hic. n. 1. arg. l. fin. C. de cond. causâ datâ. & textu satis claro l. qui operas. 38. ff. locati. ibi: Qui operas suas locavit, totius temporis mercedem accipere debet, si per eum non stetit, quò minus operas præstet. Advocati quoque, si per eos non steterit, quò minus causam agant, honoraria reddere non debent. junctâ l. l. §. Divus Severus. 13. ff. de Extraord. Cognit. ibi: Divus Severus ab hæredibus Advocati, mortuò eò, prohibuit, mercedem repeti; quia per eum non steterat, quò minus causam ageret.*

9 Quam tamen doctrinam præcedentis numeri merito cum aliis limitat Gail: si expressa vel tacita adfit conventio de dando salario aut mercede, quando & quamdiu operas vel labores conductus quis præstat. Adesse autem censetur tacita hujusmodi conventio ibi, ubi ita habetur Patriæ consuetudo, qualis saltem in his partibus vigere videtur respectu operariorum diurnorum, fabricorum lignariorum, aliorumque artificum, utpote quibus non laborantibus nil datur, vel non nistantur, quantum laborant, etiam si absque omni sua culpa legitimè impediti existant, sicque per eos non stet, quò minus operas & labores præstent; Quod ideim de famulis & famulabus domesticis diu ægotantibus passim observari videmus, docetque de his ultimis *Covarr. lib. 3. Var. Resolut. cap. 13. n. 8. Dian. p. l. tr. 8. Resolut. 86.* & alii apud eundem. Dumecontra circa Consiliarios, Offi-

ciales, & alios annua salaria habentes contraria, ea videlicet cernitur consuetudo, quòd morbo etiam diuturniori, vel aliàs subinde legitimè impeditis, quò minus debitos ex officio labores peragant, integra annua præbeantur salaria.

10 Illud tamen universaliter hic observandum cum Vivian. *hic*, quòd, etsi legitimè impeditus, quò minus faciat, quòd ad certum tempus facere deberet, non imputetur ad penam vel damnum, tamen cessante impedimento postea debeat id facere, quàm citius poterit. *arg. c. Cum dilecti. 7. de Dolo & contum.* ubi Summarium sic habet: *Citatus ad totam causam certo tempore ad comparandum assignato, tenetur comparere in termino: Et dato impedimento in termino, debet comparere quàm citius poterit, post terminum; aliàs condemnabitur in expensis à tempore citationis emissee.* Hinc non Sacerdos adeptus Parochiam, etsi legitimè impeditus, quò minus juxta præscriptum Canonum intra annum recipiat Ordinem Sacerdotalem, non perdat Parochiam secundum dicta *n. 4.* Tamen cessante impedimento eum recipere debet, quàm citius poterit.

Quæritur II. An? & in quibus Regulae XLI. fallat? Resp. Nam juxta Gloss. *hic* universaliter fallere, quando quis suâ culpâ contrahit impedimentum, vel incidit in casum, propter quem facere non potuit, quòd facere tenetur; tunc enim ei imputatur; cum regulariter loquendo quivis teneatur de casu, qui sequitur culpam. *can. Sepo. 50. dist. 50. & can. Student. ibid.* cum concord. à Glossa citatis.

Verùm hanc Fallentiam Vivianus *hic* cum Franc. & aliis merito limitat ad illas duntaxat culpas, quæ verisimiliter studio aut dolo ordinatæ sunt ad casum sinistram, vel impedimentum incurrendum, prout casus similis habetur in *Clement. Multorum. 2. §. Illis. de Penis.* ubi Reus studio & dolo procuravit, ut detineretur in carcere, ne deberet in iudicio comparere; cui impedimentum affectum, & dolo procuratum non profuit, quin penas legis incurreret, & pro contumaci haberetur: cum fraus & dolo nulli patrocinari debeat. *v. Ex parte. 16. de Rescriptis.*

Secus de illis culpis, quæ ad impedimentum obtinendum nullatenus ordinatæ apparent; quia secutum ex his, utpote nec affectatum, nec dolo procuratum, impedimentum

ditum à pœna & damno immunem reddit: ut proin, etiā Clericus v. g. suā culpabili intemperantiā contrahat infirmitatem, quā impeditur à præstando officio, tamen fructus beneficii percipiat. Idem dic de Consiliariis & Officialibus ex propria simili culpa, ad impedimentum obtinendum non ordinata, & tamen illud contrahentibus. *arg. c. quia diversitatem. 5. de Concess. præb.* ubi ob suspensionem pro legitimè impedito habetur, *etsi fuerit suā culpa suspensus*, iunctā *l. Verum. 39. ff. de Furtis.* ubi habetur, *eum, qui libidinis causa fores meretricis effregit, in eaque causa fuit, quod fures ab eo non inducti, sed alijs ingressi, meretricis res egresserunt, furti non*

teneri; quia effractio ostii ad furtum non erat ordinata. cum Concord. à Gloss. cit. *hic.*

Fallit autem specialiter secundo in ra-¹⁴ trono, qui ob litem super Jure Patronatus actu durantem legitimè impeditus intra quadri-
mestre non præsentat; cum non obstante hujusmodi legitimò impedimentò, pro ea vice privetur jure præsentandi, illi atq; devolvatur ad Ordinarium: textu expresso *c. Quoniam. 3. in fine. & c. Cum propter. 27. de Jur. Patron.* quod contra communem Juris Regulam meritò statuit Ecclesia favore Ecclesiarum, quibus longior beneficii vacatio damnoſa, & animabus periculosa censetur. *c. Ne pro defectu. 41. de Elect.*

REGULA XLII.

Accessorium naturam sequi congruit principalis.

S U M M A R I U M.

1. Regula unde desumpta?
2. Quid dicatur Principale, quid Accessorium?
3. Accessorium quadrupliciter quid esse potest.
4. Regula procedit, sive de inducendo, tollendo, vel con. rmando prius poli agatur.
5. Ponitur verus sensus Regule.
Accessorium sequitur naturam Principalis, & quare? *ibid.*
6. Commissa causa, commissi censentur requisita ad eam.
7. Qui cognoscit de Matrimonio, etiam de dote tanquam accessorio cognoscit.
8. Etiam in privilegijs corrueute principali, corrunt accessoria.
9. Venditò prædiò venditur etiam aquæ ductus eidem inexistens.
10. Testamentum minus solemne inter liberos vel ad alias causas validum, facit ut valeant etiam legata profana.
Invalido existente Testamento paterno, invalida

etiam est substitutio pupillaris. *Ibid.*

Legata domo censetur etiam legatus horius coherens. *ibid.*

11. Fallit Regula, quando in principali, & Accessorio diversa reperitur ratio.
- Usura jurata solvi, sed iterum restitui debent. *ibid.*
12. Testamento in vaillo inserta legata pia valent.
13. Sublato principali non tollitur accessorium, quod se solo potest subsistere.
14. Solutio quoad thorum matrimonio manet dos apud parrem innocentem.
15. Testamentò ob præteritionem existente nullò, valent legata.
16. Fideiussor pupilli obligatur, etsi pupillus non sit obligatus.
17. Accessorium sequitur naturam principalis, etsi illud pretiosius sit isò.
18. Nisi sit summe arduum, de quo non cogitasse disponentem præsumitur.

¹ **F** Amosa, & in praxi sæpe occurrens hæc Regula desumpta habetur ex *l. Nihil dolo. 129. ff. de Reg. Jur.* ibi: *Cum principalis causa non consistit, ne ea quidem, quæ sequuntur, locum habent. & l. Cum principalis. 178. ff. eod.* ibi: *Cum principalis causa non consistat, plerumque ne ea quidem, quæ sequuntur, locum habent.* cui con. o. dat *l. 2. ff. de Pecul. legato.* ibi: *Nam quæ accessionum locum habent, extinguuntur, cum principales res preempta fuerint.*

² **Q**uæritur I. Quomodo Regula intelligenda? & quis verus illius sensus sit? Ante
responsionem prænotandum, quid per *Principale*, & quid per *Accessorium* intelligatur. Principale ad propositum illud vocatur, quod est præcipuum in re, & quasi causa, seu fundamentum illius, quod accedit. Strum *hic n. I.* vel ut Barb. *hic. n. II.* vult: *Principale* est, quod per se stat, seu propriā suā virtute subsistit; *Accessorium* verò, quod per se non subsistit, sed vel ex natura rei, vel ex dispositione legis,

legis, vel ex partium conventionione dependet ab alio, cui tanquam principali inest, vel accedit, aut comitatur illud. Taccin. *bic. n. 1.*

3. Observat autem *bic Barb. n. 12.* quadupliciter posse aliquid esse accessorium alterius: Primò, ut sine illo res principalis nulla, vel inutilis reddatur. 2. Si ita rei inest, ut portio & pars illius reddatur. 3. Quia ex natura rei, vel dispositione legis, vel partium conventionione semper sequitur, & comitatur aliud. 4. Quia ab alio dependet tanquam effectus à causa. His prænotatis

4. Resp. I. Regula intelligenda est, & subsistit sive agatur de Principali inducendo, sive tollendo, sive confirmando; semper enim verum manet, quòd Accessorium sequatur naturam Principalis, ita, ut cum hoc etiam illud inducatur, tollatur, & confirmetur: Et quidem de inducendo probatur ex *c. Si super gratia. 9. de Offic. deleg. in 6.* De tollendo patet ex *cit. l. 2. ff. de Pecul. legat. ibi: Nam qua accessionum locum obtinent, extinguuntur, cum principales res perempta fuerint.* cum Concord. à Dyno citatis. De confirmando constat ex jam cit. *c. Si super gratia. 9. de Officio delegat. in 6.* Hinc

5. Resp. II. Verus Regulæ sensus hic est: Tanta est dependentia Accessorii à Principali, ut, regulariter loquendo, inductò, concessò, prohibetò, annullatò, sublatò, vel confirmatò principali, inductum, concessum, prohibitum, annullatum, sublatum, vel confirmatum etiam censeatur accessorium. Dicitur, Regulariter: conformiter citatæ Regula 178. *ff. de Reg. Jur.* ubi adhibetur terminus plerumque; quia, ut infra patebit, Regula patitur suas fallentias. Ratio Regulæ est, tum; quia Accessorium est connexum & adherens principali: connexorum autem eadem est ratio, idèmq; judicium. *c. Translato. 3. de Constit.* Tum, quia magis dignum trahit ad se minus dignum *arg. c. quod in dubiis. 3. de Consecrat. Eccles.* Principale autem regulariter loquendo est præcipuum, & magis dignum. *arg. §. Si quis in aliena. 34. Instit. de Rerum divis.* Porro hæc Regula valdè latè patet, ita ut ferè ubique procedat, præsertim in Legibus & Rescriptis, in Contractibus, in ultimis voluntatibus, in Privilegiis, in matrimonio &c.

6. Declaratur Regula exemplis Juris, & quidem in primis de Legibus, Rescriptis ac Judiciis; quando enim alicui delegatur causa, delegata quoque censentur accessoria necessa-

riò requisita ad eam, v. g. citatio, contumaciæ declaratio, testium examinatio &c. *c. Præterea. 5. de Offic. deleg. ibi: Quia ex eo, quòd causa sibi committitur, super omnibus, qua ad causam ipsam spectare noscuntur, plenariam recipit potestatem. junctò c. Prudentiam. 21. ibid. §. Sexta nobis. ad fin. ibi: Explorati siquidem juris existit, ut delegatis Judicibus, quibus principale committitur, & accessorium committatur.*

Sic in specie, quando causa matrimonii 7 delegatur, delegatus de dote quoque, tanquam aliquo accessorio, restituenda cognoscere, & sententiare valet. *c. de Prudentia. 3. de Donat. inter virum & uxorem. ibi: Quia igitur vos, qui de Matrimonio principaliter cognovistis, & de dote (qua est causa incidens) accessorie cognoscere valuisistis, & sententialiter definire.* Et universaliter quando aliquid per legem præcipitur vel prohibetur, præcepta quoq; vel prohibita censentur accessoria, id est, ei necessariò connexa & adherentia.

Sic in Privilegiis, quando principale 8 non subsistit, nec accessoria subsistunt. *c. Inter dilectos. 6. §. fin. cum ergo. de Fide Instrum. ibi: Cum ergo Privilegium Henrici confirmatorium tantum extiterit saltem quoad illa, qua deducta sunt in iudicium, si principale non tenuit, nec accessorium, quod ex eo, vel ob id dignoscitur esse secutum.*

Sic in contractibus; quando venditur 9 prædium, cui inest aquæductus, jus aquæ etiam, & fistulæ, per quas aqua transit, tanquam accessoria vendita, & emptoris esse censentur. *l. Si aquaductus. 47. ff. de contrab. empt. ibi: Si aqueductus debeatur prædio, jus aquæ transit ad emptorem; etiamsi nil dictum sit: sicut & ipse fistule, per quas aqua ducitur.* Sic e contra universaliter in omni contractu si principalis obligatio non subsistit, nec fidei-jussoria tanquam accessoria ligat. *l. Si quis. 37. ff. de Fideijuss. & Mandat. ibi: Si quis postquam tempore transactio liberatus est, fidejussorem dederit, fidejussor non tenetur, quoniam erroris fidejussio nulla est.*

Sic in Testamentis; nam testamentum 10 inter liberos minus solemne validum, valet etiam quoad legata extranea inserta, juxta dicta & probata *Lib. III. Tit. 26. de Testam. §. 7. à n. 204.* sicut etiam Testamentum minus solemne, validum tamen ad pias causas, valet quoad legata profana, prout dictum & probatum habetur *cit. Lib. III. Tit. 26. §. 6. à n. 161.* & quidem utrumque ob hanc Regulam, vide-

videlicet quia Accessorium naturam sequi congruit principalis: cujusmodi principale ad propositum est Testamentum, & legata sunt accessorium. Ob quam rationem etiam non valet substitutio pupillaris, si invalidum est testamentum paternum. §. *Liberis autem*. 5. *Instit. de Pupill. substit. ibi: Nam pupillare Testamentum pars & sequela est paterni testamenti, adeo, ut si patris testamentum non valeat, nec filii quidem valebit.* Dum e contra, quando quis domum legat, cui pro majori commoditate hortus vicinus coemptus existit, legata domo etiam hortus, tanquam quid accessorium, legatus censetur. l. *Prædix*. 91. §. 5. ff. *de Legat. III. ibi: Qui domum possidebat, hortum vicinum adibus comparavit, ac postea domum legavit: si hortum domus causa comparavit, ut ameniorem domum, & salubriorem possideret, adiuturq. in eum per domum habuit, & adiutur hortus additamentum fuit, domus legato continebitur.* Plura exempla Juris vide apud Gloss. *hic*.

legatis piis invenitur specialis ratio, Religio- nis videlicet.

Fallit *tertio* in Accessorio, quod se solo, & independenter à Principali potest subsistere, sicque ab eo divisibile est; quamvis enim concessio principali etiam hoc accessorium concessum videatur, tamen sublato principali illud sublato non censetur. Vivianus *hic*. cum Franch. & aliis, patetque ex ipsa rei natura: hoc ipso enim, quod hoc sine illo valeat subsistere, sublato principali accessorium hujusmodi necessario non tollitur.

Fallit *quarto* in casibus, in quibus Jura aliter specialiter disponunt: prout fit in casu, quod ob adulterium uxoris, matrimonio tanquam principali quoad thorum sublato, non tollitur dos, sed penes solum virum manet, etsi dos accessorium matrimonii sit. l. *Cum Mulier*. 47. ff. *Solutio Matrim. & c. Plerumque si mulier ob causam fornicationis judicio Ecclesie, vel propria voluntate à viro recesserit, nec reconciliata postea sit eidem, dotem, vel dotalitium repetere non valebit.* Quod tam à Canonico, quam Civili Jure merito specialiter sic statutum habetur in odium adulterii, & favorem conjugis innocentis.

Sic etiam specialiter sancitum habetur in Jure, ut testamentum tanquam principali propter exheredationem, vel prætentionem filii nullò declarato, accessoria tamen in illo subsistant legata, & alia. *Auth. Ex causa. C. de liber. prætenti. ibi: Ex causa exheredationis, vel prætentionis irritum est testamentum quantum ad institutiones: cetera namque firma manent.*

Sic pariter licet aliàs obligatio fidejussoria sit accessoria, & sublata principali obligatione tollatur per dicta n. 9. tamen ex speciali Juris dispositione habetur, quod, etsi pupillus sine auctoritate tutoris contrahens, nec civilem, nec naturalem obligationem servandi contractum habeat, l. *Pupillus*. 59. ff. *de Oblig. & Act.* tamen si in tali casu tertius pro pupillo fidejubeat, fidejussio teneat, & obligatoria existat. l. *Si Pupillus*. 35. ff. *de Arbitr. cum Concord.* Quod etiam ideo rectè sancitum videtur, quia in tali casu fidejussio censetur inducere obligationem principalem, hoc ipso, quod alia principalis desit; cum pupillus aliquam obligationem, quæ aliàs principalis foret, nequitiam contrahat.

P

Cate-

II Queritur II. An? & quas fallentias patiatur Regula nostra? Resp. Eam in pluribus fallere; & quidem *primò*, quando in principali & accessorio non eadem, sed diversa reperitur ratio. Abbas in c. *Debitores. de Jurejur. n. 2.* Sanch. lib. 7. *de Matrim. disp. 29. n. 11.* Hinc etsi principalis obligatio solvendi usuras sit nulla, tamen si juramentum firmata est, accessorium juramentum servandum erit, textu expresso c. *Debitores. 6. de Jurejur. ibi: Debitores ad solvendas usuras, in quibus se obligaverant, cogi non debent, si verò de ipsarum solutione juraverint, cogendi sunt domino reddere juramentum.* Ubi tamen subjungitur odiosa usurariis clausula illis verbis: *Et cum usure solute fuerint, creditores ad restituendas sunt severitate Ecclesiastica compellendi.* Cur autem accessoria juramenti obligatio observanda sit, est specialis ratio diviniæ reverentiæ, quæ servare juramentum compellit, qualis ratio in simplici promissione non reperitur. Sanchez *loc. cit.*

12 Fallit *secundò* quoad pia legata inserta Testamento ad causas profanas nulliter facto; quia illa, etsi accessoria, valent, licet Principale, Testamentum videlicet, sit nullum, juxta dicta & probata *Lib. III. Tit. 26. de Testam. §. 6. n. 16.* Idque ob fundamentum *num. preced.* allegatum; quia nempe in accessoriis Regule Juris.

17 Ceterum quamvis Vivianus hic teneat, Regulam fallere etiam in casu, quò accessorium nobilius quid & pretiosius est ipso principali: tamen quia hæc doctrina non tantum communi DD. sed etiam claræ Juris dispositioni contraria apparet, ei minimè adhaerendum, sed dicendum est, Regulam procedere etiam tunc, quando accessorium melius quid, nobilius, ac pretiosius est principali. *l. Cum aurum. 19. §. 13. ff. de auro & argent. legat. ibi: Perveniamus & ad gemmas inclusas auro, argentoque: Et ait Sabinus, auro, argentoque cedere; ei enim cedit, cujus major est species: quod rectè expressum; semper enim cum quarimus, quid cui cedat, illud spectamus, quid cujus rei ornanda causâ adhi-*

batur, ut accessio cedat principali. Cedent igitur gemma phialis & lancibus inclusa auro argentoque. Ex quo resolves, quòd annulus habens inclusam gemmam longè majoris pretii, quàm sit ipse annulus, vel vestis habens ornamenta aurea vel argentea pretium vestis longè superantia, si vendatur, donetur, legetur etiam gemma, & ornamenta, quantumvis majoris pretii, vendita, donata vel legata censeantur.

Limitat tamen non immeritò hanc doctrinam & fallere Regulam ait Barb. *hic. n. 10.* si accessorium est summe arduum quid, ut de tali verisimiliter non cogitaverit concedens, donans, legans, disponens &c.

REGULA XLIII.

Qui tacet, consentire videtur.

S U M M A R I U M.

1. Regula unde desumpta?
2. Ratio difficultatis in Regula.
3. Opinio, quòd tacens in favorabilibus, non item in odiosis consentire censeatur, non approbatur.
4. Ponitur verus sensus Regule.
5. Tacens etiam in odiosis consentire videtur, si contradicendo impedire potest.
6. Declaratur exemplis & seqq.
Servus sciente & tacente Domino ordinatus liber evadit: Ibid.
7. Sponsalia nomine filie scientis & tacentis contrahuntur & valent.
9. Alienatio Rei Ecclesiasticæ sciente & tacente Capitulo valet.
10. Superiores scientes & tacentes ad defectus subditorum consentire videntur.
Episcopi non corrigentes delicta, reprehenduntur à jure. Ibid.

11. Tacentes in consilio, vel collegio consentire censeantur.
12. Fallit Regula 1. quando tacens rem non intelligit.
Errantis nullus est consensus. Ibid.
13. Fallit 2. quando ad substantiam actus requiruntur verba, vel signa externa, uti in baptismo adultorum.
14. In Sponsalibus & Matrimonio:
15. Ac in stipulationibus.
16. Fallit 3. quando contradictio sine turbatione vel majori malo fieri nequit.
17. Fallit 4. quando fur sciente, & tacente domino rem aufert.
18. Fallit 5. quando de consensu vel dissensu non dubitatur.

17 Hæc Regula desumitur ex *l. 2. §. Voluntatem. ff. Solutio Matrimonio. & aliis LL. à Glossa citatis hic.*

consentire. Hinc in ea declaranda mirè desudant Doctores.

2. Quæritur I. Quomodo intelligenda hæc Regula? & quis verus illius sensus sit? Resp. I. Quamvis secundum sensum gramaticalem facilis appareat hæc Regula, in sensu tamen Juridico, eam explicatū esse difficillimam, ferè omnes fatentur: eò quòd in Jure plurima extent exempla, ex quibus clarè patet, eos etiam, qui scienter tacent, non censeri

Barbosa *hic. n. 9.* allegat ingentem Doctorum Classicorum numerum dicentium: Regulam cum subsequenti distinctione esse intelligendam; *qui tacet, in favorabilibus consentire videtur: qui vero in prejudicialibus vel odiosis tacet, consentire non videtur.* quam doctrinam licet magis communem, immo vulgarem esse verè asserat, & pro illa etiam Glossam variis in locis citet: tamen eam non

Regula XLIII. Qui tacet, consentire videtur.

115

non approbat, sed improbat ex illo vero fundamento; quia in Jure valde multa reperire est exempla, vi quorum tacens etiam in præjudicialibus pro verè consentiente habetur. Nos sedulò perlectis, & benè consideratis tam Doctorum rationibus, quàm Juris exemplis, arbitramur, securiorem & faciliorem Regulæ explicationem, seu declarationem esse sequentem.

4 Resp. II. Verus & genuinus Regulæ sensus videtur iste: *Qui tacet in favorabilibus consentire videtur: qui verò in præjudicialibus tacet, tunc consentire videtur, quando contradicendo, vel expresse dissentiendo facile potest impedire id, de quo agitur, & in contrarium nulla conjectura apparet.* Prima pars hujus sensus, videlicet quod tacens in favorabilibus consentire videatur, penè omni controversia caret; cum ferè omnes Doctores consentiant; quia in dubio ordinariè meritò præsumuntur ea, ad quæ nos naturalis ducit affectio & propensio, arg. c. 2. de Prescript. & l. Isti. §. 3. fin. ff. quod metùs caus. gest. Hinc benè observat hic Strein. n. 3. nullum tam hebetem censeri debere, ut commoda, grata, amica, utilia &c. respuat, si offeruntur, donantur, legantur, cum hæc à natura quisque appetat, quærat, & acceptet; Omnes enim expetimus utilitatem, & ad eam rapimur. Cicero lib. 3. de Offic. consequenter si nobis offeruntur, tacendo acceptare meritò censetur.

5 Altera pars, quod etiam in præjudicialibus, & odiosis tacens consentire videatur, si contradicendo, vel dissentiendo illa impedire posset juxta Dylum hic. n. 1. infallibilis, consequenter utraque pars vera est. arg. l. 2. §. Voluntatem. ff. Solut. Matrim. ibi: *Nisi evidenter contradicat, videtur consentire.* & c. 2. de His, quæ fiunt à Pralat. ubi ex eo solo Capitulum pro consentiente habetur, quia non contradixit: *Si sciente, & non contradicente Conventu facta est, robur firmum debet habere.* cum concord. & Ratio est; quia, ut benè argumentatur Barb. hic. n. 5. quando quis præsens scit rem fieri, vel peti, & tacet, dum facile contradicere potest, sua taciturnitate facit, quod de Jure meritò præsumatur idem sentire: ut proin tacitus illius consensus non in fictione, sed præsumptione Juris fundetur, nisi adsit contraria conjectura, ex verbis, vel saltem ex nutu, aut aliis signis apparens; quia etiam nutu, vel gestu contraria voluntas

ostenditur. l. Si tamen. 48. §. Ei qui. ff. de Edilit. Edict. l. Non tantum verbis. 5. pr. ff. Ratam rem haberi. cum Concord.

Declaratur & firmatur amplius exemplis Juris. Sic enim in primis licet, servum amittere res Domino sit præjudiciosa: si tamen eo sciente, & non contradicente ordinatur, ordinatio valet, servus liber evadit, & Dominus illum amittit. can. Si servus sciente. 20. dist. 54. ibi: *Si servus sciente, & non contradicente domino, in Clero fueris ordinatus, ex hoc ipso, quod constitutus est, liber & ingenuus erit.*

Secundò, si filia sciens, patrem sibi certam dotem constituere, tacet, & non contradicit, consentire præsumitur, etsi dos forsan incompetens, sicque ei præjudiciosa sit. cit. l. 2. §. Voluntatem. ff. Solut. Matrim. ibi: *nisi evidenter contradicat.* Sic pariter Tertiò: si parentes pro filiis, vel filiabus præsentibus & non contradicentibus sponsalia vel matrimonium contrahunt, valent sponsalia & matrimonium, etsi forsan prolibus odiosa; quia non contradixerunt; cum facile potuissent, dicendo v. g. nolo nubere, nolo hanc, vel hanc. c. in. §. fin. de Despons. Impub. in 6. ibi: *Porro ex sponsalibus, quæ parentes pro filiis puberibus, vel impuberibus plerumque contrahunt, ipsi filii, si expresse consenserint, vel tacite, ut si præsentibus fuerint, nec contradixerint, obligantur.*

Quartò, qui criminaliter inquisitus crimina sua confessus est, non potest excipere, quod infamia non præcesserit; quia prius non contradicendo tacite consensit. c. 2. de Accusat. in 6. Quintò si tutor aliquem pro fidejussore nominat, isque præsens non contradicit, sed nomen suum actis inferi permittit, consensisse præsumitur, etsi illi præjudiciosum sit. l. 4. §. fin. ff. de Fidejuss. & nominat. ibi: *Fidejussores à Tutoribus nominati, si præsentibus fuerint, & non contradixerint, & nomina sua reserri in acta publica passi sunt, æquum est, perinde teneri, atque si jure legitimo stipulatio interposita fuisset.*

Sextò, Rei Ecclesiæ locatio, vel alienatio, ad quam de Jure requiritur consensus Capituli, si hoc sciente, & non contradicente facta est, valet; quia ex taciturnitate Capituli, quod contradicere posset, consensus illius præsumitur, per textum c. 2. de His, quæ fiunt à Pralat.

¹⁰ *Septimò*, Superiores qui graves subditorum defectus sciunt, & cum possent, non contradicunt, non corrigunt, non puniunt &c. consentire videntur in grave communitatis præjudicium. *can. Error. 3. dist. 83. ibi: Error. cui non resistitur, approbatur, & veritas, quæ minime defensatur, opprimitur.* Negligere quippe, cum possis deturbare perverfos, nil aliud est, quam fovere. Nec caret scrupulò societatis occultæ, qui manifesto facinorosi definit obviare. junctò *can. Consentire. 5. dist. 83.* Consentire videtur erranti, qui ad refecanda, quæ corrigi debent, non occurrit. & *can. immediate sequenti. ibi: Nil illo Pastore est miserius, qui luporum laudibus gloriatur: quibus si placere voluerit, atque ab his amari delegerit, erit hinc ovibus magna perniciēs.* Hinc ipsi quoque Episcopi, qui etiam majores delinquentes non corrigunt, sed tacent, graviter reprehenduntur à SS. Canonibus, præsertim *can. 2. cit. dist. 83.* illis verbis: *Episcopus itaque, qui talium crimina non corrigit, magis dicendus est canis impudicus, quam Episcopus.*

¹¹ Huc etiam universaliter referuntur illi, qui in Collegio, aut Consilio communi tacent, dum aliquid injustè, iniquè, aut præjudiciosè agitur, vel decernitur; habentur enim pro consentientibus, & sunt cum aliis rei omnium malorum inde secutorum, si, dum possunt, non contradicant, uti post Abb. in *c. 1. de His, quæ sunt à major. part. cap.* benè observat Strein *hic n. 9.* per Jura hæcenus allegata. Sic plurima in Jure reperiuntur exempla, ex quibus manifestè patet, quòd etiam in præjudicialibus odiosis, & onerosis causis ac rebus tacens consentire præsumatur, si non contradicit, dum faciliè potest.

¹² Quæritur II. An? & quas Fallentias Regula XLIII. patiat? Resp. potissimum sequentes: & quidem *Primò* juxta unanimum fallit, quando tacens id, de quo agitur, non intelligit, vel penitus ignorat, *arg. l. Qui vas. 48. §. 3. ff. de Furtis.* Ratio manifesta est; quia ignorantis vel errantis nullus est consensus. *l. Si per errorem. 15. ff. de Jurisdic. ibi: Cum, ut Julianus scribit, non consentiant, qui errant: quid enim tam contrarium est, quam error, qui imperitiam delegit? cum concordant.*

Fallit *Secundò*, quando ad formam & substantiam actus consensus verbis vel signis externis expressus de Jure requiritur, vel alias præscribitur: prout expressè sancitum habetur de Baptismo adulatorum loqui valentium,

utpote quorum taciturnitas ad valorem Sacramenti non sufficit, etsi ab illo illorum respondeant, *arg. can. Cum pro parvulis. 77. dist. 4. de Consecrat. ibi: Cum pro parvulis alii respondeant, ut impleatur erga eos celebratio Sacramenti, valet utique ad eorum consecrationem, quia ipsi respondere non possunt. At si pro eo, qui respondere potest, alius respondeat, non itidem valet.* Ex qua Regula illud in *Evangelio dictum est, quod omnes, cum legitur, naturaliter movet: atatem habet, ipse pro se loquatur.*

Sic pariter ad valorem Matrimonii, vel ¹⁴ Sponsalium de Jure non sufficit, etsi una pars ad promissionem, vel interrogationem alterius taceat, & non contradicat, licet loco illius alii, etiam propinqui (excepto Patre) v. g. frater, patruus &c. respondeant, & consentiant, ipsa tacente, & non contradicente; cum requiratur de Jure utriusque partis contrahentis vel mandatum, vel consensus verbis aut aliis signis externis sufficienter expressus, prout jam dictum habetur *Lib. IV. Tit. I. de Sponsal. & Matrim. n. 14. & seqq.* Nec obstat, quod in contrarium objicitur *c. 1. de Matrim. contra interdict. Eccles.* ubi fit mentio de Matrimonio per fratrem pro sorore præsentem & tacente, contracto; quia, ut legenti textum patet, non tantum tacuit, sed expressè consensit toror. Minus obstat objici solitum *c. Ex parte 14. de Restit. spoliat.* ubi habetur sermo de sponsalibus à patre nomine neptis contractis; quia ex textu satis patet, sponsalia à patre acta vel non contracta, vel nulla fuisse; & bene ibidem observat Gloss. *Præfente.* Accedit, quòd *c. un. §. fin. de Desponsat. impub. in 6.* per textum supra *n. 7.* jam allegatum de solis parentibus dispositum habeatur, quòd, si nomine prolium præsentium, & non contradicentium, vel absentium, & postea rati habentium, sponsalia contrahant, ea valida existant, consequenter ad alios, etsi propinquos, extendi non debeat; præsertim cum agatur de perpetua obligatione statum hominis concernente, circa quem pro suis liberis parentes etiam ex naturali affectu magis solliciti merito de Jure censentur, quam alii, quantumvis propinqui.

Sic ulterius, quia in Jure ad formam & ¹⁵ valorem stipulationis regulariter requiruntur verba utriusque stipulantis. *l. 1. pr. ff. de Verb. Oblig. ibi: Stipulatio non potest confici, nisi utroque loquente &c.* Ideo Regula fal-

lentiam secundam regulariter patitur in stipulationibus, utpote in quibus tacens & non contradicens pro tacite consentiente minimè haberi potest.

16 Fallit *tertiò* in Superioribus, qui tacent, & non contradicunt in casu, quo sine magna turbatione, strepitu externo, aut proprio gravi damno contradictio fieri nequit, aut aliàs res jam desperata apparet: tunc enim tacentes, & non contradicentes consentire neutiquam præsumendi sunt. *arg. Reg. 50. ff. de Reg. Jur. ibi: Culpà caret, qui scit, sed prohibere non potest.* Strein *hic. n. 2. & fin.* cum aliis à se allegatis. *arg. c. Nihil. 2. de Præscript.* ubi Papa Italiæ Patriæ referibit: *Nihil cum scandalo, nihil cum forali strepitu vobiscum nos velle de causis pauperum definire, vobis scripsisse meminimus; sed illud vos scire credimus, taciturnitatem, atque patientiam nostram futuris post me Pontificibus in rebus pauperum præjudicium non facturam.* Quæ fallentia etiam ad alios non superiores à Doctoribus ob paritatem rationis merito extenditur, & inducitur, minimè blandiri sibi posse Principes de tacentium & non contradicentium subditorum consensu, quando illos collectis thearis & tributis excessivè ac injustè gravant: quod idem dic de inferioribus dominis directis subditos nimium gravantibus;

quia miselli subditi in hujusmodi casibus tacentes non tam voluntariè consentire, quàm metu majoris mali coactè dare censendi sunt.

Fallit *quartò* in casu, quò fur sciente, & 17 non contradicente domino rem illius surripit; quia in tali casu dominus consentire non præsumitur, sed actionem contra furem instituire potest; cum tunc odium furti Jura specialiter statuunt. *1. Si quis. 91. ff. de Furtis. ibi: Si quis scit, sibi rapt, & quia non potest prohibere, quievit, furti agere potest: at si potuit prohibere, & non prohibuit, nihilominus furti aget.*

Fallit *quintò*, & quidem universaliter, 18 quotiescunque de consensu vel dissensu tacentis, & non contradicentis verum non extat dubium, sed ex circumstantiis & conjecturis verisimilius apparet, eum tacendo consentire noluisse. Barbo. *hic*, cum aliis, ad longum deducens, Regulam, *Tacens consentire videtur*, tantum locum habere in dubio, in quo de Jure præsumitur consentire, qui tacet, & non contradicit, cum facile posset, prout desumitur ex verbo *videtur*; hinc si circumstantiæ, & conjecturæ tollunt dubium, & verisimilius pro dissensu militat, præsumi consensus prudenter non amplius potest: idè in sensu Regulæ n. 4. posito notanter additum est: *& contrarium ex conjecturis non apparet.*

REGULA XLIV.

Is, qui tacet, non fatetur, sed nec utique negare videtur.

SUMMARIUM.

1. Regula unde?

2. Differt à priori: quia præsens de confessione, vel negatione: prior de consensu agit.

3. Ponitur verus sensus Regulæ

4. Tacens interrogatus à non Judice nec fatetur, nec negat.

5. Quare tacens censeatur consentire, & non fateri?

6. Legitimè interrogatus à Judice tacens habetur pro confesso:

7. Sicut & ille, qui ad articulos non respondet.

8. Qui duobus sibi propositis ad unum respondet, & ad alterum tacet, hoc fateri censeatur.

1 **D**esumitur hæc Regula ex 1. qui tacet. 142. ff. de R. J. ibi: *Qui tacet, non utique fatetur: sed tamen verum est, eum non negare.*

2 **Q**uæritur I. Quomodo hæc Regula intelligenda? & quis verus illius sensus sit? Resp. I. Hanc Regulam minimè convenire cum præcedenti, ut perperam putabant non-

nulli, sed multum differre ab ea; cum in priori agatur de consensu, an, & quando ex taciturnitate præsumi possit: præsens verò Regula de confessione, & negatione, & non nisi in casu interrogationis procedit, utrum videlicet confiteri, vel negare censeatur, qui ab alio interrogatus nihil respondet, sed tacet.

3 Resp. II. Verus sensus Regulæ sequens est: *Qui ad interrogationem alterius tacet, regulariter nec confiteri, nec negare præsumitur.* Ratio est; quia inter negare & confiteri tanquam duo membra datur medium, sile-
re nempe & tacere, uti cum Glossa obser-
vant Dynus & Vivianus *hic*: & meritò, eò
quòd, licet in immediatè sibi contrariis exclu-
sio unius sit inclusio alterius, & e contra, ac
unum necessariò inesse debeat, uti sit in sani-
tate, & infirmitate, numerò pari, & impari,
cùm unum alterum necessariò excludat: cor-
pus siquidem aut sanum, aut infirmum esse
debet, & tempore, quo sanum est, infirmum
esse nequit, ac e contra: numerus par, aut im-
par esse debet: si par est, impar esse non po-
test, & è converso: aliter tamen res se habeat
in extremis habentibus medium; cùm nul-
lum necessariò insit, sed tertium mediare, ac
subsistere valeat, prout contingit in colore al-
bo & nigro, quorum nullus necessariò inest,
cùm res tertiam aliquem colorem, flavum aut
rubrum habere queat. Hinc similiter, quia
inter confiteri & negare mediat sile-
re, & ta-
cere, ac seipso stare potest, quin insit confiteri,
aut negare; justus est Regulæ sensus: qui ad
interrogationem alterius tacet, nec fatetur,
nec negat.

4 Declaratur exemplis: Sic v.g. in casu,
quò quis extra judicium, vel etiam in judicio
à non iudice interrogatur, an non hunc vel
illum percussit: an non hoc vel illud ab-
stulerit: hunc vel illum verbi injurià affe-
cerit: an non mutuas pecunias mille floren-
rum à se acceperit, sicque debeat: si tacet,
nec fateri, nec negare censetur. *arg. l. Sifi-
lius. 19. ff. de Interrog. in Jure faciend.* &
ratio præter jam dictam est; quia respondere
non tenetur. Et profectò misera foret ho-
minum conditio, si quis cuivis interroganti af-
firmando, vel negando positivè respondere
teneretur; cùm sapissimè intersit tacere, &
nihil respondere, sicque medium inter nega-
tionem & confessionem tenere.

5 Cur autem tacens præsumatur consen-
sire, & non confiteri, in ratione alleganda di-
visi sunt Doctores: melior videtur, quam af-
signat Barb. *hic. n. 9.* videlicet, quia consen-
sus est actus voluntatis eligentis. & quiescen-

tis, qui actus adesse meritò præsumitur, dum
quis contradicere facile posset, & non facit
per dicta in præcedenti Regula: confessio
verò consistit in assertionem veri aut falsi, quo-
rum nullum asserit, qui tacet.

6 Quæritur II. An? & quas Fallentias
patiatur Regula præfens? Resp. eam fallere
Primò universaliter, quoties quis in judicio à
Judice legitimè interrogatur: sic enim inter-
rogatus, qui tacet, pro confesso habetur, vel
etiam in sui damnum pro negante. *l. de Eta-
te. II. §. 4. de Interrog. in Jure faciend.* ibi:
*Qui tacuit apud Præto-rem, in ea causa
est, ut instituta actione in solidum convenia-
tur, quasi negavit, se heredem esse.* Ratio
est; tum quia hoc ipsò, quòd legitimè inter-
rogatus, & respondere obligatus taceat, ju-
stam præsumendi causam præbet, veritatem
contra se stare, & sequi eam tacitè fateri velle:
tum quia à Judice legitimè interrogatus, re-
spondere omit-
tens contumax reputatur, ac
propterea in pœnam contra se confessus in
effectum habetur. *cit. l. De etate. II. §. 4. ibi:
nam qui omnino non respondet, contumax est:
contumacia autem pœnam hanc ferre debet,
ut in solidum conveniatur; - quia præto-rem
contemneret videtur.*

7 Fallit *secundò* in quovis illo, qui in judi-
cio ad positiones, seu articulos ab adversario
propositos, & à Judice approbatos responde-
re jussus tacet, vel sine causa respondere recu-
sat; quia etiam talis confiteri censetur, & pro
confesso habetur. *c. 2. de Confess. in 6.* ibi:
*Si reus, vel procurator ipsius positionibus ab
adversario sibi factis interrogatus, jussusque
à Judice respondere absque rationabili causa
recuset, aut nolit, seu contumaciter se absen-
tet, haberi debet super iis, de quibus in eisdem
positionibus interrogatus extitit, pro confesso.*
Ratio est, quæ in priori fallentia.

8 Fallit *tertiò*, quādo alicui in judicio ob-
jiciuntur duo, & is unum negat, vel in eo se
excusat, ad alterum verò tacet, censetur enim
hoc tacitè fateri. *c. Nonne. 5. de Præsumpt.*
ibi summarium sic habet: *qui ex duobus illatis
alterum negavit, reliquum affirmare præsu-
mitur; textus verò sic sonat: Duo quippe
illata fuerunt ei: unum negavit, alterum ta-
cendo concessit.*

REGULA XLV.

Inspicimus in obscuris, quod est verisimilius, vel quod plerumque fieri consuevit.

SUMMARIUM.

1. Regula unde?

2. Obscurum, verisimilius, & plerumque, quid?

3. Ponitur verus sensus Regulae.

Verisimilitudo pro veritate habetur. Ibid.

4. De ordinariè contingentibus sunt leges.

5. Ordo procedendi in obscuris.

6. Declaratur Regula exemplis juris. & seqq.

7. Substitutio facta filio evanescit, si hic liberos procreat.

8. Mulier metu mortis monasterium ingressa non censetur ibi lacitè professà, quamdiu causa metus durat.

9. Solvitur objectio contra Regulam.

DEsumpta habetur hæc Regula ex *l. In obscuris. 114. ff. de Reg. Jur. ibi: In obscuris inspicitur, quod verisimilius est, aut quod plerumque fieri solet.*

2 Quæritur Quomodo hæc Regula intelligenda? & quis verus illius sensus sit? Resp. I. Quid per verba, *In obscuris*, dicere velit Regula, satis patet ex dictis ad Regulam XXX. *In obscuris minimum est sequendum. n. 2. &*

3 ubi videndum. Per *verisimilius* autem intelligitur id, quod prudenter consideratis considerandis circumstantiis, & aliis ad genuinam veritatem servantibus, veritati magis consentaneum apparet. Per *plerumque* verò id denotatur, quod in ejusmodi, de quibus quæritur, actibus, negotiis, contractibus, dispositionibus communiter & ordinariè fieri solet, ac in regione fieri consuevit. Hinc

3 Resp. II. Verus Regulæ sensus hic est: *Quandocunque vera intentio, mens & voluntas statuentis, agentis, contrahentis, disponentis &c. aliunde certò vel sufficienter non apparet, illud sequendum, judicandum, & tenendum est, quod prudenter, & equò animò consideratis considerandis ad cognoscendam veritatem servantibus circumstantiis, veritati magis consentaneum, seu conforme apparet: vel, quod in hujusmodi, de quibus quæritur, actibus, negotiis, aut dispositionibus communiter & ordinariè fieri solet, ac in Regione fieri consuevit. arg. l. Semper in Stipulationibus. 34. ff. de Reg. Jur. cujus textum allegavimus in Regula XXX. n. 3. cum Concordant. Ratio Regulæ quoad primam partem, de sequendo verisimili, est; quia verisimilia quasi pro veritate habentur. arg. l. Cum quid. 3. ff. de Rebus creditis, si certum petetur. adeò ut idem reputetur, veritatem pro se habere, & præsumptionem in verisimili funda-*

tam pro se habere, uti post Jason. benè advertit Strein, *hic. n. 2. arg. l. Licet Imperator. 74. ff. de Legat. I. & verisimilitudo onus probandi nonnunquam in adversarium rejiciat arg. l. Sive possidetis. 16. C. de Probation. ac non nisi validioribus probationibus elidi valeat. l. Non est verisimile. fin. ff. quod metus caus.*

Secundæ verò partis, videlicet, quod **4** deficiente verisimili id attendatur, quod plerumque seu communiter & ordinariè fieri solet, ratio hæc est; quia sicut Legislatores non de iis, quærarò, sed quæ frequenter contingunt, leges & jura condunt. *l. Ex his. 4. & l. Nam ad ea. 5. ff. de Legib. ibi: Nam ad ea potius debet aptari jus, quæ & frequenter & facile, quam quæ perrarò eveniunt.* Sic etiam intentio & mens privatim disponentium & contrahentium in defectu alterius certitudinis juxta communiter & ordinariè fieri solita præsumi, & colligi debet. *arg. l. Certi conditio. 9. §. 8. ff. de Reb. credit. præsertim in Regione, in qua versamur. l. Semper. 34. ff. de Reg. Jur. ibi: Si non appareat, quid actum est, erit consequens, ut id sequamur, quod in Regione, in qua actum est, frequentatur.*

Ut proin circa obscura sequens procedendi, præsumendi & sequendi ordo sit: & quidem Primò videndum, an non aliunde rei veritas, & quod actum est, appareat: hoc enim verè cogitum omnino sequi, & tenere oportet; quia justum & æquum est, ut contrahentium voluntates & pacta custodiantur *c. 1. de Pactis. ibi: aut inita pacta suam obtineant firmitatem, aut conventus (si se non cohibuerit) Ecclesiasticam sentiat disciplinam. Dixerunt universi: Pax servetur, pacta custodiantur. & l. Semper. 34. ff. de Reg. Jur. ibi: Semper in stipulationibus, & in ceteris contractibus id sequimur, quod actum est.*

Secun-

Secundò, si de hoc certò vel sufficienter non constet, id præsumendum, sequendum, & tenendum, quod prudenter consideratis considerandis verisimilius apparet juxta tenorem hujus Regulæ. Tertiò, si verisimilius non apparet, id inspiciendum, & sequendum est, quod plerumque, seu communiter, & ordinariè fieri solet, juxta præscriptum præsentis Regulæ, præsertim in Regione, in qua res acta est. *cit. l. Semper.* per textum *n. preced.* jam allegatum. Quartò, si neque hoc haberi potest, *minimum* sequendum, & tenendum est *cit. l. Semper.* ibi: *Quid ergo, si neque Regionis mos appareat, quia varius fuit? Ad id, quod minimum est, redigenda summa est.* & Reg. 30. de Reg. Jur. in 6. ibi: *In obscuris minimum est sequendum.* cum in hoc partes certò conveniant, & errandi periculum magis declinetur juxta dicta superius ad hanc Regulam, *n. 4.*

6 Declaratur etiam & firmatur ulterius Regula, sensusque illius exemplis Juris: Sic enim *primò*, ut exemplificat Gloss. *hic.* si maritus cum prius corrupta diu cohabitavit, & postea mulier ex causa impotentiae viri divortium petat, vir autem potentem se asserat, viro creditur, nisi impotentia manifesta sit, textu claro *can. Si quis. 3. can. 33. q. 1.* Quia verisimilius est, virum non defuisse suo officio.

7 Sic pariter 2. si quis proprium filium instituit heredem, ei que substituit Caium, præsumitur substitutio facta sub conditione: si filius meus sine liberis decesserit. *l. Cum avus. 102. ff. de Condit. & Demonstr.* Cum

nec verisimile, nec usu receptum sit, quòd quis intendat filio aliquem substituere, si filius ipse liberos progenerat. *l. Generaliter. 6. §.* Cum autem. *C. de Instit. & Substit.* ibi: Cum autem invenimus excelsi ingenii Papinianum in hujusmodi casu, in quo pater filiis suis substituit, nullà liberorum ex his procreandorum adfectione habità, optimo intellectu disposuisse, evanescere substitutionem, si is, qui substitutione prægravatus est, pater efficiatur, & liberos sustulerit; intelligentem, non esse verisimile, patrem, si de nepotibus cogitaverit, talem fecisse substitutionem.

Sic 3. si mulier metu mortis à viro inferendæ ad monasterium fugit, ibique, quamdiu causa durat, permanet, tacitè profecti non censetur; quia revera est, eam perseverasse in monasterio ex eadem causa, ex qua fuit ingressa, consequenter causa cessante, mortuò nempe virò, egredi, & alteri nubere posse, textu expresso *c. 1. de His, que vi, met. caus.*

Obijci contra Regulam communiter solet. In judiciis probatio necess. riò concludere debet, nec sufficit ostendere, rem sic esse posse, sed necesse est, probare, eam revera sic esse. *arg. l. Matrem. 17. C. de Probat.* cum Concord. ergo verisimilitudo ad rem nihil facit. Sed Resp. Probationem concludentem necessariam esse tunc, quando haberi potest: secus esse, si haberi nequit; in tali enim casu ad præsumptionem, præsertim in verisimilitudine fundatam, ex utroque Jure in subsidium datur recursus. Hinc, prout supra de Regula XXX. dictum, ita & de præsentì dicitur, quod sit *subsidiaria*.

REGULA XLVI.

Is, qui in Jus succedit alterius, eo Jure, quo ille, uti debebit.

SUMMARIUM.

1. Regula unde?

2. Successor alius est universalis: alius particularis: & quis?

3. Successor universalis, præsertim heres, activè & passivè succedit in omne jus defuncti.

4. Etiam heres particularis succedit taliter quoad partem, cujus est heres.

5. Successoribus universalibus æquidantur etiam Prælati Ecclesiastici, qui proin debent solvere debita defuncti nomine Ecclesiæ facta.

6. Successor etiam particularis succedit activè & passivè, quod prior dominus circa rem particularem habuit.

7. Excepta actione personali, quæ ad eum non transit: nec nocet ei mala fides prioris domini, bene verò successorì universali.

8. Ponitur verus sensus Regulæ.

9. Declaratur exemplis, & tribus seqq. Successor universalis, *v. g.* heres, debet solvere omnia debita defuncti. *ibid.*

10. Idem

10. Idem debet facere successor in Regno.

11. Successor potest conveniri vi rescripti contra antecessorem impetrati.

12. Defuncti jus ita inheret heredi, ut propter hoc jubinde etiam al. unde sua perdere debeat.

13. Mors omnia solvit: quomodo intelligendum?

14. Donator potest revocare ex causa donationem, non item heres illius: & quare?

15. Marito circa dotem majus jus competit, quam heredi illius; quia est privilegium personale.

16. Est Regula 1. in Mandato. 2. in Contractu Societatis. 3. In precario.

17. 4. In donationibus inter viros & uxorem.

18. 5. Universaliter in omnibus Privilegiis personalibus.

Desumpta habetur hæc Regula ex l. *Qui in Jus*. 177. ff. de Reg. Jur. ibi: *Qui in Jus, & dominium alterius succedit, jure ejus uti debet. Cui concordat Regula 79. de R. J. in 6. ibi: Nemo potest plus juris transferre in alium, quam sibi competere dignoscatur.*

2. Queritur I. Quomodo hæc Regula intelligenda? & quis verus illius sensus sit? Ante responsum Notandum cum Dyno & Strein hic. n. 1. duplicem esse & dici Successorem in Jus alterius, Universalem videlicet, & particularem, seu, quod idem est, singularem. Universalis est, qui in universum, seu in totum Jus alterius succedit, ejusque personam repræsentat, uti sunt hæres, bonorum possessor, & ex Trebellianica possessor, fideicommissarius, qui etiam propriè successores vocantur, quia in Jus universum defuncti succedunt l. *quoties*. 9. §. 12. ff. de Hæred. instit. l. *Prætor*. 117. ff. de Reg. Jur. ibi: *Prætor bonorum possessorum hæredis locum in omni causa habet. l. in pari*. 128. ff. eod. Hi, qui in universum Jus succedunt, hæredis locum habentur, juxta l. *Nihil*. 24. ff. de V. S. ibi: *Nihil est aliud hereditas, quam successio in universum Jus, quod defunctus habuit. Successor Particularis, seu Singularis est, qui non in totum Jus, sed in certam aliquam rem, vel Jus alterius succedit, uti sunt legatarii, donatarii, emptores &c. qui propriè successores in rem appellantur. l. *Quedam*. 9. §. *Is autem*. ff. de Edendo. & l. *Etiam*. 8. ff. de Jure jur. ibi: *Etiam si in rem successerint. cum Concord. Hoc Notat**

3. Resp. I. Regula de successore universali tam activè, quam passivè intelligenda est: Activè quidem; quia omne Jus agendi, excipiendi, fruendi &c. tam reale, quam personale, etiam mixtum, & in rem scriptum, quod prius competeat defuncto, competit postea heredi: Passivè verò; quia Jus agendi, excipiendi &c. quod alicui competeat contra defunctum, competit eidem etiam contra heredem ipsius. Dynus hic cum communis

Regula Juris.

aliorum. arg. pr. Instit. de perper. & temp. Ratio est, tum; quia defunctus, & hæres ipsius, fideiæne juris pro una eademque persona habentur. Novell. 48. pr. ibi: *Cum utique nostris videtur legibus, unam quodammodo esse personam hæredis, & ejus, qui in eam transmissit hereditatem; consequenter Jus, quod uni activè vel passivè competit, etiam alteri competere debet: cum non debeat una eademque res, vel persona diverso Jure censer. c. *Cum in tua*. 30. de Decimis. Tum, quia nemo potest plus juris transferre in alium, quam sibi competere dignoscatur. c. *Nemo*. 79. de Reg. Jur. in 6. consequenter, si defunctus Jus exceptionis habuit, exceptionem etiam hæres pati debet: si fundum servitute affectum transtulit, servitute eadem etiam apud heredem fundus manebit affectus.*

Quæ cuncta intellige non tantum de hærede universali, sive ex asse, sed etiam de hærede ex parte tantum; quia quod juris in toto, idem etiam in qualibet parte illius est l. *Quæ tota*. 76. ff. de Rei vindicat. ibi: *Quæ de tota re vindicanda dicta sunt, eadem & de parte intelligenda sunt.* ut proinde aut hæres ex asse ex toto, sic hæres ex parte, pro ea parte, in qua hæres est, personam defuncti repræsentet, jura illius activè & passivè fruatur, & utatur, licet in partibus reliquis pro extraneo habeatur. l. *Si adulta*. 6. de Hæredit. act.

Successoribus universalibus æquiparantur etiam Prælati Ecclesiastici tam sæculares quam Regulares; cum etiam ad hos, tanquam legitimos successores, ab antecessoribus Jus agendi, & excipiendi activè, ac passivè, nomine Ecclesiæ, vel Monasterii transeat: ut proin successor pacta antecessoris, nomine Ecclesiæ inita, servare teneatur can. *Elevothe-rius*. 30. can. 18. q. 2. & getta ab ipso rata habere v. *Quoniam*. 14. de Offic. deleg. ac debita ab eodem contracta solvere c. 1. de Solut. ibi: *Sicut filius debita patris solvere tenetur, ita Prælatus sui prædecessoris pro Ecclesiæ necessitate contracta.* Hæc tamen, quoad

Præla-

Prælatos, intellige de illis gestis & pactis, quæ nomine Ecclesiæ, & aliàs legitiimè sunt facta: privatas siquidem obligationes antecessoris Prælati, vel aliàs illegitiimè factas successor præstare non tenetur. *c. Veniens. 8. de Transact.* ubi Summarium sic habet: *Transactio facta de rebus Ecclesiæ per Prælatum sine Superioris consensu non obligat successorem*: Ratio subjungitur in textu illis verbis: *Cum inter personas facta potius, quàm inter Ecclesias videatur: nec pacta inter alios acta aliis obesse putantur.* patetque ampliùs ex traditis *Lib. I. Tit. 10. de His, quæ à Prælat. sine consensu Capit. & Lib. III. Tit. 13. de Rebus Eccles. alienand.*

6 Porro successorem particularem, seu singularem quod attinet, de eo etiam Regula intelligenda venit, ita, ut in hunc quoque, facta rei additione, tota causa, idemq; jus activè & passivè transeat, quod in eadem re prior dominus habuit *l. Alienatio. 67. ff. de contrahend. Empt.* ibi: *Alienatio cum sit, cum sua causa dominum ad alium transferimus, quæ esset futura, si apud nos eas res mansisset: Idque toto jure Civili ita se habet: præterquam si aliquid nominatim sit constitutum. junctâ l. Traditio. 20. ff. de Acquirend. rer. domin. ibi: Quoties autem dominum transfertur ad eum, qui accipit, tale transfertur, quale fuit apud eum, qui tradit. Si servus fuit fundus, cum servitutibus transit: si liber, uti fuit. Et si fortè servitutes debebantur fundo, qui traditus est, cum jure servitutum debitarum transfertur.*

7 Ea tamen differentia inter universalem, & particularem successorem notanda est, quòd actio merè personalis non transeat ad successorem singularem sine cessione nec contra eum. *l. Quod sæpe. 35. §. Si res. ff. de contrah. Empt.* ibi: *qui alienam rem vendiderit, cum is nullam vindicationem, aut conditionem habere possit, ob id ipsum damnandus est; quia si suam rem vendidisset, potuisset eas actiones ad emptorem transferre. & l. quedam. 9. §. Is autem. ff. de Edend. cum Concord. à Dyno citatis hic n. 7.* Hinc expediti Juris est, quòd legatario, donatario, emptori, tanquam successorì singulari non noceat mala fides legantis, donantis, aut vendentis, quin præscribere valeat. *l. An vitium. 5. ff. de divers. tempor. præscript.* ibi: *An vitium auctoris, vel donatoris, ejusque, qui mihi rem legavit, mihi noceat; si fortè auctor meus justum initium possidendi non habuit, videndum est? Et puto, neque nocere, neque prodesse: nam denique & usucapere possum, quod auctor meus usucapere non potuit. Dum econtra mala fides noceat successorì universali, seu hæ-*

redi, ita, ut hic rem à defuncto mala fide possessam nullò modò præscribere valeat, prout cum communi aliorum latè probavimus *lib. II. Tit. 26. à n. 134.* Item contra hæredem, hæreditario nomine conventum, etiam doli actio datur. *Dynus hic. l. Hæredibus. 13. ff. de Dolo.* ibi: *Item adversus hæredes de dolo actio erit danda.*

8 Resp. II. Verus sensus Regulæ hic est: Qui in alterius dominium, vel jus sive universale, sive particulare succedit, eodem jure, quod ille alter habuit, activè & passivè uti potest, & debet: seu, eodem jure, quò prior, in sui favorem gaudet, idemque, quod prior, contra se sustinere debet. Per jura & rationes jam alleg. *l. s.* Solùm addendum est, Regulam non tantum de proximis, seu immediatis, sed etiam mediatis, & posterioribus hæredibus, tanquam successoribus procedere: *Strein hic. n. 3.* & ratio est; quia etiam hæres hæres appellatione hæredis venit.

9 Declaratur Regula ulterius præter jam adducta adhuc aliis Juris exemplis; & quidem præcipuè, quòd, sicut successor alterius, jure illius in sui favorem gaudet per dicta, sic jura contra illum, & exceptiones passivè sustinere, ac reales obligationes ejusdem præstare debeat; sicut enim hæres tam necessarius, quàm extraneus solvere tenetur omnia debita defuncti, sive ex vero, sive quasi contractu, sive aliunde contracta: sic etiam pænas pecuniarias, ad quas defunctus damnatus fuit, solvere debet hæres. *l. Commissa. 14. ff. de Publican. & Vestigal.*

10 Sic etiam successores in Regno & Principatu servare debent pacta & contractus antecessorum. *arg. c. 1. de Probat.* aliàs enim nemo esset, qui cum illis coramercium habere vellet, quod in detrimentum ipsius boni publici redundaret; uti post Baldum in *l. Principes. ff. de Legibus.* benè observat *Strein hic n. 4.*

Sic rursus successor potest conveniri vii rescripti contra antecessorem impetrati. *arg. c. Dilecti. 17. de Foro compet.* & ibi conveniri potest & debet hæres, ubi conveniendus erat defunctus. *l. Hæres absens. 19. pr. ff. de Judiciis:* ibi: *Hæres absens ibi defendendus est, ubi defunctus, & conveniendus.* Sic etiam laicus hæres Clerici, lite cum defuncto jam contestata, coram Judice Ecclesiastico convenitur, & econtra. *Strein hic.* cum communi *DD. arg. l. Venditor. 49. ff. cod. quorum ratio est;*

est; quia hæres cum defuncto fictione Juris eadem censetur esse persona. *Novell. 48. pr.*

12 Porro defuncti jus activè & passivè ita hæredi adhæret, ut etiam impediatur ea, quæ aliàs eidem aliunde competunt; sic enim si mater bona paterna filii vendit, quamvis malè agat, tamen si filius hæres matris esse velit, non potest sic venditam recuperare, dicendo: ego hæc vendita bona repeto, non ut hæres matris, sed ut bona mea à patre mihi relicta. *l. Cum à Matre. 14. C. de Rei vindic.* Sic etiam, si filius rem aliquam, paterno testamento alienari prohibitam extra familiam malè vendat, non potest hujus vendentis hæres alienationem revocare, dicendo, se in re alienata fuisse substitutum, consequenter eam à defuncto non potuisse alienari. *l. Filiusfamilias. 114. §. 15. ff. de Legat. I. & l. Vindicantem. ff. de Evict.*

13 Objici solet contra Regulam: Mors omnia solvit *Novell. 22. cap. 20. pr.* Ergo Jura non transeunt ad heredem. Sed Respond. hoc intelligendum esse de merè personalibus, talibus, quæ personæ ita sunt propria, ut alteri convenire nequeant, indeque cum ipsa pereant: qualia sunt vota merè personalia, quæ morte voventis omnia solvuntur, & extinguuntur, nec ad hæredes transeunt, uti cum communi aliorum diximus *Lib. III. Tit. 34. de Voto & voti redempt. n. 4.* Item quoad crimina, & pœnam criminalem, ne ulterius progrediatur pœna, quàm delicta. *l. Sancimus. 22. C. de Pœnis.* ibi: *Peccata igitur suos teneant Autores, nec ulterius progrediatur metus, quàm reperiatur delictum.* nisi forsan ex delicto defuncti aliquod commodum ad heredem pervenerit; circa hoc enim etiam hæres tenetur, & conveniri potest. *l. In Heredem. 26. ff. de Dolo. Ne alieno scelere dicitur. l. un. C. ex Delictis defuncti. & l. Quod diximus. 16. §. 2. ff. quod met. caus. gest.* ibi: *Quod turpiter, vel scelere questum est, ad compendium heredis non debet pertinere.* Secus est de realibus juribus, quæ minimè solvuntur morte, per dicta & probata hætenus.

14 Objicitur 2. Donator habet jus revocandi donationem ob ingratitudinem donatarii, quod tamen jus non competit hæredi, textu expresso *c. fin. de Donat.* ibi: *Propter ejus ingratitudinem, in quem liberalitas est collata, donatoris persona de rigore juris po-*

*tuit eam revocare: si forte in ipsum impias manus injecerit, aut sibi atroces injurias, seu grave rerum suarum damnum, vel vite periculum inferre præsumpserit; quod tamen ad donatoris, qui hoc tacuit, non extenditur successores. junctâ l. fin. C. de Revocat. Donat. Resp. cum Gloss. in cit. c. fin. & Etenim: Jus revocandi donationem ideo non competere hæredi, quia donator tacendo, & non revocando, sicque moriendo præsumitur injuriam ingrato donatario remisisse, forsitan eo fine, ut & ipse facilius veniam impetret à Deo scilicet peccatorum. Remittens autem jus suum nec ipse amplius illud revocare potest, multò minùs hæres ipsius. *can. quàm periculosum. 8. cau. 7. q. 1. ibi: nec recipere id, ostendit modum potuerit, quod semel cessit. & l. Quæritur. 14. §. 9. ff. de Editit. Edict. ibi: Remittentibus enim actiones suas non est regressus dandus.**

Objicitur 3. Marito illud privilegium competere, ne conveniatur de restituenda dote ultra id, quod commodè potest, & tamen hæres illud totum restituere debet. *l. Maritum. 12. ff. Solutio Matrim.* ibi: *Maritum in id, quod facere potest, condemnari, exploratum est: sed hoc heredi non esse præstandum, ergo hæres non succedit in omne jus defuncti.* Resp. Hoc esse privilegium merè personale mariti quâ talis, indeque sicut alia privilegia merè personalia cum persona extingui. *l. Quia tale. 13. ff. Solutio Matrim.* ibi: *Quia tale privilegium personale est, & cum persona extinguitur.*

Quæritur II. An? & quales Fallentias habeat Regula XLVI? Resp. Quamvis Regula aliàs procedat in omnibus contractibus, tamen Fallit 1. in Mandato *l. Qui negotia. 34. §. 1. ff. Mandati.* 2. in Contractu Societatis *l. Actione. 65. §. 9. ff. pro Socio.* ibi: *Morte unius Societas dissolvitur - nec heres socii succedit.* 3. in Precario; licet enim precarium etiam ad heredem illius, qui precario concessit, transeat: tamen non transit ad heredem illius; qui precario rogat. *l. Cum precario. 12. §. 1. ff. de Precario.* ibi: *Precario rogatio, & ad heredem ejus, qui concessit, transit: ad heredem autem ejus, qui precario rogavit, non transit; quia ipsi duntaxat, non etiam heredi, concessa possessio est.*

17 Fallit 4. in Donationibus inter virum, & uxorem; hæ enim à donantibus revocari possunt, non item ab hæredibus ipsorum, sed confirmantur morte donantis. *l. Cum hic status. §. 2. ff. de Donation. inter virum & uxorem*: nisi donans ante mortem pæniteat, & donationem revocet tacite vel expresse. *cit. l. Cum hic status. §. 4. ibi: Sed ubi semel donatorem pænituit, etiam hæredi revocandi potestatem tribuimus, si appareat, defunctum evidenter revocasse voluntatem.* juncto *c. fin. cod. ibi: que tamen penitus evanescit, si revocetur ab eo tacite vel expresse.* Quando autem tacite revocata censetur donatio inter virum & mulierem, suf-

ficienter declaratum habetur *lib. IV. Tit. 20. de Donation. inter virum & uxorem. §. 1. à n. 21.*

Fallit 5. & quidem universaliter in cum-18
 Ais privilegiis merè personalibus, utpote quæ ad successorem nunquam transeunt, sed cum persona extinguuntur, prout in simili jam diximus supra *n. 15.* Quia universaliter juxta *l. In omnibus. 68. ff. de Reg. Jur.* In omnibus causis id observatur, ut ubi personæ conditio locum facit beneficio, ibi deficiente ea, beneficium quoque desiciat. Concordat *Regula 7. de Reg. Jur. in 6. Privilegium personale personam sequitur, & cum persona extinguitur.*

REGULA XLVII.

Præsumitur ignorantia, ubi scientia non probatur.

S U M M A R I U M.

1. Regula unde?
2. Intelligentia est de sola ignorantia facti:
3. Et quidem alieni.
4. Ponitur verus sensus Regule.
5. Declaratur exemplis: & seqq.
7. Papa per suas leges non censetur derogare statu-

- tis & consuetudinibus locorum, nisi exprimat.
8. Ubi præsumitur scientia, allegans ignorantiam, eam probare debet.
9. Potest probari triplici modò.
10. Fallit Regula in notoriis, & in iis, que scire debemus ex officio.

1 **H**æc Regula multum concordat cum Regula XIII. *de Reg. Jur. in 6. Ignorantia facti, non Juris excusat.* eamque ulterius declarat: & desumpta censetur ex iisdem legibus.

2 Quæritur I. Quomodo hæc Regula intelligenda? Et quis verus illius sensus sit? Resp. I. Quamvis Regula ista generaliter loquatur, tamen de sola Ignorantia facti, non Juris intelligenda venit, uti post Dylum bene observat Gloss. hic communiter recepta, quia eorum, quæ Juris sunt, non ignorantia, sed scientia regulariter præsumitur, indeque ignorantia eorum non excusat, per dicta supra *ad cit. Reg. 13. de Reg. Jur. in 6.*

3 Immo non de quavis, sed de alieni duntaxat facti ignorantia intelligenda est; quia propria facta ignorare, nemo prudenter præsumitur, per dicta *ad cit. Reg. 13.* ubi etiam declaratum habetur, quid sit Ignorantia ut sic: & quid ignorantia Juris & facti, proprii & alieni.

4 Resp. II. Verus sensus Regulæ hic est: *Facti alieni Ignorantiam habere in dubio qui-*

vis præsumitur, nisi probetur, eum tale factum scivisse. Ratio Regulæ est; quia, uti jam supra *ad Reg. 13. n. 10.* dictum est, facta aliena ferè innumera, ac diversa sunt, indeque etiam experitissimos, & prudentissimos facile latere, & fallere possunt, uti dicitur *l. 2. ff. de Jur. & Facti Ignorant.* consequenter stante dubio in judiciis Ignorantia merito præsumitur; ita, ut onus probandi scientiam transferatur in adversarium, qui, si eam non probet, hoc ipsò jam Ignorantia facti ex præsumptione, sufficienter probata, & ignorans pro excusato habetur, uti post Gloss. in *l. 1. C. ad S. C. Macedon.* bene docet Barb. *hic n. 2.*

Declaratur, & firmatur Regula exemplis Juris: Sic enim si quis in Clericum clericaliter non incedentem, indeque ex præsumptione ignorans, eum esse Clericum, manus violentas injiciat, non excommunicatur. *c. si verò. 4. de Sentent. Excom.* Sic etiam dominus ignorare præsumitur, servum suum militiæ nomen dedisse, indeque servi restitutionem petere potest. *l. super servis 6. C.*

qui

qui militat. poss. Sic insuper tutor præsumitur ignorare, se tutorem esse constitutum, ac propterea pupillus adversarius probare tenetur, illum hoc scivisse. *l. Hoc autem 6. ff. de Administratione, & Periculo Tutor. ibi: Hoc autem, quod cognovit tutor, pupillus probare debet.*

6 Sic ulterius ignorare præsumitur pars litigans, sententiam definitivam contra se latam fuisse, ac propterea fatalia appellandi ei non currunt, nisi à die notificatæ sententiæ. *l. 1. §. fin. ff. quando appelland. ibi: si adversum absentem fuerit pronuntiatum, biduum, vel triduum, ex quo quis scit, computandum est, non ex quo pronuntiatum est.*

7 Sic rursus Summi Pontifices, quia præsumuntur ignorare particulares consuetudines, & statuta locorum, tanquam quid facti, eis per constitutionem generalem derogare non consentur, nisi expriment, eleganti textu *c. 1. de Constit. in 6. ibi: Licet Romanus Pontifex (qui iura omnia in scrinio pectoris sui censetur habere) constitutionem condendo posteriorem, priorem, quamvis de ipsa mentionem non faciat, revocare nescatur: quia tamen locorum specialium, & personarum singularium consuetudines & statuta (cum sint facti, & in factis existant) potest probabiliter ignorare, ipsi, dum tamen sint rationabilia, per constitutionem à se noviter editam (nisi expresse caveatur in ipsa) non intelligitur in aliquo derogare*

8 Obijcitur autem contra Regulam: Dantur multi casus, in quibus etiam facti alieni ignorantia non præsumitur, sed probari debet: sic enim *c. fin. qui Matrim. accus. poss.* disponitur, ne quis admittatur ad accusandum matrimonium præviis denuntiationibus in facie Ecclesiæ contractum, nisi iuramentò affirmet, & probet, se impedimentum matrimonij prius ignorasse. Pariter non admittitur ad impugnandam electionem, pro qua votum dedit, etiam si dicat, se inhabilitatem electi antea ignorasse, nisi iuramentò talem ignorantiam probet *c. Nulli 8. de Elect. in 6. ibi: de huiusmodi autem ignorantia si dem faciat propriò iuramentò. &c.* cum Strein hic, & aliis, hos & similes casus non obesse Regulæ; quia hæc tantum dicit, *in dubio* præsumi ignorantiam facti, non autem ibi, ubi

cessante dubio militat rationabilis præsumptio, & verisimilitudo contra allegantes ignorantiam facti alieni; in huiusmodi enim casibus allegans ignorantiam, eam probare tenetur. Et ideo, quia in præfatis Juris casibus talis præsumptio etiam habetur, allegans ignorantiam, eam probare merito adigitur. Loquendo enim de primo casu, meritò suspectus est ille, & præsumitur contra illum, qui matrimonium præviis denuntiationibus in facie Ecclesiæ contrahi scivit, & tacuit, postea primum sub prætextu ignorantie matrimonium accusare vult: sicut & ille, qui electionem etiam suò votò factam, prætextu prius ignoratæ inhabilitatis in electo impugnat; cum ipse de habilitate eligendi diligenter prius inquirere ex officio obligatus fuisset.

Porro in casibus, in quibus allegans ignorantiam, eam probare tenetur, ob præsumptionem sibi contrariam, potest eam probare triplici modò, uti bene hic advertit Vivian. & quidem primò, mediò iuramentò, *arg. cit. e. fin. qui Matrim. accus. & c. Nulli 8. de Elect. in 6.* Secundò, probando id, ex quo necessariò sequitur, te ignorasse, v. g. quia fuisti tunc furiosus, phreneticus, *arg. c. Cum dilectus 3. de Success. ab intest.* Tertiò, probando id, ex quo non quidem necessariò, attamen verisimiliter sequitur, te ignorasse, puta, quia fuisti absens. *Gloss. hic.*

Quæritur II. An? & quibus Fallentiis 10 subiecta sit Regula XLVII? Resp. Eam fallere 1. in iis, quæ sunt publica, & notoria. Vivianus hic cum communi aliorum; quia in his non ignorantia, sed scientia præsumitur, per Jura allegata supra ad *Reg. 13. n. 19.* Fallit 2. ob dictam rationem in iis, quæ quis etiam in facto ex officio indagare, & scire tenetur, cum scire, & scire debere, ac facile posse æquiparentur, per Jura citata in memorata *Reg. 13. n. 9.* indeque facti ignorantia non excuset Pastorem juxta *c. quamvis 10. de R. J. ibi: Non enim potest esse Pastor excusatio, si lupus oves comedit, & Pastor nescit.* Fallit 3. ita, ut non tantum facti alieni juxta Regulam, sed etiam facti proprii præsumatur ignorantia in casu, de quo diximus ad sæpe cit. *Reg. 13. n. 11.*

REGULA XLVIII.

Locupletari non debet aliquis cum alterius injuria
vel jactura.

SUMMARIUM.

1. Regula unde?
2. In sensu disjunctivo sufficit unum verificari: in conjunctivo omnia verificari debent.
3. Regula est intelligenda in sensu copulativo: & quare.
4. Ponitur verus sensus Regule.
5. Cum injuria alterius locupletari dicitur, qui rem alterius injuste accipit, vel retinet; etsi postea perdat.
6. Item qui utitur rebus alienis, ut suis parcat: vel diutius, quam concessum.
7. Regula procedit etiam in causis privilegiatis, vel

in pupillis:

8. In Republica:

9. In Ecclesiis, & Monasteriis.

10. Fallit Regula in casu, quo quis Chirographum de mutuo accepta pecunia dedit, quam non accepit.

11. Item si quis ex errore judicialiter agnitus est cohæres.

12. Qui cum damno quidem, sed absque injuria alterius locupletatur, non agit contra Regulam.

13. Privilegia ita debent interpretari, ut vel nullum, vel minus præjudicium afferant tertio.

Desumitur hæc Regula ex *l. jure natura. 206. ff. de Reg. Jur.* ibi: *Jure natura equum est, neminem cum alterius detrimento, & injuria fieri locupletariorem.* Cui concordat *l. Nam hoc natura. 14. ff. de Condict. indebiti.* ibi: *Nam hoc natura equum est, neminem cum alterius detrimento fieri locupletariorem.*

2. Queritur I. Quomodo hæc Regula intelligenda? & quis verus illius sensus sit? Ante responsionem Notandum, controversiam esse inter Doctores, an Regula sit intelligenda in sensu disjunctivo, vel copulativo? Glossa siquidem *hic* post Dylum *hic. n. i.* vult, eam in sensu disjunctivo esse sumendam: consequenter non tantum illum contra Regulam agere, qui locupletatur cum injuria alterius, sed etiam illum, qui sine alterius injuria, attamen cum detrimento, & damno illius locupletatur. Rationem dant; quia, Regula in sensu disjunctivo adhiisito termino, vel expressè loquitur illis verbis: *cum alterius injuria, vel jactura*: ubi autem sensus sic disjunctivè ponitur, sufficit unum verificari. *l. Plane. 94. §. 2. ff. de Legat. l. i. Si illud. 27. ff. de Legat. II. ibi: Si illud, aut illud legatum sit, unum legatum est. junctâ l. Cum pupillus. 78. §. i. ff. de Condition. & Demonstrat. ibi: Disjunctivè modo conditionibus adscriptis, alteram defecisse non oberit, alterâ vel postea adimpletâ. cum Concord. sicut e contra illa, quæ in copulativo sensu per terminum & proponuntur, omnia verificari debent. *l. si heredi 5. ff. de Condit. instit. ibi: si heredi plures conditiones conjun-**

etiam date sint, omnibus parendum est, quia unius loco habentur. Verum his non obstantibus

Resp. I. Quamvis Regula in sensu disjunctivo loquatur, tamen in sensu copulativo intelligenda est; consequenter ille duntaxat contra Regulam agit, qui cum damno, & injuria alterius locupletatur: non item ille, qui quidem cum damno, & detrimento alterius, non autem cum injuria illius, sed justò titulo locupletior fit. Magnerius in *cit. l. jure natura. ff. de Reg. Jur. Menoch. Consil. 787. n. 19.* Taccin. *hic. n. i.* & alii; Ratio est; tum, quia Regula *206. ff. de R. J.* ex qua nostra desumitur, etiam in sensu copulativo loquitur: Tum quia terminus disjunctivus *vel* subinde etiam pro termino copulativo & in jure sumitur *l. cum quidam. 4. §. Melius itaque. C. de Verb. & Rer. significat.* ibi: *Melius itaque nobis visum est, omni hujusmodi verbositate explosa, conjunctionem, aut, pro & accipi, ut videatur copulativè modo esse prolata.* Et quidem tunc præcipuè quando aliàs sequeretur absurdum, uti in proposito esse videtur; cum innumeri casus ab hac Regula essent reprobat, qui in jure pro justis habentur: quod utique absurdum videtur; sic enim si cum solo detrimento alterius, sine injuria ejusdem locupletari vi hujus Regule non liceret, omnes etiam legitimæ præscriptiones eidem essent contrariæ: item omnia lucra in bello justo reportata: innumera commoda ex variis contractibus cum alterius detrimento justè acquisita: nec non cuncta illa

illa compendia, quæ ob bonum Reipublicæ uni, cum jactura alterius, obveniunt. Hinc

4. Resp. II. Verus Regulæ sensus sequens est: *Nemo debet cum alterius injuria, & jactura, seu detrimento locupletari.* Ratio est; quia non solum Juris positivi, sed etiam naturalis est; *neminem injustè ledere: suum cuique tribuere*, relinquere, & non auferre. *l. Justitia. 10. ff. de J. & J. & S. Juris. 3. Instit. eod. ut pro merito ad propositum dicat Eloquentiæ Princeps. lib. 3. Offic. Hominis incommodum suum augere commodum magis est contra naturam, quàm mors, quàm paupertas, quàm dolor, quàm cætera, quæ possunt aut corpori accidere, aut rebus externis.*

5. Dicitur autem quis cum injuria & jactura alterius locupletari, qui rem alienam injustè accipit, vel retinet, suisque rebus committet, & iis pro suo commo lo utitur, etiam si postea apud eum pereat. *l. Si ipsa res. 18. ff. quod met. caus. gest. ibi: Si ipsa res, que ad alium pervenit, in pecuniam, vel aliam rem conversa est, nihil amplius querendum, quis exitus sit, sed omnino locuples factus videtur, licet postea deperdat.* Item etiam ille, qui ab alterius solutione cum ejusdem injuria se liberat, vel alterum sibi obligat. *l. Cum Mulier. 50. ff. de Donat. inter Virum & Uxor.*

6. Rursus cum injuria & jactura alterius locupletari dicitur, qui, ut pareat suis, utitur rebus alienis, v. g. equis ad vehendum, bobus a larandum, navibus ad navigandum, curribus, instrumentis, suppellectilibus &c. item, qui re aliena sibi concessa ultra tempus utitur: item qui se, suasque res à communi onere subtrahit, & alienas subijcit. *Strein. hic. n. 1.* hoc ipso enim, quod alienis utens, suas res conservet, locupletior factus censetur, quia pauperior factus non est; cum aliàs suis uti, easque utendo consumere, sicque in illis pauperior fieri debuisset. *l. In pupillo. 47. ff. de Solut. ibi: Nam hoc ipso, quò non est pauperior factus, locupletior est.*

7. Porro Regula nostra generaliter ad omnes, etiam aliàs privilegiatas personas, & causas se extendit; qui hæc quoque Juri naturali, in quo Regula nostra fundatur, juxta dicta *n. 4.* subijecte sunt, in quæ jus suum cuique tribuere, & relinquere, neminem ledere, ac consequenter cum alterius injuria & jactura locupletari non debent: Hinc in specie etiam pupilli ea, ex quibus cum injuria, & jactura fierent locupledores, remanere vel compen-

sare debent. *l. Si pupilli. 6. pr. ff. de Negot. gest. ibi: Sed & pupillum, modo si locupletior fuerit factus. juncta l. In pupillo. 47. & l. Si pupilli. 66. ff. de Solut.*

Sic etiam Reipublica, etsi Jure pupilli 8 gaudeat, *l. Rempublicam. 3. C. de Jure Reipubl. ibi: Rempublicam ut pupillam extra ordinem jurari moris est.* tamen cum injuria, & gravamine aliorum lucrum capere non potest; sicut nec Princeps, nec fiscus, *l. 1. C. de Naufrag. ibi: Si quando naufragio navis expulsa fuerit ad latus, vel si quando aliquam terram attigerit, ad dominos pertineat: Fiscus meus se se non interponat. Quod enim jus habet fiscus in aliena calamitate, ut de re tam lucrosa compendium sceleretur.*

Sic ultimus Ecclesiæ quoque, & Monasterium, etsi res indebitè alienatas repetere possit, tamen pretium pro ea acceptum restituere debet, ne cum injuria & jactura alterius locupletetur, prout jam dictum & probatum habetur *Lib. III. Tit. 13. de Reb. Eccles. alien. n. 56. & seqq.*

Quæritur II. An? & quas Fallentias 10 patiatur Regula XL. III. Resp. Eam quoad forum externum fallere primò in casu, quò quis alteri chirographum de sit de mutuo accepta ab eo pecunia; in hoc enim casu chirographum habens exigere potest pecuniam in chirographo contentam, licet eam mutuo nondam dederit, si debitor chirographum intra biennium non repetat, & de non numerata pecunia nullam exceptionem faciat. *l. In Contractibus. 14. C. de non numerat. pecun.*

Fallit secundò in foro externo in casu, 11 quò quis coheres judicialiter agnitus per item hereditatis accipit, eam restituere non amplius tenetur, etsi postea plenè constet, eum verum heredem de Jure non fuisse. *l. Cum putarem. 36. ff. Famil. Eriscund. ibi: Cum putarem, te coheredem meum esse, idque verum non esset, ego tecum Familie Eriscundæ judicio, & a judicio invicem adjudicationes, & condemnationes factæ sunt: quare, rei veritate cognita, utrum conditio invicem competat, an vindicatio, & aliud in eo, qui heres est: aliud in eo, qui heres non sit, dicendum est? R. ponit: quia cum heres erat, si, cum putarem, Titiam coheredem habere, acceperit cum eo Familie Eriscundæ judicium, & condemnationibus factis solverit pecuniam, quoniam ex causa iudicati solvit, repetere non potest. Dicitur tamen notanter in utraque Fallentia: quoad forum externum; quia, uti cum aliis bene ad- 12 verut Strein hic. n. 3. l. accin. n. 10. in foro con-*

conscientiæ ille, qui pecuniam, quam mutuatam non dedit, repetit, & acquirit, retinere non potest, sed restituere tenetur: sicut & ille, quisque, se hæredem non esse, pro tali quibuscunque tandem artibus in foro externo se probavit, partem hæreditatis acceptam restituere debet, ne cum injuria & jactura alterius locupletetur. Nisi forsan hic posterior bona fide credens, se cohæredem esse, litem inceptit, & causam lucratus fuerit; quia tunc autoritate rei judicatæ, quæ ex præsumptione juris, & de jure directam probationem in contrarium non admittente, pro veritate habetur, dominium rei iuste acquirit, eò ferè modò, quò in Præscriptione.

- 12 Fallere Regulam *tertiò* in omnibus, in quibus quis cum damno quidem, sed sine injuria alterius locupletatur, siquæ in utroque foro securus est, uti in præscriptione, juxta bello, variis contractibus, privilegiis, dicunt illi, qui Regulam in sensu disjunctivo juxta dicta *n. 2.* intelligendam esse volunt. Verum quia nos eam in sensu copulativo intelli-

gi debere supra *n. 3.* docuimus, hos casus inter fallentias non numeramus.

Illud tamen circa Privilegia specialiter³ notandum duximus, quod, cum hæc plerumque aliis aliquò modò præjudicent, ea in dubio ita accipiantur, ut vel nullum, vel minus præjudicium afferant. *arg. c. quid perno- vale. 21. de. v. s. & can. de Ecclesiasticis 8. cau. 25. q. 2. ibi: De Ecclesiasticis Privilegiis, quod vestra fraternitas scribit, hoc postposita dubitatione teneat; quia, sicut nostra defendimus, ita singulis quibusque Ecclesiis sua jura servemus: Nec cui bet favente gratia, ultra, quam meretur, impertior, nec ulli hoc, quod sui juris est, ambitu stimulante derogabo: Sed fratres meos per omnia honorare cupio, siquæ studeo honore singulos subvehi, dummodo non sit, quod alteri jure ab altero possit opponi.* Dicitur autem notanter in dubio; quia ubi verba privilegij sunt clara, juxta ea, non obstante aliquà jacturâ tertij (dummodo in jure jam quæsito non sit) procedendum est; quia juxta Brocardicum: *Verba clara non admittunt interpretationem, neque voluntatis conjecturam;* prout amplius dictum habetur *lib. 1. Tit. 2. de Confit. §. ib. n. 384. & seq.*

REGULA XLIX.

In poenis Benignior est Interpretatio facienda.

S U M M A R I U M.

1. Regula unde?

2. Est intelligenda, quando verba circa penas sunt dubia:

Ubi poenæ clarè statuta, non potest in illis dispensare Judex inferior.

3. Ponitur verus sensus Regulae.

4. Declaratur exemplis.

Desumitur hæc Regula ex l. *Factum* cuique. 155. in fin. ff. de leg. Jar. ibi: In poenalibus causis benignius interpretandum est. Cui concordat l. Interpretatione. 42. ff. de Penis. ibi: Interpretatione legum poenæ molliendæ sunt potius, quam exasperandæ.

- 2 Quæritur I. Quòmodo hæc Regula intelligenda? & quis verus illius sensus sit? Resp. I. Regulam tantum procedere in dubio, seu tunc, quando in lege, statuto, vel alia dispositione poenæ certa clavis verbis non invenitur imposita. Hoc enim ubi invenitur, juxta clarum textum habet Judex procedere, & poenam nec exasperare, nec mitigare potest, prout jam dictum est *lib. 1. Tit. 2. §. 17.*

5. Fallit Regula 1. in poenâ Excommunicationis, utpote quæ indefinitè posita semper major intelligitur.

6. Fallit 2. in delicto Contumacie.

7. Fallit 3. in interdicto: huic enim si subjicitur civitas, etiam suburbia interdicta consentur.

8. Fallit 4. in delictis atrocibus.

Cogitationis poenam nemo patitur. *ibid.*

n. 428. cum verba clara non admittit interpretationem per dicta *n. fin.* in præcedenti Regula, & Judex inferior minister duntaxat legis, & executor illius sit, nullam habens in ea dispensandi, aut mutandi potestatem: nec gloriam in severitate, vel clementia affectare debeat. I. Perspicendum, 11. ff. de Penis. ibi: Perspicendum erit judicanti, ne quid aut durius, aut remissius constituitur, quàm causa deposcit: Nec enim aut severitas, aut clementie gloria affectanda est: sed per pensò judicio, prout quæquæ res exposulat, statuendum est. Hinc

Resp. II. Verus Regulae sensus hic est: 3
Quando in lege, vel alia dispositione verba circa penas non certa & clara, sed ambigua sunt,

*sunt, mitior, & benignior interpretatio faci-
enda est.* Ratio est; quia *Odia restringi, &
favores convenit ampliari.* per Reg. 15. de
Reg. Jur. in 6. Et semper in dubiis benigniora
preferenda sunt. l. Semper. 56. ff. de Reg. Jur.
atque In obscuris minimum (id est, minus gra-
vans, & obligans) est sequendum. Reg. 30.
Jur. in 6. Siquidem ea tantò digniora sunt
imitatione, quanto excellentiora pietate. can.
fin. dist. 9.

4 Declaratur, & firmatur Regula exemplis
Juris; Nam præter ea, quæ ad propositum
jam adduximus in explicatione cit. Regule 15.
& 30. ac Lib. I. Tit. 2. §. 17. si varia pœna
pro delicto disjunctivè in Jure inflicta habe-
tur, vi hujus Regulæ mitior eligenda est. can.
Eos. 42. dist. 50. can. Si quis. 41. can. 24. q. 1.
Item si verba legis penam perpetuam, vel
temporalem importare possunt, assumenda
est temporalis. c. Ex literis. 11. de Constit. ubi
Summarium sic habet: *Pœna simpliciter ap-
posita, intelligitur temporalis, non perpetua.*
Et ubi in illa reperitur verbum: *puniantur,*
priventur &c. non additò *in ipso Jure,* vel
ipso facto, ut c. Quia propter. 42. de Elect.
intelligendum est de privatione, vel punitio-
ne per sententiam Judicis, non ipso facto, aut
jure. Glossa hic communiter recepta. Si
amputanda est manus, sinistram potius, quàm
dextram, vel aridam, si quæ habetur, utpote
minis utilem accipere debemus; Nam præ-
ter jam allegata Jura universaliter etiam ra-
pienda est occasio, quæ præbeat benignius
responsum. l. Rapienda. 168. ff. de R. J. Plura
exempla vide apud Gloss. hic.

5 Queritur II. An? Et in quibus fallat
Regula præsens? Resp. in sequentibus, & qui-
dem I. Fallit in pœna Excommunicationis.
Quandocunque enim sive per sententiam,
sive per decretum, sive in Jure imponitur pœ-
na Excommunicationis, non de minori, sed
majori intelligenda est. c. Si quem 59. de Sen-
tent. Excom. ibi: *Si quem sub hac forma ver-
borum; illum excommunico: vel simili, à Ju-
dice suo excommunicari contingat, dicendum
est, cum non tantum minori, quæ à perceptione
Sacramentorum, sed etiam majori excommu-
nicatione (quæ à communione fidelium sepa-
rat) esse ligatum.*

6 Fallit 2. in delicto contumaciæ: contra

hanc enim Judicem eâ pœnâ, quæ magis ti-
meri debet, procedere oportet, uti habetur
c. & §. fin. Ut lite non contestata. Idque
merito; quia contumacia delictis addita ma-
litiâ auget, indeque majore castigatione in-
diget: præsertim cum hæc animæ contumaci
prosit, cujus in Ecclesiasticis, præcipua ratio
habenda est. Felin. in c. fin. de Præsumpt.
Barb. in c. Veniens. de Presbyt. non baptizato.
Strein hic. n. 3.

Fallit 3. in materia Interdicti; quia si
interdicitur civitas, etiam suburbia censentur
interdicta, ne in vilipensionem legis ab inter-
dicta civitate facilè confugiat ad suburbia:
sic pari ratione si interdicitur Ecclesia, etiam
Capellæ, & Cæmeterium eidem contigua
manent interdicta. c. Si civitas. 17. de Sen-
tent. Excom. in 6. ibi: *Si civitas, castrum, aut
villa subiciantur Ecclesiastico interdicto, illorum sub-
urbia, & continentia adjecta eò ipso volumus inter-
dicta.* Nam licet prædicta videantur aliàs muro-
rum ambitu terminari: hoc tamen casu ne vilipendi
valeat sententia interdicti (quod fieret, si posset in
ipsorum suburbis, vel continentibus adjectis licitè
celebrari ut prius) expedit, interpretationem facere
latiorem. Ratione quoque simili si sit Ecclesia inter-
dicto supposita, vel subiecta, nec in Capellis ejus cele-
brari, nec in cæmeterio ipsius, eidem Ecclesiæ conti-
guis poterit sepeliri: secus si ei contigua non existant.

Fallit 4. in delictis valde atrocibus, ut-
pote in quibus severiora sunt eligenda. Pe-
ckius hic. n. 8. Taccin. hic. n. fin. arg. l. Di-
vus. 33. ff. de Rejudicat. ibi: *rem severe vin-
dica.* adeo ut, licet aliàs conformiter Regu-
læ, benignè interpretando verba legis pœna-
lis cum effectu sint intelligenda. can. Hac au-
tem verba. 17. de Penitent. dist. 1. solæque
voluntas, & conatus non sufficiant; quia cogi-
tationis penam nemo patitur. can. Cogitatio-
nis. 41. de Penit. dist. 1. & l. 1. §. 2. ff. quod
quisque Juris. ibi: *Quid enim obsuit conatus,
cum injuria nullum habuerit effectum?* tamen
in atrocissimis delictis punitur affectus, licet
non fuerit secutus effectus. ut habetur l. Si
quis. 5. C. de Episcop. & Cleric. ac Gloss. in c.
fin. x. Conatus. de Sponsal. plures ad propo-
situm citans casus: & specialiter in Jure dispo-
situm habetur de criminibus laesa Majestatis,
l. Quisquis. 5. pr. C. ad Leg. Julia Majest. ibi:
*eadem enim severitate voluntatem sceleris,
quæ effectum, puniri Jura voluerunt.*

REGULA L.

Actus legitimi conditionem non recipiunt, neque Diem.

SUMMARIUM.

1. Regula unde desumpta?
2. Actus legitimi sunt in duplici sensu: in primo sunt, & vocantur tales, qui legibus existunt conformes.
3. In secundo autem sensu, & ad propositum sunt illi, quorum valor in futurum suspendi nequit, indeque conditionis, vel diei apposta incapaces sunt.
4. Conditiō alia est de praterito, alia de presenti, alia de futuro, ultima alia de contingenti, alia de necessario.
5. Regula est intelligenda de actibus legitimis in secundo sensu acceptis.
6. Ponitur verus sensus Regulae.
7. Conditionem de praterito, & presenti omnes actus legitimi recipiunt.
8. Sicut etiam conditionem de futuro necessario.
9. Nec non conditionem de futuro contingenti, quae

ex natura actus necessario tacite inest:

10. Non item illam, quae quidem tacite, sed non ex natura actus inest.

Differentia inter hanc, & priorem conditionem. Ibid.

11. Declaratur Regula exemplis Juris: & seqq.

Solvitur instantia de additione hereditatis. Ibid.

12. Electiones, & postulationes non recipiunt conditionem de futuro.

13. Neque Sacramenta, excepto Matrimonio: quod tamen etiam vitatur per oppositionem ejus substantiae contrariam.

Conditiō turpis, vel impossibilis eidem adjecta habetur pro non adjecta, ideoque non invalidat. Ibid.

14. Censura patitur appositionem de futuro.

Regula hæc desumpta habetur ex l. *Actus*. 77. ff. de Reg. Jur. ibi: *Actus legitimi, qui non recipiunt diem, vel conditionem, veluti emancipatio, acceptilatio, hereditatis additio, servi optio, datio tutoris, in totum vitantur per temporis vel conditionis adjectionem.* Quamvis enim aliqui, sed pauci velint, hanc Regulam civilem à canonica differre; cum; hæc universaliter, & indistinctè de actibus legitimis loquatur: civilis verò; hōc ipsō, quōd dicat, *actus legitimi, qui non recipiunt diem vel conditionem*: actusque hujusmodi specificet, tacite innuat esse etiam aliquos actus legitimos, qui diem, seu certum tempus recipiunt: tamen verior, ac communior, immo quasi certa est opinio eorum, qui dicunt, utramque Regulam invicem convenire, ac in nullo differre; cum, uti ex sequentibus patebit, nec Regula canonica velit, quōd nullus actus legitimus recipiat adjectionem temporis, vel conditionis, sed tacite idem dicat, quōd civilis: & hæc non solum illos, quos exempli causā adduxit, sed etiam plurimos alios legitimos actus diei & conditionis incapaces esse velit.

Quæritur I. Quomodo hæc Regula intelligenda? & quis verus illius sensus sit? Ante responsionem Notandum hic cum Barbosa. Actus legitimos in duplici accipi sensu: *Primò* quidem, quōd omnes illi sint, & verè dicantur actus legitimi, qui à Jure scripto, seu

lege inventi; introducti, & approbati sunt; quicumque enim talis actus legibus conformis, consequenter legitimus est. Et in hoc sensu non tantum supra in Regula specificati, sed etiam omnes alii à Jure approbati contractus, utpote legibus & Juri conformes, actus sunt legitimi.

Secundò, & ad propositum actus legitimi sunt, & vocantur illi, qui vel ex natura sua, vel speciali legis dispositione appositionem conditionis, vel diei, seu temporis non recipiunt: eò quōd statim certò valeant, suumque purum habeant effectum, consequenter tempus, vel conditionem suspensivam valoris non patiantur, & hōc ipsō, si quæ adjicitur, invalidi & nulli evadant, cum dies vel conditiō suspensiva substantiæ, seu essentiæ illorum, quam ex natura, vel speciali dispositione Juris habent, immediatè sit contraria.

Prænotandum ulterius, conditionem aliam esse *de praterito*, v. g. *contraho tecum*, si Titius jam est mortuus: aliam *de presenti*, v. g. si Caius defuncto gaudet hōc vel illò officio: aliam *de futuro*: & hanc ultimam aliam esse *contingentem*, aliam *necessariam*. *Contingens* est v. g. si Cæsar in proximo conflictu reportabit victoriam: *necessaria*, si eras solbrietur: ut magis patebit ex sequentibus. Hōc prænotatò

Resp. I. ad quæstionem n. 2. positam, Regulam non esse intelligendam de quovis actu

actus legitimo iuxta primum sensum n. 2. declaratum, sed de actibus legitimis in secundo sensu n. 3. declarato acceptis: Neque intelligenda est de conditione præterita, aut præteriti, sed de futura, eaque non necessaria, sed contingenti. Quod non de quolibet actu legitimo Regula intelligatur, Ratio evidens est; cum omnes actus humani à nostra libera propria voluntate, & consensu, tanquam substantiali puncto proveniant, & dependeant. *l. Consensu. 2. ff. de Obligat. & Action. ibi: Consensu sunt obligationes in emptionibus, venditionibus, locationibus, conductionibus, Societatibus, mandatis &c. juncta l. Obligationum substantia. 3. ff. eod.* Nam naturalis libertas voluntatis exigit, ut hoc, vel illò modo, sub hac, vel illa conditione quivis contrahere valeat, hoc ipso, quod sive quisque rei moderator & arbiter sit. *l. in re mandata. 21. C. Mandati.* Prout etiam plurimi actus & contractus diem, & conditionem accipiunt, sub eaque legitime sunt, uti patet ex *Tit. ff. de Condit. & Demonstrat. & Tit. ff. de In diem additione.* cum Concordant. Probaturum ergo manet, quod Regula intelligi debeat non de quovis, sed de illis dumtaxat actibus legitimis, prout in secundo sensu accipiuntur.

6 Resp. II. Verus sensus Regulæ sequens est: *Actus legitimi illi, quorum valor, & effectus in futurum contingentem eventum ex ipsa natura actus, vel dispositione Juris suspendi nequit, sed statim, ac sunt, subsistere debent, appositionem conditionis de futuro contingenti, vel diei, aut temporis non recipiunt, seu non patiuntur, indeque appositione unius, vel utriusque illico invalidi, & irriti existunt.* Itaque omnes: Ratio supra n. 3. jam est allegata; quia videlicet appositio conditionis de futuro contingenti, vel temporis futuri substantiæ eorum immediate contraria est, consequenter facit, quod appositæ valere nequeat; uti magis patebit ex Juris exemplis infra adducendis.

7 Dicitur autem notanter conditionis de futuro: quia conditionem de præteriti, vel præterito etiam præfati actus legitimi omnino recipiunt. Ratio est; quia talis conditio valorem actus non suspendit: cum hic illico valeat, & subsistat, si conditio de præteriti, vel præterito à parte rei, etiam ignorante contrahente vera est, v. g. si dicis: *accepto hereditatem, vel contraho tecum, si Rex Ro-*

manorum defacto adhuc vivit: vel, si verum est, quod mercatoribus hoc, vel illud, dederit privilegium: adiuo hereditatis, & contractus statim à tempore, quo facti sunt, validi existunt, si tunc Rex Romanorum adhuc vixit, vel si præfata privilegia revera dedit: si autem hoc verum non est, actus etiam illico à tempore, quo sunt, invalidi sunt, textu claro l. Cum ad præsens. 37. ff. de Reb. credit. ibi: Cum ad præsens tempus conditio confertur, stipulatio non suspenditur; & si conditio vera sit, stipulatio tenet: quamvis tenere contrahentes conditionem ignorant; veluti, si Rex Parthorum vivit, centum millia dare spondes. Eadem sunt, & cum in præterito conditio confertur. Accedit, quod conditio de præteriti, vel præterito pro vera conditione non habeatur, seu propriè talis non sit. l. Etiam si jus. 3. §. 13. ff. de Bonis Libert. ibi: Si tamen in præteritum collata sit conditio, vel ad præsens, non videtur sub conditione institutus. Aut enim impleta est? & purè institutus est: aut non est? & nec hæc institutus est. junctò §. Conditiones. 6. Instit. de Verb. Obligat.

Dicitur notanter ulterius: *de futuro contingenti;* quia conditio de futuro necessario, seu quæ necessario evenire debet, v. g. si dicis: *Contrabo, si cras sol orietur: vel, si etiam Imperator Turcarum mori debet: nec pro conditore appositæ habetur, nec actum suspendit, vel moratur, sed illius appositione non obstante actus statim valebit. arg. cit. l. Cum ad præsens. & cit. §. Conditiones 6. Instit. de Verb. Oblig. ac l. Si pupillus. 9. §. 1. ff. de Novationibus. ibi: qui sub conditione stipulatur, quæ omnino exitura est, purè videtur stipulari. Barbo. hic. n. 4. Taccin. hic. n. 4.*

9 Ubi tamen, advertendum, etiam conditionem de futuro contingenti, quæ ex natura actus tacitè necessario inest, non suspendere actum, nec vitare, etsi exprimatur, & actui apponatur: ut si tutoris dationi, quæ est actus legitimus, apponitur hæc conditio: *si satis dederit:* id est, si securitatem per fidejussionem præstiterit; quia licet hæc conditio sit de futuro contingenti, tamen cum dationi tutoris ex natura actus tacitè inest, non suspendit, nec vitat valorem. Barbo. hic. n. 19. arg. l. 1. & 2. C. de Tutor. & Curatore, qui satis non dedit. Sicut etiam non suspenditur, nec vitatur actus, quando in contractu, vel obligatione deducuntur fructus nascituri, etiam si hæc conditio expresse apponatur: *si nascentur;* quia hæc conditio ex natura necessario inest. arg. l. 1. ff. de Condition. & Demonstrat.

¹⁰ Secus est de conditione, quæ non ex natura actûs inest, sed ab extrinseco, ex libera disponentis voluntate apponitur; hæc enim, licet tacite inexistens non vitiet actum, tamen expressè apposita vitiat eundem. Barb. *loc. cit.* ubi differentiam inter præcedentem, & hanc conditionem, illam ponit, videlicet, quod conditio, quæ ex natura actûs necessariò tacite inest, etiam expressè apposita non suspendat, nec vitiet actum. Illa verò, quæ ex natura ipsius actûs non inest, licet tacita non vitiet actum, tamen si ex disponentis voluntate expressè apponitur, legitimum annullat actum. Unde & de hac conditione futura contingenti intelligendum est illud, quod Regulæ civili 77. ff. de Reg. Jur. ad finem subjungitur illis verbis: *Nonnunquam tamen actus superscripti tacite recipiunt*, (intellige conditiones) *quæ aperte comprehensæ vitium adferunt*.

¹¹ Cæterum declaratur & firmatur amplius Regula, ejûsque sensus exemplis Juris: & quidam inprimis illis, quæ ab ipsâ Regula Juris Civilis n. 1. allegantur; quia omnes ibi recensiti actus sunt etiam inter illos legitimos, qui suspensionem in futurum non patiuntur, sed statim valere, & suum effectum habere debent, consequenter conditionem de futuro contingenti, vel tempus in futurum non recipiunt, sed illius appositione illico invalidi existunt. Nec dicas: hæres quis sub conditione de futuro, atque ad incertum tempus institui potest. §. *Heres. g. Instit. de Hæred. instit.* ibi: *Heres & purè, & sub conditione institui potest. junctâ l. In tempus. 62. ff. eod.* ergo etiam saltem aditio hæreditatis cum conditione de futuro contingenti fieri poterit. Resp. enim negando conseq. & paritatem: disparitas est, quod per aditionem hæreditatis actu inducatur representatio testatoris: non item per institutionem hæredis.

¹² Sic ulterius electiones & postulationes conditionem de futuro non recipiunt. c. *In Electionibus. 2. de Election. in 6.* ibi: *In Electionibus & postulationibus, ac scrutiniis, ex quibus jus oritur eligendi, vota conditionalia, alternativa, vel incerta penitus repro-*

Sic insuper Sacramenta cuncta (Matrimoniò exceptò) quia sunt tales actus legitimi, quorum valor, & effectus adhibita debitâ materiâ, formâ, & intentione Ministri, suspendi in futurum non potest, conditionem de futuro non recipiunt, Barbos. *hic. n. 9.* Strein *hic. n. 2.* Taccin. Dicitur tamen notanter: *Matrimoniò exceptò*; quia, etsi conditiones contra substantiam matrimonii militantes illud illico vitient, ac invalident, & conditiones turpes, vel impossibiles pro non adjectis habeantur, c. *fin. de Condit. apposit.* ibi: *Si conditiones contra substantiam conjugii inferuntur, puta, si alter dicat alteri: contrabo tecum, si procreationes prolis evites: vel donec inveniam aliam bonore, vel facultatibus ditiorem: aut, si pro questu adulterandam te tradas: matrimonii contractus, quantumcunque sit favorabilis, caret effectu. Licet alia conditiones appositæ in matrimonio, si turpes, aut impossibiles fuerint, debeant propter ejus favorem pro non adjectis haberi. tamen aliæ conditiones honestæ etiam de futuro contingenti: v. g. contrabo tecum Matrimonium, si pater meus sit consensurus, si hoc, vel illud officium obtinebis: si Papa (casu quo potest) in impedimento inter nos versante dispensabit: apponi possunt, prout contra nonnullos amplè probavimus Lib. IV. Tit. 5. de Condit. Apposit. additis certis cautelis; quamvis Sanchez lib. 5. de Matrimon. disp. 1. n. 5. non sine fundamento dicat, in tali casu conditionem non afficere ipsum matrimonium, sed solum consensum.*

Volunt aliqui etiam censuras inter a-¹⁴ctus legitimos in secundo sensu n. 3. declarato numerare: verùm minùs rectè; quia ex Jure satis clarè habemus, quod censuræ diem & conditionem recipiant, ac sub illa ferri valeant, præsertim contra contumaces; valet enim sententia excommunicationis sic lata: nisi Sempronio satisfeceris intrâ mensem, excommunicatum te esse cognoscas: si interea reus non appellet. c. *Præterea. 40. de Appellat.* ibi: *Nisi Sempronio intrâ viginti dies satisfeceris, te excommunicatum, vel suspensum, aut interdictum esse cognoscas. cum Concord. patetque ex praxi Tribunalium.* Barb. *hic. n. 11.* Taccin. *hic* cum communi aliorum.

REGULA LI.

Semel Deo dicatum non est ad usus humanos ulterius transferendum.

SUMMARIUM.

1. Regula unde desumpta?

2. Quid per Deo dicatum intelligatur?

3. Et quid per verba ad usus humanos?

Ligna diruta Ecclesie non debent ad secularium profanos usus applicari. Ibid.

4. Ponitur verus Regule sensus.

5. Declaratur exemplis. & seq.

7. In necessitate Ecclesie possunt etiam Calices, & alia vasa sacra vendi.

8. Sicut etiam pro redemptione captivorum, vel sublevanda extrema necessitate egentium.

9. Servus invitò dominò ordinatus ei restitui debet.

Desumitur hæc Regula ex c. Mancipia. 3. de Rerum permutat. ibi ad finem: Quod enim semel Deo consecratum est, ad humanos usus transferri non decet. Concor-dat can. 4. cau. 19. q. 3. &c. Ad hæc 4. de Religiosis Domibus.

Quæritur I. Quomodo hæc Regula intelligenda? Et quis verus illius sensus sit?

Resp. I. cum Gloss. & Dyno hic, eam præcipuè intelligendam esse non de quibuscumque rebus Deo dictis, sed de rebus consecratione, vel benedictione Ecclesiastica sacratis, seu Sacris effectis: aut publica, præsertim Papali, vel Episcopali Authoritate Ecclesiastica ad cultum divinum, & ministerium sacrum deputatis; siquidem res Ecclesiarum non sacræ, etsi Deo sint dicatæ, ad usus humanos bene transeunt, v. g. fruges terræ, jumenta &c. ad Ecclesiam spectantia, utpote quæ etiam ad usus profanos ob bonum Ecclesie vendi possunt; sicut & ipsæ possessiones & bona immobilia Ecclesiarum adhibitâ debitâ solemnitate. can. sine exceptione. 52. cau. 12. q. 2. quia, etsi Deo sint dicatæ, tamen propriè sacræ, seu sacratæ non existunt.

Per verba ad usus humanos dicere vult Regula ad usus sæculares, seu secularium; quia nonnullæ res sacræ, v. g. ligna diruta Ecclesie quamvis ad usus profanos laicorum applicari non possint, tamen ad usum Clericorum id fieri potest can. 38. de Consecrat. dist. 1. ibi: Ligna Ecclesie dedicata non debent ad aliud opus jungi, nisi ad aliam Ecclesiam, vel igni sunt comburenda, vel ad profectum in Monasterio fratribus, in laicorum verò usum non debent admitti. ubi Glossa v. ad profectum, addit: non tamen indifferenter, sed vel in Capitulo, vel in dormitorio, vel in aliis Religiosis locis, non in coquina, vel vineis pastinandis.

Resp. II. Verus Regulæ sensus hic est:

Res, quæ vel per consecrationem, vel per benedictionem sacratæ, vel sacræ factæ sunt, veluti Ecclesie, Altaria, Cæmeteria, Monstrantia, Calices, Patene, paramenta Ecclesiastica, & reliqua sacra suppellex: Item Monasteria, Hospitalia, aliæque loca pia, autoritate Papali, vel Episcopali ad usum divinum, sacrum ministerium, causæve piæ principaliter ordinata, ad secularium, seu laicorum profanos usus transferenda, & adhibenda amplius non sunt. per jura hæcenus præsertim n. I. allegata. Et ratio est; quia reverentia præfatis sacris, seu sacratis rebus debita meriò exigit, ne contra primum, ac principalem finem ad profanos secularium usus amplius applicentur; cum qui contra debitam reverentiam facit, sacrilegium commitat, juxta dicta & probata ad Regulam juris 7. de R. f. in Quinto Decretalium: ubi plura exempla practica etiam ad præsentem Regulam servientia adduximus, quæ ibidem videnda, ne superflua fiat repetitio.

Pro majori tamen claritate supradictis alia adhuc juris exempla adducimus: Sic enim primò, quando Episcopus calicem ad se delatum in sciò, vel invitò dominò consecrat, non potest eum amplius Domino laico restituere, sed debet pretium illius exhibere, estque casus specialis, quò quis etiam invitus privatur re sua. can. Comperimus. 2. cau. 14. q. 6. ibi: Præcipimus, ut, quia, quod semel consecratum est, eis non valet ultra restitui, studii tui sit, ut ipse Episcopus debeat pretium dare. nisi forsan dominus haberet Capellam Domesticam consecratam, vel saltem benedictam, in qua ex legitima dispensatione Ecclesiastica celebrari valent Missæ; quia in tali casu calix consecratus non restituitur ad profanos usus domini laici, sed ad sacrum usum Sacerdotum Missas ibidem legentium.

Secundò prohibetur, ne cadavera mor-

tuorum in Altaris, aut Ecclesie indumentis sacris involvantur. *can. Nemo, 40. de Consecrat. dist. 1.* néve ad ornamentum nuptiarum, vel ornandas mentas quorumcumque, etiam Principum, applicentur. *can. Ad Nuptiarum. 43. eod. ibi: Ad nuptiarum ornatum divina ministeria non presententur, ne dum improborum contactu, pompæque secularis luxurie polluantur, ad officia sacri mysterii reddantur, indigna.* Plura exempla juris vid. *ad cit. Reg. 7. de R. J. in quinto Decretalium.*

7. *Quæritur II. An? Et in quibus Regula LI. fallat? Resp. Præter fallentias, quas explicando cit. Regulam 7. adduximus, eam insuper fallere primò in casu necessitatis, quæ laborat Ecclesia, debitis v. g. nimis gravata; in tali enim casu etiam consecratos calices, & alia vasa sacra, consciata tamen priùs, ac minuta, sicque quasi execrata, cuivis etiam laico ad profanos usus vendi possunt: nisi forsan aliis venerabilibus locis integra dari queant. can. Ea enim. 2. §. Præterea. cau. 10. q. 2. ibi: Præterea si habeat superflua vasa, cum debitor sit, nec aliunde solvere valeat, ne quid immobile alienetur, vel destrabatur, ea integra vel aliis locis venerabilibus oblata dentur, vel consciata cuilibet alii vendantur.*

Fallit *secundò*, si venditio vasorum sacrorum pro redemptione captivorum, vel alia extrema necessitate egentium sublevanda, necessaria videtur. *can. Aurum. 20. cau. 12. q. 2. ibi: Aurum Ecclesia habet, non ut servet, sed ut eroget; & subveniat in necessitatibus. & infra: cur tot captivi deducti in commercium sunt, nec redempti ab hoste occisi sunt? Melius fuerat, ut vasa viventium servares, quàm metallorum. His non posset responsum referri. Quid enim diceret? Timui, ne templo Dei ornatus deesset. Responderet: & ornatus Sacramentorum redemptio captivorum est. Et verè illa sunt vasa pretiosa, quæ redimunt animas à morte.* Plura adhuc in hoc canone pro favore pauperum reperiuntur lectu digna.

Fallit *tertiò* in servo, qui insciò, vel invitò Domino sacris Ordinibus ordinatus est; talis enim, etsi per Ordinationem Deo, Ejusque ministerio jam sit dedicatus, tamen Domino suo, etiam ad usus & labores profanos restitui debet. *can. Ex antiquis. 9. & can. frequens. 10. dist. 54. junctò c. de servorum. 2. de servis non ordinandis. ibi: Si servus fugiens dominum suum qualibet calliditate, aut fraude ad gradus pervenerit Ecclesiasticos, decretum est, ut deponatur, & ejus Dominus eum recipiat.*

REGULA LI.

Non præstat Impedimentum, quod de jure non fortitur effectum.

SUMMARIUM.

1. Regula hæc universalissima est.
2. Quid intelligat Regula per verba: quod de jure non fortitur effectum?
3. Põnitur verus sensus Regula.
4. Sponsalia cum minore septenniò non inducit impedimentum.
5. B. & J. sius & Ordo invalide collati iterari debent.
6. Testamentum primum rite perfectum non revocatur à secundo inchoato, sed necdum perfectò.
7. Depositiõ testis coram incompetente iudice facta non impedit, quin alia ei contraria fieri queat coram iudice competente.

8. Electio nulliter facta repeti potest.
9. Ponuntur fallentia Regula: & seqq.
Matrimonium ratum nulliter initum præstat impedimentum: non item sponsalia nulliter contracta: Ibid.
10. Fallit Regula in Procuratore:
11. Item in Legato,
12. Et iudice delegato, utpote qui sententiã nulliter prolata aliã ferre nequit:
13. Item in Compromissario, nam hic indignum nulliter eligens, aliũ eligere nequit:
14. Item in delictis.
Delicta non debent manere impunita.

consentur, quæ infra locò rationis afferemus.

Quæritur I. Quomodo hæc Regula intelligenda? Et quis verus illius sensus sit? Resp. I. Per verba: quod de jure non

Hæc Regula sicut æquissima, sic etiam universalissima est, utpote in omni materia, atque jure tam quoad forum externum, quàm internum procedens. Cui concordant plura jura, ex quibus desumpta

fortitur effectum: Regula idem vult dicere, ac, *quod de jure nulliter, & invalidè factum est*, consequenter omni juris caret effectum. *Non præstat impedimentum*: id est, prorsus nullam habet consequentiam, nec in minimo impedit, quin alius actus validè fieri queat, sed considerari debet, ac si factum nunquam fuisset. Hinc

3 Resp. II. Verus Regulæ sensus hic est: *Quidquid de jure nullum, seu invalidum est, consequenter omni caret juris effectum, prorsus nullum causat impedimentum, seu nullatenus impedit, quin alius actus validè & licitè fieri queat.* Ratio sumitur ex variis juris Regulis, & Maximis notoriis, uti ex Regula 64. de R. J. in 6. *Quæ contra jus fiunt, debent utique pro infectis haberi.* ac trito illo Aristot. *Ex nihilo nihil fit. & non entis non sunt proprietates.* Item: *Quod nullum est, nullum parit effectum.* arg. l. si se. 4. §. 6. ff. de Re judicat. Nec non: *Aliquid esse nullum, & sine effectum esse, paria sunt.* arg. l. Ex consensu. 23. §. 1. ff. de Appellat. & Relat.

4 Declaratur & firmatur Regula, ejusque sensus exemplis juris. Sic enim in primis Sponsalia cum minore septenniō, consequenter nulliter contracta, non causant impedimentum, seu non impediunt, quod minus contrahens postea cum matre prioris sponsæ matrimonium inire valeat, nisi forsan prior sponsa post septennium adeptum in priora sponsalia consenserit. c. Literas. 4. de Spons. impub. Ratio ibidem sola additur; *cum desponsationes hujusmodi nullæ sint.* Sic pariter sponsalia ex defectu consensûs nulla nullum præstant impedimentum publicæ honestatis, & se habent, ac si omnino contracta non fuissent, sicque non impediunt, quod minus quævis contrahentium pars cum consanguinea alterius sponsalia, & matrimonium validè ac licitè contrahere queat. can. Si verum. cau. 31. q. 2. junctō c. Accessit. 5. de Spons. Impub.

5 Sic ulterius licet aliàs Sacramenta Baptismi, & Ordinis non sint iterabilia, tamen si primò invalidè conferuntur, validè ac licitè iterari possunt. can. Quos à paganis. 52. de Consecrat. dist. 4. ibi: *Quos à paganis baptizatos asseruisti, si ita habetur, ut denuo baptizes in Nomine SS. Trinitatis mandamus.* Et c. 1. de Presbyt. non baptiz. ibi: *Si quis Presbyter ordinatus deprehenderit se non esse baptizatum, baptizetur, & iterum ordinetur.* Ratio unica est; quia, sicut Baptismus à Pagano, ita & Ordo sine baptismo

prævio collatus nulli, & invalidi fuerunt, consequenter ita se habuerunt, quasi nullatenus collati fuissent.

Sic rursus, et si liberum cuivis sit, suum 6 revocare Testamentum per ea, quæ diximus lib. III. Tit. 26. de Testament. §. 22. tamen inchoatio secundi testamenti, quò testator primum revocare intendit, huic non obest, si antequam secundum perficiat; morte præveniat. §. Ex eo. 7. Inst. quibus modis Testam. infirm. ibi: *Ex eo autem solo non potest infirmari testamentum, quòd postea testator id noluerit valere: usque adeo, ut, et si quis post factum prius testamentum, posterius facere caperit, & aut mortalitate præventus, aut quia eum ejus rei penituit, id non perfecit, divi Pertinacis oratione cautum sit, ne alias tabulæ priores jure factæ irritæ fiant; nisi sequentes jure ordinatæ & perfectæ fuerint.* Rationem ibidem hanc unicam subiungit; *Nam imperfectum testamentum sine dubio nullum est*: consequenter de jure nullum fortitur effectum, sicque prius nullatenus infirmat. Sic insuper si legatarius ex duobus v. g. prædiis disjunctivè sibi legatis unum eligit, prout potest, l. 2. & 1 ff. de Optione, vel Electione legata. & hæc electio ex certa causâ de jure est nulla, potest aliam electionem facere, quia prior, utpote nulla, juris carens effectum, non præstat impedimentum.

Sic etiam in Judiciis, si depositio coram 7 judice incompetente, consequenter de jure nulliter, & invalidè fit, non impedit, quin alia, etiam priori contraria, coram judice competente fieri queat; quia prior, utpote nulla, nullum habet effectum, & considerari debet, ac si facta omnino non fuisset. G. off. in Clement. 2. §. Ritè. de Test. & Attest. Taccin. hic. arg. c. At si Clerici. 4. de judiciis. ubi propterea Clerici coram judice sæculari etiam confessi, vel convicti de crimine, à pænâ immunes declarantur. ibi: *At si Clerici coram sæculari judice convicti fuerint, vel confessi, non sunt propter hoc à suo Episcopo aliquatenus condemnandi.* Et ratio est; quia acta coram judice incompetente sunt nulla, consequenter sine ullo juris effectum.

Sic in electione quoque, si Electio post 8 publicatum scrutinium de indigno, consequenter nulliter facta appareat, non impedit, quin eligentes novam electionem facere valeant: dummodo communis electio subsecuta non fuerit, & Canonici ex alia ratione ea vice non sint privati jure eligendi. c. Perpetuò. 7. de Elect. in 6. cum Concord. Ratio est;

est; quia prior, utpote nulla, nullum præstat impedimentum.

- 9 Quæritur II. An? Et quas fallentias patiat Regula LII? Resp. Eam fallere *primò* In Matrimonio rato; hoc siquidem, etsi invalidum sit (dummodo tale non sit ex defectu consensûs) parit impedimentum publicæ honestatis; prout idem jure antiquo etiam sponsalia de futuro præstabant: quod ultimum tamen jure novo Concilii Tridentini correctum fuit. *Trident. Sess. 24. de Reform. Matrim. cap. 3.* ibi: *Jus sitia publicæ honestatis impedimentum, ubi sponsalia (intellige de futuro) quacunque ratione valida non erunt, sancta Synodus prorsus tollit.* Impedimento ex sponsalibus de præfenti, seu ex Matrimonio rato, consurgente manente in salvo, uti de hac materia latè dictum est lib. IV. Tit. 4. de *Sponsa duorum. à n. 10.*

- 10 Fallit *secundò* in Procuratore; quia constitutio hujus etiam legitimè facta tacitè revocata censetur per subsequentem constitutionem alterius, quamvis hæc effectum non fuerit sortita; ut dum posterius constitutus munus recusavit. *c. Non injustè. 14. de Procurat. ibi: quoniam dato posteriori, prioris est procuratio revocata.*

- 11 Fallit *tertiò* in Legato: hoc siquidem alicui ritè factum, censetur tacitè revocatum, si idem postea aliileget testator, etiam si posterior legatarius hujusmodi legati sit incapax, consequenter respectu illius legatum invalidum sit. *l. Planè. 34. pr. ff. de Legat. 1.* ibi: *Planè ubi transferre voluit legatum in novissimum, priori non debetur: tametsi novissimus talis sit, in cujus personâ legatum non constitit.*

- 12 Fallit *quartò* in Judice delegato; hic enim, si sententiam de Jure nullam profert, non potest eam revocare, & aliam proferre, sed debet alius Judex deputari. *l. Si (ut proponis) 4. C. quomodo & quando jud. ibi: Si (ut proponis) pars diversa die feriato, absente, vel ignorante te, à Judice dato ferri sententiam pro partibus suis, quasi contumaciter deesses, impetravit: non immeritò Præses dero negotium alterius Judicis notioni terminandum commisit. Nisi forsan*

sententia fuisset nulla ob non servatam formam mandati, tali enim in casu adhuc judicare posset, uti observat Pirh. *de officio delegati n. 156. arg. l. Quid tamen 21. ff. de Recept. qui Arbitr.*

Fallit *quintò* in compromissario scienter,¹³ vel ignoranter eligente indignum; hic siquidem, etsi nulliter elegerit, sicque electio illius de Jure non sit sortita effectum, tamen alium eligere non amplius potest, sed eligendi potestas devolvitur ad eligentes. *c. Si compromissarius. 37. §. Si verò. de Elect. in 6.* ibi: *Si verò eligit indignum, tunc sive scienter id fecerit (cùm dolus ipseus eis, qui non sunt in culpa, non debeat imputari) sive etiam ignoranter (cùm suò sit functus officio) eligendi potestas (nisi & ipsi scienter electionem talem ratam habuerint) liberè revertitur ad eosdem.* Quæ ratio in textu expressa, videlicet, *cùm suò sit functus officio*, etiam de Judice delegato nulliter sententiente (de quo n. præc.) procedit.

Fallit *sextò* in delictis; quia quamvis hæc¹⁴ iniquè facta non præstent impedimentum, sed habeantur pro infectis, nullumque sortiantur effectum in ordine ad acquirendam utilitatem & commodum delinquentis, tamen id efficiunt, ut taxatis à Jure pænis puniri possint, & debeant, ne delicta impunita liberius; & frequentius perpetrentur. *can. 1. dist. 50.* ibi: *Si lapsis ad suum ordinem revertendi licentia concedatur, vigor canonica procul dubio frangitur discipline: dum pro reversionis spe pravæ actionis desideria quisque concipere non formidat.* & *can. 2. ibid.* *Qui semel post suam ordinationem in lapsum ceciderit, deinceps jam depositus erit, nullumque gradum Sacerdotii poterit adipisci.* Immo licet aliàs in delictis quoad pænam attendatur effectus; cùm voluntatis pænam nemo sentire debeat, & solus conatus sine effectum non puniatur, prout dictum & probatum supra ad Reg. XLIX. n. fin. tamen juxta pariter ibidem dicta, in delictis atrocibus etiam delinquendi voluntas, & conatus nullo secuto effectum punitur. Quibus concordat *l. Divus Hadrianus 14. ff. ad Leg. Cornel. de Siccariis.* ibi: *Divus Hadrianus in hæc verba rescriptit: in Maleficiis voluntas spectatur, non exitus.*

REGULA XLIII.

Cui licet, quod est plus, licet utique quod est minus.

SUMMARIUM.

1. Regula unde?
2. Procedit tam in negativo, quam affirmativo.
3. Ponitur verus sensus Regule.
4. Declaratur exemplis. & seqq.
5. Ubi ratione incorporata Parochie Monasterio competunt decima, etiam de Novalibus competunt.
6. Qui potest testamentum facere, etiam mortis causa donare potest.
7. Cui non licet minores honores accipere, nec majores acceptare valet.
8. Qui diffamare non potest, minus occidere valet.
9. Qui non potest absolvere ab excommunicatione, multo minus dispensare potest ad Ordinum usum.

10. Regula non procedit, si majus & minus sunt diversi ordinis.
11. Vel diversa in utroque reperitur ratio.
12. Qui potest occidere in adulterio deprehensam, non potest eam adigere ad adulterandum cum eo.
13. Fallit Regula, quando forma mandati aliud exigit.
14. Quando quis à minore, & non majore expressè prohibetur.
15. Fallit in Sacerdote, qui potest sub duplici, sed non sub una specie celebrare.
16. In Tutore, utpote qui, si concedente Praefecto potest vendere, tamen oppignorare rem pupillarem non potest.
17. Fallit in Praefide Provinciarum: & quomodo?

Defumitur hæc Regula ex *l. Non debet. 21. ff. de Reg. Jur. ibi: Non debet, cui plus licet, quod minus est, non licere.*

Querit. r. l. Quomodo hæc Regula intelligenda? Et quis verus illius sensus sit? Resp. I. Regulam tam affirmativè, quam negativè intelligi posse, ac debere, ita, ut, sicut in sensu affirmativo verum est: *Cui licet, quod est plus, licet utique, quod est minus.* sic e contra in sensu negativo verum quoque sit: *Cui non licet, quod est minus, utique non licet, quod est majus.* Et quamvis hæc Regula lumine naturæ videatur nota, famosò argumentò à majori ad minus, & à minori ad majus desumptò: tamen non adeò universalis est, quin patiatur moderationem, & explicationem; cum non in omnibus, sed illis duntaxat procedat, quando utrumque tam majus videlicet, quam minus ejusdem ordinis est, & in utroque eadem reperitur ratio, ac præcipuè si minus in majori continetur tanquam pars in toto, vel species in genere, uti benè observat Vivianus hic, Barbos. hic. n. 1. plures citans alios. Hinc

Resp. II. Verus Regulæ sensus hic est: *Cui licet, quod est plus, seu majus, licet etiam, quod est minus, si minus in majori, tanquam pars in toto, vel species in genere continetur: aut quando utrumque tam majus, quam minus ejusdem ordinis est, & eadem in utroque reperitur ratio.* Regulam hanc facit naturalis ratio; ut cum minus continetur in ma-

jori tanquam pars in toto, vel species in genere, naturaliter necessariò sequitur, quòd, si alicui ratione Testamenti, legati, donationis, contractus, vel alterius dispositionis licet accipere, retinere, distrahere totum, ei licere etiam debeat accipere, retinere &c. partem illius: v. g. si licet alicui accipere, vel retinere totam summam centum florenorum, tanquam majus quid, licebit eidem etiam minus v. g. quinquaginta tanquam partem in illa summa contentam accipere, retinere &c. Item si licet alicui totum fundum occupare, licebit eidem & partem illius, tanquam quid minus occupare: Item si licet alicui omnia pecora in stabulo existentia accipere, naturaliter sequitur, ei licere etiam hoc vel illud pecus in specie ibidem: Eadem naturalis sequela est, quando majus, & minus sunt ejusdem ordinis, & eadem in utroque reperitur ratio, uti patebit ab exemplis Juris statim adducendis. Nam

Declaratur, & firmatur Regula exemplis ex Jure desumptis, quorum prima reperire est apud Gloriam hic, Strein, Taccin. & alios; & quinque imprimis in sensu affirmativo: Quando licet patri filium in adulterio deprehensam occidere, licet ei illam etiam fugare, verbis objurare; quia hoc minus est, quam occidere. *l. Nec in ea 22. §. 2. ff. ad Leg. Jul. de adult. ibi: Sed qui occidere potest adulterum, multo magis contumelia poterit jure adigere.*

S

Secun-

5 Secundò, si alicui Monasterio ratione Parochiæ incorporatæ indistinctim decimas accipere licet, licebit eidem eas etiam de Novalibus capere, cum hæc respectu illarum quid minus sint. c. Ex parte. 27. de Decimis. ibi: *Cum igitur tibi, quod majus est, sit concessum, ut videlicet decimas de laboribus terre parochiarum tuarum cum integritate percipias, de Novalibus eas recipere satis potes; quia ubi majus conceditur, minus concessum esse videtur.* Dicitur autem notanter: *ratione Parochiæ* &c. ob doctrinam Lib. III. Tit. 30. de Decimis. n. 152. & 153. de Novalibus optime traditam.

6 Tertiò, si alicui licet Testamentum facere, etiam mortis causâ donare licet; quia hoc minus est, arg. l. Tam is. 25. ff. de Mortis caus. Donat. Quartò, quia Judici licet Juramentum in litem deferre, licebit eidem etiam, quod minus est, videlicet taxationem juramento addere. arg. l. Videamus. 4. §. penult. ff. de In litem Jurand.

7 Sequuntur exemplum etiam in sensu negativo: & quidem primò si alicui ex prohibitione non licet minores accipere honores, eidem etiam non licebit majores acceptare. l. Relegatorum. 7. §. 22. ff. de Interdictis & Relegatis. ibi: *Potest alicui unus honor interdici, sic tamen, ut si cui honore tuo interdictum sit, non tantum eum honorem petere non possit, verum nec eos quoque, qui eo honore majores sunt. Est enim perquam ridiculum, eum, qui minoribus pena causâ prohibitus sit, ad majores aspirare. Majoribus tamen prohibitus, minores petere non prohibetur.*

8 Secundò, quia liberto non licet laceffere famam Patroni sui, ei quoque non licebit illum occidere etiam deprehensum in adulterio cum uxore sua, textu claro l. Si adulterium cum incestu. 38. §. 9. ff. ad Leg. Jul. de Adult. additâ ratione: *Nam cujus famæ, multò magis vitæ parcendum est.*

9 Tertiò, qui non potest absolvere Clerici percussorem ab excommunicatione, nec ad Ordinum usum cum eo dispensare valet; quia istud est majus illò c. Cum illorum. 32. de Sentent. Excom. ubi etiam ratio additur illis verbis: *cum majora intelligantur illis prohibita, quibus vetita sunt minora.* Sic quartò, si alicui non licet verberare, multò minus licebit occidere. Strein h. c. n. 1.

10 Notanter tamen in sensu Regulæ n. 3. additum est: *Si utrumque, tam majus, quam minus videlicet ejusdem ordinis est;* quia ubi hæc diversi sunt ordinis, Regula non proce-

dit. Sic enim etsi latrunculatori latrones conquirere, eos supplicio afficere licitum fuerit, tamen de re pecuniaria cognoscendi nulla ei competit potestas l. Solemus. 61. ff. de Judiciis. ibi: *Latrunculator de re pecuniaria judicare non potest.* Quamvis enim criminaliter judicare majus sit, quam civiliter; tamen, quia diversi ordinis sunt, à majori ad minus argumentari non licet.

Pariter notanter additum est: *Et si eadem in utroque reperiatur ratio;* hæc enim ubi deficit, Regula non procedit. Hinc licet impertiri absolutionem Sacramentalem majus sit, quam concedere sepulturam Ecclesiasticam; tamen, quia in utroque eadem non habetur ratio, licitum quidem est, ei, qui in torneamento moritur, & prius pœnitet, dare absolutionem Sacramentalem, non tamen impertiri sepulturam. c. 1. de Torneamentis. ibi: *Quod si quis eorum ibi mortuus fuerit, quamvis ei postea pœnitentia non negetur, Ecclesiasticam tamen caret sepulturam.*

Similiter licet homicidium majus sit, 12 quam adulterium, vel fornicatio arg. can. Si quod. 9. can. 33. q. 2. tamen casu, quò in flagranti deprehensam juxta leges licitum est occidere, non licet eandem propterea ad fornicationem adigere; quia diversa in utroque ratio reperitur, & autoritate legis homicidium subinde, fornicatio autem, vel adulterium nunquam licite fieri potest, ut cum aliis bene advertit Baldus in l. fin. C. quæ contra jus, & utilitat. public.

Quæritur II. An? & quas fallentias patitur Regula LIII? Resp. Eam præter alias, præsertim ad Regulam XXXV. positas fallentias, etiam sequentibus subjacere: & quidem universaliter Primò, quando forma mandati aliud requirit; hæc enim semper exactè est observanda. Hinc, si alicui Papa jubet provideri de integra Præbenda, non potest eidem etiam volenti dimidia præbenda conferri. c. Cui de non. 27. de Præbend. in 6. ibi: *Si in Ecclesia, in qua integræ, & dimidiæ præbendæ habentur, mandatur integræ præbendæ conferri, quamquam ille, pro quo scriptum extitit, dimidiâ velit esse contentus, ei de ipsa non poterit provideri. Idem, cum injungitur provisio alicui de præbenda certi valoris, ut in præbenda minoris valoris, etiam illo volente, mandatum non possit adimpleri. Non enim hujusmodi mandata (quorum fines diligenter servari oportet) debent ad casus alios, quam expressos extendi.*

Fallit secundò, quando quis expressè pro-

prohibetur à minori ex causa: sicv. g. si quis ex eo, quia Ordinem minorem injustè contulit, in pœnam privatur potestate conferendi talem Ordinem, quamvis adhuc conferre valeat majorem, vel alium minorem, arg. *can. si qui Episcopi. 43. caus. 1. q. 1.* junctâ Glossâ *ibidem §. illi.* Idem dic, si quis privatur minori ob utilitatem aliorum, vel aliam ob causam.

25 Fallit tertio in Sacerdote celebrante Missam, utpote cui licet, quod plus est, sumptio videlicet Eucharistiæ sub utraque specie, & tamen eidem non licet, quod minus est, eam nempe sub una specie sumere *can. Comperimus. 12. dist. 2. de Consecrat. ibi: Comperimus autem, quod quidam sumpta tantummodo corporis sacri portione à calice sacri cruoris abstineant.* Qui procul dubio (quoniam nescio quâ superstitione docentur obstringi) aut integra sacramenta percipiant, aut ab integris arceantur: quia divisio unius

ejusdemque mysterii sine grandi sacrilegio non potest provenire.

Fallit quarto in Tutore; hic enim quamvis ei à prætore concessum sit, quod majus est, videlicet vendere rem pupillarem, non tamen licet eidem, quod minus est, rem talem oppignorare. *l. si pupillorum. 7. §. 3. ff. de Rebus eorum, qui sub tutela &c. ibi: Si Prætor tutoribus permiserit vendere, illi obligaverint; vel contraxerint, an valeat, quod actum est? Et mea fert opinio, eum, qui aliud fecit, quàm quod à Prætore decretum est, nihil egisse.*

Fallit quinto in Præfide universas Provincias regente; huic enim quamvis concessum sit, quod plus est, videlicet jus gladii *l. Illicitas. 6. §. 8. ff. de Officio Præfidis. ibi: Qui universas provincias regunt, jus gladii habent: & tamen deportare, quod minus habetur, ei non est concessum, l. Rei. 2. §. 1. ff. de Panis. & l. Inter. 6. §. 1. ff. de Interdictis & Relegat. ibi: Deportandi autem in Insulam, jus Præfibus provinciæ non est datum.*

REGULA LIV.

Qui prior est tempore, potior est jure.

S U M M A R I U M.

1. Regula unde?
2. Procedit tantum, ubi ceteris paribus par causa habetur:
3. Ac in iis, quæ à voluntate duorum dependent.
4. Ponitur verus sensus Regule.
Principium cuiuslibet rei potissima pars est. *Ibid.*
5. In pignore & hypotheca ordinariæ qui prior tempore, potior est jure:
6. Etiam si prior generalem duntaxat, & posterior

specialem hypothecam habeat, & huic pignus æstimationis traditum sit.

7. Limitatur tamen hæc doctrina de hypotheca in aliquibus.
8. Qui prius beneficium obtinet, præfertur postea obtinenti.
9. Ponuntur varia exempla Regule.
10. Fallit Regula in privilegiis.

1 Desumitur hæc Regula ex *l. Qui baincum. 9. prin. & l. Potior. 1. §. ff. Qui potiores in pignore. junctâ l. Si fundum. 3. C. eod. ibi: sicut prior est tempore, ita potior est jure.* Concordat *Reg. 98. ff. de R. J. ibi: Quotiens utriusque causa lucri ratio vertitur, is preferendus est, cujus in lucrum causa tempore præcedit.*

Glossa communiter recepta. Hinc ex duobus emptoribus vel donatoriis præfertur ille, cui prius res vendita vel donata est, si nulli adhuc est tradita: si verò alicui tradita jam existit, is ipse præfertur, cui res prius tradita fuit, etiam si alteri prius fuerit vendita vel donata *l. Quotiens. 15. C. de Rei vindic. ibi: Quotiens duobus in solidum prædium jure distrabitur: manifesti juris est, eum, cui priori traditum est, in detinendo dominio esse potiorum, quia in utroque par causa non est; cum posterior non solum jus ex contractu, sed etiam ex traditione possessionem & dominium habeat quamvis priori emptori contra venditorem remaneat actio ex empto cit. *l. Quotiens.**

2 Queritur I. Quomodo hæc Regula intelligenda? & quis verus illius sensus sit? Resp. I. Eam intelligendam esse ceteris paribus, indeque locum habere in iis duntaxat, in quibus utriusque per omnia, solò excepto tempore, par causa est, uti bene hic advertit

3 Pro intelligenda est Regula, quod locum habeat in iis tantum, quæ pendent à voluntate duorum, uti sit in contractibus. In legibus siquidem, & constitutionibus: item in testamentis, & ultimis voluntatibus, quæ ex voluntate unius, legislatoris videlicet, vel testatoris dependent, semper dispositio posterior attendenda venit, cum per hanc censeatur revocari prior. arg. c. 1. de Constit. in 6. ibi: *Licet Romanus Pontifex (qui iura omnia in scrinio pectoris sui censeatur habere) constitutionem condendo posteriorem, priorem, quamvis de ipsa mentionem non faciat, revocare noscatur.* Et loquendo de ultimis voluntatibus l. Si mihi & tibi. 12. §. 3. ff. de Legat. I. ibi: *In legatis novissime scripturæ valent: quia mutari causa precedentis legati vel die, vel conditione, vel in totum ademptione, potest: ut proin non ex priori, sed ex posteriori legatum habens, potior sit jure.* Hinc

4 Resp. II. Verus Regulæ sensus sequens est: *Ubi par causa est, à voluntate duorum dependens, inter certantes de juris prælatione, ceteris paribus ille præfertur, qui antè, seu antiquius jus habet.* Ratio est; tum quia, ut bene argumentatur Vivian. hic: *cujusque rei potissima pars principium est: l. 1. ff. de Origine Juris.* Tum & præcipue, quia nemo sine culpa privari potest jure suo, arg. can. Satis perversum. 7. dist. 56. & l. Id, quod nostrum est. 11. ff. de Reg. Jur. ibi: *Id, quod nostrum est, sine facto nostro ad alium transferri non potest.* Hoc autem fieret, si quis, postquam per contractum, emptionis v. g. jus ad rem emptam jam acquisivit, illò sine culpa privaretur, & ipsum alteri eandem rem postea ementi, ceteris existentibus paribus, cedere deberet.

5 Declaratur Regula exemplis Juris; & quidem primò circa pignora, vel hypothecas: nam in his ordinariè præferendus est, cui res priùs sive generaliter, sive specialiter, sive tacite, sive expresse oppignorata existit, l. Potior 11. pr. ff. qui potiores in pignor. ibi: *Potior est in pignore, qui priùs credidit pecuniam, junctà l. Licet. 7. C. eod. ibi: Licet iisdem pignoribus multis creditoribus diversis temporibus datis priores habeantur potiores: & l. Diversis. 8. C. eod. ibi: Diversis temporibus eadem re duobus jure pignoris obligata, eum, qui prior datà mutua pecunià pignus accepit, potior haberi, certi, ac manifesti juris est.*

6 Nec refert, quod posteriori res specia-

liter sit oppignorata, & priori generaliter duntaxat l. Si generaliter 6. C. eod. ibi: *Si generaliter bona sint obligata, & postea res alii specialiter pignori dentur: quoniam ex generali obligatione potior habetur creditor, qui antea contraxit.* Pariter non refert, quod res posteriori non tantum oppignorata, sed etiam in pignus actu tradita sit, l. 2. pr. ff. eod. ibi: *Qui generaliter bona debitoris pignori accepit, eo potior est, cui postea prædium ex his bonis datur: Ratio est; quia res transit cum onere suo etiam in casu, quò tacite tantum oppignorata existit. c. Ex literis. 5. in fin. de Pignoribus.* ibi: *cum etiam bona viri mulieri sint pro dote tacite obligata, & cum suo onere transferantur ad quemlibet possidentem.*

Dicitur tamen notanter ordinariè; quia 7 doctrina præcedentis num. limitatur in nonnullis casibus, ita ut posterior hypothecarius præferatur priori, veluti 1. Si posterior ad conservandam, vel rescindendam rem hypothecam mutuò dedit l. Interdum. 5. ff. eod. 2dò Quando posterior ad emendam aliquam rem hac conditione mutuam pecuniam dedit, ut eidem specialiter maneat obligata. l. licet 7. C. eod. 3dò Si habeat hypothecam publicò instrumentò erectam: nisi prioris instrumentum esset tribus testibus subscriptum. l. Scripturas. 11. C. eod. 4dò Si posterior esset causa specialiter privilegiata. Plura de jure prælationis vid. Lib. III. Tit. 23. §. 3. de Solution.

8 Cæterum declaratur Regula ulterius etiam aliis exemplis Juris: uti in beneficiis; qui enim priùs impetravit beneficium, præfertur posteriori idem impetranti, nisi prior dolò, vel negligentia illud possidere omiserit, textu expresso c. Si autem aliquis. 9. de Rescript. Nec refert, si posterior obtentor suum rescriptum prius præsentaverit, c. Tibi, qui gratiam. 12. eod. in 6. Verum, quia materia hæc de Prælatione Rescriptorum sius patitur instantias, ac limitationes, vide de ea Lib. I. Tit. 3. de Rescript. §. 4. ubi latè & exactè de eadem tractavimus.

9 Ulterius exemplificat Regulam Strein hic in variis: veluti in Ecclesiis, Monasteriis, Collegiis, Congregationibus, Comunitatibus &c. In his enim, qui tempore præcedit quod institutionem, receptionem, professionem, ceteris paribus; præcedit posteriores in con-

fide-

fidendo, incedendo, consulendo, suffragando, participando, ac similibus: quod etiam in infima plebe, & apud Mechanicos artifices observatur. Cujus ulterior ratio est; quia jus, quod ab aliquo acquiritur, illi prodesse debet, qui prior est, nec præpotero ordine decet ultimos in fronte collocare. arg. c. 1. de Majorit. & Obedient. ibi: Si honoris ista distinctio, ut ipse prior & major habeatur, qui prius communitalis consilio, & concordie fuerit actione ordinatus. ac ibidem Barbos.

10 Quæritur II. An? & quas Fallentias patitur hæc Regula? Resp. Præter fallentias,

quas n. 5. de pignore & hypotheca jam posuimus, & quæ n. 8. remissè allegantur, specialiter salit Regula in Privilegiis. arg. l. Privilegia 32. ff. de Rebus authorit. Jud. possid. ubi in ipso textu ratio continetur, quia videlicet Privilegia non ex tempore estimantur, sed ex causa. Hinc, ut notat Glossa ibid. privilegiatus præfertur non privilegiato in solvendo ac repetendo: & inter duos privilegiatos ille, qui magis est privilegiatus. Quod si verò æqualiter sint privilegiati, id est, si eodem citati fuerint, concurrunt, licet diversitates temporis in his fuerint, uti expressè habetur cit. l. Privilegia.

REGULA LV.

Qui sentit onus, sentire debet commodum, & è contra.

SUMMARIUM.

1. Regula unde?

2. Juxta communem hæc Regula duo habet membra: juxta Strein quatuor: & qualia?

3. Per onus & commodum intelliguntur illa, quæ ex rei natura, vel dispositione juris sunt annexa.

4. Ponitur verus Regule sensus quoad primum illius membrum principale.

5. Declaratur exemplis, & seqq.

Ad emptorem pertinent onera & commoda rei emptæ. ibid.

6. Parochus administrans divina, debet sentire commodum.

8. Usufructuario cedunt arbores demoriæ.

9. Creditor fundum in solutum accipiens habet periculum & commodum.

10. Qui non sentit onus, nec commodum sentire debet; Declaratur exemplis ibid.

11. Ponitur verus sensus Regule quoad secundum principale membrum.

12. Declaratur exemplis, & seqq.

Va dicitur Pastoribus, qui percipiunt commodum, & non præstant pastoris officia.

13. Qui ab Ecclesia commodum percipiunt, tenentur concurrere ad ejus reparationem.

14. Reges, & Principes tenentur habere curam pro bono communi populi.

15. Regula procedit etiam in causis piis, & in Fisco.

16. Qui non sentit commodum, non debet sentire onus.

17. Regule membrum primum: Qui sentit onus, debet sentire commodum: Falsa, quia ex natura rei, vel dispositione juris officium est sine commoda, quale est officium capituli Sede vacante.

18. Item officium Tutoris taliter legitimi.

19. Maritus adhibere periculum doti sine onere elendi adulteram.

20. Item Prelati Ecclesiarum, ac Beneficiarii ægroti percipiunt fructus sine onere.

1 **D**esumitur hæc Regula ex l. Secundum naturam. 10. ff. de Reg. Jur. ibi: Secundum naturam est, commodum cujusque rei eum sequi, quem sequentur incommoda. & l. un. §. 4. ad fin. C. de Caducis tollend. ibi: Neque enim ferendus est is, qui lucrum quidem amplectitur, onus autem ei annexum continet.

2 Quæritur I. Quomodo hæc Regula intelligenda? Et quis verus illius sensus sit? Ante responsionem notandum, certum quidem esse, hanc Regulam principaliter bimembrem existere, uti patet ex verbis: Et è contra: Doctores tamen, etsi in re omnes conveniant, non plenè convenire in designandis his membris; Glossa siquidem hic p. Et

econtra. putat, alterum membrum verbis Regule oppositum esse: qui non sentit onus, nec commodum sentire debet. Alii econtra dicunt, alterum Regule membrum per se & contra insinuatum esse: sequens: Qui sentit commodum, & onus sentire debet. Strein pro majori intelligentia Regule eam in quatuor non incongruè dividit membra, duo scilicet affirmativa, & duo negativa, ita, ut horum quodvis affirmativum habeat suum econtra negativum; ut proin juxta ipsum Regulæ primum membrum affirmativum sit: Qui sentit onus, sentire debet commodum: secundum membrum verò negativum econtra sit: Qui non sentit

sentit onus, non debet sentire commodum. Tertium membrum rursus affirmativum: *Qui sentit commodum, sentire debet onus.* Acecontra quarum denuo negativum membrum: *Qui non sentit commodum, sentire non debet onus.* Verum, juxta communem DD. sensum, & praxin applicandi, Regula principaliter duo affirmativa jam recensita censetur habere membra, ita tamen, ut in quovis includatur, & ex eo econtra sequatur negativum, indeque in re omnes conveniunt. H. N.

3 Resp. I. Per onus & commodum intelligit Regula non quævis, sed præcipue illa onera & commoda, quæ vel ex natura rei & actus, vel ex dispositione legis proveniunt, eique sunt annexa. Barbo. *hæc* cum aliis, patetque ex adducendis infra Juris exemplis. Hinc

4 Resp. II. Verus Regulae sensus quoad primum principale membrum affirmativum sequens est: *Quicumque sentit, & suffert onus, seu incommoda, aut damna alicui rei, vel actui ex natura, vel dispositione juris annexa, aut inde provenientia, debet etiam sentire & percipere commoda, ac emolumenta eidem pariter annexa, indeque provenientia.* Ratio hujus Regulae est, tum; quia juxta Reg. 10. ff. de R. J. ipsa natura dicat, ut, qui propter rem aliquam subit & suffert onera ac incommoda, etiam commoda, & emolumenta inde provenientia percipiat: prout etiam non nisi ideo ad subeunda & sustinenda onera, pericula, incommoda præsumptimè movemur, quia speramus, & expectamus inde provenientia commoda, atque emolumenta; quod attendens S. Paulus ad sufferenda pro Christi nomine adversa suos spe secuturi emolumenti est hortatus 2. *Corinth. c. I. v. 7.* illis verbis: *Sicut enim socii passionum estis, sic eritis & consolationis:* quibus ipsi verbis ad propositum utitur Papa c. 1. de *Sepult.* addens etiam illam rationem: *Dignus est operarius mercede.* Tum, quia, nisi sustinentes onera, incommoda & labores sequerentur etiam commoda, melior foret conditio negligentis, quam operantis, ac nemo esset, qui vellet subire onera & labores, non sine humani commercii præjudicio.

5 Declaratur Regula, vel potius primum principale ipsius membrum exemplis Juris: Sic enim quia emptor rei venditæ, etsi necdum traditæ, periculum ac interitum sustinere debet, de jure percipit etiam fructus & commoda rei emptæ v. g. ex auctione pretii, al-

luyione, vel alia ratione provenientes. §. 3. *Instit. de Emption, & Vendition.* ibi: *Quum autem emptio & venditio contracta sit - periculum rei venditæ statim ad emptorem pertinet, tametsi adhuc ea res emptæ tradita non sit.* & paulo inferius: *Sed etsi post emptionem fundo aliquid per alluvionem accesserit, ad emptoris commodum pertinet.* Audi rationem Juris ad propositum: *Nam & commodum ejus esse debet, cujus periculum est.* concordat l. 1. C. de *Periculo & Commodo rei vend.* ibi: *Post perfectam venditionem omne commodum & incommodum, quod rei venditæ contingit, ad emptorem pertinet.*

Sic etiam, quia Parochus onus & labores habet in administrando Sacramenta, & alia divina parochianis, ab eisdem de jure, vel consuetudine competentia commoda percipit, etiam in casu, quod parochianus extra Parochiam sepulturam eligit *cir. c. 1. de Sepult.* ubi ratio ex S. Paulo supra allegata adducitur, & additur: *quia dignus est operarius mercede sua.* junctò c. *Certificari. 9. eod.*

Sic rursus, quia Monasterium onus & sollicitudinem habet in alendo & custodiendo Clerico, ob incontinentiam illuc ad agendam penitentiam detruso, de ejusdem relictis bonis etiam commodum percipere debet. *can. de lapsis. 5. cau. 16. q. 6.* ex illa ratione: *quatenus ipsi (intellige Religiosi) ex rebus illorum subsidium habeant, qui de correptione eorum sollicitudinem gerunt, ut ait textus.*

Sic ulterius, quia usufructuarius onus habet, dum loco arborum demortuarum novas plantare debet, in ejusdem commodum demortuæ arbores cedunt. l. *Agri. 18. ff. de Usufructu, & quemadmodum.* ibi: *Agri usufructu legato, in locum demortuarum arborum alia substituenda sunt, & priores ad fructuarium pertinent.*

Sic insuper, quia creditor, qui loco pecuniæ a se mutuò datae fundum in solutum accipit, periculum & damnum sentire debet, si tanti illum distrahere non valet, quanti pecunia mutuò data efficit, pariter lucrum & commodum ei competit, si fundum majori pretio, quam mutuum erat, divendit. l. *Cum pro pecunia. 24. C. de Solution.* ibi: *Cum pro pecunia, quam mutuò acceperas, secundum placitum Evandro te fundum dedisse profitearis: ejus industriam, vel eventum meliorem tibi non ipsi prodesse, contrarium non postulaturus, si minoris distraxisset, non jussu petis.*

Ex

10 Ex præfato n. 4. posito principali primo Regulæ membro econtra sequitur secundum negativum: *Qui non sentit onus, sentire non debet commodum.* Cui concordat illud Apostoli 2. ad Thessalonicens. c. 3. v. 10. *Si quis non vult operari, nec manducet.* Declaratur & firmatur Juris exemplis; Sic quia Clerici non residentes onus in serviendo Ecclesiæ, & divina peragendo non sentiunt, nec commodum, seu fructus beneficii percipere possunt, & si quos perceperint, eos restituere tenentur. c. *Ad audientiam.* 15. de Clericis non resid. & c. *un. eod. in 6. junctâ Conc. Trid. Sess. 24. cap. 12. de Reform. præsertim cum beneficium detur propter officium.* c. *fin. de Rescript. in 6. & amplius dictum habetur Lib. III. Tit. 4. de Clericis non resid.* Sic etiam, qui non vult onus suscipere legato per testatorem impositum, non censetur dignus legati commodò l. *Nesennius.* 32. §. *Non semper ff. de Excusat.* Sic pariter usufructuarius, qui onus in satisfaciendo proprietario sentire non vult, fructus non percipit. l. *Quamvis* 10. ff. de Damno infecto.

11 Resp. III. Verus Regulæ sensus quoad secundum principale membrum affirmativum per 1. & contra, indicatum, hic est: *Quicumque alicujus rei percipit commodum & emolumenta, is etiam sufferre debet onera, seu incommoda eidem ex natura, vel Juris dispositione annexa, damnaque inde provenientia.* Ratio fundatur in æquitate naturali, quam tantam agnovit Imperator, ut illum nec ferendum, nec tolerandum existimaret, qui lucrum & commodum amplectitur, & annexa damna vel incommoda sufferre non vult cit. l. *un. §. 4. C. de Caducis tollend.*

12 Declaratur exemplis Juris: Sic enim huc quadrant dicta n. 10. videlicet quod, qui percipit fructus Beneficii, onera quoque annexa sufferre, Ecclesiæ nempe servire, atque præscripta officia & obsequia divina præstare debeat per Jura ibidem citata. Sic animarum Pastores, qui ab eis varia recipiunt commodum, & emolumenta, onus etiam, scilicet curam, labores, & incommoda officio suo annexa sufferre, sicque animas concreditas celesti pabulo reficere, ignaras erudire, afflictas consolari, errantes reducere, ægrotantes visitare, & Sacramenta administrare debent. In quo ubi deficiunt, & lucro, comodo, ac emolumento temporali aut corporali præcisè, vel præcipuè inhiant, utique contra hanc Regulam agentes merito timere habent illud à Domino per Prophetam Ezech. intentatum & Ezech. 34. v. 2. & seqq. *Ve Pastoribus Israël,*

qui pascebant semetipsos: Lac comedebatis, & lanis operiebamini, gregem autem meum non pascebatis, &c.

Sic ulterius Beneficiati, & alii, qui de Ecclesia fructus aut commodum quævis percipiunt, debent etiam onus sustinere succurrendo ad reparationem ruinosa Ecclesiæ, si ipsius media non sufficiunt, aut ea aliunde non habentur c. 1. de Eccles. edific. vel repar. ibi: *Quicumque Ecclesiasticum beneficium habent, omnino adjuvent ad tecta Ecclesiæ restauranda, vel ipsas Ecclesias emendandas.* juncto Concil. Trid. Sess. 21. cap. 7. de Reform. ibi: *Parochiales vero Ecclesiæ, etiam si Juris patronatus sint, ita collapsas refici, & instaurari procurent ex fructibus, & proventus quibuscunque, ad easdem Ecclesias quomodocunque pertinentibus; qui si non fuerint sufficientes, omnes patronos, & alios, qui fructus aliquos ex dictis Ecclesiis provenientes percipiunt, aut in illorum defectum parochianos (quia & hi commodum spiritualia percipiunt ab Ecclesia) omnibus remediis opportunis ad prædicta cogant.*

Sic Reges & Principes, qui commodum & emolumenta innumera à populo recipiunt, onus subire debent in habenda debita cura, labore, & vigilantia pro bono communi ejusdem. Sic etiam illi, qui ex vestigalibus, pedagiis &c. commodum & proventus percipiunt, onera annexa sufferre debent, vias nempe pro itinerantibus, & vestigal dantibus debite præparare, reparare, restaurare &c. ut cum aliis bene advertit Strein hic addens, innumera ferme esse, in quibus Regula quoad dictum secundum principale affirmativum membrum procedit, & cuius consideranti facile patet.

Porro hoc membrum Regulæ ita universaliter procedit, ut etiam in Ecclesiis, causis piis, & Fisco locum habeat, nisi speciali privilegio, pacto, aut conventionione in casu aliquo sint exempti Strein hic; eò quod & ipsi juri naturali, in quo Regula fundata habetur, sint subiecti, ut videlicet, qui ex aliqua re, vel actione percipit commodum, sustineat etiam onera & incommoda eidem annexa, ac inde provenientia, per Jura superius allegata.

Cæterum ex memorato affirmativo 16 Regulæ membro sequitur econtra alterum membrum negativum: *Qui non sentit commodum, non debet sentire onus.* Hinc juxta Glossam communiter receptam in can. *Omnis Christianus* 69. de Consecrat. dist. 1. rectè docetur, Parochum, cui commodum, debita nimirum decimæ subtrahuntur, vel alii proventus, non teneri

teneri ad onera, ad prædicationem nempe, administrationem Sacramentorum, & alia pastoralia officia. Idem dicendum de Canonicis, & aliis beneficiatis; cum & hi, si redditus debiti eis non præbentur, vel negantur, officia præstare, Missas legere &c. non obligentur. Iniquissimum enim genus taciti, vel expressi contractus, aut Societatis foret, vicijus unus onus ac damnum, & non commodum, vel lucrum haberet. *arg. l. Si non fuerint. 29. §. 2. ff. pro Socio. ibi: iniquissimum enim genus societatis est, ex qua quis damnum, non etiam lucrum spectet.*

17 Quæritur II. An? Et in quibus fallat Regula? Resp. Eam fallere in aliquibus quoad utrumque membrum affirmativum principale: & quidem quoad Primum n. 4. positum: *Qui sentit onus, sentire debet & commodum*: fallit universaliter, quando ex propria institutione, & natura rei, vel ex speciali Juris dispositione alicui muneris vel officii onus est annexum sine commodum; Exemplum habetur Sede vacante, ubi onus, labor, nempe, jurisdictio Episcopalis, & administratio transit ad Capitulum, & tamen fructus Episcopales interea currentes ad Capitulum non pertinet, sed successoris reservari, vel in utilitatem Ecclesiæ impendi debent c. *Quia sepe. 40. de Elect. in 6. cum Concord.*

18 Idem est in Tutela, præsertim legitima, ubi Fratres tenentur sustinere onus tutelæ fororis sine commodum l. 1. in fine ff. de legitimis Tutor. Item in Mandato; quia mandatum gratuitum, & sine mercede esse debet. l. 1. §. 4. ff. Mandati. ibi: *Mandatum, nisi gratuitum, nullum est: nam originem ex officio, atque amicitia trahit. contrarium ergo est officio merces*: Ubi tamen notandum, quod hujusmodi officia, onus sine commodum habentia, genti ceteroquin non debeant esse damnosa; cum non deceat alicui suum officium esse damnosum, uti dicitur c. *Cum non deceat. 30. de Elect. in 6.*

Ex quo inferunt Doctores, hujusmodi officio, præcisè oneroso, fungentes posse repetere expensas intuitu talis officii factas.

Pariter quoad secundum principale: 19 membrum affirmativum n. 11. positum Regula fallit ita, ut commodum quis accipiat, quin sentiat onus, ubi leges specialiter sic disponunt, uti habemus Juris exemplum in marito, qui commodam, & fructus dotis uxoris adulteræ percipit, quin habeat onus adulteram alendi l. un. C. de Rei uxor. action. & c. Plerumque 4. de Donation. inter virum & uxorem. Quamvis si res bene consideretur, hoc exemplum ad fallentias præsentis non pertineat; qui licet maritus in tali casu careat onere alendi adulteram; tamen non caret aliis oneribus, puta, conducendi nutricem, curatricem familiæ, & ipse quasi viduus non habet adjutorium simile sibi, nec ad alias nuptias transire valet; quæ onera cum commodum satis compensari videntur, ut bene advertit Strein *bic.*

Sic etiam disponente Jure Prælati & Rectores Ecclesiarum, nec non Canonici & alii beneficiati, etsi ob senium, vel infirmitatem ad subeunda officia & onera annexa inhabiles sint, tamen percipiunt commodam, & fructus. c. 1. & c. Ex parte. 5. de Clerico agrotante. cum Concord. licet & istud exemplum ad fallentias vix pertineat; cum Regula dicens: *qui sentit commodum, sentiat & onus*: comprehendere non videatur illos, qui in officio, commodum & emolumentum afferente, prius jam existentes, postea sunt inhabiles & incapaces ad onera annexa; quia isti prius jam senserant, & portarunt onera: indeque eis convenit illud: *Dulcia percipiat, qui jam gustavit amara*: ac de cetero nemo potest ad impossibile obligari juxta Reg. 6. de Reg. Jur. in 6.

REGULA LVI.

In re communi potior est conditio prohibentis.

SUMMARIUM.

1. Regula unde?
2. Quid intelligatur per verbum in re communi: & per verbum prohibentis?
3. Ponitur verus Regule sensus.
4. Declaratur exemplis Juris: & seqq.

5. Unus conjugum invito altero vovere non potest.
6. Ponuntur alia exempla Juris: & n. seq.
8. Fallit Regula, quando non interest prohibentis: Declaratur exemplis: & n. seq.

10. Fallit

10. Fallit item, quando unus, altero prohibente, utitur re communi ad usum destinatum.
 11. Doctrina Glossæ ad propositum.
 12. Fallit insuper, quando prohibente uno alter

necessaria reparat.

13. Item in aliis remissivè.

14. Potest quivis divisionem rei communis apud Judicem petere.

Desumitur hæc Regula ex l. Sabinus. 28. ff. *Communi dividundo*. ibi: Sabinus ait, in re communi neminem dominorum jure facere quicquam, invito altero, posse. Unde manifestum est, prohibendi jus esse: in re enim paripotentem causam esse prohibentis, constat. Concordat Regula 29. de R. J. in 6. *Quod omnes tangit, debet ab omnibus approbari*.

2 Quæritur I. Quomodo hæc Regula intelligenda? & quis verus illius sensus sit? Resp. I. Per verba *in re communi* intelligit Regula talem rem, quæ indivisa pertinet ad duos, vel plures ut singulos, non ut universos, seu prout collegium, aut commune faciunt, sicut communiter tenent DD. Quid autem sit, rem pertinere ad plures ut singulos: item ad plures ut universos, seu prout collegium faciunt, dictum est supra ad Reg. 29. n. 3. & 4. Per verbum *prohibentis* autem intelligit, & comprehendit Regula etiam contradictionem, dissentium, & oppositionem: ita ut, dum aliquis rem, pluribus communem, seu quæ ad plures ut singulos pertinet, distrahere, vel mutare vult, & alter, sive dicat, prohibeo, sive contradico, dissentio, nolo, me oppono, prohibere censeatur, ejusque conditio potior sit, & præferri debeat. Hinc

3 Resp. II. Verus sensus Regulæ hic est: Quando res, aliqua pluribus communis talis est, quæ indivisa ad plures ut singulos pertinet, & de hujusmodi re alienanda, immutanda, destruenda &c. inter dominos dissensio est, is, vel illi præferendi sunt, eisque acquiescendum, qui prohibent, vel contradicunt, dissentiunt, aut se opponunt; etiamsi unus tantum esset. Ratio est, tum; quia non solum ille, qui mutare, vel alienare, destruere &c. vult: sed etiam, qui contradicit, vel prohibet, dominus est. Quæ ratio in exemplo ad propositum de parietate pluribus communi afferitur l. *Parietem*. 8. ff. de *Servitutibus Prædior. Urban.* ibi: *Parietem, qui naturali ratione communis est, alterutrius vicinorum demolienti eum, & rescindi jus non est: quia non solus dominus est.* Tum, quia iniquum est, quod aliquis in re, vel jure suo, per factum alienum invitatus gravetur, diminutione, aut detrimento afficiatur, l. *Non debet*. 74. ff. de *Reg. Jur.* ibi: *Non debet alteri per alterum iniqua con-*

ditio inferri: cum proximo lædere etiam juri naturali adversum sit, §. 3. Instit. de J. & J.

Declaratur Regula ulterius exemplis 4 Juris: Sic enim, si duo fundum in communi habent, & unus eorum domum in illo ædificare, vel eundem omnino alienare vult, & alter prohibet, seu contradicit, dissentit, hujus contradictionem præferre, etque acquiescere oportet, arg. l. Sabinus. 28. ff. de *Communi dividundo*. & cit. l. *Parietem*. 8. ff. de *Servitut. præd. urb.*

Sic etiam, si matrimonio jam consummato unus castitatem vovere velit, & alter prohibeat, vel contradicat, hujus conditio potior est, & contradictio prævalet, c. *Quidam*. 3. de *Convers. Conjug.* ubi ex Apostolo additur ratio: quia *Vir non habet potestatem sui corporis, sed mulier*: & econtra. Item *Cum vir & uxor una caro sint, sicut docet Apostolus, non potest unus ad Deum converteri, & alter in sæculo remanere.*

Sic rursus, quia jus eligendi Prælatum ad 6 omnes Capitulares, etiam ut singulos, pertinet, non potest electio per compromissum celebrari, vel extraneus ad suffragandum admitti, si vel unus tantum contradicat, c. *Quia propter*. 42. de *Elect.* ibi: *vice omnium. junctio c. In causis*. 30. & c. *Scriptum*. 40. eod.

Huc faciunt etiam exempla pro declaratione Regula XXIX. à n. 29. adducta; quia illa Regula cum præfenti multum concordat.

Quæritur II. An? & in quibus fallat 8 Regula præfens? Resp. I. Eam primò & universaliter fallere, quando non interest socii prohibentis; cum quivis meritò pati debeat id, quod sibi non nocet, & alteri prodest. Dynus hic. n. 2. Strein, & alii. l. i. §. 11. ff. de *Aquas, & aqu. pluvi. arcend.* ibi: *Prodesse enim sibi unusquisque, dum alii non nocet, non prohibetur, nec quemquam hoc nomine teneri.* cum Concord. Exemplum ad propositum exhibetur in l. *Fistulam*. 19. §. 2. ff. de *Servitut. præd. urban.* ubi socio permittitur scalam, quæ removeri potest, ad communem parietem facere; quia alteri non nocet, ibi: *Scalas posse me ad parietem communem habere, Sabinus rectè scribit.*

T

Eadem

9 Eadem *l. Fistulam. pr.* ob dictam rationem conceditur; ut quis penes communem parietem possit balneum habere, dummodo ob assiduam humorem non noceat vicino, ibi: *non posse prohiberi vicinum, quod minus balneum habeat secundum parietem communem, quamvis humorem capiat paries: non magis, quam si vel in triclinio suo, vel in cubiculo aquam effunderet. Sed Neratius ait, si talis sit usus tepidarii, ut assiduam humorem habeat, & id noceat vicino, posse prohiberi eum.* In eadem lege ponuntur adhuc alia exempla fallentium Regulæ confirmantia: Sic etiam ob fallentiam rationem, juxta *l. Quidam. 13. §. 1. ff. eod.* *Parietem communem incrustare licet, secundum Capitonis sententiam: sicut licet mihi pretiosissimas picturas habere in pariete communi.* sunt verba legis.

10 Fallit secundo rursus universaliter, quando prohibente, aut invito uno, alter re communi fruiat ad talem usum, ad quem parata, seu destinata est, uti constat de fundo, seu loco pluribus communi pro sepultura: in quo, licet extraneus, etiam unico contradicente sepeliri nequeat: tamen, quia locus pro sepultura Dominorum destinatus est, quivis eorum, etiam prohibente altero, ibi tumulari valet. *l. Si plures. 41. ff. de Religios. & sumpt. funerum.* ibi: *Si plures sint domini ejus loci, ubi mortuus inferitur, omnes consentire debent, cum extranei inferantur: Nam ex ipsis dominis quemlibet recte ibi sepeliri constat, etiam sine ceterorum consensu.*

11 Hinc ad propositum post Dynum *hic. n. 2.* bene docet Glossa communiter recepta in *§. Religiosum Instit. de Rerum division. §. In vitis, in additione*, sic discurrendo: aut socius vult uti re communi, aut in ea reparare, vel facere aliquid ad eum usum, ad quem parata, seu destinata est: & potest, etiam alio prohibente vel contradicente *cit. l. Si plures:* aut ad eum usum, ad quem parata non est: &

tunc subdistingue; aut interest prohibentis non uti: & melior est conditio prohibentis per *Jura n. 3. citata*; aut non interest prohibentis: tunc melior est conditio facientis, per *Jura citata n. 8.*

Fallit tertio in casu, quo pro conservanda re communi reparatio, vel quid aliud necessario fieri debet, v. g. si tectum domus reficere, ruinæ præcavere, parietem fulcire, trabem immittere necesse est; tunc enim id ab uno fieri potest, etiam altero prohibente. Immo si socius ad hoc contribuere detrectat, ademptione domini, quod in re communi habet, puniri potest. *l. Si (ut proponis) 4. C. de Edificiis privat.* ibi: *Si (ut proponis) socius edificii, ad refectionem ejus, sumptus conferre detrectat: non necessario extra ordinem tibi subveniri desideras. Etenim si solus edificaveris, nec intra quatuor mensium tempora cum centesimis nummus, pro portione socii erogatus, restitutus fuerit, vel, quod minus id fieret, per socium stetit, confiterit, jus domini pro solido vindicare, vel obtinere juxta placitum antiquitatis poteris.*

Fallit quarto pro favore obtinenda libertatis. Quinto in concursu plurium patronorum ad idem beneficium. Sexto, quando Princeps vel fiscus rem cum aliis communem habet, per dicta & probata ad *Reg. XXXIX. n. 12. 14. & 15.*

Illud etiam circa rem pluribus communem notandum venit, quod: si communio inter socios difficilis appareat, vel ex illa immaneant, aut jam adsint discordiæ, vel incommoda, ad hæc avertenda quivis ex sociis apud Judicem instantiam pro divisione facere possit, & obtinere debeat. *l. Cum pater. 77. §. 20. ff. de Legat. II. & l. fin. C. de Communi dividundo.* ibi: *In communione, vel societate nemo compellitur invito detineri: Quapropter aditus præses Provincia, ea, qua communia tibi cum sorore perspexerit, dividi providebit.*

REGULA LVII.

Contra eum, qui legem dicere potuit apertius, est interpretatio facienda.

SUMMARIUM.

1. Regula unde?
2. Per verbum legem intelliguntur conditiones & obligationes contractibus apposite.

3. Ponitur verus sensus Regule.
4. Minor dicitur tam ille, qui minor est quatuordecim, quam qui vigintiquinque annis.

5. Ponit-

5. Ponitur exemplum de filicidio.
6. Testis obscura depositio contra producentem est interpretanda.
7. Est Regula, quando de mente legem ponentis animus certo, vel verisimilitudine constat.
8. Item, si aliud actus esset irritus:

Interpretatio facienda est, ut res potius valeat, quam pereat. *ibid.*

9. Fallit etiam in Donationibus, de quibus non satis constat:

10. Item in Votis:

11. Ac in Testamentis.

Defumitur hæc Regula ex l. *Veteribus*. 39. ff. de Pactis. ibi: *Veteribus placet, actionem obscuram, vel ambiguum venditori, & qui locavit, nocere, in quorum fuit potestate, legem apertius conscribere.* Concordat l. *Labeo* 21. ff. de Contrab. Empt. ibi: *Labeo scripsit, obscuritatem pacti nocere potius debere venditori, qui id dixerit, quam emptori; quia potuit re integra apertius dicere.*

Quariunt I. Quomodo hæc Regula intelligenda? Et quis verus sensus illius sit? Resp. I. Per verbum *legem* hic præcipue intelliguntur pacta, conditiones, vel obligationes, quæ contractibus apponi solent, uti cum aliis bene a Ivertit Canisius hic; quia hæc in iure etiam leges vocantur, privatarum scilicet, uti l. *Legem*. 10. C. de Pactis. ibi: *Legem, quam dixisti, cum dotem pro aliuina dares, servari oportet.* & l. *Contractus*. 23. ff. de Reg. Jur. ibi: *legem enim contractus dedit.* cum Concor. l. Hinc et si hæc Regula etiam de aliis actionibus, tamen potissimum in contractibus procedit: cui conformiter

Resp. II. Verus Regule sensus hic est: *Quando in contractibus, & aliis actibus pacta, conditiones, vel alie obligationes quasi leges ad alterum obligandum per verba obscura, dubia, vel ambigua apponuntur, interpretatio facienda est contra eum, qui huiusmodi leges apposuit.* Ratio est tum; quia in obscuris minimum, id est, minus gravans & obligans est sequendum juxta Reg. 30. Jur. in 6. Tum; quia, qui asserit, alterum sibi esse obligatum, vel se ab obligatione esse liberatum, probare debet l. 2. ff. de Probat. ibi: *Ei incumbit probatio, qui dicit, non, qui negat.* & l. 1. C. eod. ibi: *Ut creditor, qui pecuniam petit numeratam, implere cogitur; ita rursus debitor, qui solutam affirmat, ejus rei probationem prestare debet.* Et quidem non qualemcumque, sed claram; cum probatio obscura, vel dubia non relevet. arg. c. *In presentia*. 8. de Probat. & l. *Neque natales*. 10. C. eod. consequenter, qui non nisi per verba obscura, & ambigua alterum sibi obligatum dicit, merito contra se interpretationem pati debet: præsertim, quia in ejus potestate fuit

legem apertius dicere. tit. l. *Veteribus.* indeque sibi culpam imputare debet. Quod idem & alia ratio suadet, videlicet ut caveantur doli, & fraudes, quæ in verbis obscuris, ac ambiguis intervenire possunt, Strein. l. c. Taccin. hic. n. 1.

Declaratur Regula exemplis Juris: Sic enim, qui suam professionem impugnans dicit, se tempore professionis fuisse minorem, contra ipsum interpretatio fit, quod fuerit minor 25. annis, consequenter professio extiterit valida; Cum verbum illud, *minor annis*, duobus modis potuerit intelligi: cum id, qui minor est quatuordecim annis, & quinquaginta quinque, dici solet minor: ut habetur tit. c. *In presentia*. 8. §. *Præterea*. de Probat. Et hinc quia potuisset clarius dicere, asserendo se impubereum fuisse, & non dixit, merito contra se interpretationem pati debet.

Sic etiam, si in vendenda domo additur: *filicidia*, uti nunc sunt, ita maneant: & dubium est, utrum servitus filicidii afficiat domum venditam, vel potius eam, quam forsitan venditor contiguam, vel vicini adhuc habent, contra venditorem de reventa adhuc domo illius interpretatio facienda est; quia conditio hæc appposita ambigua est. l. *Si arborum*. 17. ff. de Servit. præd. urb. & l. *Cum in lege* 33. ff. de Contrab. Empt. ibi: *Cum in lege venditionis ita sit scriptum: flumina, filicidia, uti nunc sunt, ut ita sint; nec additur, quæ flumina, vel filicidia: præsumitur scilicet oportet, quid acti sit; si non id appareat, tunc id accipitur, quod venditori nocet; ambigua enim oratio est.*

Ad sensum Regule ponit Glossa in cit. c. *In presentia*. 9. de Probat. §. *Verbum dubium*. ulterius aliud exemplum, videlicet, quod in casu, quo quis pro se producit testem, & hic depositionem dubiam fecit, contra producentem interpretatio facienda sit. tit. c. *In presentia*. quia asserenti incumbit probatio, & quidem clara per Jura citata n. 3.

Quariunt II. An? & quas fallentias habeat Regula LVII? Resp. Eam fallere in pluribus: veluti 1. quando mens legem, seu conditionem obscure ponentis aliunde certo, aut

verosimilius constat; quantumvis enim juxta hactenus dicta in ambiguis contra proferentem interpretatio facienda sit: tamen ubi de mente illius certa, vel verisimilior notitia habetur, juxta eam procedendum est per dicta & ex jure probata ad *Regul. 30. n. 3. & ad Regul. 45. de Reg. Jur. in 6. Inspecimus in obscuris, quod verisimilius est, & quod plerumque fieri consuevit.*

8 Fallit 2. si ex facta contra obscure proferentem interpretatione, tota dispositio irrita, & omnicarens effectu evaderet. Ratio est; quia universaliter interpretatio sic facienda est, ut verba aliquid operentur, & dispositio potius valeat, quam pereat. *arg. l. Item veniunt. 20. §. 6. ff. de Hæredit. petit. & l. Quoties. 12. ff. de Rebus dub. ibi: Quoties in actionibus, aut in exceptionibus ambigua oratio est, commodissimum est, id accipi, quo res, de qua agitur, magis valeat, quam pereat.*

9 Fallit 3. in Donationibus, quando de eis verè factis satis non constat: vel, si constat quidem, dubium tamen manet, an plus vel minus donatum sit: Item si iis derogaretur juri jam quæsito tertii, vel communis; licet enim alias in donationibus, præsertim Principum, de quibus satis constat, latissima pro donatario interpretatio sit facienda c. *Cum dilecti. 6. de Donation. ad finem. ibi: quia in contrariis plena, in testamentis plenior, in beneficiis quoque plenissima interpretatio est adhibenda. junctâ l. Beneficium. 3. ff. de Constitut. Princip. ibi: Beneficium Imperatoris, quæ à Divina scilicet ejus indulgentia proficitur, quam plenissime interpretari debemus: Tamen, quia donare, suum perdere & jactare est l. filius familias. 7. pr. ff. de*

*Donat. suum autem jactare in dubio nemo præsumitur, arg. l. Cum de indebito. 25. pr. §. sin. verò. ff. de Probat. meritò pro donante sit interpretatio, ubi de donatione non satis constat. Ob quam eandem rationem pro eodem interpretatio fieri debet, si dubium est, an plus, vel minus donatum sit. Pariter pro donante interpretatio facienda, si per donationem præjudicatur quæsito jam juri tertii; quia huic præjudicare velle nemo censetur per dicta & probata supra ad *Regul. 15. n. 26.**

Fallit 4. in Votis, utpote in quibus stante dubio, vel ambiguitate pro vovente sit interpretatio per dicta supra ad *Reg. 30.*

Fallit 5. in Testamentis, & ultimis Voluntatibus; has enim interpretari testatoris est, quamdiu vivit. *l. Hæredes palam. 21. §. 1. ff. Qui testament. facere poss. post mortem autem testantis si circa res legatas dubium remanet, electio ordinariè penes hæredem est. l. si quis. 32. §. 1. & l. legato. 37. ff. de Legat. I. qui minimum præstando satisfaciat, per dicta ad *cit. Reg. XXX. n. 8.* Nisi forsân legatum penitus periret, casu quo interpretatio pro legatario non fieret, ut bene advertit Dynus *hic n. 11.* cum universaliter loquendo in dubiis interpretatio ita sit facienda, ut actus valeat potius, quam pereat. *cit. l. Quoties. 12. ff. de Rebus dub. vel nisi servus, aut alia res generaliter legetur; quia tunc electio penes legatarium est, textu expresso §. Si generaliter. 22. Infit. de Legat. ibi: Si generaliter servus, vel alia res legetur, electio legatarii est; nisi aliud testator dixerit. junctâ l. Qui duos. 20. ff. de Legat. I.**

REGULA LVIII.

Non est obligatorium contra bonos mores præstitum juramentum.

S U M M A R I U M.

1. Regula unde?
2. Contra bonos mores idem ac quod contra legem est. Juramentum non est vinculum iniquitatis. *Ibid.*
3. Ponitur verus sensus Regula.
4. Prohibita de jure in favorem tertii servanda sunt, si juramentò confirmantur. & seq.

Videtur desumpta hæc Regula ex *l. Contractus. 23. ff. de Reg. Jur.* ubi post medium sic habetur: *Legem enim contractus dedit, exceptò eo, quod Celsus putat, non valere, si convenerit, ne dolus præstetur; hoc enim bone fidei iudicio contrarium est; & ita utimur. Concordat can.*

5. Juri, & favori suo quisvis renuntiare potest.
6. Omne Juramentum, quod non est contra bonos mores, obligat.
7. Contractus juramentò firmati, quando servari debeant, remissive.

Inter cetera. 22. cau. 22. q. 4. §. Porro. ibi: Juramentum non ob hoc fuisse institutum invenitur, ut esset vinculum iniquitatis, vel matricidii, vel fratricidii, seu cujuscunque criminis. & Reg. 69. de Reg. Jur. in 6. ibi: In malis promissis fidem non expedit observari.

2 Queritur I. Quomodo hæc Regula intelligenda? Et quis verus illius sensus sit?

Resp. I. Regulam per verba *contra bonos mores* ideam dicere velie, ac contra legem naturalem, divinam, vel etiam humanam, sub gravi, vel levi culpa obligantem; quidquid enim contra hujusmodi legem sit, offensa DEI, etiam hoc ipso malum, ac contra bonos mores est, utpote quales non sunt, quando legi diffformes, & divinam Majestatem offendentes existunt. Qui igitur jurat facere, quod lex prohibet, vel omittit, quod lex præcipit, juramentum servare non obligatur, sed potius obligatur tale juramentum, contra legem factum, non servare, hoc ipso, quod legem observare teneatur, v.g. qui jurat proximum injuste persequi, eum in bonis famæ, vel fortunæ lædere, verberare, vulnerare, occidere &c. vel qui jurat, quod parentibus, vel superioribus non velit obedire, nulli pauperi, etiam in gravi necessitate existenti elemosynam præbere, etsi bene posset; nullam amplius audire Missam, vel quid aliud omittere, quod agere tenetur: non obligatur servare tale juramentum, sed potius obligatur illud non servare, & illo non obstante facere, quod lex præcipit, & omittere, quod prohibet. Ratio est, tum; quia juramentum non est vinculum iniquitatis, *cit. can. 22. cau. 22. q. 4. & c. Quanto. 18. de jurejur.* id est, neminem vinculat, ligat, stringit vel obligat ad iniquum: cujusmodi omne illud est, quod contra legem, consequenter contra bonos mores, & quod malum, ac peccatum est. Nulla autem existente obligatione juramenti, remanet obligatio legis, contra quam juratum est. Tum; quia *Nemo potest ad impossibile obligari. c. Nemo. 6. de Reg. Jur. in. 6.* Ea autem, quæ contra leges, & consequenter contra bonos mores sunt, sicque licite fieri nequeunt, inter impossibilia reputantur per dicta & probata ad *cit. Reg. 6.* ergo jurans illa facere, juramentum servare non obligatur.

3 Resp. II. Verus Regulæ sensus hic est: Qui jurat aliquid facere, vel omittere; quod contra jus, seu legem naturalem, vel divinam, vel humanam, sub gravi vel levi peccato obligantem, consequenter contra bonos mores est, & licite observari nequit, juramentum servare nullatenus obligatur, sed potius tenetur illud non observare, eoque non obstante, legi obedire. Per Jura & rationes jam allegatas: patetque tam ex jam adductis, quam obviis aliis exemplis.

4 Objici solent contra hanc Regulam plura

ex Jure, per quæ manifestè patet, quod etiam prohibita de Jure observari debeant, si quis ea servare juravit: Sic enim renuntiatio, quam filia dotata facit de futura successione paterna à Jure reprobatur. *l. fin. ff. de Suis & Legit. & l. Pactum, quod dotali. 15. C. de Pactis:* tamen si filia eam servare jurat, juramento stare tenetur textu expresso *c. Quamvis. 2. de Pactis in 6.* ibi: *Quamvis pactum patri factum à filia, dum nuptui tradebatur, ut dote contenta nullum ad bona paterna regressum haberet, improbet lex civilis; si tamen juramentum non vi, nec dolo, præstitum fuerit, ab eadem omnino servari debet; cum non vergat in æternæ salutis dispendium, nec redundet in alterius detrimentum.*

Sic pariter, etsi fundi dotalis alienatio de Jure sit prohibita. *l. un. C. de Rei uxori. actio. 5. Et cum Lex. 15.* tamen si mulier eam juramento firmat, illud servare tenetur, Jure civili propterea per Jus canonicum correcto *c. Licet. 2. de Jurejur. in 6.* ibi: *Licet mulieres, quæ alienationibus dotium, & donationum propter nuptias consentiant, non contravenire proprio juramento firmantes, servare juramentum hujusmodi, non vi, nec dolo præstitum, de Jure Canonico teneantur; quia tamen quidam Judices seculares eas contra præfatas alienationes audiunt, quamvis eis constet legitimè de hujusmodi juramento: Nos animarum periculis obviare volentes, eosdem Judices ad servandum hoc Jus canonicum per locorum Ordinarios censuræ ecclesiasticæ decernimus compellendos.* Plura alia hujusmodi exempla adducit Vivianus: ad quæ tamen, ac alia Resp. cum dicto Viviano & aliis, plura per legem prohibita servari debeat casu, quod firmanter juramento, si sunt prohibita ob sui turpitudinem, negatur: si sunt prohibita præcisè in privilegium tertii (qualia sunt cuncta in exemplis allegata) conceditur; cum enim quisvis juri & favori suo renuntiare valeat, *arg. c. Si diligenti. 12. de Foro compet. & l. Si Judex 41. ff. de Minor. ibi: Unicuique licet contemnere, hæc, quæ pro se introducta sunt: debet id, quod in sui favorem à lege prohibitum est, observare, si illud servare juraverit; quia licite servare potest arg. cit. c. Quamvis 6. de Pactis in 6. & c. Licet. 2. de Jurejur. in 6.*

Hinc Doctores communiter docent, in Regula nostra: *Non est obligatorium contra bonos mores præstitum juramentum:* implicite contineri aliam e contra oppositam, videlicet: *Omne juramentum, quod contra bonos mores non est, consequenter licite servari potest, obligatorium est, & servari debet.* per Jura n. præced. citata.

Cæterum plura circa hanc Regulam, præsertim an, & quando contractus de Jure prohibiti, & invalidi, juramento firmati servari debeant, fufius habetur *Lib. II. Tit. 24. de Jurejur. §. 3. & 4.*

REGULA LIX.

Dolo facit, qui petit, quod restituere oportet eundem.

SUMMARIUM.

1. Regula unde?

2. Quomodo Regula intelligenda?

3. Ponitur verus sensus illius;

Qui non illi, à quo petit, sed alteri restituere debet, reus doli non est.

4. Nec ille, qui non statim, sed primum cum tempore restituere tenetur.

5. Declaratur Regula exemplis Juris. & seqq.

6. Maritus petens defunctæ uxoris dotem nondum solutam, doli reus censetur.

7. Sicut & usurarius petens solutionem usurarum.

8. Fallit Regula in casu restitutionis spoliatorum.

1. **D**efumitur hæc Regula ex l. In condemnatione. 173. §. 3. ff. de Reg. Jur. ibi: Dolo facit, qui petit, quod redditurus est. & l. Dolo 8. ff. de Doli mali except. ubi etiam exemplificatur Regula, ibi: Dolo facit, qui petit, quod redditurus est; sic si hæres damnatus sit, non petere à debitore, potest uti exceptione doli mali debitor, & agere ex testamento.

2. **Q**uæritur I. Quomodo hæc Regula intelligenda? Et quis verus illius sensus sit? Resp. I. Eam sic esse intelligendam, quòd ille dolosè, & malitiosè, fraudandique animò agere præsumatur (fundatur enim hæc Regula in præsumptione) qui rem ad se non pertinentem petit ab aliquo, quam etiam acceptam eidem, à quo petit, exigente iustitia, statim iterum restituere tenetur. Ratio Regulæ est; quia hoc ipsò, quod quis rem, quam ab alio petit, eidem statim, ac recepit, iterum restituere debeat, nullam videtur habere iustam petendi causam, consequenter ex dolo & malitia, animòque fraudandi petere iustè præsumitur. arg. cit. l. Dolo. Fraudibus autem, & malitiis hominum non indulgendum, sed occurrendum est. arg. l. in fundo. 28. ff. de Rei Vindicat. Addit Vivianus aliam rationem; quia videlicet lex & natura horrent inutiles ambages, & circuitus, ac propterea volunt, ut, quod paucis fieri potest, non fiat pluribus. arg. l. fin. C. de Emancipat. lib. consequenter id quis ab aliquo minime petere, sed relinquere debet, quod, postquam accepit, eidem statim iterum reddere, seu restituere debet.

3. **R**esp. II. Regulæ sensus verus est iste: Omnis ille ex dolo, & animo fraudandi de jure præsumitur, qui rem aliquam ad se non pertinentem ab altero petit, quam etiam obtentam, eidem, à quo petit, exigente iustitia, statim iterum reddere, seu restituere tenetur. Per Jura, & rationes

n. 1. & 2. jam allegatas. Notanter autem dicitur, quam eidem, à quo petit, iterum restituere tenetur; quia Regula non est intelligenda de illo, qui petit ab altero rem aliquam, quam non eidem, à quo petit, sed alicui alteri, domino nempe suo restituere debet. l. Si focer. 44. §. 1. ff. Solut. Matrim. ibi: Cum absurdè dicitur, dolo videri eum facere, qui non ipsi, quem convenit, sed alii restitutus petit. Hinc doli reus minime censetur commodatarius, qui rem sibi commodatam, & postea à fure ablatam, ab eodem petit; quia eam non furi, à quo petit, sed alteri, domino videlicet reddere debet. Sic Procuratores & advocati, nomine sui Principalis rem ab injusto detentore petentes, dolosè agere non præsumuntur, etsi rem, quam petunt, statim restituere debeant; quia non illi, à quo petunt, sed alteri, domino videlicet suo, restituere tenentur.

Dicitur notanter ulterius, quam statim, 4 seu in continenti restituere debet eidem, à quo petit; nam qui rem non statim, sed post intervallum temporis, v.g. post annum eidem, à quo petit, restituere tenetur, doli reus non præsumitur, arg. l. fin. §. 1. ff. ut Legat. caus. cavetur. ubi pater à filia institutus hæres, ut post mortem suam nepoti, testatricis filio, hæreditatem restituat, doli reus non censetur ex eo, quòd à superstite marito res filiæ defunctæ petat, licet eas restituere teneatur nepoti, quia restitutionem non statim, sed primum post mortem suam facere debet. Quamvis etiam ex alio capite à dolo immunis esset; quia nimirum non illi, à quo petit, sed alteri, nepoti scilicet suo restituere debet.

Cæterum declaratur Regula, & sensus 5 illius exemplis Juris; Sic enim hæres, qui hac

hac cum conditione institutus est, ne peteret à certo debitore debitum, dolosus censetur, & doli exceptione repellitur, si debitum à debitore petat; quia eidem, etiamsi debitum obtineret, statim iterum reddere deberet. cit. l. Dolo. 8. ff. de Doli mali Except. per textum n. 1. citatum.

6 Sic pariter maritus doli reus præsumitur, & doli exceptione repellitur, si defunctæ conjuge dotem à socero, seu patre defunctæ conjugis promissam, sed nondum solutam petat. arg. l. Apud Celsum. 4. §. 1. §. 2. ff. de Doli, §. met. Except. quia eidem statim iterum restituere deberet. Nec obstat, quòd vi l. 1. C. de Rei uxor. act. maritus primum post intervallum unius anni teneatur restituere dotem defunctæ conjugis; quia tempus hoc solus commiserationis causâ conceditur marito, ut, cum pecunia parata sæpe non statim habeatur ad manum, eam interea comparare, ac postea pro quantitate dotis restituere valeat. Quæ ratio cum in dote necdum soluta non militet, petens dotem maritus reus doli præsumitur; cum eidem, à quo petit, statim iterum reddere deberet.

7 Sic ulterius usurarius, qui usuras à debitore petit ex dolo agere præsumitur, & doli

exceptionem pati debet; quia usuras, quas à debitore petit, eidem statim restituere deberet c. Cum tu. §. & c. Tuas. 13. de Usur. ibi: Compellas restituere ipsas (usuras videlicet) postquam fuerint persolutæ, ne de dolo & fraude contingat eos commodum reportare.

Quæritur II. An? Et in quibus fallat 8

Regula LIX. Resp. Eam præcipue fallere in casu restitutionis spoliatorum; Nam, ut contra nonnullos bene notat Dynus hic, etsi hæc Regula non tantum in petitorio, sed etiam in possessorio adipiscendæ & retinendæ procedat, tamen fallit in iudicio recuperandæ possessionis; quia spoliatus ante omnia est restituendus, c. fin. de Ordine cognit. cum concordat. Hinc etsi sciat spoliatus, se rem, quam à spoliatore sibi pro recuperanda possessione restitui petit, eidem statim iterum debere reddere, tamen doli reus non est; quia iustam causam petendi habet, ut nempe iuxta Juris præscriptum spoliatus ante omnia in possessionem restituatur; prout amplius diximus lib. II. Tit. 13. de Restit. spoliat. §. 3. ubi tamen §. 4. etiam subjunximus casus, in quibus restitutio spoliatorum ante omnia non fit, & consequenter in isdem fallentia hæc non procedit. Vide ibidem, ne inutilis fiat repetitio.

REGULA LX.

Non est in mora, qui potest exceptione legitima se tueri.

S U M M A R I U M.

1. Regula unde?

2. Mora quid, & quotuplex? ac quid Exceptio remissivæ?

Quomodo Regula intelligenda? Ibid.

3. Ponitur versus sensus Regulæ.

4. Exceptio legitima quæ?

5. Enarrantur causæ legitimam reddentes exceptionem.

6. Citatus etiam ab illegitimo Judice (nisi notoriè sit talis) comparere debet.

7. Legati dominium statim post mortem legantis transit ad legatarium.

8. Illegitima exceptio non excusat à mora.

1 **D**efumitur hæc Regula ex l. Nulla. 88. ff. de Reg. Jur. ibi: Nulla intelligitur ibi mora fieri, ubi nulla petitio est. adde: vel si quæ est, exceptione legitima elidi potest. l. Nihil interest. 112. ff. de Reg. Jur. quia nihil interest, ipso jure quis actionem non habeat, an per exceptionem infirmetur.

2 **Q**uæritur I. Quomodo hæc Regula intelligenda? & quis verus sensus illius sit? Ante

responsionem supponitur ex dictis supra ad Regulam XXV. n. 2. & seqq. qui 1? & quotuplex sit mora. Quid autem, & quotuplex sit exceptio, fusè declaratum habetur Lib. II. Tit. 25. §. 1. de Exceptionibus. Quò supposito Resp. I. Regulam sic esse intelligendam, quòd ille, qui ex iusta, & rationabili causa se defendere, excusare, sicque contra actorem petentem legitimè excipere potest, quare tem-

tempore aliàs debito aut præscripto non solverit, aut non fecerit, vel præstiterit verum, aut prætentum debitum, non sit in culpabili mora, quæ pænas, & malos effectus secum trahat: consequenter ad eos condemnari nequeat; qui enim in culpabili mora est tempore debito solvendi, faciendi, aut præstandi, quod debet, tenetur ad resarcienda damna omnia & incommoda ratione moræ secuta, v. g. ad æstimationem rei, quæ tempore moræ etiam casu perit: ad compensandos fructus: ad interesse & usuras: ad pænas in contractu appositas &c. prout ampliùs explicatum, & ex jure probatum, habetur per dicta ad *Regulam XXV. à. n. 6.* A tali igitur mora culpabili, hujusmodi pænas, & malos secum trahente effectus Regula immunem declarat illum, qui legitima exceptione se tueri & defendere, id est, allegare, & probare potest, quod ex rationabili, justa, legitima causa tempore aliàs debito non solverit, vel non fecerit, aut præstiterit, quod debebat, vel eum debere, prætendebatur: id enim probando legitima exceptione se tueri dicitur contra actorem petentem, vel prætendentem. Hinc

Resp. II. Verus sensus Regulæ sequens est:

³ Non est in culpabili mora solvendi, faciendi, vel præstandi, qui eo tempore, quò aliàs deberet, vel debere prætenditur, non solvit, facit, aut præstat, quod debet, aut debere prætenditur, & consequenter nec pænas moræ culpabilis incurrit, qui sufficienter probare potest, quod ex rationabili, justa, seu legitima causa præfuto tempore debitum solvere, aut præstare omiserit. Ratio est; quia mora, de qua jura, & Regula nostra loquuntur, supponitur esse inculpabilis, adeò, ut, ubi culpa non est, nec mora adesse censeatur Strein. *hic. n. 1. arg. l. Pecunia fenebris. 9. ff. de Usur.* atqui ubi justa, & legitima excusatio adest, culpa abest, consequenter & moram abesse, sicque qui se legitime excusare, seu excipere potest, in mora non esse merito censetur.

Dicitur autem justa causa excusans, & ⁴ legitima exceptio illa, quæ in jure Divino, naturali, aut humano directè, vel indirectè ita fundatur, ut replicatione elidi non valeat; quia si replicatione elidi potest, pro legitima non habetur. Dyn. *hic. n. 3.* Vivianus *hic.* & alii communiter; Nam sicut idem est ipso jure non habere actionem, & habere actionem, quæ possit exceptione excludi, textu claro *l. Nihil interest. 112. ff. de Reg. Jur.* sic idem

est, omnino non habere exceptionem, & habere exceptionem, quæ per replicationem excludi potest; cum ita se habeat replicatio ad excludendam exceptionem, sicut se habet exceptio ad excludendam actionem. *l. 2. ff. de Except.*

Porro causæ justæ, legitime excusantes, legitimamque reddentes exceptionem, ne quis censeatur esse in mora, plurimæ sunt; ex quibus aliquas in specie subjungimus. Tales namque sunt *Primò*, si solutio pro tempore est impossibilis, aut justò difficilior; quia *nemo potest ad impossibile obligari juxta Reg. VI. de Reg. Jur. in 6.* & dicta ad eandem supra. *Secundo*, si debitum provenit ex facto alieno: ut si testator relinquit debitum, quia hujus datur excusans ignorantia juxta *Regulam XIII. de Reg. Jur. in 6. Ignorantia facti, non juris excusat:* & dicta ad eandem supra. *Tertiò*, si creditor debito tempore solutionem oblatam acceptare renuit, per dicta ad *Reg. XXV. n. 2.* *Quartò*, ubi mali doli, vel metus gravis injustè incussi contra prætendentem, vel petentem creditorem datur exceptio. *l. Pecunia fenebris. 9. ff. de Usur & totò Titulo de doli mali, & metus exceptione.* *Quintò*, si debitum non est liquidum. *Sextò*, si jam facta est compensatio aliqua ex parte petentis. *Septimò*, si petens ipsemet contractum non implevit. *Octavò*, si exigui temporis dilatio est; quia in hac notabile non sentitur damnum. *l. Si debitori. 21. ff. de judiciis.* ibi: *Neque enim magnum damnum est in mora modici temporis; nec est necesse statim cum sacco currere. l. Quod dicimus. 105. ff. de Solut.* ibi: *Quod dicimus - debere statim solvere, cum aliquo scilicet temperamento temporis intelligendum est; nec enim cum sacco adire debet.*

Objicitur autem contra Regulam I. Qui ⁶ excipit contra judicem non suum, legitime excipit. *l. Contumacia. 53. ff. de Re judicat. & l. fin. ff. de jurisdictione.* ibi: *Extra territorium jus dicenti impune non paritur. Idem est, & si supra jurisdictionem suam velit jus dicere: & tamen si citatus à tali judice non comparet, in mora esse, & contumax reputatur. l. Si quis ex aliena. 5. ff. de judiciis.* Resp. hoc verum esse, quando dubium, seu notorium non est, judicem esse incompetentem; quia *Prætoris est, æstimare, an sua sit jurisdictio; vocati autem non contemnere auctoritatem Prætoris, uti dicitur cit. l. Si quis ex aliena.* Hinc citatus venire

venire debet saltem ad ostendendam fori incompetentiam, cit. l. Si quis. ibi: In jus vocati veniant, sua privilegia allegaturi. junctâ l. 2. ff. Si quis in jus vocatus. ibi: Ex quacunque causa ad Praetorem, vel alios, qui jurisdictioni praesunt, in jus vocatus venire debet; ut hoc ipsum sciatur, an jurisdictio ejus sit. Quare si vocatus contra hoc excipit, legitimam exceptionem non habet per leges citatas. Secus est, si notorium habetur, quod citans Judex incompetens sit; tunc enim comparere non tenetur, sed legitima exceptione se tueri potest. cit. l. fin. ff. de Jurisdic. & r. fin. de Constit. in 6. ibi: Cum extra territorium jus dicenti non pareatur impune; patetque in casu, quod Clericus à laico, utpote notoriè incompetenti Judicq. citatur.

7 Objicitur 2. Debitores ex personali actione condemnati gaudent legitima exceptione. l. Debitoribus. 31. ff. de Re judicat. & tamen haeres pro re legata conventus, & condemnatus, non obstante hac legitima exceptione tenetur ad restitutionem fructuum, post litem contestatam perceptorum. l. In Fidei commiss. 3. ff. de Usur. Ergo etiam legitima exceptio non excusat à mora. Resp. hæ-

redem in hoc casu ad fructuum restitutionem teneri non propter moram, sed ne ex re legata, tanquam aliena locupletior fiat contra Reg. XLVII. de Reg. Jur. in 6. ibi: Locupletari non debet aliquis cum alterius injuria. Strein hic: n. 3. Salicetus in cit. l. In fidei commiss. Cum enim rei legata dominium legatarius statim post mortem legantis acquirat, l. à Titio. 64. ff. de Furtis. ibi: quia ea, quæ legantur, rectâ viâ ab eo, qui legavit, ad eum, cui legata sunt, transcunt: ex illa, tanquam re aliena haeres fructus percipere non potest, & si percipit, legatario, restituere tenetur.

Objicitur 3. l. Nemo. 82. ff. de V. O. 8 pro moroso habetur, qui excipiendo in judicio litigare maluit, quàm restituere: ergo exceptio non purgat moram. Resp. ibi sermonem esse non de justa, & legitima, sed injusta exceptione: quæ utique moram non excusat; bene verò exceptio legitima & justa, textu claro l. Si quis solutioni. 24. pr. ff. de Usur. & fruct. ibi: Si quis solutionem quidem moram fecit, judicium autem accipere paratus fuit, non videtur fecisse moram: utique si justè ad judicium provocavit.

REGULA LXI.

Quod ob gratiam alicujus conceditur, non est in ejus dispendium retorquendum.

S U M M A R I U M.

1. Regula unde?

2. Ponitur verus Regule sensus.

3. Declaratur exemplis Juris.

Quæ à minoribus sunt sine auctoritate tutoris, valida sunt, si in eorum commodum cedunt, invalida autem, si eis damnoſa essent. § n. seq.

Professores plebeio genere nati, evadunt nobiles docendo 20. annis.

Regule Juris,

Privilegia antiqua per nova non tolluntur, sed augentur: ibid.

6. Hereditatem etiam pinguem nunquam adire potest pupillus sine tutoris auctoritate.

8. Judei die sabbathi non possunt conveniri, nec convenire in judicio.

9. Prelati Ecclesiastici repudiando hereditatem, vel legatum, tenentur ad restitutionem.

Ecclesia gaudet jure minoris. Ibid.

10. Sicut vera est Regula praesens: sic vera est ei.

est eidem à contrario opposita : Quod in pœnam, & odium alicujus est introductum, non debet in ejus utilitatem, & commodum converti:

Desumitur hæc Regula ex l. Nulla. 25. ff. de Legibus. ibi: Nulla juris ratio, aut æquitatis benignitas patitur, ut quæ salubriter pro utilitate hominum introducuntur, ea nos duriorè interpretatione contra ipsorum commodum producamus ad severitatem. & l. Quod favore. 6. C. eod. ibi: Quod favore quorundam constitutum est, quibusdam casibus ad læsionem eorum nolumus inventum videri.

2 Quæritur I. Quomodo hæc Regula intelligenda? Et quis verus illius sensus sit? Resp. Eam intelligendam esse juxta sequentem sensum, qui proprius illius est: Quod alicui conceditur ut gratia & favor pro commodo ac utilitate, non ita interpretandum est, ut ei sit oneri, incommodo, vel præjudicio. Ratio Regulæ est; quia Rescripta accipiunt vires & effectum ab intentione rescribentis arg. c. Ad aures. 8. de Rescript. ibi: cum non sit intentionis nostra: & quod ad unum effectum, atque finem ordinatum est, ita accipi non debet, ut producat effectum contrarium. l. Cum & Judices. 2. §. 9. C. de Jurejur. propter calumn. ibi: ne -- aliquid contrarium eveniat proposito nostro, & quod pro compendio litium introductum est, protinus hoc in adversariam figuram transformetur, consequenter quod alicui tanquam gratia & favor concessum est, in ejus odium, incommodum, & præjudicium trahendum non est per Jura n. 1. allegata: præsertim cum aliàs gratia & favor concessus, ex utrà suâ naturâ, odium & onus evaderet.

3 Declaratur Regula exemplis Juris, & quidem præcipuè in Minore; in hujus siquidem favore statutum est, quod non possit stare in judicio sine auctoritate tutoris. l. Clarum. 4. C. de Auctoritate præstanda. ubi ratio apponitur illis verbis: ne ex sua imperitia, vel juvenili calore aliquid vel dicant, vel taceant, quod si fuisset prolatum, vel non expressum, prodesse eis poterat, & à deteriore calculo eos eripere. junctâ l. Momentaneæ. 3. C. Qui legitimam personam standi & c. adeo, ut si nihilominus sine auctoritate tutoris litiget, & contra ipsum feratur sententia, hæc de Jure nulla sit l. 1. C. eod. ibi: Si, cum esses pupillaris ætatis, sine tutoris auctoritate cum adversario consistens, Præses Provincie adversus te pronuntiaverit, minimè auctoritate judicati ni-

nisi remotè ac mediatè.

11. Regula fallit in gratis & favoribus non motu proprio, sed ad petitionem concessis.

titur, quod statutum est. cum Concord. Et tamen si sententia in favorem minoris litigantis sine auctoritate tutoris fertur, valida existit l. Non eò minus. 14. C. de Procurat. ubi pariter ratio subjungitur his verbis: Minoribus enim atas in damnis subvenire, non in rebus prosperè gestis obesse consuevit.

Rursum in favorem minorum introdu-
tum est beneficium in integrum contra venditorem: quò uti si nolit, adversarius petere non potest rescissionem contractus invito minore: ne in ejus læsionem, vel damnum retorqueatur, quod in illius favorem introductum est. l. Si Judex. 41. ff. de Minor. Sic pariter in favorem minoris lege introductum habetur, quod si moveatur quæstio de statu, & bonis illorum, judicium differri debeat usque ad annos pubertatis l. Carbonianus. 3. §. 5. ad finem. ff. de Carbonian. Edict. ibi: ne de statu periclitentur, antequam se tueri possint, ut ait lex; & tamen si paratæ pro se habent probationes, & causam statim decidi volunt, id fieri debet, ne quod in favorem concessum habetur, in eorum vertatur præjudicium. cit. l. Carbonianus. ubi eadem additur ratio; quia non debet adversus pupillos observari, quod pro ipsis excogitatum est, & pendere status eorum, cum jam possit indubitatus esse.

Sic ulterius Professores, de plebeio genere nati, etsi 20. annis docendo efficiantur nobiles, l. un. C. de Professor. qui in urbe Constantinopolit. Tamen non perdunt favores, quibus ut plebei gaudebant, ne nova gratia, & favor concessus eis noceat. Et universaliter novæ gratiæ, & favores non extinguunt veteres: nec per nova privilegia tolluntur, vel revocantur antiqua (nisi exprimatur) sed augentur & confirmantur l. fin. C. de Præpositis agentium in rebus. ibi: ita tamen, ut privilegia, quæcunque -- jam per dispositiones principales imperita, & nunc usque observata esse noscuntur, intacta custodiantur; addita ratione: cum per absurdum, & perquam temerarium sit, hanc nostræ liberalitatem pietatis, quemquam astuta interpretatione non ad augmentum anteriorum privilegiorum, sed diminutionem convertertere, cor cedi.

Objicitur autem contra hanc Regulam primò: In pupilli favorem sancitum est, ne valeat adire hæreditatem, quamvis pinguis & l.

& lucrosa sit, textu expressio §. 1. *Instit. de Authorit. tut. & l. Obligari. 9. §. 3. ff. cod. ibi: Pupillus hereditatem adire non potest, quamvis lucrosa sit.* atqui hoc videtur pupillo præjudiciosum: ergo quod in gratiam concessum, etiam in ejus damnum torqueri potest. Resp. cum Dyno, & Glossa *hic*; id non esse pupillo damnosum, sed favorabile, & utile; quia ordinariè periculum est, ne hereditas habeat latentia onera, quæ pupillo magis nocere possent, quam hereditas prodesse; ad quæ pericula & damna evitanda in favorem pupillorum sancitum est, ut etiam apparentem pinguem hereditatem adire non valeant sine autoritate tutoris: quæ ratio etiam additur *cit. §. 1. Instit. de Authorit. tut. ibi: neg. tamen hereditatem adire - aliter possunt, nisi tutoris autoritate, quamvis illis lucrosa sit*; audi rationem: *ne ullum damnum habeant.*

7 Ii bene post Dynum advenit Gloss. *cit.* quod, etsi universaliter loquendo in cunctis, de quibus certum est, conditionem pupilli esse meliorem, valeat factum pupilli etiam sine autoritate tutoris per Jura *n. 4. & §. citata*; tamen sic non valeat in iis, in quibus ejus conditio vel deterior fit, vel periculum, & dubium est, an deterior, vel melior evadat: prout res se habet in aditione hereditatis.

8 Obijciunt secundo: Ex privilegio, & favore Judæis concessio non possunt hi die sabbathi conveniri. *l. Die Sabbathi. 13. C. de Judæis. ibi: Die sabbathi, vel reliquis, sub tempore, quod Judæi cultus sui reverentiam servant, neminem aut facere aliquid, aut ulla ex parte conveniri debere precipimus*: sed hic idem favor illis odiosus est; quia & ipsi propterea etiam Christianos tali tempore convenire non possunt, cum dictis verbis legis statim addatur: *ita tamen, ut nec illis detur licentia, eodem die Christianos Orthodoxos convenire.* Resp. cum Dyno *hic*: Privilegium Judæis datum non fuisse in nuda concessione illis facta, sed additam esse conditionem, ut servetur æqualitas inter litigatores, & vitetur inæqualitas juxta præscripta Juris, sicque Judæos gaudere suo privilegio, prout fuit. Accedit, non tam ex præfata lege, quam Lege Mosica principaliter provenire, quod Judæi in die Sabbathi non possint convenire Christianos: quod verò Christiani ipsos præfata die convenire nequeant, provenire præcisè ex privilegio legis, quod plenè fruuntur, sine subsecutione novi oneris. Strein *hic. n. 3.*

9 Obijciunt tertio: Officium Prælati Ec-

clesiastici ex sua institutione ad favorem & indemnitatem Ecclesiæ spectat, & tamen Prælati potest repudiare hereditatem, & legatum Ecclesiæ relictum per fusè dicta & probata *Lib. III. Tit. 10. §. 2.* atqui hoc videtur Ecclesiæ non raro præjudiciosum: ergo quod in favorem est concessum, etiam in dispendium retorqueri potest. Resp. per accidens, & contra intentionem Juris esse, quod per repudiationem hereditatis vel legati Ecclesiæ præjudicet Prælati, utpote qui à Jure datur Ecclesiæ, ut universaliter etiam in repudiando legato damna Ecclesiæ vitet, non cauet. Eorum autem, quæ per accidens eveniunt, non habetur ratio. Strein *hic. n. 3.* Accedit, quod, sicut tutor, si sua actione lædat pupillum, tenetur damnum rescire *l. Quidquid. 7. C. Arbitr. tutel. ibi: Quidquid tutoris dolo, vel lata culpa, aut levi, seu curatoris minores amiserint, vel, cum possent, non acquisierint, hoc in tutela, seu negotiorum gestorum utile iudicium venire, non est incerti juris.* Sic etiam Prælati teneatur rescire damnum causatum Ecclesiæ, utpote quæ gaudet Jure minoris. *c. 1. de In integr. restit. ibi: Quod si Ecclesia læsa est, & manifeste apparet detrimentum ipsius (cum Ronscopo ejus conlutoam facere deteriorem non liceat, & Ecclesia jure minoris debeat semper illa servari) quæ in detrimentum ejus data constitit, ad ipsius convenit jus, & proprietatem redire.* Cui quoque autem Prælati satisfacere non potest, succurritur Ecclesiæ beneficio restitutionis in integrum. *arg. cit. c. 1. de In integr. restit. & l. 1. ac fm. C. si minor ab heredit.*

Cæterum sicut juxta dicta omnino vera ¹⁰ manet Regula: *Quod in gratiam alicujus conceditur, non est in ejus dispendium retorquendum*: sic à sensu contrario vera etiam est Regula, quam illa implicite continet: *Quod in penam & odium alicujus est introductum, non debet in ejus utilitatem, vel commodum converti, utinotat & pluribus probat Glossa hic, & Dynus, arg. c. 2. de Translat. Episc. circa med. ibi: Quod statutum fuit ad penam, trahi non debet ad gratiam.* cum Concord. quam tamen contrariam Regulam cum Dyno sic intellige; quod idem actus non possit simul esse immediata, & proxima causa penæ, & præmii, seu comodi & damni: bene tamen mediata & remota; sic enim licet in penam, & odium suspecti tutoris constitutus sit, ut inquam suspectus removeatur ab officio: tamen id etiam in commodum illius redundat, quia exinde non tenetur amplius de periculo administrationis neglectæ. *l. Decreto. 10. ff. de suspect. tutor.*

Sic etiam, etsi in pœnam & odium militis, per ignominiam dimissi, statutum sit, ut *neque in urbe, neque alibi, ubi Imperator est, morari ei liceat*, ut dicitur l. 2. §. 4. ff. de His, qui notantur infamia. tamen exinde etiam id commodi & utilitatis consequitur, quod excusetur à tutelis, quæ deferuntur in urbe, & aliis oneribus militum; Nam, ut bene argumentatur Dynus hic. n. 16. Delictum est causa pœnæ: pœna verò est causa inhabilitatis ad aliquem actum, vel officium: inhabilitas autem est causa remotionis ab actu, remotio est causa exemptionis ab onere incumbente ratione actus vel officii.

REGULA LXII.

Nullus ex consilio, dummodo fraudulentum non fuerit, obligatur.

S U M M A R I U M.

1. Regula unde?
2. Quomodo intelligenda?
3. Verus illius sensus ponitur.
Sine consilio nil agendum. ibid.
4. Procedit Regula etiam in casu, quo consilium non ceat tercio.
4. Dummodo bona fide detur.
Consilium fraudulentum non excusat. ibid.

DEsignatur hæc Regula ex l. Consilii. 47. ff. de R. J. ibi: *Consilium non fraudulentum nulla obligatio est.* & aliis apud Glossam.

2 Quæritur I. Quomodo hæc Regula intelligenda? Et quis verus illius sensus sit? Resp. I. Regulam id velle dicere, quod, cum ex consiliis etiam optima fide, & prudentissimè datis, gravia non ratò sequantur damna, is, qui consilium bona fide dedit, ad refarciendo huiusmodi damna nullatenus obligatur. Hinc

3 Resp. II. Verus sensus Regulæ hic est: Qui alteri sive petenti, sive non petenti consilium bona fide præbet, nullatenus tenetur ad reparanda damna, vel sustinenda incommoda, quæ ex tali consilio præter intentionem sequuntur. Ratio est, Tum; quia quamvis ex consilio unius alter ad agendum, vel omittendum efficaciter moveatur, tamen ad id sequendum minime obligatur. l. 2. ff. Mandati. §. 6. ibi: *Nemo ex consilio obligatur, etiam si non expediat ei, cui dabatur: quia liberum est cuique apud se explorare, an expediat sibi consilium.* Unde sibi imputare debet, si ex consilio, quod quis non necessariò, sed liberè sequitur, damnum sentiat. Tum; quia si quis ex consilio, etiam

Quæritur II. An? & quas fallentias habeat Regula LXI? Resp. Eam fallere in gratiis, quæ non motu proprio, sed ad instantiam petentis sunt concessæ. Glossæ & Dyn. hic. Exemplum habetur in c. Prudentiam. 2. de Mutuis petit. ubi clausula *appellatione remota* in favorem impetrantis obtenta, in ejusdem læsionem retorquetur, si reus ipsum coram eodem Iudice reconveniat. Ratio fallentiæ fundatur in illo Juris principio: *Quod quid Juris in alterum quis statuerit, ut ipse eodem Jure utatur. Tot. Tit. ff. Quod quisque Juris in alterum. &c. Cum omnes. 6. de Consilii.*

6. Fraudulenter consulens subinde tenetur non ipsi, cui suavit, sed tercio, cui damnum inde secutum est, restituere: Quando? & quomodo?
7. Ei, cui delictum suadet, nil debetur.
8. Fallit Regula in Assessoribus, Advocatis, Medicis, & aliis, qui ex defectu scientiæ, vi officii debita, bona fide, sed damnosè suadent.

bona fide & prudenter dato ad refarcienda damna præter intentionem sæpe sequi solita obligaretur, & à commodis inde secutis excluderetur, nemo foret, qui consilium dare vellent: cum tamen pro humano commercio optimum, immo exigente charitate sæpe necessarium sit dare, & audire fidele & prudens consilium. Nam ut Spiritus S. loquitur: *ibi salus, ubi multa consilia.* Prov. 11. v. 14. & cap. 12. v. 15. ibi: *qui sapiens est, audit consilia.* Nam qui omnia agunt cum consilio, reguntur sapientiâ. ibid. cap. 13. v. 10. unde monet Spiritus S. Eccles. 32. v. 24. *Fili, sine consilio nihil facias, & post factum non pœnitebis.*

Procedit Regula etiam in casu, quò consilium bona fide datum in damnum tertii redundat: ut si quis alicui justè suadeat, ut adeat hæreditatem, qua suasionem non facta factus fuisset hæres aliquis tertius: vel si consilium justum det, ut instituat actionem de recuperando prædio sibi debito, quod aliàs retinuisset in prædij detentor &c.

Dicitur autem in responsione n. 2. data: *bona fide datum*; quia ex consilio non bona, sed mala fide, dolo, fraude, vel malitia dato obligatur.

obligationem dari, extra controverſiam eſt, uti patet ex iſſis Regulæ verbis: *dummodo fraudulentum non ſit*; ergo à ſenſu contrario, ſi *fraudulentum eſt*, obligatur. Quod idem clarè innuitur *cit. l. Conſilii. 47. ff. de R. J.* ubi poſtquam Regula noſtra expreſſa fuit illis verbis: *Conſilii non fraudulentum nulla obligatio eſt*: ſtatim altera à contrario ſequens additur: *Ceterum ſi dolus, & calliditas interceſſit, de dolo actio competit*; idque non obſtante ratione n. 2. allegata, videlicet, quòd *conſilium ſequi nemo teneatur*: cum adhuc ratione fraudis teneatur *c. Sedes. 15. & c. Ex tenore. 16. de Reſcriptis. ibi: quia fraus & dolus alicui patrocinarì non debent.*

Notandum tamen ſingulariter cum Gloſſa, Dyno, & Strein. hic, malè conſultentem non ſemper teneri damnum reparare illi, cui conſilium dedit, ſed ſubinde etiam tertio, cui damnum ſuò conſilio intulit; Et quidem ſi conſilium circa contractum, vel quaſi contractum, v. g. emptionem, venditionem, aut alium contractum dolòſe, ſeu fraudulentè dedit, damnum, quod inde ſecutum eſt, illi, cui conſilium dolòſum dedit, reparare, tenetur, per jura hæcenus citata. Si verò conſilium ad maleficium, ſeu delictum, vel quaſi tale dedit, v. g. ad perpetrandum homicidium, furtum, diffamandum, injuriandum, falſè accuſandum, teſtificandum &c. tamnum inde ſecutum tertio hui: reparare debet: idque non ex actione doli mali, ſed actione maleficii, aut delicti, quod ſuaſit, v. g. ſi furtum ſuaſit, actione furti tenetur. *l. Si quis. 52. §. 21. ff. de Furtis. & l. Si quis. 20. C. eod.* Si injuriam ſuaſit, actione injuriarum. *§. Non ſolùm. 11. Inſtit. de Injuriis. ibi: Non ſolùm autem iſ, injuriarum tenetur, qui fecit injuriam, verùm ille quoque tenetur, qui dolo fecit injuriam, vel qui procuravit, ut cui mala pugno percuteretur. Quod idem fancitum habetur l. Non ſolùm. 11. pr. ff. eod. ibi: Non ſolùm iſ injuriarum tenetur, qui*

fecit injuriam, hoc eſt, qui percuffit, verum ille quoque continetur, qui dolo fecit, vel curavit, ut cui mala pugno percuteretur. Si adulterium ſuaſit, tenetur lege Julia de adulterio. *l. Hæc verba legis. 12. ff. ad Leg. Juliam. de adulter. coercend. ibi: Hæc verba legis: ne quis poſt hæc ſuprum, adulterium facito ſciens dolo malo, & ad eum, qui ſuaſit, & ad eum, qui ſuprum intulit, pertinent. & ſic de aliis delictis.*

Ei verò, cui delictum ſuaſit, ad nil obligatur, etiam ſi & ille eadem actione teneatur per jura immediatè citata, indèque damnum ſentiat. Ratio eſt, Tum; quia delictum committens ipſemet ſcivit, & expendere debebat, id ſibi non licere. Tum, quia nemo de improbitate ſua conſequitur actionem. *l. Itaque. 12. §. 1. ff. de Furtis.*

Quæritur II. An etiam? & quas fallentiaſ habeat hæc Regula? Reſp. Eam fallere in Aſſeſſoribus, Advocatis, Medicis, & aliis, qui ex officio conſilium dare debent; Hi enim, etſi non ex dolo, vel fraude, ſed ex imperitia conſilium alteri nocivum etiam bona fide præbeant, ad reſarcitionem damni inde ſecuti obligantur. *l. 2. ff. Quod quiſque juris in alt. ibi: Si aſſeſſoris imprudentià juſ aliter dictum ſit, quam oportuerit, non debet hoc Magiſtratuſ officere, ſed ipſi aſſeſſori. & l. Illicitas. 6. §. 7. ff. de Officio Preſid. ibi: Sicuti Medico imputari eventus mortalitatis non debet, ita quod per imperitiã commiſit, imputari ei debet: prætextu humane fragilitatiſ, delictum decipientis in periculo homines innoxium eſſe non debet.* Ratio eſt; quia hòc ipſò, quòd ex officio conſilia præbeant, ex quaſi contractu obligati exiſtunt, neceſſariam ad id habere, & comparare ſcientiam; ſine qua ſi officiò hujusmodi funguntur, & ex imperitia conſilium damnoſum ſubminiſtrant, culpam latam committunt: Culpam latam autem in jure æquiparatur dolo *l. 1. §. 1. ff. Si Menſor falſum modum dixerit. ibi: lata culpa plañe dolo comparabitur.*

REGULA LXIII.

Exceptionem objiciens non videtur de intentione adverſarij confiteri.

SUMMARIUM.

1. Regula unde?

2. Regula quomodo intelligenda?

Exceptio quid? non inſinuat confeſſionem. *Ibid.*

3. Declaratur exemplò juris,

4. Ponitur verus ſenſus Regulæ.

5. Si reus factum, in quo actor ſuam intentionem fundat, fateretur quidem, ſed excipit, onus probandi incumbit Reo.

U 3

6. Si

6. Si reus secure confidit, quod Actor factum, in quo suam injuriam intentionem fundat, satis probare non valet, factum illud, etsi realiter contigerit, absolute negare licet, & expedit.

7. Et quare? Ponitur doctrina multam practica:

8. Si reus dubitet, an actor factum probare possit:

1. **D**esumitur hæc Regula ex l. Non utique 9. ff. de Except. ibi: Non utique existimatur confiteri de intentione adversarii, cum quo agitur, qui exceptione utitur. Cui concordat c. Cum Venerabilis. 6. de Except. ibi: Exceptionem obijciens de intentione partis adversæ non intelligitur fuisse confessus.

2. **Q**uæritur I. Quomodo hæc Regula intelligenda? & quis verus illius sensus sit? Resp. Eam sic esse intelligendam: quando quis ab alio aliquid petit, vel præten dit, & hic quidem expressè non negat, nec expressè confitetur factum, in quo intentio actoris, seu petentis fundatur, sed tamen exceptit, seu ponit exceptionem aliquam contra hujusmodi petitionem, non censetur confiteri intentionem adversarii sui, id est, petentis aliquid ab eo; v. g. Aliquis in judicio accusat quemdam dicens: ego dedi huic mutuam pecuniam mille florenorum, quos necdum solvit; ergo peto, ut solvat: vel vendidi illi domum meam, & ille nondum solvit; peto ergo, ut compellatur ad solvendum: alter verò expressè non negat quidem mille florenos sibi mutuò datos, vel domum sibi esse venditam, neque id expressè fatetur, excipit tamen dicendo: jam pridem solvi: vel, adest pactum de non solvendo: vel, remisisti mihi debitum; hic non censetur fateri intentionem adversarii petentis. Ratio est; quia exceptio est actionis & intentionis exclusio, quâ reus, seu ille, à quo aliquid petitur, id, quod petitur, v. g. solutionem debitam, intendit improbare, & tacite saltem negare. arg. l. 2. ff. de Except. ibi: Exceptio dicta est, quasi quedam exclusio, quæ interponi actioni cujusque rei solet, ad excludendum id, quod in intentionem, condemnationemve deductum est. Ergo per eandem exceptionem fateri non censetur intentionem sui adversarii, Tum; quia hoc est contra essentiam, & intrinsecam naturam exceptionis juxta primum dicta. Tum quia, si excipiens fateri censeretur, exceptio duos sibi contrarios effectus haberet, confessionem videlicet, & negationem intentionis, quam adversarius præten dit; quod inconveniens est arg. l. Non omnis. 19. ff. de Reb. creditis. & l. Legat. 19. ff. de Legat. 1.

3. **E**xemplum Juris habetur cit. c. Cum Ve-

illud tamen negare expedit. & exceptionem sub conditione apponere: dato, non concessio, si esset factum.

9. Nunquam expedit, nudam & simplicem exceptionem facere.

nerabilis. 6. de Except. ubi orta inter Episcopum Sabinensem, & Monasterium Farsense, lite, agente, & prætendente Episcopo, Ecclesiam S. Viti cum spiritualibus, & temporalibus possessionibus & pertinentiis ad se pertinere: quam intentionem suam antequam sufficienter fundaret Episcopus, Procurator Monasterii præproperè excipiendo respondit: Ecclesiam, etsi olim ad Episcopum pertinuisse, defacto tamen ad Monasterium pertinere ex causa permutationis. Quò auditò Episcopus suam intentionem sufficienter fundatam dicebat; quia (ajebat) si Monasterium causâ permutationis Ecclesiam obtinuit, ergo antecederet ipsa ad Episcopum pertinebat. Quò non obstante Papa decidit, Episcopum intentionem suam minimè fundasse allegando Regulam nostram, ibi: Quia exceptionem obijciens de intentione partis adversæ non intelligitur confessus. Hinc

Resp. II. Verus Regulæ sensus sequens est: 4. Quando Reus contra intentionem actoris exceptionem opponit, adversarii intentionem non censetur fateri, nec huic, sed actori adversario incumbit onus probandi, dummodo factum, in quo intentio actoris fundatur, absolute non fateatur. Per Jura, & rationem allegata.

Dicitur autem notanter: dummodo factum, 5. in quo intentio actoris fundatur, absolute non fateatur; quia si Reus fateatur, tunc actor suam intentionem jam satis fundasse in tantum censetur, ut relevetur ab onere probandi, & Reo incumbat onus probandi suam exceptionem. v. g. Si Cajus actor dicat: Titio, mutuos dedi mille florenos, quos ut mihi solvât, peto: vel, vendidi Titio meam domum trecentis, aureis, quos; quia non solvit, ut ad solvendum compellatur, insto; Vel, Titius meus parentem occidit; ergo peto satisfactionem; Titius verò respondeat: fateor quidem, Cajum mihi mutuos dedisse 1000. florenos, sed nihil ampliùs ei debeo, quia pridem jam solvi: vel quia mihi hoc debitum jam dudum condonavit. Vel, Verum, quidem est, quod Cajus mihi vendiderit domum, sed pretium non ampliùs debeo; quia locò hujus, ipso volente & instante Cajo dedi aliud bonum immobile. Vel, verum est, quòd occiderim patrem ipsius, sed ob

necef,

necessariam mei defensionem. Per hujusmodi enim confessionem facti, in quo intentio Caji actoris fundatur, Cajus, uti dictum, ab onere probationis relevatur, & Titius eo gravatur, ac suam exceptionem probare debet; cum tali exceptione fiat Actor. *l. 1. ff. de Except.* ibi: *Agere etiamis videtur, qui exceptione utitur; Nam reus in exceptione Actor est.* Et de ista numeri hujus doctrina amplius diximus, eamque probavimus *Lib. II. Tit. 25. §. 3. à n. 91.* ulteriori argumentò *l. Si quidem. 9. C. de Exception.* ibi: *Si verò de hac confitendo exceptione te munitum asseveras, de hac tantum agi convenit.*

6 Hinc Doctores communiter cum Glossa hic bene monent, cautè esse procedendum cum exceptionibus, & in praxi observandas cautelas cit. *l. Si quidem.* Et quidem primò, si reus certus est, vel indubitatè confidit, actorem non posse illud v. g. factum, in quo petitionem, & intentionem fundat, sufficienter probare, non excipere, sed absolutè negare debet factum tale, si (ut bene monet Glossa) cæteroquin securus est in conscientia: v. g. Si quis iniquè à te petat solutionem dati mutui, quod revera fideliter jam solvisti; & bene scis, quod mutuum tibi aliquando datum probare non valeat, prorsus nullam exceptionem opponere, sed absolutè negare debes, quod mutuum tibi dederit, intelligendo mutuum necdum solutum; quia tunc Actor probare debet mutuum datum: qui si in probando deficiat, tu liber ab alio onere probandi absolveris; nam actore non probante reus absolvendus est. *c. Cum in Ecclesia. 3. de Caus. possess. & propter. junctà l. Qui accusare. 4. C. de Edendo.*

7 Et hæc Doctrina bene notanda, quia sapissimè, & optimè servit, quando actores duplicem solutionem, vel aliàs injusta iniquè petunt. Nec committitur in negatione hujusmodi facti, in quo iniquus actor suam injustam intentionem iniquè, & dolosè fundat, aliquod mendacium, sed simplex & nuda profertur veritas; dum enim v. g. Actor iniquè petit solutionem mutui jam soluti, dicit mutuum à se datum sibi nondum esse solutum, & consequenter petit solutionem mutui nondum soluti: cum autem mutuum tale nondum solutum Reus non habeat, cum omni veritate negare, & dicere potest, se mutuum ab actore nunquam accepisse; in eo videlicet sensu, quo Judex interrogat, & actor iniquè petit,

mutuum nempe nondum solutum. Et quoniam sic negando absque omni amphibologia, aut restrictione mentali puram dicit veritatem, in casu necessitatis etiam juramentò purgatoriò, si offertur, negationem suam firmare, sicque efficere valet, ne ipse injustè patiatur, & ne iniquus actor ex sua malitia, fraude, & dolo commodum reporter contra *c. Sedes. 15. & c. Ex tenore. 16. de Rescript.* ibi: *Fraus & dolus alicui patrocinari non debent.* Quod idem dicere malitia, quæ, utpote lata culpa, dolo æquiparatur per dicta iura. Et conducit hæc doctrina tunc vel maxime, quando innocens Reus exceptionem suam, quam veram & justam habet, non potest probare: uti sæpe contingit.

Secunda cautela, per cit. *l. Si quidem* 8 insinuata, est: quod si Reus dubitet, an Actor factum, in quo intentionem suam fundat, probare valeat necne possit utrumque circumulare, nempe negare factum, & sub conditione, si probeletur, apponere exceptionem; dicendo v. g. nego; datum mihi fuisse mutuum: & si, datò, non concessò, datum esset, aut quamvis probaretur, datum fuisse, tamen nulla obligatio amplius solvendi existeret; quia jam solutum est, vel quia adest pactum de non solvendo. Quem modum ut tutiorem fuerit Glossa, eoque approbant Dynus, Strein. & Canisius *hic.* dicentes in tali conditionata confessione facti adhuc remanere onus probandi penes Actorem, eoque non probante, reum absolvi debere. arg. cit. à *Cum Venerabilis. 6. de Except.* ubi Procurator Monasterii hoc modo negandi factum, & in casu probationis futuræ, exceptionem apponens lucratus est causam; quia Episcopus satis non probavit, ibi: *Quod, etsi dicta Ecclesia dudum fuerit Ecclesie Sabiniensi subjecta, eam tamen non poterat Episcopus vendicare, quam ex permutationis causa Benseise Monasterium obtinebat.* Ex eo enim, quia Procurator Monasterii factum non absolutè confessus est, (aliàs enim Papa ipsum condemnasset) sed sub conditione, si forsàn subsisteret, exceptionem apposuit, Papa dimittit, Episcopi intentionem suam minime fundavisse per restum de confessione, vel procuratoris supradicti reus, oneranti causa exceptionem obijciens de intentione partis adversæ, non intelligitur fuisse confessus, indeque pro Monasterio pronuntiavit.

Ut proin nunquam consultum sit, exceptionem puram, vel nudam facere, v. g. petente Actore solutionem mutui, puram simplicem

plicem exceptionem obijcere, dicendo: *non teneor, quia jam solvi*, vel, *quia adest pactum de non solvendo*. Quamvis enim & hujusmodi nuda exceptio adhuc rejiciat onus probandi, mutuum v.g. datum esse, in actorem per dicta, & probata supra n. 4. Tamen quia non desunt Doctores, uti Dynus, Strein, Canisius, & alii dicentes: in tali casu onus probandi exceptionem suam illico incumbere Reo excipienti, idque ex illo fundamento, quod is, qui fatetur, se jam solvisse, fateatur etiam saltem implicite, se fuisse debitorem;

cum, qui fatetur unum, per consequens fateri censetur, quod sequitur ex illo. *c. Cum super. 23. de Offic. Delegat.* Hinc merito pro praxi suadet, ut nunquam exceptio pura & nuda fiat, sed vel factum absolute negetur, si satis apparet, id ab Actore sufficienter probari non posse, per dicta n. 6. Vel si de hoc dubium exitat, ponatur exceptio cum conditione, si factum, in quo intentio Actoris fundatur, sufficienter probetur, aut revera subsistat per dicta n. 9.

REGULA LXIV.

Quæ contra jus fiunt, debent utique pro infectis haberi.

S U M M A R I U M.

1. Regula unde?
2. Juxta aliquos Regula intelligenda etiam de illis est, quæ contra legem duntaxat prohibentem fiunt.
3. Juxta communem vero solum de iis, quæ contra irritantem, vel præscribentem formam actus.
4. Quæ sententia & hic tenetur: ac firmatur exemplis Juris. ac n. seq.

6. Non servatâ formâ substantiali actus per legem, actus nullus est.
7. Ponitur verus sensus Regule.
8. Solvuntur jura contraria.
9. Quæ contra legem prohibentem fiunt, et si valent, tamen plerumque invalidari possunt.
10. Quid censendum in foro interno de effectu actuum jure invalidorum, remissive.

DEFINITUR hæc Regula *ex l. Non dubium. 5. C. de Legibus.* ibi: Nullum enim pactum, nullam conventionem, nullum contractum inter eos videri volumus subiectum, qui contrahunt, lege contrahere prohibente: quod ad omnes etiam legum interpretationes, tam veteres, quam novellas trahi, generaliter imperamus, ut legislatori, quod fieri non vult, tantum prohibuisse sufficiat; ceteraque quasi expressa ex legis licet voluntate colligere: hoc est, ut ea, quæ lege fieri prohibentur, si fuerint facta, non solum inutilia, sed pro infectis etiam habeantur; licet legislator fieri prohibuerit tantum, non specialiter dixerit, inutile esse debere, quod factum est. Concordat can. Imperiali. 13. cau. 25. q. 2. ibi: Imperiali constitutione aperte sancitum est, ut ea, quæ contra leges fiunt, non solum inutilia, sed etiam pro infectis habenda sint.

QUÆRITUR I. Quomodo hæc Regula intelligenda? & quis verus illius sensus sit? Ante Responsionem Notandum, quod Regula hæc in praxi quidem frequentissima, tamen etiam difficillima sit, Doctoribus in ea explicanda, ob utriusque Juris contrarios textus, in diversas partes abeuntibus, & in eo præcipue hæsitantibus, utrum Regula non tantum sit intelligenda de iis, quæ fiunt contra jus, seu

leges, vel canones irritantes, sed etiam de iis, quæ fiunt contra jus, seu leges, vel canones simpliciter prohibentes, vel præcipientes aliquid. Abbas siquidem in *c. Nulli. 5. de Reb. Eccles. alienand. n. 7.* & plures alii putant, eam etiam de iis, quæ simpliciter duntaxat prohibentur, vel præcipiuntur, intelligendam esse, in læque ea quoque vi Regulæ invalida, & pro infectis censeri debere, quæ contra legem nudè, ac simpliciter tantum prohibentem, vel præcipientem fiunt. Pro quibus flant clari textus priorum num. *ex l. Non dubium. 5. C. de Legibus. & can. Imperiali. ibidem allegati.*

Econtra communissima DD. sententia est, Regulam intelligendam esse solummodo de iis, quæ contra jus, seu leges, & canones irritantes: non item de iis, quæ contra simpliciter duntaxat prohibentes, vel præcipientes fiunt, nisi per has præscribatur forma actus; quæ sententia principaliter fundatur in *c. Ad Apostolicam. 16. de Regular. ibi: Multa fieri prohibentur, quæ, si facta fuerint, obtinent roboris firmitatem.* & variis exemplis Juris

Juris infra d. n. 4. & seqq. allegandis. Hôc notatô

4 Resp. I. Regulam intelligendam esse juxta communissimam DD. sententiam præc. num. adductam, adeoque illa pro infectis haberi non debere, quæ contra legem, vel canonem, simpliciter duntaxat prohibentem, vel præcipientem fiunt, nisi per hanc præscribatur substantialis forma actûs, quâ deficiente, actûs utique etiam invalidus, & pro infecto habendus est, utpote carens formâ substantiali, seu essentiali. Fundamentum præcipuum responsionis est textus ex c. i. Ad apostolicam. præc. num. allegatus, variæque Juris exempla. Sic enim licet matrimonium cum simplici voto castitatis inire sit prohibitum, indèque illicitum, tamen contractum valet, & pro infecto habendum non est. c. un. de Voto. in 6. Sic pariter etsi à Jure prohibitum, ac illicitum sit, contrahere matrimonium contra interdictum Ecclesiæ, tamen ita contractum validum existit c. l. de Matrim. contra interdict. Eccles. Sic rursus, quamvis universaliter prohibitum habeatur cum impedimento impediante, v. g. stantibus sponsalibus de futuro cum una, cum altera matrimonium inire, initum tamen firmiter subsistit, c. 2. eod.

5 Sic ulterius, licet Episcopis alienos diaconos sine proprii Episcopi licentia ordinare graviter sit prohibitum, tamen ordinatio ab eisdem facta valet. arg. can. fin. cau. 9. q. 2. Pariformiter etsi Episcopis prohibitum sit alienas Ecclesias, vel Altaria consecrare, tamen facta ab illis consecratio est valida. can. Episcopus. 28. cau. 7. q. 1. Sic denique tacendo plura alia exempla, quamvis prohibitum & illicitum sit Sacerdotibus celebrare Missam, vel alia administrare Sacramenta in statu disgratiæ: nihilominus celebratio Missæ & consecratio, sicut & aliæ administrationes Sacramentorum in tali statu factæ validæ sunt. Ex quibus, & aliis hujusmodi exemplis abundè patet, quòd ea, quæ contra jus, seu leges, vel canones simpliciter prohibentes vel præcipientes fiunt, illicita quidem, & peccaminosa, non tamen invalida existant, nec pro infectis haberi debeant: sicque Regula de iis intelligenda non veniat.

6 Dicitur autem notanter in responsione n. 4. data: nisi per hanc formam ad substantiam actûs pertinet prescribatur; hæc enim ubi à lege præscribitur, & non servatur, actum

Regula Juris.

pro infecto & invalido haberi debere, extra controversiam est. arg. c. Cum dilecta. 22. de Rescript. & c. Quia propter. 42. de Elect. cum Concord. deficiente enim forma substantiali, & essentiali requisito rei alienius, rem ipsam corrumpere per se necesse est. Sic enim alienatio rerum Ecclesiæ contra præscriptam à Jure formam invalida est, & pro infecta habenda, juxta dicta Lib. III. Tit. 13. de Reb. Eccles. alien. vel non. §. 2. Sic Testamentum, non observans præscriptam Juris formam, nullum atque irritum, & pro infecto habetur per dicta, & probata Lib. III. Tit. 26. de Testament. Sic matrimonium contra præscriptam à Tridentino formam circa assentientiam Parochi, & duorum testium, non tantum illicitum, sed & invalidum, ac pro infecto habetur. Concil. Trident. Sess. 24. de Reform. cap. 1. Sic electiones contra præscriptam substantialem Ecclesiæ formam celebratæ invalidæ sunt, & pro infectis habentur cit. c. Quia propter. 42. de Elect. &c. Hinc

Resp. II. Verus, & genuinus Regulæ 7 sensus hic est: Quidquid agitur contra jus, id est, contra canonem, aut legem, quâ actus irritatur, vel nullus declaratur, aut illius forma substantialis præscribitur, invalidum est, & pro infecto habetur. per Jura, & rationem jam adducta.

Ad Jura, quæ ab adversariis n. 1. allegantur, Respondetur, ea non ob stare, tum; quia etsi non de lege irritante, tamen de lege formam præscribente bene intelligi possunt, exigente sic defacto vigente consuetudine, quæ est optima legum interpret. c. Cum dilectus. 8. de Consuet. & aliis textibus atque exemplis Juris contrariis n. 4. & 5. allegatis, quæ cum aliis Juribus pro possibili, concordare oportet. c. Cum expediat. 29. de Elect. in 6. Tum; quia quamvis l. Non dubium. 5. c. de Legibus. juxta tenorem, & rigorem intelligenda foret, per consuetudinem contrariam modò vigentem abrogata censetur, prout teste Herinx p. 2. disp. 5. de Legib. n. 34. plures contestantur auctores.

8 Illud tamen notandum, quòd, licet ea, 9 quæ contra legem, simpliciter duntaxat prohibentem, fiunt, invalida non sint, tamen plerumque à Judice præsertim ad instantiam partis adversæ annullari valeant can. Vides fili. 10. dist. 10. ibi: quia quod contra leges accipitur, per leges dissolvi meretur: prout idipsum

idifsum in pluribus casibus præcipitur. Dicitur autem *plerumque*; cum etsi nonnulli putent, id univèrsaliter fieri posse, hoc tamen verum non sit; quia certum est, quod matrimonium contra legem prohibentem illicitè, valide tamen contractum, annullari amplius

nequeat: quod idem dic de ordinatione, consecratione, & aliis *n. 5.* adductis.

Cæterum quid in foro interno censendum sit de effectu illorum, quæ ob legem irritantem nulla, & invalida sunt, vide dicta *Lib. I. Tit. 2. de Constitut. §. 11. à n. 251.*

REGULA LXV.

In pari delicto & causa potior est conditio possidentis.

S U M M A R I U M.

1. Regula unde?

2. Ponitur vera intelligentia, & sensus Regula.

Quare in pari delicto, & causa melior sit conditio possidentis. *Ibid.*

3. Data Judici ob injustam sententiam repeti non possunt:

4. Nec data meretrici ob usum corporis.

5. Repeti autem potest datum alicui, ne turpe quid

committat.

6. Ponuntur exempla Juris, quòd etiam in pari causa sine delicto, melior sit conditio possidentis.

7. Nec eximuntur ab hac Regula cause pie, vel aliæ privilegiatæ.

8. Solvitur objectio contra Regulam.

9. Fallit Regula i. in Simonia reali.

10. 2. In lenocinio viri &c.

Prima pars hujus Regulae, in pari delicto, desumitur ex l. Cum par delictum. 154. ff. de R. J. ibi: Cum par delictum est duorum, semper oneratur petitor, & melior habetur possessoris causa. Altera pars, videlicet in pari causa absque delicto desumpta habetur ex l. In pari. 128. ff. eod. In pari causa possessor potior haberi debet.

Quæritur I. Quomodo hæc Regula intelligenda? & quis verus illius sensus sit? Resp. Regula intelligenda est in sequenti verò illius sensu: Quando duo in eadem causa rei sunt delicti, v. g. si unus ex delicto dat, & alter ex delicto accipit, melior est conditio possidentis, ut ut restituere amplius non teneatur: Item si duo parem causam absque delicto habent, pariter melior est conditio possidentis; adeoque à possessione defici non potest, donec adversarius legitime probeat, se meliori gaudere jure. Ratio Regulae quoad utramque partem est; quia in pari delicto, vel causa possessor duos habet titulos: unum dubium, eundemque, quem habet adversarius, videlicet, num rei proprietas ad se pertineat nec ne: alterum certum, & indubitatum; nempe possessionem; quò titulo quia adversarius caret, merito jura magis favent possidenti, præsertim cum duo vincula plus ligent, quam unum. *arg. c. 1. de Trenga & Pace.* ac aliàs in judicio petitorio possessor personam rei agit; reus autem ordinariè gaudet majori favore quàm actor per dicta ad Reg. XI. de Reg. Jur. in 6. & l. Favorabiliores. 125. ff. de

Reg. Jur. ibi: Favorabiliores Rei potius, quàm Actores habentur. ac insuper possessio magnæ semper considerationis sit, & inter alios etiam effectum pariat, qui refertur §. Retinende. 4. Instit. de Interdict. ibi: Commodum autem possidendi in eo est, quòd etiam si ejus res non sit, qui possidet, si modo actor non potuerit suam esse probare, remanet in suo loco possessore: propter quam causam cum obscura sunt utriusque jura, contra petitozem judicari solet.

Exempla Juris pro prima parte sunt **primò**: Si quis Judici pecuniam, vel munera alia dat, ut ferat injustam sententiam, ab eo repetere datum amplius non potest, quia utriusque tam dantis, quàm accipientis veisatur turpitudine, & Judex in possessione accepti, consequenter melioris conditionis est. *arg. can. Non sanè. 15. can. 14. q. 5. & l. 3. ff. de Condict. ob turp. caus. ibi: Ubi autem & dantis & accipientis turpitudine versatur, non posse repeti, dicimus; veluti si pecunia detur, ut male judicetur.*

Idem est, si ob stuprum datum sit, ut dicitur l. 4. pr. ff. eod. & §. 3. ibid. quod meretrici datur, repeti non potest. Concordat l. 2. G. eod. ibi: Cum te propter turpem causam domum adversarie dedisse profitearis, frustra eam tibi restitui desideras: cum in pari causa possessoris conditio melior habeatur. Ex quibus legibus Doctores univèrsaliter inferunt, ea, quæ

ea, quæ ob turpem quæcunque causam dantur, & accipiuntur, repeti non amplius posse; cum ubi par est delictum utriusque, tam malè dantis scilicet, quam malè accipientis, hujus tanquam possessoris melior sit conditio.

5 Ubi tamen cum Taccinò hic, & aliis advertendum, quòd, etsi datum & acceptum ob turpem causam, seu delictum repeti non amplius valeat: tamen id, quod quis dat, ne aliter turpe quid, seu delictum committat, v. g. ne injustam sententiam ferat, ne furtum, ne homicidium, ne adulterium, ne prodicionem faciat, ab eo, qui accepit, iterum revocare valeat, adeoque in tali casu melior conditio possidentis non sit; cum non par in utroque, sed in uno duntaxat, volente nempe delinquere, & accipiente veretur delictum, textu claro l. 1. §. 2. ff. de Condict. ob turp. caus. ibi: Si turpis causa accipientis fuerit, etiam si res secuta sit, repeti potest. Exemplificatur hoc l. 2. ff. eod. illis verbis: Ut puta, dedi tibi, ne sacrilegium facias; ne furtum; ne hominem occidas. in qua specie Julianus scribit, si tibi dederò, ne hominem occidas, condici posse. Concordat l. Idem. 4. §. 2. ff. eod. ibi: Quoties autem solius accipientis turpitudine veretur, cuius ait, repeti posse, veluti si tibi dederò, ne mihi injuriam facias.

6 Pro altera parte Regulæ, In pari causa, sine delicto, exempla juris dantur plurima: veluti si duo eandem rem à duobus non dominis bona fide emunt, ille, cui res etiam tradita est, prævalet; quia in hac pari causa potior est conditio possidentis. l. Sive autem. 9. §. Si duobus. 4. ff. de Publiciana in rem actione. Item, si duobus eadem res obligatur, & nescitur, cui prius: melior est conditio possidentis rem. l. Si debitor. 10. ff. de Pignori. Sic ulterius: si à Sede Apostolica, vel Legato ipsius uni, & ab Ordinario alteri eadem die idem beneficium conferatur, nec appareat, quæ collatio fuerit primò facta, erit potior conditio possidentis, sunt verba formalia c. Si à Sede. 31. de Præbend. & Dignit. in 6. Sic rursus, si in iudicio utriusque testes æquè idonei & pares sunt, in hac pari causa præferuntur depositiones testium, qui possessore testantur. c. Ex literis. 3. §. Quod si de Probatione. ibi: Quod si ambarum partium testes sint æquè idonei, possessoris testes præferuntur. Et, si ambo se possidere contendunt, prævalet, qui de antiquiore pos-

sessione deponunt. c. Licet causam. 9. eod. ubi summarius sic habet: si Actor & Reus in interdicto retinende possessionis probant, obtinet is, qui antiquiorem possessionem probat &c. Ut proin semper in pari causa melior sit conditio possidentis, & specialiter attendatur ad possessionem; quod ipsum non ex minimis prærogativis est, quas avertit possessio, uti cum aliis bene observat Strein hic. n. 1.

Porro procedit Regula etiam contra 7 Ecclesiam, alià que causas pias, & privilegatas, (nisi sint de quatuor specialiter favorabilibus, videlicet testamento, libertate, conjugio, & dote: de quibus vid. Lib. II. Tit. 12. à n. 46.) ita ut, licet harum favor, etiam dum actores existunt, potior sit, quam Rei, tamen quando causa pia, vel alia privilegiata cum profano litigat, in pari causa potior sit conditio possidentis profani; cum magis semper attendatur ad titulum possessionis, quam qualitatem litigantium, ut post Fulgionem Consil. 128. dubio. 1. & alios bene advertit Strein hic. n. 2. patetque inter alia etiam in casu, quò quis dubitat, an emiseric votum, n. cne; tunc enim, quia libertas in possessione existit, potior est conditio ipsius. arg. c. Ex parte. 18. de Censib.

Nec dicas: ex hac Regula foveri fures, 8 prædones, & raptores, quamprimum possidere incipiunt. Resp. enim, neque hæc Regula, nec alio jure horum possessionem defendi, sed quamprimum de illis ut talibus constiterit, eos, non oblite possessione, ad restitutionem rerum ablatarum, unà cum fructibus, & ad resarcienda damna illata illicò compelli textu clarò c. Gravis. 11. de Restit. Spoliat. cum Concordant.

Quæritur II. An? & quis Fallentias pa- 9 tiatur Regula LXV. ? Resp. Eam fallere 1. In Simonia reali; cum, etsi par sit delictum dantis & recipientis simoniacè, tamen qui munus taliter recepit, non obstante possessione, teneatur restituere arg. c. De hoc. 11. de Simon. ubi etiam Reges, & Principes id, quòd simoniacè receperunt, restituere coguntur: cui autem restitui debeat, vid. Lib. V. Tit. 3. à n. 295.

Fallit 2. Quando uxor lenocinio virito adulteratur; hoc enim in casu, etsi par videatur delictum utriusque, tamen solutò

per mortem uxoris matrimonio, vir dotem, quam possidet, non potest retinere, sed illis, quibus alias ab intestato, vel ex testamento competit, restituere debet. *l. Cum mulier. 47. ff. Solutio matrim.* ubi legislator etiam ra-

tionem suæ legis apponit; ibi: *Cum mulier viri lenocinio adulterata fuerit, nil ex dote retinetur; cur enim improbet maritus mores, quos ipsemet aut ante corrupit, aut postea probavit.*

REGULA LXVI.

Cum non fiat per eum, ad quem pertinet, quò minùs conditio impleatur, haberi debet perinde, ac si impleta fuisset.

S U M M A R I U M.

1. Regula unde?

2. Ponitur verus sensus, & intelligentia Regule.

3. Loquitur duntaxat de casu, quo quis impeditur à tali, cujus interest conditionem non impleri.

4. Adducitur ratio Regule.

5. Firmatur exemplis juris. & duob. seqq.

8. Solvuntur objectiones juris. & n. seq.

Definitur hæc Regula ex *l. In Jure Civili. 161. ff. de Reg. Jur.* ibi: *In Jure Civili receptum est, quoties per eum, cujus interest, conditio non impleri, fiat, quò minùs impleatur, perinde haberi, ac si impleta conditio fuisset: quod ad libertatem, & legata, & ad heredum institutiones perducitur &c. Concordat l. In executione. 85. S. fin. ff. de Verb. Oblig. ibi: Quicumque sub conditione obligatus curaverit, ne conditio existeret, nihilominus obligetur.*

2. Queritur: Quomodo hæc Regula intelligenda? & quis verus illius sensus sit? Resp. Regulam intelligendam esse juxta sensum sequentem, qui proprius illius est: *Quando in lege, contractu, testamento, vel alia dispositione aliquid in alicujus favorem ordinatur sub certa quadam conditione, & is, cui apponitur conditio, facit, quantum est in se, nihilque prætermittit eorum, quæ ad conditionem implendam spectant, & tamen implere non potest, eò quòd ab illo, cujus interest conditionem non impleri, impediatur, perinde haberi, & favore frui debet, ac si conditionem re ipsi adimpleisset.* Dicitur notanter: *Quando aliquid in alicujus favorem ordinatur; quia Regula loquitur, & intelligenda est de illis dispositionibus, quæ in alicujus favorem fiunt, apposita tamen conditione, ut patet ex verbis exemplificatoriis Regulæ civilis n. 1. allegata, ex qua desumpta fuit Regula canonica, ibi: Quod ad libertatem legata, & ad heredum institutiones pertinet &c. quæ cuncta sunt favorabilia pro iis, qui libertatem, legata, vel hereditatem consequuntur.*

3. Dicitur etiam notanter: *eò quòd ab illo, cujus interest conditionem non impleri, im-*

pediatur; Nam ut post Dylum hic bene advertunt Vivianus & alii, Regula per omnia declarari & intelligi debet juxta Regulam 161. ff. de Reg. Jur. n. 1. allegatam, utpote ex qua canonicam desumptam diximus; ibi autem expressè habetur: quoties per eum, cujus interest conditionem non impleri, fit, quò minùs conditio impleatur: per quod etiam distinguitur hæc à Regula XLI. Jur. in 6. Imputari non debet ei, per quem non fiat, si non faciat, quod per eum fuerat faciendum; ista siquidem etsi similis videatur præfenti, tamen ab illa differt in eo, quòd Regula 41. loquatur de casu, quò quis impeditur per alicujus casus eventum, vel per tertium, cujus non interest rem fieri, vel non fieri: præfens verò propriè loquatur de casu, quò quis ab implenda conditione sibi imposita impeditur ab eo, cujus interest, conditionem non impleri, puta, quia conditione adimpleta aliquid amissurus est, aut præstare debet. Dynus, & Vivian. loc. cit. cui Strein hic. n. 1. & aliam differentiam addit, videlicet, Regulam XLI. duntaxat velle, non debere illi imputari ad culpam, si non facit, quod facere non potest: præfentem verò Regulam non solum à culpa eximere illum, qui appositam conditionem non adimplet, dum impeditur, sed insuper velle, quòd conditio etiam habeatur pro adimpleta, si quis impeditur à tali, cujus interest conditionem non impleri: quod non dicit Regula XLI. utpote vi cujus quidem excusatur quis à culpa, si non facit, quod facere non potuit,

potuit, nullum tamen præterea consequitur fructum & effectum, uti contingit, quando quis impeditur à conditionibus ad valorem & usum Sacramentorum necessariis, ubi licet quis careat culpâ, attamen nullum fructum & effectum habet Sacramentorum: vi præsentis Regulae autem non solum à culpa quis immunis est, sed & eundem effectum habet, ac si conditionem reipsa adimpleret. Res magis patebit per exempla Juris infra l. n. 5 & seqq. adducenda.

Interea adducitur Ratio Regulae, videlicet, quòd, quia nemo potest ad impossibile obligari, juxta Reg. 6. de Reg. Jur. in 6. legislatores, & aliarum dispositionum auctores non censentur (saltem in ordine ad illos, quorum interest, non impleri conditionem, quam injunctè impediunt) conditiones aliter apponere, quàm, si eas implere possibile sit: nec velle favere illis, qui malitiosè impediunt, nec lucrò & favore designatò privare eos, qui nihil omiserunt eorum, quæ ad præscriptam conditionem adimplendam spectant. In quo dicti Authores divinam imitantur bonitatem, quæ etiam solam voluntatem, & possibilem, licet irritum conatum æquè remuneratur, ac opus ipsam, uti constat de Abraham Genes. 22. qui ex eo, quòd bonam voluntatem, & debitum conatum sacrificandi filium habuerit, i sem meritum, eundemque effectum apud DEUM reportavit, ac si actu suum occidendo sacrificasset, etsi ab hoc per Angelum fuerit impeditus. arg. can. Si qualibet. 20. cau. 22. q. 2.

Declaratur, & firmatur Regula amplius exemplis Juris: Sic enim, si quis instituitur hæres sub hac conditione, ut decem det Titio, qui aliàs ab intestato succederet, & consequenter ejus interest, conditionem non impleri, & institutus hæres conditionem adimplere volens decem offerat Titio, hic autem ea non accipiat, conditio habetur pro impleta, & institutus hæres hæreditate gaudet. Dyn. hic. n. 1. arg. l. Si ita hæres. 3. ff. de Condition. insert. ibi: Si ita hæres institutus sum; si decem dederò: & accipere nolui, cui dare jussus sum, pro impleta conditione habetur.

Sic pariter: si servo in Testamento legatur libertas sub conditione, si hæredi decem seferat pendat, & servus ea hæredi offerat, hæres autem, ejus interest servò non privari, illa non acceptet, perinde liber evadit, ac si acceptasset hæres, & conditio fuisset impleta,

quia per eum non stetit, quò minus conditio adimpleretur l. fin. ff. de Condition. insert.

Sic etiam: si quis cum altero contrahit, & promittit dare eidem decem, si ascendat in Capitolium, & per promissorem itat. quò minus alter ascendat, utpot. inquit ab illo, conditio habetur pro impleta, & decem debentur. Dyn. hic. n. 1. l. In Jure. 161. ff. de Reg. Jur. ibi: quibus exemplis stipulationes quoque committuntur: cum per promissorem factum esset, quò minus stipulator conditioni pareret.

Objicies 1. l. Cum quidem. 7. C. de Condition. insert. ubi expressè habetur, quòd, si servo legatur libertas sub hac conditione, ut tot vel tot solvat hæredi, servus evadat liber, si conditio nem impleturus ad hæredem properavit, sed in medio, latrocinio, & hostium incursione, vel alio fortuito casu peremptum est, quod portabat; cui subjungitur: ex quacunque igitur causa impediatur, si per hæredem, si per eum, cui dare aliquid jussus est: si per fortuitos casus, in libertatem perveniat. Ergo Regula non tantum est intelligenda de casibus, in quibus conditionem adimplere volens impeditur ab eo, ejus interest, conditionem non impleri: sed etiam, si ex alia quacunque causa, vel casu fortuito impeditur, quòd est contra supra dicta n. 3. Resp. negando consequentiam; quia et si ex quacunque causa impedito implere conditionem vi dictæ legis attribuitur libertas, tamen conditio non habetur pro impleta, cum eandem, etiam secuta jam libertate, adhuc adimplere per dictam legem cogitur; ibi: in libertatem quidem ipse omnino per v. mot. nisi ipse servus noluerit adimplere conditionem: obnoxius tamen constituatur post libertatem hæredi, vel ei, cui dare aliquid jussus est, (nisi si ipse oblatus pecunias non susceperit: quòd enim semel repudiatum ab eo est, re-integrari minime concedimus) quatenus hoc, quòd dare jussus est, omnimodo implere compellatur.

Objicies 2. Si quis Cajo legat mille ea cum conditione, si filiam ejus ducat, & filia ante nuptias moriatur, nil debetur Cajo, etsi pereum non steterit, quò minus conditio fuerit adimpleta. l. Legatum. 4. C. de Condition. insert. ibi: Legatum, si ve fideicommissum à petruo tuo relictum tibi sub conditione, si filio ejus nupsisset; cum, mortuò filio, priusquam matrimonium cum ipso contraheretur, conditio defecerit, nulla ratione deberi tibi existimas. Ergo non semper conditio habetur pro impleta, quando non stat per eum, ad quem pertinet, quò minus impleatur. Resp. hanc legem minime obesse Regulam nostram, tum; quia non loquitur de casu aliquo, quò conditionem implere volens im-

peditur ab eo, cuius interest, conditionem non impleri: de cuiusmodi tamen casibus solummodo intelligenda est Regula per dicta n. 3. Tum, quia casus in lege positus, est unus inter illos, in quibus apponens conditio-

nem absolute velle præsumitur, ut adimpleatur, eaque ob quamcunque causam non impletâ, conditionatè promissum non valeat; incuiusmodi casibus Regulam locum non habere extra controversiam est.

REGULA LXVII.

Quod alicui suo non licet nomine, nec alieno licebit.

S U M M A R I U M.

1. Regula unde?
2. Regula in duplici sensu intelligi potest.
3. Ponitur verus illius sensus.
4. Declaratur exemplis Juris. & duob. seqq.
Clerico non licet exercere fœnus proprio, vel alieno nomine. Ibid.

5. Nec alicui excommunicato stare in iudicio.
6. Nec falsificare literas Apostolicas suo, vel alieno nomine.
7. Fallit Regula in casibus, ubi in propria, & aliena persona non est eadem prohibitionis ratio.
8. Declaratur hoc exemplis Juris. & duob. seqq.

Desumpta videtur hæc Regula ex l. Non utique. 2. §. I. ff. de Administrat. rerum activitat. pertin. ibi: quod quis suo nomine exercere prohibetur, id nec per subiectam personam agere debet. & can. Sicut non suo. 10. dist. 46.

2 Quæritur I. Quomodo hæc Regula intelligenda? Et quis verus illius sensus sit? Resp. I. Hanc Regulam in duplici sensu procedere. intelligi posse; & quidem primò taliter: quod alicui suo nomine in propria persona facere non licet, nec alieno, id est, nec per alium seu per substitutum eidem licebit. *Secundo* ita: quo quis suo nomine, seu pro seipso licet facere non potest, id neque alieno nomine, id est, nec pro alio poterit. Exempli utriusque sensus passim habentur in Jure: & procedit potissimum de maleficiis, seu delictis, non tantum Jure divino & naturali, sed etiam humano prohibitis; Sic v. g. quia non licet mihi nomine meo, & in propria persona innocentem occidere, vel furtum, aut usuram committere: ita neque alieno nomine, id est, nec per alium pro me, nec pro alio committere licebit. Hinc

3 Resp. II. Verus sensus Regulæ sequens est: Quod quis prohibente Jure divino, naturali, aut humano licet facere non potest suo nomine, id nec alieno nomine, id est, nec per alium pro se, nec in propria persona pro alio licet facere poterit. Ratio est, Tum; quia, cum quis regulariter in quovis negotio ad agendum pro se, & ad se aliquo modo pertinentibus facilius admittatur, quam

pro aliis, arg. can. Prohibentur. 14. cau. 2. q. 1. consequens est, quod si quis suo nomine quid agere prohibetur, multò magis id alieno nomine agere prohibitus esse censeatur. Tum; quia, si quod non licet proprio nomine, liceret alieno, admitteretur aliquid unâ viâ, quod aliâ viâ prohibetur contra Reg. 84. de R. J. in 6. ibi: Cum quid unâ viâ prohibetur alicui, ad id aliâ viâ non debet admitti.

Declaratur, & firmatur Regula ulterius 4 exemplis Juris; & quidem, abstrahendo à prohibitis Jure divino, & naturali, de quibus jam aliquantulum dictum est n. 2. & per se patet, loquendo de prohibitis jure humano: Sicut Clerico non licet nomine suo exercere fœnus, sic idem ei non licet nomine alieno. cit. can. Sicut non suo. 10. dist. 46. ibi: Sicut non suo, ita nec alieno nomine aliquis Clericorum exercere fœnus attentet. Indecens est enim crimen suum commodis alienis impendere.

Sic pariter, quia excommunicato non licet proprio nomine agere in iudicio, c. Intelleximus. 7. de Judiciis. cum Concord. sic etiam alieno, seu procuratorio nomine agere prohibetur c. Post cessionem. 7. de Probat. ibi: Cum igitur per literas iudicis ordinarii (quibus standum est, donec probetur contrarium) nobis constiterit, quod N. excommunicatus erat, cum procuratoris officium assumpsit, ipsum tanquam procuratorem non duximus admittendum.

Sic rur-

6 Sic rursus sicut non licet suo nomine literas Apostolicas falsificare, ita nec alieno licet; Nos enim, ait Papa c. *Ad falsarios*. 7. de *Crimine falsi* omnes falsarios literarum nostrarum, qui per se, vel alios vitium falsitatis exercent, anathematis vinculo decernimus innodatos. Sic etiam uti proprio, ita & alieno nomine album Prætoris corrumpere illicitum est. l. *Si quis*. 7. ff. de *Jurisdic.* Sic plurima alia in Jure habentur exempla; ex quibus

7 Queritur II. An, & quas Fallentias patitur hæc Regula? Resp. Eam universaliter fallere tunc, quando ratio prohibitionis in mea persona existens cessat, seu non reperitur in aliena, eique non obstat. Ita DD. communiter; Sic enim, etsi mihi non liceat contrahere matrimonium cum mea consanguinea, c. *Non debet*. 8. de *Consanguin. & affinit.* possum tamen cum ea nomine alieno, seu pro alio non consanguineo vel affine uti procurator ipsius contrahere, c. *Ex parte*. 14. de *Resit. Spoliat.* & c. *fin. de Procurat.* in 6. quia ratio prohibitionis, consanguinitas nempe, quæ in mea persona est, non reperitur in alia.

8 Sic etiam, quamvis filiusfamilias sine consensu patris, quantum ad temporalia regulariter loquendo, non possit agere in iudicio c. 3. de *Judiciis*. in 6. tamen nomine alieno, seu pro alio agere potest. c. *Qui generaliter*. 5. de *Procurat.* in 6. ibi: *Nedum verò ad negotia, sed etiam ad iudicia potest filiusfamilias absque patris assensu fieri procurator,*

quia ratio prohibitionis, ne filiusfamilias juvenili suâ imprudentiâ sibi, vel patri circa temporalia noceat, cessat in alieno negotio, in quo ut procurator nec sibi, nec patri præjudicat; cum iudex non contra procuratorem, sed contra principalem proferat sententiam, & hic sibi imputare debeat, quod sciens talem constituerit procuratorem. Dynus *hic. n. 2.*

Sic ulterius, quamvis per fundum alienum, in quo jus servitutis non habeo, nomine meo ire, vel iumentum agere non valeam: tamen id mihi, licebit facere nomine alieno jus servitutis in præfato fundo habentis l. *Si stipulatus*. 111. ff. de *Verb. Oblig.* quia ratio, quæ me prohibet, alium non prohibet, qui jus servitutis in fundo habet, quo jure per se, vel per alium uti potest juxta Regulam statim sequentem: *Potest quis per alium, quod potest facere per seipsum.*

Sic rursus, etsi Episcopo non liceat suo nomine alienos diæcelanos ordinare: tamen id ei licet ex commissione, & nomine Papæ, vel Ordinarii loci. c. 1. de *Tempor. Ordinat.* in 6. quia ratio prohibitionis, carentia nempe jurisdictionis in alienos subditos, cessat in Ordinario loci, cujus nomine & commissione Episcopus alienus ordinat. Sic pariter, licet munere & potestate carens, judicare aliquem nomine suo non valeat, nomine tamen alieno, causam & jurisdictionem, delegante de causa sibi commissa cognoscere, judicare, & sententiare potest, integro *Tit. ff. de Officio & potest. Judicis delegati.*

REGULA LXVIII.

Potest quis per alium, quod potest facere per seipsum.

SUMMARIUM

1. Regula unde?
2. Quomodo intelligenda?
3. Ponitur versus sensus illius.
4. Alius, per quem quis agit, debet ad id esse debite qualificatus.
5. Declaratur Regula exemplis.
6. Sunt plura, quæ per alios fieri debent. Nobiles non per se, sed per procuratores litigare debent. *Ibid.*

7. Idem est de Episcopis & Sacerdotibus.
8. Fallit Regula 1. quando adest industria personæ.
9. Fallit 2. in iis, quæ naturâ suâ, vel dispositione Juris per alios fieri nequeunt. & n. seq.
10. Ut in specie sunt Testamenta, nisi ad pias causas fiant.
11. 3. Quando nudum ministerium sine jurisdictione committitur.
12. 4. Quando aliter inter partes conventum est.

ibi: *Quod jussu alterius solvitur, pro eo est, quasi ipsi solutum esset.* & l. 1. §. 12. ff. de *Vi & vi*

Hæc Regula juxta Glossam hic desumitur ex l. *Quod jussu*. 180. ff. de *Reg. Jur.*

Et vi armata. quibus affinis etiam est *Reg. 72. de R. J. in 6. Qui facit per alium, est perinde, ac si faciat per seipsum.*

2 *Quæritur I. Quomodo hæc Regula intelligenda sit? & quis verus illius sensus sit?* Resp. I. Regulam id velle dicere; quod, cum in commercio humano plurimæ sint causæ, actus, & negotia, quæ quis ipsemet in persona agere, aut tractare, vel impeditus non potest, vel ex quacunque causa non vult, possit alterius, ad rem idonei, ac debite qualificati operâ & auxilio uti, & per eum tam in, quàm extra iudicium facere, quod ipsemet licet, ac legitime facere potest, hic & nunc autem ex causa sibi nota facere non vult, vel impeditus non potest. Quæ Regula potissimum delegatos, substitutos, procuratores, ministros, & officiales concernit, per quos causas & negotia sua principales agunt, ac pertractant. Hinc

3 *Resp. II. Verus Regulæ sensus hic est: Qui aliquid, v. g. contractum, actum, negotium, causam &c. per seipsum valide, & licite facere, vel tractare potest, valet id ipsum etiam per alium ad hoc idoneum, & debite qualificatum valide & licite facere.* Ratio Regulæ est; quia, cum iuxta jam dicta hominum negotia plurima, & varia sint, quæ quantumvis ad se spectantia quisvis per seipsum peragere sæpe non potest, utpote vel aliis magis urgentibus, vel infirmitate, vel necessariâ absentia, aut alia ratione impeditus: vel quia ex causa sibi nota peragere non vult: vel quia actus, labor, aut negotium per seipsum agere ejus personæ non congruit, maximum non raro quis pateretur in rebus suis damnum & præjudicium, si per alium facere non posset, quod ipse quidem, absolute loquendo, per seipsum agere valeret, hic & nunc tamen impeditus vel non potest, vel ex causa non vult peragere. Ob quam etiam rationem procuratorum, & similium hominum, aliena negotia agentium, usus ab ipso Jure omnino necessarius agnoscitur *l. 1. §. 2. ff. de Procurat.* ibi: *Usus autem Procuratoris per quam necessarius est, ut qui rebus suis ipsi superesse vel nolunt, vel non possunt, per alios possint vel agere, vel conveniri.* Quod ipsum etiam utilissimum, & maxime commodum ideo merito reputatur, quia juxta dispositionem Juris quod quis facit per alium, perinde est, ac si faciat per seipsum. *cit. Reg. 72. de R. J. in 6.*

4 Dicitur autem notanter: *per alium ad hoc idoneum &c.* id est, necessariâ ad id scientiâ, potestate, ordine, aliâque requisita qualitate præditum; enimverò ubi hoc non est,

ntique Regula non procedit. *arg. tan. fin. cau. 5. q. 3.* Hinc licet Episcopus uti per se, ita & per alium Episcopum ordinare suos subditos possit, non tamen id potest per simplicem Sacerdotem, cum hic ad id non sit idoneus, utpote carens potestate ordinandi.

Exempla Juris Regulam declarantia, & confirmantia ferè innumera exiunt, ac cuiusvis vel obiter consideranti facile patent; nam ut statim ad hominem exemplificat Dynus *hic n. 1.* Sicut possum per me ipsum emere, vendere, locare, litigare, dare elemosinam, acceptare beneficium: ita idem possum facere per alium. *arg. cit. l. 1. §. Usus. 2. ff. de Procurator. & l. Sed si unus. 17. §. 19. & 20. ff. de In-jur. & famos. libell.* cum Concord.

Quin immo sunt plura, quæ licet per seipsas certæ personæ ob dignitatis statum, defectum virium, scientiæ, ætatis, vel ob delictum, aut aliam inhabilitatem facere non possint, per alios tamen ea facere valent & debent. Sic personæ nobiles, ac illustres non per seipsas, sed per procuratores in iudicio litigare debent. *l. Quicumque. 25. pr. C. de Proc. et ibi: Quicumque prætorianæ, vel urbanæ præfaturæ sublimis fastigium, vel magisterium militare, vel Consularianæ comitivæ insignia meruerit dignatus, vel proconsulare jus dixerit, aut Vicarii fuerit administratione suffultus, si quod ab eo inferatur iuramentum, vel referatur, procuratoris personam in negotiis suis iura substituat.* Sic etiam pupilli, mente capti, & alii hujusmodi ex natura inhabiles, non per seipsos, sed per alios in iudicio litigant. *arg. c. Pastoralis. 14. in fin. de Judiciis.* ubi *indiscretæ*, id est, carentes debita discretionem appellantur ejusmodi personæ. Sic etiam, etsi propter delictum excommunicatus per se in iudicio stare non possit, conventus tamen potest, & debet per alium respondere. *c. Intelleximus. 7. de Judiciis.* ibi: *Quia postulasti à nobis, utrum excommunicatus in iudicio stare possit; respondemus, quod conveniri potest, & debet per alium respondere in iudicio, ne videatur de sua malitia commodum reportare.*

Sic Episcopi, & alii Sacerdotes non per seipsos, sed per advocatum, vel procuratorem litigare in iudicio debent. *can. fin. cau. 5. q. 3.* ibi: *quia Episcopus universique Sacerdotes ad solam laudem Dei, bonorumque operum actiones constituentur, debet unusquisque eorum tam pro Ecclesiasticis, quàm etiam pro suis actionibus (excepto publico videlicet crimine) habere advocatum non male fame suspectum, sed bonæ opinionis, & laudabilis artis inventum.* Sic iidem Episcopi, Prælati & Clerici habentes altam jurisdictionem de causa

causa sanguinis non per se, sed per alios cognoscere, ac judicare possunt & debeant *c. fin. Ne Clerici, vel Monachi. in 6. ibi: Nam licet Clericis causas sanguinis agitare non liceat, eas tamen (cum jurisdictionem obtinent temporalem) debent & possunt, metu irregularitatis cessante, alius delegare.*

18 Quæritur II. An? & quas fallentias habeat Regula præsens? Resp. Eam fallere in pluribus veluti 1. quando ad negotium aliquod, vel causam expediendam specialiter electa est industria & fides certæ personæ; hæc enim non nisi per seipsum, minime verò per aliam negotium expedire potest. *c. fin. §. Is autem. de Offic. Jud. deleg. ibi: præterquam si inquisitionem fieri, vel Ecclesie de Prælati, vel aliis ministris provideri mandavimus: cum in his omnibus casibus industriam, & fidem personæ, cui talia committimus, eligere videamur.* Concordat *c. Is cui. 12. eod. in 6. & l. un. §. 9. C. de Caducis tollend.*

9 Fallit 2. In iis, quæ ex ipsa natura, & institutione sua, vel speciali Juris dispositione factum propriæ personæ requirit, uti sunt residentia Episcoporum, Parochorum, & Canonicorum. *c. Quia nonnulli. 3. de Cleric. non resident. ibi: Cum igitur Ecclesia, vel ecclesiasticum ministerium committi debuerit, talis ad hoc persona quærat, quæ residere in loco, & curam ejus per seipsum valeat exercere. junctò Concil. Trident. Sess. 23. cap. 1. de Reform. & Sess. 24. cap. 12. eod. ubi specialiter de necessaria residentia personali: item & de officio divino recitando, ac de penitentia peragenda; hæc enim ex natura sua non per alium, sed per seipsum penitens exequi debet, & corporali presentia sunt peccata confitenda. *can. Quem penitet. 88. dist. 1. de Penitent. Idem dic de susceptione aliorum Sacramentorum, exceptò Matrimonio, utpote quod per alium contrahi potest. c. fin. de Procurat.**

10 Idem ex natura & institutione sua, Jurisque dispositione requirit confessio Testamenti, & hæredis institutio, utpote quam testator per seipsum facere debet, & alterius arbitrio, seu dispositioni committere non valet. *l. illa institutio. 92. ff. de Hæred. instit. ibi: Illa institutio ideo vitiosa est, quia alieno arbitrio permixta est: nam satis constanter veteres decreverunt, testamentorum iura ipsa per se firma esse oportere, non ex alieno arbitrio pendere. Nec objicias c. Cum tibi. 13. de Testament. cujus textus videtur contrarius textui primò citato; ibi: In se-*
Regule Juris.

cunda questione dicimus, quòd, qui extremam voluntatem in alterius dispositionem committit, non videtur decedere intestatus. Resp. enim cum Gloss. in cit. *c. Cum tibi. §. dispositionem.* quòd et si de benignitate canonica videatur non decedere intestatus, qui ultimam voluntatem alterius dispositioni committit, tamen revera testatus non decedat; cum prius nullum sit testamentum, ubi hæres per scripturam, vel vocem ipsius testatoris non est expressus, textu claro *l. Jubeamus. 29. C. de Testam. ibi: Quod si non fuerit observatum, & nomen hæredis, vel hæredum non fuerit manu testatoris scriptum, vel voce coram testibus nuncupatum, hoc testamentum stare minimè patimur.* cum Concord. Vel dic cum Innocent. Panormit. Viviano in cit. *cap. & pluribus aliis, textum loqui de Testamenti ad pias causas; cujusmodi testamentum quis alterius dispositioni committere, & dicere potest: committo tibi, ut post mortem omnia mea bona pauperibus, Ecclesiis, Monasteriis, vel aliis piis causis pro tuo arbitrio distribuas. Quod etiam Summarium Capituli habet illis verbis: Tenet testamentum, si quis extremam voluntatem suam alterius dispositioni committit, & dicitur testatus ad pias causas secundum intellectum notabiliorem.* Ratio illorum est, quia testamentum ad pias causas etiam aliis solemnitatibus civilibus carens valet; dummodo constet de voluntate testatoris. *c. fin. de Success. ab intest. cum Concord. Et inhærendo huic sententiæ, quæ omnino probabilis est, tamen manet fallentia Regule in Testamentis ad causas profanas: quam fallentiam Jura quoque specialiter de adoptione, & arrogatione statuere *l. Post mortem. 25. §. 1. ff. de Adopt. ibi: neque adoptare, neque arrogare quis absens, neque per alium hujusmodi solemnitatem peragere potest.**

Fallit 3. Quando alicui nudum ministerium, seu executio sine jurisdictione specialiter committitur, v. g. in junctio penitentiae, dispensatio in irregularitate, excommunicatio, vel absolutio ab eadem, prædicatio crucis &c. hæc siquidem delegatus (exceptò Sedis Apostolicæ Legatò) per alium præstare nequit, textu claro *c. fin. §. Caterum. de Offic. deleg. ibi: Caterum (salva Legatorum Sedis Apostolicæ auctoritate) nulli, cui concessum fuerit prædicare crucem, excommunicare, vel absolvere aliquos, dispensare cum irregularibus,*
Y *vel*

vel injungere penitentias, liceat hac de cetero aliis demandare; quia non sibi jurisdictio, sed certum ministerium potius committitur in hac parte.

- 12 Fallit 4. Quando inter partes specialiter conventum est, ut non per alium, sed per se-

ipsum res fiat: uti & in casibus, ubi ex speciali loci consuetudine, aut statuto, vel testatoris voluntate, exclusio alieno, personale ministerium specialiter requiritur. Tusch. *L. f. Concl.* 7. Fachinæ. *Lib. 1. Controv. cap. 24.* Strein. & Canis. *hic. n. fin.*

REGULA LXIX.

In malis promissis fidem non expedit observari.

S U M M A R I U M.

1. Regula unde?
2. Mala promissa in duplici sensu accipiuntur.
3. In quo Regula loquatur, est controversia.
4. Verisimilius de utroque sensu loquitur.
5. Satisfit fundamentis contrariis.
6. Ponitur versus sensus Regule.
7. Promissa, fraude, vel dolo, aut metu injuste incusso extorta, nec obligant, nec ea servare expedit:
8. Nisi juramentum fuerint firmata.
9. Datum meretrici ob concessum usum corporis repeti non potest.
10. Num autem propterea promissum servari debeat

Hæc Regula censetur ex parte desumpta ex *can. In malis. §. cau. 22. q. 4. ibi:* In malis promissis rescinde fidem: in turpi voto mutata decretum: quod incaute voravisti, ne facias. Impia enim est promissio, quæ scelere adimpletur. Etl. *Filius. 15. ff. de Condit. insti. ibi:* Quæ facta ledunt pietatem, existimationem, verecundiam nostram, &c. (ut generaliter dixerim) contra bonos mores sunt, nec facere nos posse, credendum est. cui concordat Regula 58. de R. J. in 6. Non est obligatorium contra bonos mores præstitum juramentum.

2 Quæritur, Quomodo hæc Regula intelligenda? Et quis verus illius sensus sit? Ante responsum Notandum cum Glossa hæc, Dyno, Viviano, & aliis: verba Regula, *In malis promissis*, dupliciter posse intelligi, uno videlicet modo, ut significant rem malam, turpem, peccaminosam, quæ promittitur, v. g. homicidium, furtum adulterium, simoniam &c. quæ si quis promittit, utique nec expedit, nec licet fidem servare. Altero modo, prout indicant malè promissa, seu malè concepta, malitiâ se habente non ex parte promittentis, nec ex parte rei promissæ, sed promissarii duntaxat, qualia censentur illa promissa, quæ ex dolo, metu injuste incusso, à promittente extorquentur, vel aliàs contra juris præscriptum obtinentur.

3 De quo autem modo Regula loquatur, & intelligenda sit, plenè non conveniunt Do-

ctores; Strein enim cum Barbosa *hic*, & aliis vult, eam intelligi debere de malis promissis in secundo sensu acceptis: Tum, quia si in primo sensu intelligeretur, non differret à Regula 58. sed in eam contineretur, sicque superflua videretur; quod de Papa Regulas condente præsumendum non est; hoc ipsò enim, quod promissum malum in primo sensu, seu dere mala, turpi, peccaminosa factum, etiam juramentum firmatum observandum non sit, necessarium sequitur, multò minùs observandum esse nudum, seu simplex promissum sine juramento de hujusmodi re mala factum.

Pacta & promissa de re turpi nullius sunt momenti. ibid.

11. Solvantur fundamenta affirmantium.

12. Negantium opinio præcipuè in Regibus & Principibus, excessivè magna promittentibus, procedere videtur.

13. Eadem negantium sententia omnino etiam probabilis: immo quoad Reges & Principes, excessiva promittentes, probabilior, & quasi moraliter certa.

ctores; Strein enim cum Barbosa *hic*, & aliis vult, eam intelligi debere de malis promissis in secundo sensu acceptis: Tum, quia si in primo sensu intelligeretur, non differret à Regula 58. sed in eam contineretur, sicque superflua videretur; quod de Papa Regulas condente præsumendum non est; hoc ipsò enim, quod promissum malum in primo sensu, seu dere mala, turpi, peccaminosa factum, etiam juramentum firmatum observandum non sit, necessarium sequitur, multò minùs observandum esse nudum, seu simplex promissum sine juramento de hujusmodi re mala factum. Tum quia, cum Papa in hac Regula utatur terminò *non expedit servare fidem*, & non dicat, *non licet servare fidem*, seu *non potest servari fides*: non videtur Regula intelligenda de malis promissis in primo sensu, utpote quæ servare non tantum non expedit, sed prohibetur, ac illicitum, sicque in sensu juris etiam impossibile est; sed de malis, seu potius malè promissis in secundo sensu, utpote quibus propriè competit terminus *non expedit*; cum etsi ex parte promittentis licet servari valeant, ea tamen servare non expediat juxta dicenda infra. Ita in re præfati Doctores, nec absque fundamento. Alii e contra cum Taccino *hic* docent, præmissa verba, *In malis promissis* intelligenda duntaxat esse in primo sensu. Sed Resp.

Resp. I. Regulam intelligendam esse de malis promissis in utroque sensu acceptis. Sic sentire satis clarè apparet Glossa, Dynus Vivianus; quos immeritò pro se allegant alii; hócipsò enim, quòd pro declaranda Regula adducant exempla Juris de malis promissis in utroque sensu sumptis, in utroque sensu Regulam intelligi volunt. Dynus siquidem *hic. n. 1.* cum Glossa sic exemplificat: *Si promitto tibi occidere hominem, committere furtum, simoniam, vel quid aliud turpe, non expedit servare fidem.* Ecce exemplum de malis promissis in primo sensu. Dein ulterius dicit: Si interveniente dolo, vel metu sit promissum, seu malè promittitur, tunc licet promissum teneat de Juris rigore, non expedit tamen fidem servare; quia promissori datur exceptio *l. Si quis cum aliter. 36. ff. de Verb. Oblig.* En exemplum de malis promissis, in secundo sensu.

Nec obstat responsioni ratio à Barbosa, & Strein. allata, quasi Regula de malis promissis, in primo sensu acceptis, videatur superflua, utpote jam contenta in Regula LVIII. Nam contra est, quòd præsens Regula plus dicat, quàm LVIII. hæc etenim, spectando verba illius, solum dicit, *Non est obligatorium* contra bonos mores præstitum juramentum, vel promissum: præsens verò Regula non solum vult & dicit, *Non esse obligatorium, sed nec expedire*: qui terminus in duplici sensu sumi potest, ut, ut idem significet, ac, non est consilium: vel non est licitum: sicque loquendo de promissis turpibus, non expedit, idem sit ac, non licet servare promissum contra bonos mores, id est, de turpi, vel peccaminosa re factum, *cit. can. In malis. 5. cau. 22. q. 2.* ibi: *Impia est enim promissio, quæ scelere adimpletur.* Nam, ut bene advertit hic Peck. Regula per verbum, *non expedit*, idem vult dicere, ac *non licet* servare fidem in promissis contra bonos mores, seu de re mala & peccaminosa factis. Per quod patet, etiam ad alteram rationem ex verbis *non expedit*, desumptam. Hinc

Resp. II. Verus sensus Regulæ hic est: In promissis malis, quæ contra bonos mores, aut de re mala, seu peccaminosa sunt, non tantum nulla est obligatio servandi fidem, sed nec licet servare fidem: In illis verò malis, seu malè promissis, quæ ex parte promissoris non contra bonos mores, ex parte promissarii tamen male, dolo v. g. metu iniuste incusso extorta, vel malitiosè obtenta sunt, quamvis fidem servare liceat, & valeat, tamen non expedit, nec conducit eam observare. Ratio Regulæ quoad

primam partem de promissis contra bonos mores, quòd non obligent, patet ex dictis ad cit. Regulam 58. n. 2. Et quòd etiam non liceant, constat ex cit. *can. In malis promissis. 5. cau. 22. q. 2.* Impia est promissio, quæ scelerè adimpletur.

Quoad secundam verò Regulæ partem de aliis malis, seu malè promissis, quòd, etiam in iis fidem servare liceat, & valeat, tamen non expedit, nec conducit, Ratio est; quia etiam in his fidem servare tam promissori, quàm promissario, & Republicæ præjudiciosum, consequenter nulli expediens est: Non promissori; quia servans in his fidem, ex aliena fraude & malitia, rerum suarum promissarum iacturam, seu præiudicium patitur. Non promissario; quia accipiendo, & retinendo promissum, dolo malo, vel ini. st. metu extorta, lædit conscientiam, agitque contra Regulam, quòd Fraus & dolo nulli patrocinari debeat. Non Republicæ; quia hujus interit, ne fraudes & malitia hominum foveantur, nève ex fraude, dolo, injuria, & malitia innocens præjudicium, & damnum, iniquis verò lucrum reportet contra primùm citatas Regulas. Hinc licet huiusmodi ex dolo, vel alia malitia, facta mala promissa de rigore, & subtilitate Juris valeant, & in tantum obligent, ut contra promittentem detur actio: tamen contra eandem actionem promittenti competit exceptio, hæcque, non ille in iudicio causam laeratur. §. 1. *Instit. de Except.* ibi: *Si metu coactus, aut dolo inductus, aut errore lapsus stipulanti Titio promissisti, quòd non debueras promittere, palam est, jure civili te obligatum esse, & actio, quæ intenditur, dare te oportere, efficax est; sed iniquum est, te condemnari. Ideoque datur tibi exceptio, quòd metus causa, aut doli mali, aut iniustum composita ad impugnandam actionem.* Et *l. Si quis cum aliter. 36. ff. de Verb. Oblig.* ibi: *Si quis cum aliter eum convensisset obligari, aliter per machinationem obligatus est, erit quidem subtilitatis Juris obstrictus, sed doli exceptione uti potest; quia enim per dolum obligatus est, competit ei exceptio.* Concordat *l. Dolo. 5. C. de Inutil. stipul.* Hinc quia mali promissarii actio in Jure non obtinet, cum per exceptionem elidatur, suadet Regula, ne in his promissis fides servetur, sed contra promissarium agentem excipiat; quia in malis promissis fidem non expedit observari, per dicta.

Illud tamen notandum, quòd si huiusmodi in secundo sensu acceptis malis, vel malè promissis, quæ contra bonos mores non sunt, consequenter observari valent, aajicia,

adjiciatur juramentum, etiam in conscientia observari debeat, per dicta ad Regulam 58. n. 4. & seqq.

⁹ Objicies contra Regulam. Quod meretrici promittitur, si præbeat usum corporis, post concessum usum servari debet, *l. Idem. 4. §. 3. ff. de Condict. ob turpem caus. & l. 2. C. eod.* Ergo etiam in malis promissis fides servanda est. Resp. Nec præfatas leges, nec aliam dicere, ut, quod meretrici ob corporis usum fuit promissum, servari, & dari debeat; sed si jam datum fuit, repeti non amplius possit: *Quod meretrici datur, repeti non potest*, sunt verba *cit. l. Idem.* quod pariter dicitur *cit. l. 2. C. eod.* ubi etiam additur ratio, videlicet; quia in pari causa, & delicto melior est conditio possidentis, prout magis dictum fuit ad Reg. 65. Nullibi autem habetur, ut, si res promissa data non est, dari debeat: immò contrarium statui videtur in Jure, eò quòd lex meretrici deneget actionem ad obtinendum id, quod ob illicitum usum corporis ei fuit promissum. *l. Mercatorem. 5. C. eod.* ubi absolute statuitur, ob turpem causam exactioni locum non esse. Quamvis enim, pergit ibidem textus, utriusque turpitudinis versetur, ac soluta quantitatis cesset repetitio, tamen ex ejusmodi stipulatione contra bonos mores interposita (erat ea Lenonis cum adultero de danda mercede pro concessa uxore ad usum illicitum) denegandas esse actiones, Juris auctoritate demonstratur.

¹⁰ Quid autem de Jure naturali, & in foro conscientiae, post conditionem turpem jam impletam, puta, post corporis usum actu jam concessum, sentiendum, non conveniunt Doctores; aliqui, quos & nos secuti sumus *Lib. IV. Tit. 4. à n. 58.* volunt, post actu jam concessum illicitum usum corporis teneri promittentem dare, quod promissum: alii verò, ii que non pauci contrarium docent cum Sanchez de Matrim. *Lib. 5. disp. 17.* idque variè probare conantur tam ex Jure, quam ratione: ex Jure quidem; Nam *l. Generaliter. 26. ff. de Verb. Oblig.* habetur: Generaliter novimus, turpes stipulationes nullius esse momenti. Idem habetur *l. Pacta. 6. C. de Pactis.* ibi: Pacta, quæ contra bonos mores sunt, nullam vim habere, indubitati

Juris est. Ergo, inferunt, si nullius momenti, nullius valoris sunt, nullamque vim habent, etiam in conscientia non obligant; præsertim cum hujusmodi pacta turpia, & contra bonos mores esse, nemo neget, prout etiam ut talia in Jure expressè nominantur *cit. l. Mercatorem.* Ex ratione autem: tacendo enim alias, dicunt, ex doctrina contraria plurima sequi peccata, eamque esse scandalosam, & ad peccata inducentem; si enim meretrices sciunt, eum, qui ob usum corporis aliquid promittit, teneri post concessionem ejusdem in conscientia, ut id præstet, alliciuntur, & inducuntur ad peccatum, quod tam facile non committerent, si scirent, promittentem non teneri stare promisso; idem dicendum, si quis alicui promittit, ut innocentem injustè occidat.

Solvunt etiam fundamenta adversariorum: & quidem illud, quò dicitur, promissum meretrici factum post usum corporis obligare ex jure naturali, præsertim cum absque dantis & recipientis peccato servari possit; negant enim absolute, ex promisso, quoad utramque partem turpi & peccaminoso, oriri obligationem ex Jure naturali. Nec refert, si dicatur, quòd dare non sit peccatum; Nam admissio etiam, quòd non foret peccatum, dare, tamen neque foret obligatorium; cum hujusmodi promissum dandi, ex quo obligatio oriri deberet, à Jure absolute annullatur, sicque obligare non possit. Dein etiam negant suppositum, volentes, promissum meretrici factum non tantum non esse obligatorium, sed etiam illicitum esse, illud servare, juxta Regulam nostram: *In malis promissis fidem non expedit*, id est, non licet servare, quia sunt scandalosa, & inductiva ad peccatum. Ex quibus, & aliis rationibus merito arbitramur, hanc Doctorum sententiam omnino etiam probabilem, & in foro conscientiae tutam esse. Profectò consuetudo, quæ aliàs maximam, & quidem etiam legis vim habet, si est nutritiva peccati, vel Reipublicæ præjudiciosa, tanquam irrationabilis à Jure rejicitur, invalidaque, & illicita declaratur, prout dictum & probatum habetur *Lib. I. Tit. 4. §. 2.* Ergo multò magis nudum promissum ad peccata efficaciter inducens, & Reipublicæ præjudiciosum existens.

REGULA LXX.

In alternativis debitoris est electio, & sufficit alterum adimpleri.

SUMMARIUM.

1. Regula, quæ duas habet partes, unde?
In alternativis sufficit unum: in copulativis necesse est utrumque verificari. *ibid.*
2. Alternativa, & disjunctiva idem sunt:
3. Sæpèque varia: Alia Personarum.
4. Alia Rerum: alia Locorum.
5. Alia Temporum.
6. Alia Remediorum: & alia penarum.
7. Ponitur verus sensus Regulæ.
Probatur quoad primam partem. *ibid.*
8. Probatur quoad secundam partem.
9. Declaratur exemplis.
10. Potestas, seu libertas eligendi transit etiam ad hæredes.
11. Necesse est, etsi unum ex alternativis pereat.
12. Si debitor ex errore utrumque solvit, repetere potest, quod lubet.
13. Fallit Regula quoad primam partem Primò in alternativis remediorum.

14. Secundò in alternativis penarum.
15. Tertiò in Gratiis & beneficiis à Principe concessis.
16. Quartò in alternativis locorum.
17. Quintò in legatis, quando testator ad legatarium verba dirigit.
Ordinarie penes heredem est, quid ex alternativè legatis præstare velit. *ibid.*
18. In dubio, ad quem verba sint directæ, electio legatarii est.
19. Quoad alteram partem, quòd sufficiat unum præstare, Fallit Regula Primò in alternativis certarum personarum: Et quarum?
20. Secundò, quando adhibetur particula seu: hæc plerumque pro conjunctiva sumitur.
21. Tertiò in alternativis inter genus & speciem.
22. Et quartò fallit quoad utramque partem, quando aliunde de mente disponentis aliter constat.

PRAETOTANDUM cum Dyno, & aliis post ipsum, hanc Regulam duas habere partes: Prima est, quòd in alternativis sit debitoris electio; Secunda, quòd in alternativis sufficiat unum impleri. Prima pars desumitur ex l. Plerumque. 10. in fine. ff. de Jure Dotis. ibi: Nam & cum illa, aut illa res promittitur, rei electio est, utram præstet. Et l. Si ita. 25. ff. de Contrab. empt. ibi: Si ita distrabatur, illa, aut illares, utram eliget venditor, hæc erit emptæ. ac l. Si in emptione. 34. §. 6. ff. eod. ibi: Si emptio ita perfecta fuerit, est mihi emptus Stycbus, vel Pamphylus, in potestate est venditoris, quem velit dare, sicut in stipulationibus. Altera pars desumitur ex l. In eo 110. §. 3. ff. de Reg. Jur. ibi: ubi verba conjuncta non sunt, sufficit, alterutrum esse factum. & l. Si heredi. 5. ff. de Condit. instit. ibi: Si heredi plures conditiones conjunctim date sint, omnibus parendum est, quia unius loco habentur: si disjunctim, cuilibet. & l. Si quis ita. 129. ff. de Verb. Oblig. ubi Summarium sic habet: Ad veritatem copulativæ requiritur, utrumque esse factum: ad veritatem disjunctivæ sufficit alterutrum tantum.

2 Quæritur I. Quomodo hæc Regula (quæ summè practica est) sit intelligenda? Et quis verus illius sensus? Ante responsum Notandum I. cum DD. verbum Alternativa idem esse, & significare, ac disjunctiva: suntque illa, quæ cum disjunctione, interposita dictione, *vel, aut,* aliæque hujusmodi signifi-

cationem innuente proferuntur. Alternativa, seu disjunctiva opponuntur Copulativis, quæ interposita dictione &, ac, atque, aut simili idem significante exprimuntur.

Notandum 2. cum Barbosa *hic* (qui hanc Regulam fusè, & exactè pertractat) Strein, & aliis: Alternativorum, seu disjunctivorum varia, potissimum verò quatuor esse genera, vel species, ad quas referuntur reliquæ. Prima species est personarum; dum nempe plures personæ disjunctivè proponuntur, ut fit *cit. l. Si in emptione*. ibi: Est mihi emptus Stycbus, vel Pamphylus. & l. Cum quidam. 4. C. de Verb. & Rer. Signif.

Secunda species, seu genus est Rerum, 4 quando nempe in contractu, ultima, vel alia dispositione plures res sub disjunctiva dictione *vel, aut,* adducuntur, uti apparet ex *cit. l. Plerumque*. ibi: Nam & cum illa, vel illa res promittitur. Tertia species est Locorum, dum videlicet diversa loca disjunctivè proponuntur, v. g. Romæ, vel Viennæ, prout fit l. 2. ff. de Eo, quod certo loco.

Quarta species est Temporum, dum scilicet diversa tempora sub disjunctione exprimuntur, uti reperire est l. Si ita stipulatus. 109. ff. de

ff. de Verb. Oblig. ibi: *post annum aut biennium dabis.*

6 Praefatis principalibus speciebus annumerantur adhuc aliae, veluti alternativa, seu disjunctiva *Remediorum*, quae alicui nomine ejusdem rei in iudicio competunt, uti videre est *l. Rescriptum. 10. §. 1. ff. de Pactis.* Item alternativa *Summarum*, seu *quantitatum*; de quibus exemplum habetur *l. Si ita relictum. 43. §. fin. ff. de Legat. II.* & alternativa *Pænarum*, quando plures pænae eidem delicto disjunctivè imponuntur à Jure, uti de servis fugitivis legendum *l. Si fugitivi. 3. C. de Servis fugit. ibi: Si fugitivi servi deprehendantur ad barbaros transeuntes, aut pede amputato debilitentur, aut metallo dentur, aut qualibet aliâ penâ afficiantur.* His notatis

7 Resp. ad quaestionem n. 2. positam; Regula intelligenda est juxta sequentem sensum, qui proprius illius est: Quando in contractibus, ultimis voluntatibus, vel aliis dispositionibus plura alternativè, seu disjunctivè adimplenda, aut præstanda continentur, regulariter in libero arbitrio debitoris, seu illius est, qui adimplere, & præstare debet, quid ex illis præstare velit: Et sufficit, si unum ex illis faciat, aut præstet. Prima pars patet ex *cit. l. Plerumque. l. Si ita. 25. & l. In Emptione.* quarum textus adduximus n. 1. Ratio Regulae est; quia alternativa dispositio ex mente disponentis in favorem debitoris est, ut, qui in uno, in eo videlicet, quod solvere, facere, adimplere, aut præstare debet, gravatur, in alio sublevetur, in eo nempe, quod saltem ex alternativè præstandis, minus gravans, si velit, aut quod lubet, eligere valeat, juxta *Reg. Semper. 9. ff. de R. J. Semper in obscuris, quod minimum est,* (seu quod minus gravat) sequimur, Vivianus *hic.*

8 Altera pars probatur ex textibus Juris pro eadem n. 1. allegatis, junctâ *l. Si quis ita. 129. x. At si sic. ff. de Verb. Oblig.* cum Concord. Et Ratio est; quia, si ex alternativis unum præstatur, sufficienter verificatur propositio, & satisfactio disponenti arg. *cit. l. Si quis ita. junctâ l. Cum pupillus. 78. §. 1. ff. de Condit. & demonstrat.* cum Concord. differtque in hoc disjunctiva à copulativa propositione, eo quod hæc ad sui verificationem requirat præstationem utriusque, vel plurium copulativè contentorum §. *Si plures. 11. Instit. de Hered. instit.* ibi: *Si plures conditiones institutionibus adscriptæ sunt: si quidem conjunctim, utputa si illud & illud factum fuerit, omnibus parendum est; si se-*

paratim, veluti, si illud, aut illud factum erit, cui libet conditioni obtemperare satis est.

Exempla plurima & obvia ad hominem sunt, quorum aliqua affert Strein. *hic. n. 1.* Sic enim 1. si quis promittit alicui dare pecuniam, vel frumentum, in promittentis, tanquam debitoris arbitrio est, utrum pecuniam vel frumentum dare velit, & satisfacit dando unum ex his pro libitu. 2. Si quis promittit alteri unam ex tribus filiabus in matrimonium dare, hic contentus esse debet, quamcumque dein promittens dederit. 3. Si permuto tecum pro tua domo duos ex meis agris, penes me erit, quos agros tibi dare velim. 4. Si testator pecuniam, vel prædium alicui leget, liberum erit eidem tanquam debitori, utrum ex his dare velit. 5. Si pro centum florenis unum ex equis meis promitto, penes me erit, quem dare velim, & satisfacio unum dando pro meo libitu. Et sic de aliis per Jura & rationes.

Porro libertas dandi, solvendi, vel præstandi inter alternativè, seu disjunctivè debita in debitore se eousque extendit, ut, si ante mortem, quid præstaret, necdum elegerit, libertas & electio transeat etiam ad heredem, hujusque in arbitrio sit, quid ex disjunctivè debitis à defuncto relictis dare vel præstare velit. *l. Si stipulatus fuerim. 76. ff. de Verb. Oblig.* Ratio est; quia hujusmodi electio est accessoria ad obligationem dandi, aut præstandi: consequenter, cum ipsa obligatio ad heredem transeat, etiam accessoria eligendi libertas, indeque proveniens præstandi commoditas ad eundem transire debet. Barbos. *hic. n. 5. Strein. hic. n. 2.*

Nec cessat hæc eligendi facultas, si unum, ex alternativè debitis periit, vel destructum fuit; quia nihilominus in potestate debitoris est, vel id præstare, quod adhuc extat, vel æstimationem illius, quod interea periit. *l. Cum res. 47. §. 3. ff. de Legat. I.*

Libera hæc optio & electio dandi, vel præstandi unum ex disjunctivè debitis ulterius se extendit, quod, si debitor, vel hæres illius ex alternativè debitis per errorem præstitit utrumque, in arbitrio ejus maneat, quid ex utroque velit repetere, sicut prius erat in optione ipsius, quid vellet præstare: textu, & casu expresso *l. penult. C. de Condict. indeb.*

13 Queritur II. An? Et quas Fallentias habeat Regula LXX.? Resp. Eam fallere in pluribus, ita ut propterea dictum sit in sensu Regulae n. 6. posito: *regulariter loquendo*: Et quidem quoad primam partem, quod in disjunctivis debitoris sit electio Fallit 1. in alternativis, seu disjunctivis *remediorum* sive actionum judicialium; nam in his electio auctori, non debitori competit, quâ actione vel experiri, & convenire debitorem velit. Barbos. hic. n. 18. Strein. hic. n. 4. arg. l. Rescriptum. 10. §. 1. ff. de Pactis. & l. Cum filius. 76. §. 8. ff. de Legat. II. cum Concord. Ratio assignatur in l. 2. §. 3. ff. de eo, quod certo loco. quia videlicet, si penes debitorem esset electio actionis, in manu ipsius foret pro libitu, & continuo eludere intentionem auctoris. Accedit, quod alternativa remediorum introducta sint pro favore Auctorem, consequenter eisdem competere debeat electio.

14 Fallit 2. in alternativis *Pœnarum* à Jure pro delictis impositarum; quia circa has electio non ad delinquentem, tanquam debitorem, sed ad Judicem spectat: hujus enim tanquam ministri legis & justitiæ est pro qualitate personæ & delicti pœnam eligere, & imponere. c. 8. §. fin. Ut lite non contestata. Et l. 1. C. de his, qui latrones. ibi: *supplicio corporali, aut dispendio facultatum, pro qualitate personæ, & Judicis estimatione, plectetur.*

15 Fallit 3. in *Gratiis*, beneficiis, & favoribus à Principe alternativè, seu disjunctivè concessis, vel promissis; in his siquidem non Principis, tanquam debitoris, sed recipientis, seu promissarii seu creditoris est electio, juxta communem DD. apud Barbos. hic. n. 6. arg. l. 2. C. de Castrensis. & ministr. Ratio est; quia in beneficiis Principum plenissima in favorem recipientis facienda est interpretatio. c. Cum Dilecti. 6. in fine. de Donat. & l. Beneficium. 3. ff. de Constit. Princip. ibi: *Beneficium Imperatoris, quod à Divina scilicet ejus indulgentia profiscitur, quàm plenissimè interpretari debemus.* Nec refert, utrum beneficium motu proprio, an ad instantiam sit concessum; quia Jura non distinguunt, nisi quod sola beneficia Ecclesiastica ad instantiam obtenta, utpote ambitionem sapientia, à lata interpretatione excludant. c. Quamvis. 4. pr. & c. Si à pluribus. 24. de Prob. in 6.

16 Fallit 4. in alternativis *locorum*: ut si quis promittit, se Romæ, vel Viennæ soluturum, non penes debitorem, sed penes creditorem eligere est locum, in quo solvatur, tum;

quia interest creditoris, ut in loco sibi commodo, & absque sui damno ei solvatur debitum. Tum; quia aliàs, si penes debitorem esset electio, posset hic semper alium, atque alium locum eligere, sicque eludere creditorem. l. 2. §. 3. ff. de eo, quod certo loco. Hanc tamen fallentiam intellige, nisi debitor solvendo præveniat antequam creditor eligat, & in quo loco solutionem sibi fieri petat; tunc enim utique in electione debitoris est, ubi solvat. arg. cit. l. 2. ff. de eo, quod certo loco. Barbos. hic. n. 23. Strein. hic. Canif. hic.

Fallit 5. in *Legatis*, quando testator 17 verba ad ipsum legatarium, & non ad heredem dirigit; quamvis enim aliàs, & plerumque ad heredem tanquam debitorem legati electio spectet, præsertim si testator ad heredem verba dirigit, l. Si arclitum 43. in fine. ff. de Legat. 2. ibi: *si ita scriptum sit, decem aut quindecim hæres dato: pro eo est, ac si decem sola legata sint. aut si ita sit: post annum, aut biennium, quàm ego decessero, hæres dato: post biennium videtur legatum; quia hæredis esset potestas in eligendo.* junctâ l. Si quando. 109. ff. de Legat. 1. & l. Titio. 21. ff. de Usu, & Usufruct. Legat. cum Concord. Tamen, quando testator ad ipsum legatarium verba dirigit, v. g. Titius pro suo legato accipiat, vel habeat domum, aut mille florenos: vel sic: Titio lego prædium, vel domum: legatarii, tanquam creditoris est ex alternativè legatis eligere, quod libuerit. l. Planè 34. §. 14. ff. de Legat. 1. ibi: *si ita Titio legatur: Fundum Seianum, aut usumfructum sibi habeto, duo esse legata, & arbitrio ejus esse, an velit usumfructum vindicare.* Item, & adhuc clariùs habetur l. Lucio Titio. 23. ff. de Legat. II. Lucio Titio fundum Seianum, vel usumfructum fundi Seiani lego, potest legatarius vel fundum, vindicare, vel fructum. cum Concord. Ratio utriusque est; quia testator illum, ad quem verba dirigit, magis respicere videtur, indeque velle, ut ei electio competat. Et ita distinguendo inter legata conciliantur Doctores, qui ob diversitatem textuum in diversas opiniones abeunt, uti post Dylum hic plures bene advertunt.

Quod si testator verba simpliciter pro-18 ferat, ita, ut non appareat, ad quem verba direxerit, & exinde dubium maneat: electio legatario tanquam debitori competit. Dynus hic. n. 4. Barb. hic. n. 15. cum communi aliorum. arg. cit. l. Lucio Titio. ubi Summarium sic habet:

sic habet: *In alternativis in dubio electio est legatarii. juncto §. 22. Instit. de Legat. ibi: Si generaliter servus, vel alia res legetur, electio legatarii est: nisi aliud testator dixerit. Et ratio est, quia in testamentis plenius voluntates testantium interpretantur, sunt verba l. 12. ff. de Reg. Jur. Barbos. & Dyn. loc. cit.*

19

Quoad alteram partem Regulæ, quod sufficit unum ex alternativis implere, Fallit Regula 1. in alternativis Personarum, quæ testamentis, legatis, libertatibus, & tutorum assignationibus inferuntur, ut cum quidam sic, vel institutionem, vel legatum, vel fidei commissum, vel libertatem, vel tutelam scripisset: ille, aut ille mihi heres esto: aut illi vel illi lego, do, vel dari volo: vel illum, vel illum liberum, aut tutorem esse volo, vel jubeo; uti exemplificat ipsa l. Cum quidam. 4. C. de Verb. signif. quia in his disjunctiva dictio, vel, aut, in copulativam & ac, resolvitur, indeque non sufficit unum, sed requiritur utrumque impleri cit. l. Cum quidam. 5. Melius ubi universaliter disponitur, quod in hujusmodi dispositionibus plures disjunctivè nominati, non disjunctivè, sed copulativè accipiendi sunt, ne aliquis eorum commodò testatoris privetur; ibi: Melius itaque nobis visum est, omni hujusmodi verbositate expulsa, conjunctionem aut, pro & accipi, ut videatur copulativo modò esse prolata -- ut & primam personam inducat, & secun-

dam non repellat. Barbos. hic n. 30. Strein, hic. & alii.

Fallit 2. quando alternativa concipiuntur per dictionem *Seu*; quia hæc dictio plerumque plus copulandi, quàm disjunctivi vim habet. l. Si quis ita. 30. ff. de Auro & Argent. Legat. ibi: Si quis ita legaverit: uxori meæ mundum, ornamenta, seu, quæ ejus causâ paravi, do, lego: placet omnia deberi, sicut cum ita legatur: Titio vinum, quæ in urbe habeo, seu in portu, do, lego, omnia deberi. Hoc enim verum seu ampliandi legati gratiâ positum est. Quæ fallentia in favorabilibus, uti testamentis, legatis, & aliis, quæ amplam interpretationem recipiunt, potissimum procedit juxta Abbatem; cum verò universaliter non currat, in reliquis ex subiecta materia, & aliis circumstantiis num dictio seu copulativè, vel disjunctivè accipienda sit, judicium formandum erit. Strein. hic.

Fallit 3. in alternativis inter genus & speciem; quia in his propositio disjunctiva pro copulativa sumitur, Strein. hic. n. 32. cum communi aliorum. l. Sepe ita. 53. 7. Et cum dicimus. ff. de Verb. Signif. cum Concord.

Fallit 5. Regula quoad utramque partem, quando mens disponentis ex subiecta materia, scopo, vel fine dispositionis alia esse apparet: vel aliâ iniquitas, aut absurdum sequeretur. Barbos. hic. n. 31. arg. l. Generaliter. 6. C. de Instit. & Substit. & l. Lucius. 2. ff. de Hæred. instit. cum Concord.

REGULA LXXI.

Qui ad agendum admittitur, est ad excipiendum multò magis admittendus.

S U M M A R I U M.

1. Regula unde?
2. Quomodo intelligenda?
3. Ponitur verus sensus illius.
4. Declaratur exemplis Juris.
5. Fallit primò in spolio.

DEsumpta habetur hæc Regula ex l. 1. §. 4. ff. de superficiebus. ibi: Cui damus actionem, eidem & exceptionem competere multò magis quis dixerit. quod idem dicitur l. Invitus. 156. §. 1. ff. de Reg. Jur. Cui damus actiones, eidem & exceptionem competere multò magis quis dixerit.

Quæritur I. Quomodo hæc Regula intelligenda? Et quis verus illius sensus sit?

6. Secundo, in casu electionis jam confirmatæ.
7. Tertiò in casu Solutionis usurarum juramentò firmatarum.
8. Quartò, in casu depositi: & quomodo?

Resp. I. Regulam intelligendam esse, & procedere tunc solummodo, quando de eodem, & ad idem agitur, ac excipitur, ut bene advertit Glossa marginalis hic, communiter recepta. Item quando non adest ratio specialis exceptionem magis, quàm actionem repellens, prout patebit ex fallentis infra à n. 5. adducendis. Hinc

Resp.

3 Resp. II. Verus Regulae sensus hic est: Quando alicui de Jure competit actio pro re aliqua acquirenda, eidem etiam, & multo magis competit exceptio pro eadem, si habet retinendam ad excludendam actionem, quam alius pro eadem re instituit. Ratio est, Tum; quia cui licet quod est plus, licet utique, quod est minus, juxta Reg. 53. de R. J. in 6. Plus autem est agere, quam excipere; cum non raro, cui denegatur actio, concedatur exceptio arg. c. Cum inter. 5. de Except. utpote quae tanquam sui defensio in maiore aequitate fundatur l. Qui aequitate. 12. ff. de Doli mali except. Tum; quia exceptio tenet ad rei retentionem, quae facilius conceditur, quam acquisitio illius, qualem intendit actio. l. Per retentionem. 4. C. de Usur. Tum; quia exceptio utens representat personam Rei, actionem vero instituens personam Actoris: sed Favorabiliores Rei potius, quam Actoris habentur. l. 125. ff. de R. J. ergo. Quibus accedit, Jura promptiora esse ad absolvendum, & liberandum, quod quaerit excipiens, quam conlemnandum, & obligandum, quod intendit actionem instituens. l. Arianas. 47. ff. de Oblig. & Action. consequenter, cui de Jure competit actio pro aliqua re acquirenda, multo magis ei competit exceptio pro illa retinenda.

4 Declaratur, & fit natura Regula, ejusque sensus exemplis juris: Sic enim, uti exemplificat Glossa hic, quia ei, qui post legitimam rei praescriptionem deicitur a possessione, competit actio: multo magis ei competit exceptio pro eadem re retinenda, dum eam possidet. arg. can. Placuit. 15. cau. 16. q. 3. juncta l. Si quis 8. C. de Praescript. trigint. vel quadrag. annor. Sic pariter, si alicui competit actio, & vindicatio contra possessorem, multo magis competit exceptio, si rem possidet, contra alium actorem, eandem rem vindicare volentem. l. 1. §. 4. ff. de Superficiebus. Sic rursus, qui conductor rei alienae ad longum tempus competit actio, & vindicatio utilis in rem contra possessorem etiam dominum: sic eidem quoque competit exceptio contra eundem dominum. arg. cit. l. 1. §. 3. ff. eod. Sic ulterius, qui viro contra uxorem adulteram competit actio ad divortium c. Ex literis. 5. de Divortiis. sic contra eandem ei competit exceptio pro reditu ad virum actionem instituentem. c. 4. eod.

5 Quæritur II. An? Et quas fallentias

habeat Regula LXXI. ? Resp. Eam fallere in pluribus, veluti I. Si quis vi spoliatur possessione, & agendo restitutionem petit, non competit spoliatori exceptio dominii, dicendo, se esse rei dominum, & alterum injustum possessorem, licet facta restitutione possit contra spoliatum agere. c. 1. & c. In literis. 5. de Restit. Spoliat. prout amplius diximus Lib. II. Tit. 13. de Restit. Spoliat.

Fallit 2. in casu Electionis jam confirmatae, in quo non datur exceptio contra missionem Praelati in possessionem, etsi contra eundem in possessionem jam missi detur actio. c. Constitutus. 46. de Appellat. & c. Indemnitate. 43. §. Caterum. de Elect. in 6. Idque speciali ratione ob favorem Ecclesiae, vel Monasterii, utpote quibus diuturna Praelati carentia, quam exceptio admitti causaret, est praesudiciosa Ecclesiae, & animabus periculosa.

Fallit 3. in casu Solutionis usurarum, 7 quas solvere debitor jurejurando promisit; in tali enim casu, licet post solutionem jam factam competat actio ad obtinendam restitutionem usurarum jam solutarum, tamen eidem non competit exceptio contra solutionem praestandam, textu claro r. Debitores. 6. de Jurejurando. Ratio specialis est; quia ob virtutem Religionis juramentum, quod sine dispendio salutis animae, & praesudicio tertii servari potest, semper servari debet. r. Cum contingat. 28. de Jurejur. & c. Quamvis. 2. de Pactis. in 6. ubi pactum, etiam à Jure Civili reprobatur observari jubetur, si juramento fuit firmatum; cum non vergat in aeterna salutis dispendium, nec in alterius detrimentum, uti dicitur ibidem.

Fallit 4. in casu depositi; licet enim 8 depositarius habeat actionem contra deponentem, si ei debeat: exceptione tamen uti non potest titulo compensationis, si deponens repetat depositum. c. fin. v. Sand. de Deposito. & l. Si quis. 11. C. Depositi. ubi: Si quis vel pecunias; vel res quasdam per depositionis acceperit titulum, eas volenti ei, qui deposuit, reddere illico modis omnibus compellatur, nullamque compensationem, vel deductionem, vel doli exceptionem opponat, quasi & ipse contra eum, qui deposuit, actiones personales, vel in rem, vel hypothecariam praetendens. Ratio in utroque Jure specialis allegatur illa: ne contractus, qui ex bona fide oritur, ad perfidiam retrahatur.

REGULA LXXII.

Qui facit per alium, est perinde, ac si faciat per seipsum.

SUMMARIUM.

1. Regula unde?

2. Differt à Regula: Potest quis per alium, quod potest facere per seipsum: Et quomodo?

3. Ponitur Regula sensus.

4. Declaratur exemplis: in bonis;

5. Et in malis.

6. Solvitur objectio.

7. Obstetrix an? Et quando delinquat præbendo, vel suadendo medicinam?

8. Fallit Regula in iis, in quibus fallit LXXIII.

Defumitur Regula ex l. Quod jussu alterius. 180. ff. de Reg. Jur. ibi: Quod jussu alterius solvitur, perinde est, quasi ipsi solutum esset.

2 Queritur I. Quomodo hæc Regula intelligenda? Et quis verus ipsius sensus sit? Resp. quamvis ista Regula convenire videatur cum Regula 68. Potest quis per alium, quod potest facere per seipsum: tamen ab ea differt, Tum; quia primum dicta Regula loquitur de potestate faciendi per alium: præsens verò de vi, & effectu actus per alium jam facti. Tum; quia isthæc Regula loquitur generaliter, ut etiam comprehendat maleficia, quatenus non solum ille, qui bona, sed etiam qui mala & iniqua per alium facit, v.g. hominem occidit, vulnerat &c. perinde est, & homicidii reus habetur, ac si ipse in persona occidisset. arg. l. Is damnus. 169. ff. de R. J. Is damnus dat, qui jubet dare: & patebit per exempla Juris infra n. 4. adducenda. Non sic Regula 68. utpote quæ de licitis loquitur, uti patet ex dictis ad eandem. Verbum autem perinde non est intelligendum, quasi esset idem utriusque actus, sed quia fictione, & interpretatione quoad effectum pro eodem habetur. Et concernit hæc Regula potissimum mandatarios, procuratores substitutos, delegatos, ministros, officiales, servos, utpote per quos sapissime negotia nostra & alia facimus, & quod per hos facimus, quoad Juris effectum pro eodem habeatur, ac si ipsi faceremus. Hinc

3 Resp. II. Verus Regulæ sensus sequens est: Quod quis per alium sive bene, sive male facit, quoad Juris effectum pro eodem habetur, ac si faceret per seipsum. Ratio Regulæ est: quia ille, qui mandat, delegat, substituit &c. ut quid per alium fiat, est principalis

causa & origo facti secuti: hæc ipsò, quod factum non esset, si ipse non mandasset; consequenter factum tale eidem merito ita imputatur, ac si ipse fecisset. arg. cit. l. Is damnus. 169. ff. de Reg. Jur. & l. Hæc actio. 4. ff. Si Mensor fals. mod. dixer.

Declaratur Regula exemplis Juris: Sic enim, qui debitum suum per alium solvit, perinde habetur, ac si ipse solvisset. cit. l. Quod jussu. 180. ff. de Reg. Jur. Sic etiam, qui mandat, ut suus debitor id, quod debet, solvat mandantis creditori, perinde est, ac si ipse solvisset. l. Cum jussu. 64. ff. de Solut. ibi: Cum jussu meo id, quod mihi debet, solvis creditori meo, & tu à me, & ego à creditore meo liberor. & l. Singularia. 15. ff. de Reb. creditis, si certum. Sic pariter, si quis per procuratorem juramentum deponit, perinde est, ac si ipse jurasset. Clem. 1. de Jurejur. Sic rursus, qui per delegatum fert sententiam, perinde est, ac si ipse eam tulisset. l. Et si. 3. ff. de Offic. ejus, cui mandat. Sic ulterius, si quis per procuratorem contrahit matrimonium, perinde est, ac si ipse in persona illud contraxisset. c. fin. de Procurat. in 6. Sic alia innumera exempla passim habentur in Jure.

Ponuntur etiam exempla Juris ex Digno de maleficiis, seu male factis per alium; Sic enim qui alium vi deiecit à possessione, perinde est, & tenetur edicto Unde vi, ac si ipse in persona eum deiecisset. l. 1. §. 12. ff. de Vi, & vi armat. ibi: Deiecit autem etiam videtur, qui mandavit, vel jussit. Sic etiam actione injuriarum tenetur, sive per se, sive per alium calumniam quis inferat. l. Non solum 11. pr. ff. de Injuriis. Sic rursus æquè pro homicida habetur, & ut talis punitur, qui per alium occidit, ac si per seipsum occi-

occidisset. *l. Non ideo. 5. C. de Accus.* cum Concord. Sicinsuper qui per alium percutit Clericum, vel manus violentas injicit, æquè incurrit excommunicationem, ac si per se ipsum percussisset. *c. Mulieres. 6. §. fin. de Sentent. Excomm.* ubi etiam ratio additur illis verbis; cum is committat verè, cujus auctoritate, vel mandato delictum committi probatur. Sic plurima alia in Jure habentur exempla.

6. **Objicies I.** Si Mævius Stycho mandavit, ut jubeat fieri opus aliquod, & id fieri Stychus jussit; in casu emergentiæ non Stychus jubens, sed Mævius est conveniendus. *l. Aut qui aliter. 5. §. 12. ff. Quod vi, aut clam.* ibi: Si tibi mandavero, ut opus fieri juberet, & in eare mihi parueris, mecum, inquit, non tecum erit actio. ergo non semper, quod per alium quis facit, per seipsum facere censetur. Resp. neg. conseq. quia Regula intelligenda est duntaxat de principali mandante, jubente, volente, ut quid per alium fiat: non de intermediis personis, quæ non proprio, sed principalis mandantis nomine quid fieri jubent, ut apertè patet ex ipsa *l. Aut qui aliter.* in contrarium citata. Hoc tamen intellige de contractibus, & aliis apparentibus licitis per alium factis; Secus est, si à Mævio principali maleficio, v.g. Rapina, furtum, aut homicidium mandetur; tunc enim non solum principalis mandans, & delictum actu perpetrans, sed etiam concurrentes, & consentientes rei reputantur, ac pænâ plectuntur. *can. Omnes. 5. cau. 17. q. 4.* ibi: Omnes Ecclesiæ raptores, atque suarum facultatum alienatores à liminibus S. Matris Ecclesiæ anathematizamus, auctoritate Apostolica pelimus, & damnamus, atque sacrilegos esse judicamus: & non solum eos, sed omnes consentientes eis, quia non solum qui faciunt, rei judicantur, sed etiam, qui consentiunt facientibus. Par enim pænâ & agentes, & consentientes comprehendit.

Objicitur 2. *l. Item, si obstetrix. 9. pr. 7. ff. ad Legem Aquiliam.* ubi apertè statui videtur, quod non idem sit, homicidium committere, & causam homicidii præbere, ibi: Si obstetrix medicamentum dederit, & mulier perierit, Labeo distinguit: ut si quidem suis manibus supposuit, videatur occidisse: sin vero dedit, ut sibi mulier offerret, in factum actionem dandam. Quæ sententia vera est; magis enim causam mortis præstitit, quàm occidit. Resp. In hac objectione, & lege solvenda multum desudare Doctores: vel enim obstetrix occidendi animò medicamentum dedit, aut suasit: vel bonâ, & medendi intentione, mortis periculò nullatenus prævisò; si modo posteriori contigit, obstetrix absque culpa & pænâ est; quia In maleficiis voluntas spectatur, non exitus; ut dicitur *l. Divus. 14. ff. ad Legem Cornel. de Sicariis.* Si verò priori modo contigit: homicidii, & pænarum illius rea erit; quia sive per se, sive per alium quis occidat, vel mortis causam culpabiliter præbeat, de homicidio tenetur, tum per Jura citata: tum per textum satis clarum *l. Nihil interest. 15. ff. ad Legem Cornel. de Sicar.* ibi: Nihil interest, occidat quis, an causam mortis præbeat. Hinc, quia cit. *l. Item, si obstetrix.* si nudus verborum sensus spectetur, primum dictæ legi, & aliis Juribus apertè videtur contraria, Streinius dicere non dubitavit, quod Labeonis per eam allegata sententia dura, & minus vera, nec tam Labeonis, quàm judicio labentis & errantis dicenda sit, nisi bene interpretatone, Jura concordante, corrigatur.

Quæritur II. An? Et quas fallentias habeat hæc Regula? Resp. Eam in iis omnibus fallere; in quibus fallit Regula 68. hoc ipsò, quod in casibus ibidem à n. 8. allegatis non possit quis facere per alium, quod facere in persona propria debet: non perinde habetur, si tale quid per alium facit, quod ipsemet in persona facere tenetur.

REGULA LXXIII.

Factum legitimè retractari non debet, licèt casus postea eveniat, à quo non potuit inchoari,

SUMMARIUM.

1. Regula unde?

2. Quomodo intelligenda?

Declaratur exemplis Juris: ibid. & seqq.

6. Non nisi de actibus legitimè factis, & completis procedit: idque docetur exemplis Juris & seq.

8. Ponitur verus Regulae sensus.

9. Solvitur textus ei contrarius.

10. Supervenientes cause, quæ ab initio existentes actui obstitissent, etji actum perfectum non amplius impediunt, tamen sepe impediunt effectum illius.

1. **D**esumitur hæc Regula ex l. In ambiguis. 85. ff. de Reg. Jur. ibi: Non est novum, ut, quæ semel utiliter constituta sunt, durent, licèt ille casus extiterit, à quo initium capere non potuerunt. & l. Nec enim. 2. ff. de Itinere, actuque privato. ibi: Nec enim corrumpi, aut mutari, quod rectè transactum est, superveniente delicto potest.

2. **Q**uæritur Quomodo hæc Regula intelligenda? Et quis verus illius sensus sit? Resp. I. Eam sic esse intelligendam: quando aliquid legitimè, id est, juxta præscriptum legum validè fit, valorem non amittit, nec retractari, vel annullari potest, aut debet, etiam si postea superveniant casus, aut circumstantiæ, qui, si prius, & antequam actus fuit factus, extitissent, inchoari, & fieri non potuisset. Sic v. g. Matrimonium validè & legitimè contractum valorem non amittit, nec retractari, aut annullari potest vel debet, si postea unus vel uterque conjugum incidat in amentiam, quæ antea existens matrimonium validè contrahere impedivisset. *can. Neque furiosus. 26. cau. 32. q. 7.* ibi: Neque furiosus, neque furiosam matrimonium contrahere possunt; sed si contractum fuerit, non separentur. Idem est, si affinitas superveniat, ut si vir cognoscat sororem uxoris suæ; quia etji hujusmodi affinitas sit impedimentum dirimens, & ante matrimonium existens faciat, quòd inchoari, & validè contrahi non queat: tamen post matrimonium primùm eveniens, hoc non dissolvit. *c. Discretionem. 6. c. penult. & ult. de Eo, qui cognovit consanguin. uxor. suæ.*

3. **S**ic pariter, licèt furiosi testamentum facere non valeant, tamen si furor testatoris primùm post testamentum eveniat, testamentum non invalidatur. §. 1. *Instit. Quibus non*

est permixtum facere testamentum. ibi: Testamentum facere non possunt furiosi, quia mente carent. & infra: certè eo, quod ante furorem fecerint, testamento valente. Ratio additur; Nam neque testamentum rectè factum, neque ullum aliud negotium rectè gestum postea furor interveniens perimit.

Sic rursus, si quis rem legitimè præscripsit, potest eam validè & licèt, tutàque conscientia retinere, etiam si post completam præscriptionem certò sciat, rem fuisse alienam; quia licèt hujusmodi scientia, si ante inchoatam, vel completam præscriptionem extitisset, præscriptio inchoari, aut continuari non potuisset. *c. Vigilanti. 5. & c. fin. de Præscript.* Superveniens verò eam legitimè jam completam non invalidat, aut vitiat, sed in utroque foro adhuc validam relinquit, prout jam diximus *Lib. II. Tit. 26. à n. 21.*

Sic ulterius, si quis à Patrono, in possessione existente, ad beneficium præsentatus canonicè instituitur, beneficium validè & licèt retinet, licèt Patronus postea jus patronatûs in judicio perdat. *c. Consultationibus. 19. de Jure Patronat.* ubi Summarium sic habet: *Institutus ad præsentationem ejus, qui tunc jus patronatus Ecclesie possidebat, remqueri non debet, licèt illud jus ab eo postmodum evincatur.* quæ evictio si ante præsentationem extitisset, utique nec præsentatio à Patrono, nec institutio fieri potuisset. Sic innumera alia exempla reperiuntur in Jure.

Singulariter tamen notandum, Regulam nostram solummodo intelligendam esse de actibus legitimè factis, perfectis, & consummatis; quia si actus legitimè non fit, subintrat alia Regula: *Non firmatur tractu temporis, quod ab initio non subsistit. c. Non firma-*

firmatur. 18. *de Reg. Jur. in 6.* Dein si legitime inchoatur quidem, attamen substantialiter non perficitur & completur, regulariter invalidatur actus, si supervenit casus, vel circumstantia, quæ si ante initium actus extitisset, hic inchoari non potuisset, ut pluribus ostendit Dyn. *hic. arg. l. Pluribus. 140. ff. de Verb. Obligat.* Sic Testamentum legitime quidem inchoatum, sed ob amentiam testatoris non perfectum, invalidum existit ob talem supervenientem amentiam, utpote, quæ si prius extitisset, nec inchoationem testamenti promississet. *cit. §. 1. Instit. Quibus non est perm. facere Testam.* Sic etiam Præscriptio legitime inchoata, & continuata, sed debito tempore nondum completa evanescit per supervenientem notitiam, rem esse elienam; cum hæc scientia, si ab initio penes præscribere volentem fuisset, præscriptionem inchoare non permisisset ex defectu bonæ fidei. *c. Vigilanti. 5. & c. fin. de Præscript.*

7 Sic ulterius stipulatio servitutis, viæ, vel itineris in fundo evanescit, si ante completam stipulationem fundus alienatur. *l. Pro parte. 11. ff. de Servitut.* Sic rursus sponsalia, seu promissio de futuro matrimonio tolluntur, si, antequam matrimonium de præsentis actu contrahitur, superveniat causa, quæ prius existente, sponsalia contrahere non licuisset; veluti si post sponsalia de futuro unus sponso- rum cum alio contrahit matrimonium de præsentis, vel impedimentum dirimens affinitatis contrahit. *c. Sicut. 22. & c. Si inter. 31. de Spons. & Matrim.*

8 Resp. II. Verus Regulæ sensus sequens est: Quidquid aliquando legitime factum, & in suo genere substantialiter perfectum, seu completum est, nec à facientibus, nec ab aliis retractari, vel aliunde invalidari potest; nec invalidum evadit, etiamsi casus, vel circumstantiæ superveniant, quæ, si prius extitissent, inchoationi ejusdem, & valori obstiterent. Per Jura, & exempla Juris jam allegata. Ratio est bonum commune Reipublicæ, quæ utique graviter pateretur, & in gravem confusionem, litiumque nocivam copiam incideret, si actus, contractus, sententiæ, & alia negotia, legitime gesta, completa, & absoluta rescissioni adhuc subjacerent, vel ex se invalida evaderent, casu quò causæ, vel circumstantiæ emergunt, quibus ante initium actus existentibus, actus inchoari non potuisset; præsertim cum exinde graviter præjudicaretur necessario commercio humano, cunctis diffidentibus, & contractus, atque alia negotia

horrentibus, si rerum dominia, jura, & emolumenta legitime obtenta forent incerta, & futuris casibus, ac circumstantiis emergentibus, quæ ab initio obstiterent, iterum perirent. Boni communis autem, & Reipublicæ summam ratio est habenda, *arg. can. Scias frater. 35. can. 7. q. 1. cum Concord.*

Contra Regulam principaliter objicitur 9
l. Pluribus 140. §. 2. ff. de Verb. Oblig. ubi videtur adesse textus nostræ Regulæ aperte contrarius; sic enim sonat: Placeat extinguere obligationem, si in eum casum inciderit, à quo incipere non potest. Non tamen hoc in omnibus verum est. Qui, & alii Juris textus ferè similes DD. præsertim verò Peckium adeo fatigant, ut dicere hic non dubitent, nihil circa hoc in toto Jure magis incertum, & perplexum esse. Dynus autem mitius sentiendo ait, conciliari posse præfatum, & alios Juris textus Regulæ nostræ apparenter contrarios, si dicatur, eos loqui de actibus substantialiter necdum perfectis & completis, quos superveniente casu, vel circumstantiâ, inchoationi actus obstistente, retractari potest, vel ex se ipsis evanescere, quod Regula nostra ipsamet vult per dicta supra n. 6. Fundaturque hæc responsio in eo, quòd textui Regulæ apparenter contrario statim subjungatur: Non tamen hoc in omnibus verum est. Strein verò non multum se fatigans ait; se textus Juris civilis in eo, ubi non concordant cum nostra Regula Juris Canonici, pro non insertis habere, eosque profani Juris studiosis committere.

Notandum tamen, quòd, licet juxta¹⁰ hætenus dicta, legitime facta & completa retractari nequeant, nec invalida evadant ob supervenientem causam, quæ prius existens inchoationem actus impediisset: tamen nonnunquam per hujusmodi supervenientem causam impediatur effectus actus valide, & legitime peracti, ac perfecti, ut patet in arreptiis, & epilepticis; cum licet eorum superveniens infirmitas Ordines legitime collatos non invalidet, effectum tamen eorum impediat; quia hujusmodi infirmitate gravati Sacris Altaribus ministrare, & Ordines exercere non valent. *can. Communiter. 3. dist. 33. ibi: Communiter diffinimus, ut nullus deus, qui aut in terram arrepti à demonibus eliduntur, aut quolibet modo vexationis incursum efferuntur, vel Sacris Altaribus audeant ministrare, vel indiscusse se ingerant Sacramentis Divinis, exceptis illis, qui corporis incommoditatibus dediti, sine hujusmodi passionibus in terram probantur elisi, qui tamen & ipsi tamdiu erunt*
ab offi-

ab officii sui Ordine, & loco suspensi, quousque unius anni spatio, per discretionem Episcopi inveniuntur ab incurso demonum liberati. Qui textus circa tales infirmos bene est notandus. Idem

cum proportionem dic de Presbytero, cui medietas palmæ est abscissa, vel qui est leprosus, textu claro *Presbyterum. 2. & c. Tua nos. 4. de Clerico agrotante.*

REGULA LXXIV.

Quod alicui gratiosè conceditur, trahi non debet ab alijs in exemplum.

S U M M A R I U M.

1. Regula unde?
2. Quomodo intelligenda?
3. Ponitur verus sensus illius.

4. Declaratur Juris exemplis.
5. Solvitur Obiectio.

DEsumptam ajunt hanc Regulam ex l. 1. ff. de *Consl. Princip.* ibi: *Nam quod Princeps alicui ob merita indulget, vel si quam penam irrogavit, vel sicui sine exemplo subvenit, personam non egreditur.* Concordat, & affinis est Regula 7. de Reg. Jur. in 6. *Privilegium personale personam sequitur, & extinguitur cum persona.* & Reg. 28. eod. *Quæ à Jure communi exorbitant, nequaquam ad consequentiam sunt trabenda.* De quibus vide suprà suò loco, & applicanda etiam hic applica.

2. Quæritur, quomodo hæc Regula intelligenda? Et quis verus illius sensus sit? Resp. I. Regulam loqui, & intelligendam esse de iis favoribus, gratiis &c. quæ à Papa, vel alio supremo Principe alicui in specie, ex speciali ratione, vel beneplacito conceduntur contra, vel ultra jus commune: & velle, ne hæc in exemplum, vel consequentiam, etiam ob paritatem rationis ab alijs trahantur. Hinc
3. Resp. II. Verus Regulæ sensus hic est: *Quod alicui in singulari ex speciali favore, & gratia à Papa, vel alio supremo Principe contra, vel ultra jus conceditur, ab alijs trahi non debet in exemplum, vel consequentiam, ita, ut existiment, id sibi quoque in simili casu, & existente eadem ratione licitum.* Per Jura, & Juris Regulas n. 1. allegatas. Ratio Regulæ est; quia favores & gratiæ speciales contra jus, vires suas præcisè recipiunt ab intentione & voluntate concedentis. *Vivianus hic. arg. c. 2. de Rescript.* intentio autem, & voluntas concedentis non est, ut quod alicui in singulari ex speciali favore & gratia impertitur, ad alios extendatur, sed tanquam favor, & privilegium personale perso-

nam duntaxat sequatur, & cum ea extinguatur; consequenter ab alijs in exemplum trahi non possit: præsertim cum per similes speciales favores & privilegia personalia, non ea, quæ juris communis, & per consequens alijs etiam in simili communia sunt, sed quæ contra jus, vel ultra id, quod vi illorum permittitur, concedantur; siquidem *Quæ à Jure communi exorbitant, nequaquam ad consequentiam sunt trabenda.* juxta cit. Reg. 28. de R. J. in 6.

Exempla in Jure, & in praxi habentur plurima; Sic enim, uti bene specificat Dynus *hic.* si Papa ex gratia speciali concedit, quod quis habere possit plura beneficia curati: percipere fructus sine residentia; vel si quem eximit à solvendis decimis. Aut si Princeps aliquem declarat à solvendis tributis, vel alijs oneribus publicis immunem, hoc non potest ab alijs trahi in exemplum, ita ut tali speciali favore sine speciali concessione & ipsi fruantur. Speciale etiam exemplum habetur *can. Petiisti. 17. cau. 7. q. 1.* ubi Zacharias Papa ex speciali gratia concessit quidem Episcopo Moguntino, ut sibi ipsi possit designare successorem, tamen addidit: *Hoc nulli concedi alii patimur, quod tibi, charitate cogente largiri censuimus.* Simile quid habetur *can. Contra morem. 8. dist. 100.* ubi Gregorius arguit, Archiepiscopum Ravennatensem, quod intuitu privilegiorum alijs Ecclesiis specialiter concessorum, usus fuerit pallio extra Missarum solemniam, eumque adegit, ut vel probet, etiam suæ Ecclesiæ simile speciale privilegium esse concessum, vel in defectu probationis, universali Ecclesiarum Metropolitanarum mori, juri-

juriq[ue] communi se accommodet. ibi: Aut enim mos omnium Metropolitanorum etiam à tua est fraternitate servandus, aut si tua Ecclesia aliquid specialiter dicis esse concessum, præceptumve à Prioribus Romane urbis Pontificibus, quod hæc Ravennati Ecclesie sunt concessa, à vobis oportet ostendi.

5 Objicies contra Regulam 7. 1. §. 2. C. de Novo Codice faciendo. ubi satis clarè contineri videtur, etiam ea, quæ personæ conceduntur, generalis constitutionis vim habere, & ab aliis in exemplum trahi posse. Resp. Legem hanc de illis loqui Rescriptis, quæ

quidem ab initio speciali personæ, aut communitali sunt inscripta, postea verò propter utilitatem communem Codici, vel Juri communi Canonico, aut Civili, tanquam leges communes fuerunt inserta, sicque merito ad exemplum trahenda. Ita enim sonant verba legis præfatæ: Sicut & illas (intellige constitutiones) vim generalis constitutionis obtinere, palam est, quæ ad certas personas rescripse, vel per pragmaticam sanctionem ab initio data; eisdem novo Codici, propter utilitatem sanctionis insertæ fuerunt: cujusmodi Rescriptis Jus commune plenum est.

REGULA LXXV.

Frustra sibi fidem quis postulat ab eo servari, cui fidem à se præstitam servare recusat.

S U M M A R I U M.

1. Frangenti fidem, fides frangatur eidem.
2. Ponitur verus sensus Regulæ.
3. Que procedit, etiamsi in modico duntaxat fides violetur.
4. Et quavis violans per æquivalens velit satisfacere.
5. Aut à præstando promissa fuerit legitime impeditur.
6. Licet pars adversa juramento firmasset suam fidem.

7. Declaratur Regula exemplis Juris. & n. seq.
9. Violante uno fidem, in arbitrio servantis est, utrum pariter velit eam frangere, vel continuare contractum, & penam petere.
10. Etiam hosti est servanda fides.
11. Ambobus conjugibus pari consensu conventiam voventibus, si unus eorum illam violat, tenetur nihilominus alter servare.
12. Fallit Regula in contractu cum pupillo.

1 **C**oncordat cum Regula illud tritissimum & verum Brocardicum versiculò expressum: *Frangenti fidem, fides frangatur eidem.*

2 **Q**uæritur I. Quomodo hæc Regula intelligenda? Et quis verus illius sensus sit? Resp. Eam esse intelligendam juxta sequentem proprium illius sensum. Id est, qui fidem in contractu, vel quacunque conventionē alteri datam non servat, id est, non præstat, quod promissit, non potest ab altera pretendere, ut sibi datam, circa idem factum, fidem observet, seu, quod reciprocè promissit, præstet. Ratio Regulæ est; quia omni contractui tacite inest hæc conditio: si fidem datam alter servaverit. arg. l. Cum proponas. 21. C. de Pactis. consequenter, si una pars contrahentium fidem de re, materia, vel facto aliquo non servat, nec pars altera suam de eodem datam fidem servare tenetur.

taxat ab una parte frangatur fides; quia etiam tunc ab altera observandam fidem pretendere nequit, & petens exceptione de prius violata fide removeri potest; quemadmodum si in emptione emptor etiam modicam partem pretii stipulati non solvit, venditor fidem servare, & rem venditam tradere non tenetur. l. Julianus. 13. §. 8. ff. de Action. Empti. Strein. h. c. n. 2. Baldus ad l. Pacta. ff. de Contractib. empti. Nisi forsahid, quod desideratur, tam modicum sit, ut merito præsumi possit, ad hujusmodi minutias noluisse respicere contrahentes. l. 1. §. 8. ff. de Edictis. Edicto.

Procedit insuper Regula, etiamsi fidem violans velit per aliquid æquivalens satisfacere; quia aliud pro alio, invito creditori, solvi non potest, ut dicitur l. 2. §. 1. ff. de Reb. credit. si cert. pet. Sic v. g. si mutuam alicui dedisti pecuniam cum conditione, ut ipse iterum in parata pecunia solvat, non teneris aliam

3 Procedit Regula, etsi in modico dun-

aliam rem ejusdem pretii accipere, immo nec acceptare, si mutuum accipiens velit suum debitorem, qui solvat, substituere. *l. Eum, à quo. 16. C. de Solution. ibi: Eum, à quo mutuum sumpsisti pecuniam, in solutum, nolentem accipere nomen debitoris tui, compelli Juris ratio non permittit.*

5 Procedit ulterius Regula, etiamsi pars una fidem servare ex causa necessaria impediatur, sicque absque culpa existat; quia licet in tali casu excusetur à mora, & pœna, *l. Si vehenda. 10. §. 1. ff. de Lege Rhodia de Factu.* Tamen exinde alteram partem obligare non potest ad servandam fidem, vel actionem propterea contra ipsam instituere. *l. Ex conducto. 15. §. 6. ff. Locati.*

6 Procedit rursus, etsi una pars juramentò firmarit suum promissum, & fidem; quia etiam hujusmodi juramentò facta promissio vel contractus tacitam continet conditionem: si pars altera fidem, & promissum servet, conditionem impositam, & susceptam adimpleat. *c. Pervenit. 2. de Jurejur. ibi: Nectui ei, etiamsi promissum tuum juramentò, vel fidei obligatione, interposita conditione firmasses, aliquatenus teneris; si constet, eum conditioni minime paruisse.*

7 Declaratur Regula, & firmatur ulterius exemplis Juris: Sic enim si Petrus per viam transactionis liti, ea cum conditione, renuntiavit, ut Paulus intrà mensis spatium certam pecuniæ quantitatem solvat: & Paulus intrà dictum mensem pecuniam non solvit, Petrus renuntiationi stare non tenetur, sed ad litem redire potest, *arg. l. Cum proponas. 21. C. de Pactis.*

8 Sic pariter si duo fratres habentes plura prædia, vel domos in communi cum mutua conventiones sub certa poena, ne alienentur, & unus eorum aliquid alienavit, non potest hic prætereundum ab altero fratre, ne ipse alienet, *arg. l. Cum Pater. 77. §. Libertis. 27. ff. de Legat. II.* Sic quoque, si quis pro certa pensione annua alteri ad certos annos locavit domum suam sub certa poena, quod eum expellere non velit, nec possit: potest locatarius liberè expellere, & pœnam subire non tenetur, si pensionem juxta promissum non solvit, textu, & casu expresso *l. Quæro. 54. §. 1. ff. Locati.*

9 Notandum tamen cum Glossa hic, quòd si duæ partes sub certa pœna mutua sibi invicem promittunt, & una pars prius fidem violat, in libertate non frangentis fidem sit, vel

ulterius servare pactum, si melius ei videbitur, ac interea petere solutionem pœnæ, *arg. l. Cum par. 154. ff. de Reg. Jur. ibi: Illi debet permitti petere pœnam, qui in ipsam non incidit: vel fidem pariter frangere; quo casu tamen hinc inde fit mutua compensatio pœnæ; c. Constitutus. 7. De Penis. ibi: licet autem in instrumento Episcopi expressa fuerit certa pœna, quam pars contractum non servans solverit observanti; cum tamen utraque pars venisset contra illum ex confessione propria convincatur, & utramque partem ab ea reddimus absolutam.*

Objicitur autem contra Regulam 1. 10 *can. Noli existimare. 3. cau. 23. q. 1. ubi habetur: Fides enim, quando promittitur, etiam hosti servanda est: atqui hostis non servat fidem; ergo. Resp. cum Glossa, fidem omnino etiam hosti servandam esse, si & ipse eam servat: secus si hic eam violat. Idem dic in similibus arg. *can. Sta subiectus. 7. dist. 95. ibi: Scitum est illud oratoris Domitij: cur ego te, inquit, habeamus Principem, cum tu me non habearis ut fenatorem.**

Objicitur 2. Si conjuges mutuo consensu continentiam vovent, & unus eorum adulteratur, tamen pars innocens adhuc tenetur ad servandam continentiam. *can. Quod Deo. 4. cau. 33. q. 5. ibi: Quod Deo pari consensu voveratis, perseveranter reddere ambo usque in finem debuiſtis: à quo proposito, si lapsus est ille, tu saltem instantissime persevera. Resp. hoc verum esse, quia in hoc casu fides non fuit promissa homini, sed Deo, qui fidem nunquam violat. Et hinc licet pars una adulteretur, tamen innocens votum Deo factum servare debet: quamvis adulteram ad thorum, & cohabitationem admittere, & debitum ei reddere haud amplius obligetur, nisi & ipsa postea adulteretur. c. Significasti. 4. de Divort.*

Quæritur II. An? Et quas fallentias patitur Regula LXXV? Resp. Eam fallere in contractu cum pui illo, inito sine autoritate tutoris. *l. Julianus. 13. §. 29. ff. de Action. empt.* hunc enim contractum prohibitu si angere potest pupillus, alter verò eundem servare tenetur, ibi: *Si quis à pupillo sine autoritate tutoris emerit, ex uno latere constat contractus; nam qui emit, obligatus est pupillo: pupillum sibi non obligat.* Et hoc in favorem ætatis pupillaris à Jure specialiter sancitum est: quòd cum emens à pupillo scire potuit & debuit, sibi imputare debet, quòd cum illo sine autoritate tutoris contraxerit.

REGULA LXXVI.

Delictum personæ non debet in detrimentum Ecclesiæ redundare.

SUMMARIUM.

1. Quid nomine personæ intelligatur in Regula?
2. Ponitur verus sensus Regule.
3. Declaratur exemplis Juris.
4. Solvuntur objectiones.
5. Falsit Regula primò in delictis omissionis.

6. Secundò, quando Prælatus cum consensu Capituli delinquit.
7. Tertio, in Interdicto.
8. Quando ex delicto personæ aliquid ad Ecclesiam pervenit, hæcque inde facta est ditior.

QUÆRITUR I. Quomodo hæc Regula intelligenda? Et quis verus illius sensus sit? Resp. I. Nominè *personæ* in hac Regula intelliguntur non tantùm Prælati Ecclesiarum, tam Regularium, quàm secularium: sed etiam omnes illi, sive seculares Laici, si Clerici, qui Ecclesiæ, vel Monasterio servant, ejusque res aut Jura administrant, vel membra Ecclesiæ, monasteriive existunt. De quibus Regula dicit, quòd eorum qualiacunque delicta, sive falsum committant, sive occidant, sive furentur, aut aliàs damnificent, vel injurià afficiant &c. in detrimentum Ecclesiæ redundare non debeat, consequenter Ecclesia ad reparationem damni illati, vel pœnam delicto impositam non obligetur, nec ipsamet in bonis suis damnum pati habeat. Hinc

2 Resp. II. Genuinus Regulæ sensus sequens est: Si personæ, quæ Ecclesiæ sive regulari, sive seculari deserviant, ejusque res, aut jura administrant, vel membra illius existunt, quales sunt Prælati, privati Clerici, aut Religiosi, Officiales sive regulares, sive seculares, puta Cœnarii, Cellarii, economi, procuratores &c. delictum committunt, non debet illud in detrimentum Ecclesiæ redundare, nec ei quomodolibet præjudicari, consequenter non tenetur Ecclesia damna exinde, aut illata resarcire, aut penam aliquam subire, nec damnum sibi illatum sustinere. Ratio Regulæ est, Tum; quia delicta suos tenere debent authores, c. *Quæsit.* 2. de *His, quæ à majori parte Capituli*. ibi: Cum peccata suos authores tenere debeant, nec pena sit ulterius provocabenda, quàm delictum fuerit in excedente repertum. junctâ l. *Sanctimus*. 22. C. de *Pœnis*. consequenter, cum præfatæ personæ, si delinquant, id non Ecclesiæ, sed suo nomine faciant, eorum delicta illis solis, non Ecclesiæ nocere debent. Tum; quia Ecclesia gaudet favore & jure minoris, c. 1. de *Integr. restit.* ibi: Et Ecclesia jure minoris de-

Regula Juris.

beat semper illæsa servari: Minor autem ex alieno, etiam tutoris delicto, non tenetur. arg. l. *penult.* ff. de *Tabulis exhibendis*. Accedit, quòd Ecclesiæ Prælatus, vel alius administrator illius meliorem quidem reddere possit conditionem Ecclesiæ, sed deteriore facere non debeat, cit. c. 1. de *In Integr. restit.* &c. 2. de *Donationibus*. ibi: Cum Episcopus, & quilibet Prælatus Ecclesiasticarum rerum sit procurator, & non dominus, conditionem Ecclesiæ meliorare potest, facere verò deteriore non debet.

Declaratur Regula exemplis Juris, ubi **3** plurima inveniuntur; Sic enim, si Episcopus tam grave delictum committit, ut meritò deponatur, bona Ecclesiæ non confiscantur. *can. Si Episcopus*. 3. *can.* 16. q. 6. ubi pro ratione affertur Regula nostra, ibi: quia delictum personæ in damnum Ecclesiæ non est convertendum. Sic etiam, si procurator, aut Synodicus producit falsum instrumentum, ab ipso Prælato confectum, id Ecclesiæ non præjudicat, c. *Cum Venerabilis*. 6. §. *ad hæc*. de *Except.* Sic ulterius res Ecclesiæ malè alienatas revocare potest non tantùm successor Superior, & capitulum, sed ipse Prælatus malè alienans, allegando etiam, & fatendo propriam turpitudinem, etiam si jurasset non repetere: prout amplius dictum, & probatum habetur *Lib. III. Tit. 13. §. 3.* Adducit Dynus plura alia exempla de variis delictis per personas commissis, & universaliter concludit, quòd vi Regulæ nullum horum præjudicare valeat Ecclesiæ, prout etiam n. 1. jam diximus.

Objicitur autem 1. contra Regulam l. *Inbe-* **4**
mus. 10. C. de *Sacrof. Ecclesiis*. vi cujus etiam navis Ecclesiæ fisco addicitur ob delictum Prælati, quò eam publicæ transvectioni subtrahit.

Aa

Resp.

Resp. Leges Civiles, sacris canonibus manifestè obviantes, esse nullas; cum Legislatores civiles careant potestate aliquid statuendi in præjudicium Ecclesiarum. *c. Quæ in Ecclesiis* 7. & *c. Ecclesia* 10. de *Constit.* ibi: *Nos attendentes, quòd Laicis -- super Ecclesiis, & personis Ecclesiasticis nulla sit attributa facultas, quos obsequendi manet necessitas, non auctoritas imperandi.* Vel dic. cum Dyno & Glossa delictum ibidem circa navem commissum fuisse cum consensu & consilio capituli; in cujusmodi casibus Regula non procedit juxta mox dicenda n. 6. Objicitur 2. Repudiatio Legati à Prælato facta censetur in Jure valida: ergo factum personæ nocet Ecclesiæ: Resp. negando consequentiam; quia in repudiatione non agitur de damno vitando, sed tantum de lucro non captando: non autem est par ratio, lucra non facere, & quæ sita perdere; prout ampliùs de hac materia dictum habetur *Lib. III. Tit. 10. §. 2.*

5. Quæritur II. An? Et quas fallentias patiatur Regula LXXVI? Resp. Eam fallere 1. in delictis omissionis à Prælato, vel aliis personis factis; hæc siquidem etiam Ecclesiæ præjudicant *arg. can. Placuit. 15. cau. 16. q. 3.* Item *c. 1. & seqq. de Prescript.* ex quibus clarè patet, quòd delictum Prælati, omissis repetere rem ecclesiasticam, noceat Ecclesiæ eatenus, quatenus contra eundem debito tempore currit præscriptio.

6. Fallit 2. Quando Prælatus delinquit cum consensu Capituli, & communicato consilio, *arg. c. Cum dilectus. 2. de Ordin. cognit.*

junctâ Glossâ ibidem: ubi exceptio spoliationis à Prælato factæ propterea etiam Ecclesiæ nocet. Vivianus *hic.* Et ratio est; quia, etsi Prælatus solus delinquendo non repræsentet Ecclesiam, sicque ei non noceat; tamen, quia cum Capitulo, vel Collegio eam verè repræsentat, eidem etiam nocet, si cum consilio & consensu eorum delinquit, quia sic totam Ecclesiam deliquisse censetur. Et procedit hæc fallentia sive omitendo, sive committendo fiat delictum, ob paritatem rationis.

Fallit 3. in Interdicto, *c. Cum dilectus. 7. de Religiosis domibus.* ubi propter delictum Prælati Monasterium interdicto subjicitur; quòd, etsi speciale, non tamen adeò durum censet D. Thomas 4. *dist. 18. q. 2. art. 3. quest. 2. ad secundum* dicens; *quia interdictum non est tanta pena, quanta excommunicatio; quia interdicti non fraudantur suffragiis Ecclesiæ, sicut excommunicati.*

Fallit 4. quando ex dolo, vel delicto 8 Prælati, aut alterius ex recensitis n. 2. personis aliquid ad Ecclesiam pervenit, & hæc inde facta est ditor; Dynus *hic.* quia sicut Jure cavetur, ut pupillus teneatur de dolo, aut delicto tutoris, si inde ad eum aliquid pervenit, *l. 4. ff. de Tribut. act.* cum Concord. & dominus de delicto servi: ac Pater de delicto filii, si quid ex horum delictis aliquid ad eos pervenit *l. 1. §. 15. 19. & 20. ff. de Vi, & vi armat.* sic etiam Ecclesia eatenus tenetur, quatenus id, quod ex delicto personæ ad se pervenit, restituere debet. Fallit 5. in confessione judiciali Prælati. de quo fusiùs *Lib. II. Tit. 18. §. 4.*

REGULA LXXVII.

Rationi congruit, ut succedat in onere, qui substituitur in honore.

SUMMARIUM.

1. In quo differat hæc Regula à Regula LV?
2. Ponitur verus sensus Regule.
3. Et ratio illius.
4. Declaratur exemplis Juris. & duobus seqq.
5. Patronus Ecclesiæ quæ prerogativa honoris, &

quæ onera habeat.

6. Successor Prælati tenetur solvere Antecessoris debita, pro utilitate Ecclesiæ contracta.
7. Conditio onerosa adherens personæ non transferretur ad Successorem.

Præfens Regula in substantia omnino concordat cum Regula LV. de Reg. Jur. in

6. ac in hoc solo differre videtur, quòd hæc posterior universaliter, & indistinctè dicat:

Qui

Qui sentit onus, sentire debet commodum, & e contra. Præfens verò Regula loquatur specificè de casu successione in honore, vel itque, ut, qui in honore succedit, succedat etiam in onere honori annexo.

² Quæritur itaque, quomodo hæc Regula intelligenda? Et quis verus illius sensus sit? Resp. Eam esse intelligendam juxta sequentem genuinum illius sensum: *Quicumque alicui succedit in dignitate, vel alio munere honorifico, aut prerogativa quadam, eidem etiam succedit in onere, seu in obligationibus tali dignitati, vel muneri honorifico annexis, edisque uti antecessor adimplere, & præstare debet.* Fundatur Regula in ratione, & æquitate naturali, prout ipsa Regula innuit illis verbis: *Rationi congruit:* quam adeò æquam duxit Imperator, ut intollerabilem minimè ferendum pronuntiaret illum, qui eidem non acquiescit. *l. un. §. 4. C. de Caduc. tollend.* ibi: *Neque enim ferendus est is, qui lucrum quidem amplectitur, onus autem ei annexum contemnit.* Ad propositum etiam servit effectum Gregorii Papæ *can. Rationis ordo. 9. dist. 100.* ibi: *cum honoris augmento cura etiam sollicitudinis debet accrescere, ut cultui vestium actionis quoque ornamenta conveniant.*

³ Rationis locò stat etiam, quòd successor in munere honorifico habeatur quasi pro hærede antecessoris, uti advertit Glossa in *c. 1. de Solut. v. Prædecessoris.* consequenter, sicut hæres in universum jus tam passivum, quàm activum succedit, indèque onera & debita hæreditati annexa præstare debet, sic idem facere oportet eum, qui quasi hæres alteri in honore succedit *cit. c. 1. de Solut.*

⁴ Declaratur & firmatur Regula ulteriùs exemplis Juris. Primum adducit Dynus de substituto hærede; quia hæreditas in Jure honor vocatur, *l. Filium. 5. §. 5. ff. de Legat. præst.* Sicut enim hæres institutus, sic etiam

substitutus unà cum honore in onere, puta, solvendi legata, & alia debita, succedit; quia relicta ab instituentè videntur legis potestate tacitè repetita ab instituto. *l. Licet Imperator. 74. ff. de Legatis. 1.*

Sic filius, qui jure hæreditario succedit in jus Patronatûs, indèque honorem & commodà reportat, puta, honoratiorem locum in processione, præcedentiam in acceptanda thurificatione, incapiendo modesto auxilio, si ad inopiam vergat. *c. Nobis. 25. de Jure Patronatûs.* ibi: *Pro fundatione quoque Ecclesiæ honor processionei fundatori servatur: & si ad inopiam vergat, ab Ecclesiâ illi modeste succurritur, sicut in Sacris est canonibus institutum. cum Concord.* idem in oneribus quoque, & obligationibus, defendendi videlicet Ecclesiâ, & quantum possibile, curandi, ne ullò modò injustè patiatur, aut bona illius ad alium, quàm destinatum usum, applicentur, succedit. *arg. can. Filiis, vel nepotibus. 31. & can. Decernimus. 32. cau. 16. q. 7.*

Sic Prælatus succedens in honore, succedit etiam in onere & obligatione solvendi debita ab antecessore ob utilitatem Ecclesiæ contracta *c. 1. de Solut.* ibi: *Sicut filius debita patris solvere tenetur; ita Prælatus sui prædecessoris pro Ecclesiâ utilitate contracta.* Et ille, qui honorifico mortui Judicis officio substituitur, onus & obligationem habet, sequendi judicium, quod ipse ferre debebat. *arg. c. Quoniam Abbas. 14. de Offic. & potest. Jud. deleg.*

Illud tamen cum Dyno *bic n. 5.* & aliis notandum, quòd, si onus, vel conditio onerosa adhæret personæ antecessoris, succedens in honore illius, non succedat in tali onere. *arg. l. Legatum. 24. ff. de Adimend. legat.* ibi: *Legatum sub conditione datum, cum transferretur, sub eadem conditione transferri videtur: si non conditio priori personæ cohareat.*

REGULA LXXVIII.

In argumentum trahi nequeunt, quæ propter necessitatem aliquando sunt concessa.

S U M M A R I U M.

1. Regula unde? & in quibus à quasi similibus differat?
2. Ponitur verus sensus Regule.

Concessa propter necessitatem, cessante necessitate, cessant. *ibid.*

3. Beneficia secularia, extra casum necessitatis, Regularibus non sunt conferenda.
4. Pater ob nimiam inopiam vendere potest filium.

5. Ubi omnino similis, vel major ratio habetur, sit extensio concessionis: & quare?

Desumitur hæc Regula ex l. *Qua propter*. 162. ff. de Reg. Jur. ibi: *Qua propter necessitatem recepta sunt, non debent in argumentum trahi.* Concordare videntur Reg. XXVIII. *Quæ à jure communi exorbitant, nequaquam ad consequentiam sunt trabenda.* & Reg. LXXIV. *Quod alicui gratiosè conceditur, trahi non debet ab aliis in exemplum.* A quibus tamen differt, & propterea superflua non videtur, quòd præsens Regula specialiter loquatur de eo, quod *ob necessitatem*: præcedentes verò de eo, quod ex speciali favore & gratia conceditur, ut notat Glossa hic.

2. Quæritur, Quomodo Regula intelligenda? Et quis verus illius sensus sit, Resp. Regulam intelligendam esse in sensu sequenti, tanquam proprio ejusdem: *Id, quod intuitu urgentis alicujus gravis necessitatis subinde conceditur, aut permittitur, ab aliis sumi non debet pro argumento, quasi & illis in hujusmodi casu permissum, aut concessum esset.* Ratio Regulæ est; quia, cum hujusmodi concessionem à Jure communi exorbitent, in consequentiam non sunt trahendæ juxta Regulas n. 1. allegatas: immò non tantum non trahendæ in exemplum, sed in ipso etiam, cui factæ sunt, cessare debent, necessitate tanquam causâ concessionis, cessante. *can. Quod pro. 41. can. 1. q. 1. ibi: Quod pro necessitate temporis statutum est, cessante necessitate debet utique cessare.* Quod idem repetitur *can. Quod pro remedio. 7. can. 1. q. 7.* Et merito; Cum cessante causa cesset effectus. *c. Cum cessante. 60. de Appellat.*

3. Declaratur Regula, & firmatur exemplis Juris: Sic etsi in necessitate ob inopiam Sacerdotum beneficia secularia, & Parochiæ etiam Religiosis conferri valeant; id tamen cessante tali inopia, vel alia vera necessitate praticari non debet: prout ex illo trito: *Secularia beneficia secularibus, & Regularia Regularibus sunt conferenda*: amplius diximus *Lib. III. Tit. 5. §. 2. n. 26.* Sic pariter, quando ob inopiam Sacerdotum conceditur unio duarum parochiarum, ea cessare debet, quando habetur copia Sacerdotum. Sic rursus, si ob certam gravem necessitatem tempo-

re quadragesimæ conceditur esus carniū, ad aliud tempus, necessitate vacans, trahi non debet. Sic, etsi Bavaris tempore belli Suevici ob varias necessitates universaliter fuerit concessum in quadragesima edere carnes, uti post Caramuel refert Strein hic. tamen, quia necessitates tunc existentes non amplius extant, id eis non amplius licet, per Jura & rationes allegatas.

Sic, licet pater ob nimiam paupertatem & egestatem victus causâ vendere possit filium, vel filiam. l. 2. *C. de Patribus, qui filios.* tamen in simili causâ id non licet matri, vel avo paterno, ut cum aliis docet Bruneman in *cit. l. n. 1.*

Notandum tamen cum Glossa, & Dyno hic, quòd, etsi regulariter loquendo, alius pro argumento & exemplo sumere non debeat id, quod aliquando intuitu necessitatis fuit concessum, tamen id fieri possit & debeat in casu, ubi eadem gravis, vel major urget necessitas; quia argumentum à simili ad penitus simile procedit; cum ea, quæ conveniunt in identitate rationis, non debeant separari, secundum constitutionem Juris, ut habet Summarium in l. *Illud. 32. ff. ad Leg. Aquiliam.* cui concordat *c. Inter corporalia. 2. de Translat. Episc. ibi: Propter expressam tamen similitudinem, vel potius identitatem -- cum de similibus idem judicium sit habendum.* Et quamvis argumentum à paritate rationis desumptum, ubi est eadem ratio, eadem est legis dispositio, non semper procedat, ac præfertim locum non habeat in iis, quæ à Jure communi exorbitant: tamen, ubi rationis loco stat gravis necessitas, & hæc in aliis eadem, omnino procedit; eò quòd necessitas gravis aliàs ordinariè excuset à servanda lege humana juxta Regulam IV. *de Reg. Jur. in Quinto Decret. Quod non est licitum in lege, necessitas facit licitum &c.* & dicta ad eandem Regulam supra. Addit nihilominus Dynus: nisi in concessione reperiatur expressa, vel æquipollens prohibitio in contrarium, uti fit in *cit. l. 2. C. de Patribus, qui filios.* ibi: *Venditione in hoc tantummodo casu valente.*

REGULA LXXIX.

Nemo potest plus juris transferre in alium, quàm sibi ipsi competere dignoscatur.

SUMMARIUM.

1. Regula unde?

2. Ponitur verus sensus illius:

3. Et declaratur exemplis juris.

4. Solvuntur objectiones. Et duob. seqq.

5. Patronus laicus quadrimestre: Ecclesiasticus semestrem habet ad præsentandum.

6. Alieno, sed non suo nomine dare quis potest, quod non habet.

Desumitur hæc Regula ex l. Nemo plus juris. 54. ff. de Reg. Jur. ibi: Nemo plus juris ad alium transferre potest, quàm ipse haberet. Et l. Nemo plus commodi. 120. ff. eod. Nemo plus commodi heredi suo reliquit, quàm ipse habuit. cui concordat etiã c. Nuper. 6. de Donat. inter virum & uxorem. ibi: Cùm regulariter nullus in alium plus juris transferre possit, quàm eum constat habere. & c. Is, qui. 46. de Reg. Jur. in 6. ibi: Is, qui in jus succedit alterius, eo jure, quo ille, uti debet: consequenter non majori.

fuit apud eum, qui tradit: si servus fuit fundus, cum servitutibus transit: si liber, uti fuit. Et si forte servitutes debebantur fundo, qui traditus est, cum jure servitutum debitarum transfertur. Idem est de aliis contractibus, & actibus inter vivos, quibus res transferuntur; universaliter enim, & merito dicitur l. In his. 175. ff. de Reg. Jur. Non debeo melioris conditionis esse, quàm author meus, à quo jus in me transit. De dispositionibus mortis causâ, patet ex cit. Reg. 120. ff. de Reg. Jur. Nemo plus &c.

2 Queritur. Quomodo hæc Regula intelligenda? Et quis verus illius sensus sit? Resp. Regula, ex se clara, hunc proprium sensum habet: Quantumvis aliquis sive per contractum, vel dispositionem inter vivos, sive mortis causâ alicui suo nomine dat, assignat, relinquit, aut transfert, plus juris in eum transferre non potest, quàm ipse habuit. Ratio Regulæ manifesta; quia nemo dare potest, quod non habet, can. Daibertum. 24. cau. 1. q. 7. ibi: Qui nihil habuit, nihil dare potuit.

3 Declaratur Regula, aliàs ex se clara, exemplis juris. Primum ponit Dynus hic n. 1. si vendo tibi rem aliquam, illud juris, quod ego venditor in eandem habeo, & tu emptor habebis: si ego nihil juris habui, & tu nihil habebis: si ego directum, sed non utile: vel utile, sed non directum: vel si liberam, aut servitutem, vel alio onere affectam, tu quoque taliter, & non aliter habebis, claro textu l. Traditio. 20. ff. de Acquirendo ver. Domin. ibi: Traditio nihil ampliùs transferre debet, vel potest ad eum, qui accipit, quàm est apud eum, qui tradit. Si igitur quis dominium in fundo habuit, id tradendo transfert; si non habuit, ad eum, qui accipit, nihil transfert. Quoties autem tale dominium transferatur, ad eum, qui accipit, tale transfertur, quale

Objicitur tamen contra Regulam 1. **4** Patronus laicus, etsi quatuor duntaxat menses ad præsentandum habeat, tamen si jus patronatus in Ecclesiam, vel Monasterium transfertur, huic illico competunt sex menses ad præsentandum. c. un. de Jure Patron. in 6. ibi: licet Patronus laicus ad præsentandum tempus habeat quadrimestre duntaxat; Ecclesia tamen, vel Monasterium, cui facta est à Laico juris patronatus collatio, tempus habet semestrem. Ergo Patronus laicus in tali casu plus juris transfert, quàm ipse habuit. Resp. negando consequentiam; quia patronus laicus simpliciter suum jus, quod habet, transfert: quòd autem novus patronus, utpote Ecclesiasticus, plùs temporis acquirat, non à patrono laico transferente, sed à Juris dispositione provenit, quæ Patronis Ecclesiasticis sex menses ad præsentandum concedit. cit. c. un. de Jure Patron. in 6.

Objicitur 2. Capitulum, sede vacante, potest dare licentiam ordinandi subditos diaconos c. Cùm nullus. 3. de Tempor. Ordinatio. in 6. quâ tamen ipsum caret: ergo dat, quod non habet. Resp. Capitulum non nisi jurisdictionem, quam habet, tribuere, ut alius potestate Ordinis aliàs jam præditus in præfatos subditos uti valeat.

⁶ Objicitur 3. in *l. Non est novum*. 46. ff. de acquirend. rer. Domin. habetur textus, qui videtur Regulæ aperte contrarius; sic enim sonat: *Non est novum, ut, qui dominium non habet, alii dominium prebeat; Nam & creditor pignus vendendo, causam dominii præstat, quam ipse non habuit.* Sic etiam tutores, curatores, procuratores &c. licet dominium rerum non habeant, illud nihilominus in alios transferunt. §. Nihil. 42. Inst. de Rerum division. cum Concord. Ergo plus juris transferre quis potest, quam ipse habet. Resp. negando rursus consequentiam; quia omnes recensiti transferentes alienum dominium non suo proprio, sed aliorum, vero-

rum, videlicet dominorum nomine transferunt: etiam creditor rem oppignoratam vendens, utpote cui dominus per contractum ad id potestatem tribuit, ut si tempore debito non solvat, creditor pignus vendere valeat. §. i. Inst. Quibus alienare. ibi: *Creditor pignus ex pactione, quamvis ejus ea res non sit, alienare potest.* Sed hoc forsitan ideo videtur fieri, quod voluntate debitoris intelligitur pignus alienari; quia ab initio contractus pactus est, ut liceret creditori pignus vendere, si pecunia non solvatur. Regula autem nostra de iis duntaxat loquitur, qui proprio nomine jus transferunt. Plures objectiones adducit, & solvit Glossa hic.

REGULA LXXX.

In toto partem non est dubium contineri.

S U M M A R I U M.

1. Regula unde?
 2. Ponitur verus sensus Regule:
 3. Et declaratur exemplis Juris.
 4. Solvuntur objectiones. §. n. seq.
- Quando legatur omne aurum & argentum, non

comprehenduntur pecunie, & nummi, nec ejus nomine veniunt.

5. Quando materia transit in materiātam, censetur assumere aliam speciem.

¹ Desumitur hæc Regula ex *l. In toto*. 113. ff. de Reg. Jur. ibi: *In toto & pars continetur.* Et concordat supra jam explicata Regula XXXV. de R. J. in 6. *Plus semper in se continet, quod est minus.* consequenter, quia totum plus est, quam pars illius, hæc in illo continetur.

Quæritur. Quomodo hæc Regula intelligenda? & quis verus illius sensus sit? Resp. Regulæ, ex ipsis verbis claræ, & lumine naturæ notæ, sensus hic est: *Certum est, quod in toto etiam pars illius contineatur.* Cum, si in eo non contineretur, jam hoc ipsò pars illius non esset. Tendit autem Regula eò præcipuè, ut intelligatur, credatur, & firmiter teneatur, ac judicetur, eum, qui totum habet, emit, vendit, lucratur, in testamento acquirit, vel perdit, amittit &c. etiam partem hujusmodi totius habere, emere, vendere, lucrari, acquirere, perdere, amittere &c. Et qui jus ad totum habet, etiam ad partem illius habere.

Idque patet exemplis Juris: Sic enim, ³ si quis in judicio totam v. g. domum petit, & succumbit, etiam quoad partes illius succubuisse censetur: indeque, si postea petat partem ejusdem ex eadem causâ (secus si ex diversa causâ) obstat exceptio rei judicatæ. *l. Si quis cum totum*. 7. pr. ff. de Exception. rei judicat. Nam pars in toto est, ut dicitur ibidem. Et contra ob eandem rationem, qui totam domum lucratur, etiam partes illius, tectum, parietes &c. lucratur. Sic etiam, qui fundum totum stipulatur, etiam usumfructum, tanquam partem illius, stipulari censetur, sicque nihil agit, si, postquam totum fundum stipulatus est, postea usum fructum ejus stipulatur. Sic etiam nihil agit, qui prius usumfructum fundi, & postea ex eadem causa totum fundum stipulatur. *l. Qui Usumfructum*. 58. ff. de Verb. Oblig. ibi: *Qui usumfructum fundi stipulatur deinde fundum: similis est ei, qui partem fundi stipulatur, deinde totum; quia fundus dari non intelligitur, si ususfructus detrahatur.*

Et

Et è contrario, qui fundum stipulatus est, deinde usufructum, similis est ei, qui totum stipulatur, deinde partem. Sic rursus, cui de jure competit vindicatio pro tota re prius possessa, etiam pro partibus illius eidem competit vindicatio. *l. Que de tota. 76. ff. de Rei vindicat. ibi: Que de tota re vindicanda dicta sunt, eadem & de parte intelligenda sunt.* Plura hujusmodi Juris exempla, sicut & alia ad propositum vide in *cit. Reg. XXXV. Plus semper &c. de R. J. in 6.* utpote quæ cum præfenti plurimum concordat.

4 Cæterum quantumvis clara appareat hæc Regula, nihilominus contra eam fieri solent à Juristis objectiones, solutu tamen faciles. Sic enim Objicitur 1. Licet alicui omne aurum, & argentum legetur, tamen nummi, & pecunia ex auro & argento cuse non censentur legatæ: cum tamen videantur species, & pars illius. *l. Cum aurum. 19. pr. ff. de Auro, argento &c. legato. ibi: Cum aurum, vel argentum legatum est, quidquid auri, argentique relictum sit, legato continetur. -- Pecuniam autem signatam placet eò legato non contineri.* Ergo pars non semper continetur in toto. Resp. negandos quod pecunia & nummi cusi sint species & pars auri, vel argenti massivi; cum hoc nomine in Jure ordinariè non veniant. *l. Quin- tus. 27. §. 1. ff. eod. ibi: An, cui omne argentum*

legatum est, ei nummi quoque legati videantur, queritur; Et ego puto, non contineri. Audi rationem; Non facile enim quisquam argenti numero nummos computat. Item argento factò legato, puto, nisi evidenter contraxisset testatorem appareat, nummos non contineri. Vel, nisi aliud aurum aut argentum non haberet, quam pecuniam & nummos; tunc enim de voluntate testatoris satis constaret: uti bene advertunt Doctores. *arg. l. Pediculis. 32. §. 4. ff. eod. ibi: Si testatrix habuit proprium argentum ad usum suum paratum, non videri id legatum, quod negotiandi causa venale proponi solet.*

Objicitur 2. *l. Si convenerit. 18. §. 3. ff. de Pignor. actione.* habetur, quod si quis pro pignore dedit sylvam, navis ex arboribus sylvæ fabricata non censeatur oppignoriata; ibi: *Si quis caverit, ut sylva sibi pignori esset, navim ex ea materia factam, non esse pignoris, Cassius ait: quia aliud est materia, aliud navis.* ergo. Resp. cum Gloss. in *cit. l. §. 3.* quando materia transit in materiata, id est, si ex rudi materia fiat artificiosa, uti ex rudibus arboribus fabricata navis est, assumit novam speciem, nec eadem cum rudi materia species, nec pars illius amplius esse censetur: uti videre est in pecunia ex auro vel argento cusa, utpote quæ juxta dicta *n. 4.* cum auro & argento massivo eadem species, & pars illius non amplius reputatur, consequenter Regula nostræ non obstat.

REGULA LXXXI.

In generali concessione non veniunt ea, quæ quis non esset verisimiliter in specie concessurus.

SUMMARIUM.

1. Regula unde desumpta?

2. Quomodo intelligenda?

3. Ponitur verus sensus illius.

4. Declaratur exemplis Juris. & n. seq.

Administrator rerum non potest donare. *Ibid.*

5. Vicarius generalis non potest conferre beneficia.

6. Solvitur obiectio contra Regulam. & n. seq.

7. Transactio generalis extendit se etiam ad incognita, & ignorata.

1 **D**esumitur hæc Regula ex *c. 2. de Panit. & Remiss. in 6.* ibi: *Cum in generali concessione illa non veniant, quæ non esset quis verisimiliter concessurus.*

2 **Q**ueritur, quomodo hæc Regula intelligenda? Et quis verus illius sensus sit?

Resp. I. Regulam præsentem ita intelligi debere, & intendere, quod, etsi juxta claras Juris Regulas, semper specialia generalibus insunt, *l. Semper. 147. ff. de Reg. Jur.* consequenter specialia sub generalibus comprehendantur: & *In toto partem non est dubium* conti-

contineri, juxta immediatè præcedentem Regulam: Generalè autem sit aliquod totum, & specialia sub ipso contenta habeantur pro partibus ejusdem: tamen ista, & concordantes Juris Regulæ non adeò universaliter, & illuminate procedant, quin patiantur suas limitationes; & quidem vi præsentis Regulæ specialiter illam, quod sub concessione, quantumvis generali, venire, & comprehendere non censeantur illa specialia, quæ concedere verisimiliter non intendit generaliter concedens. Hinc

3 Resp. II. Verus sensus Regulæ sequens est: Quando aliqua in genere conceduntur, non intelliguntur concessa etiam illa, quæ quidem tanquam species sub tali genere aliàs comprehenduntur, tamen talia sunt, de quibus verisimile est, quod ea in specie concedere nullatenus intenderit generaliter concedens. Ratio Regulæ est; quia verisimile non est, ea, quæ speciali notâ digna sunt, sub generali concessione comprehendere, nisi exprimentur: cujusmodi sunt prorsus extraordinaria, insolita, & de quibus necin genere quidem cogitatum est, ut ait Layman ad c. Sedes. 15. de Rescript. vel quæ habent impossibilem, aut inhumanam, sive duram à generaliter concedente, vel se obligante, separationem, ut inquit Gloss. hic. Cum enim concessiones generales non nisi confusâ aliquâ præviâ cognitione specialium, & quidem eorum, quæ ferè ordinariè, & facillè concedi consuevère, fieri soleant: ad prorsus extraordinaria autem, insolita, & difficillima, in iis ordinariè reflexio non fiat; mens & intentus concedentis ad eas non extendisse verisimiliter præsumitur. Tum, quia sicut aliàs *Inspicimus in obscuris, quod verisimilius est*: c. *Inspicimus*. 45. de Reg. Jur. in 6. idem inspicere debemus in obscuris concessionibus generalibus. Quibus accedit, quod ea, quæ speciali notâ sunt digna, si specialiter non notantur, ex industria censeantur omissa. l. Item apud. 15. §. 26. ff. de Injur. ibi: *Ea enim, quæ notabiliter sunt, nisi specialiter notentur, videntur quasi neglecta*.

4 Declaratur Regula & firmatur amplius exemplis Juris: Sic enim in generali concessione administrationis bonorum non censetur venire donationis potestas c. *fin. de Offic. Vicar. in 6.* ibi: *Cum - nec regulariter donare valeat is, cui bonorum administratio etiam libera est concessa*. etiam si talis administratio filiofamilias committatur l. *Filiusfamilias* 7. pr. ff. de Donat. ibi: *Filiusfamilias dona-*

re non potest, neque, si liberam peculii administrationem habeat; non enim ad hoc ei conceditur libera peculij administratio, ut perdat. Sic etiam sub generali obligatione pignoris non venit uxor, nec alumni, nec ea, de quibus verisimile est, quod se obligare quis non velit. l. 1. c. *Quæ Res pignor. Oblig.* ibi: *Alumnos tuos, & ceteras res, quas neminem credibile pignori specialiter datum fuisse, generali pacti conventionione, quæ de bonis tuis facta est, in causa pignoris non fuisse, rationis est*.

Sic rursus generalis commissio facta legato Sedis Apostolicæ se non extendit ad causas fidei. Strein. hic. arg. can. *Frater noster*. 52. can. 16. q. 1. Nec ad translationem Episcoporum, c. *Nisi specialis*. 3. nec ad unionem, vel divisionem Episcopatum, c. *Quod translationem*. 4. de Officio legati. Sic insuper in generali concessione officii Vicarii Episcopi non comprehenditur libera collatio beneficiorum, c. *fin. de Officio Vicar. in 6.* ubi etiam Regula nostra pro ratione adducitur illis verbis: *Cum in generali concessione nequaquam illa veniant, quæ non esset quis verisimiliter in specie concessurus*. - Officialis, aut Vicarius generalis Episcopi beneficia conferre non possunt; nisi beneficiorum collatio ipsis specialiter sit commissa. Ex eadem ratione allegata, seu vi Regulæ: Si Episcopus suo subdito concesserit, ut sibi possit idoneum eligere confessorum, ille, quem is elegerit, in casibus, qui eidem Episcopo specialiter reservantur, nullam habet penitus potestatem. uti habetur c. 2. de Penitent. & Remission. pr.

Obijciunt autem contra Regulam 1. à 6 Dyno. Illud operatur generale quantum ad omnia, quantum operatur speciale in qualibet specie. l. *Si chorus*. 79. ff. de Legat. III. ibi: *Si chorus, aut familia legetur, perinde est, quasi singuli homines legati sint*. juncto l. *Si duo*. 51. ff. de Administrat. tutor. cui concordat c. *Solita*. 6. de Majorit. & obedient. circa finem, cum Glossa ibidem: *Qui dicit omnia, nihil excipit*. Resp. cum eodem Dyno, talia locum habere in illis, quæ verisimiliter in specie quis esset concessurus, puta, quæ non sunt extraordinaria, insolita, vel concedenti grave damnum afferentia &c. ad alià verò concessio generalis non extenditur; quia derogatur eis per præsumptionem contrariam, uti patet ex Juribus citatis.

Obijciunt 2. Generalis translatio de remissione omnium jurium extendit se etiam ad incogitata, & signorata; cum non amplius liceat recurrere ad novas species postea apparentes, vel instrumenta noviter reperta, prius inco-

incognita. 1. Sub prætectu. 19. C. de Transact. ibi: Sub prætectu instrumenti postea reperti transactionem bona fide finitam rescindi jura non patiuntur. junctâ l. 29. C. eod. ibi: Sub prætectu specierum postea repertarum generalis transactione finita, rescindi prohibent jura. Ergo dispositio, & concessio generalis etiam

ad extraordinaria se extendit. Resp. negando consequentiam; quia ex eo, quod partes simili generali transactione intendant licentiam penitus finire, censentur etiam instrumentis, & speciebus pro tunc non apparentibus, juri- que in eis fundato renuntiare. arg. cit. LL.

REGULA LXXXII.

Qui contra jus mercatur, bonam fidem præsumitur non habere.

S U M M A R I U M.

1. Regula unde?
2. Contra Jus mercari, quid?
3. Ponitur verus sensus Regulæ.
4. Præsumitur malæ fidei emptor etiam qui ignoranter contra publicam legem emit. Ignorantia facti, non juris excusat. Ibid.
5. Declaratur Regula exemplis. Emens à pupillo, sine autoritate tutoris, rem

emptam præscribere potest, si ex ignorantia facti: non item per alios. Ibid.

6. Solvuntur objectiones. Et a. eq.
7. Bona fides præsumitur, nisi ab ege probetur, ubi allegatur ignorantia facti, non verò juris.
8. Fallit Regula in iisdem casibus, in quibus fallit Regula XIII.

Sumitur hæc Regula ex l. *Quemadmodum. 7. in fin. C. de Agriculis, & censitis. ibi: Malæ fidei namque possessorem esse, nullus ambigit, qui aliquid contra legum interdicta mercatur.*

2 Quæritur I. Quomodo hæc Regula intelligenda? & quis verus illius sensus sit? Resp. I. *Contra jus mercari, juxta Regulam istam, censetur omnis ille, qui aliquid emit contra prohibitionem legis sive divinæ, sive humanæ, sive canonicæ, sive civilis, sive statutorum municipalium; & taliter emens præsumitur cum malâ fide emere. Hinc*

3 Resp. II. Verus Regulæ sensus hic est: *Quicumque contra publicam, claram, & notoriam prohibitionem Juris, vel legis cujuscunque aliquid emit, id malâ fide, sicque cum dolo, & peccato facere præsumitur, ac propterea semper malæ fidei possessor, qui præscribere non potest, esse censetur. Rationem hujus optimè allegat Dynus hic. Vel enim scivit emptor prohibitionem Juris, vel non scivit: Si scivit, manifestum, & extra dubium est, quod malâ fides, dolus & malitia reperiatur in illo; cum quivis teneatur in actibus suis se conformare legibus & statutis, c. 1. de Constit. Canonum statuta custodiantur ab omnibus. & l. Leges. 3. C. de Legibus. ibi: Leges ut generalis Juris.*

rales ab omnibus æqualiter imposterum observentur.

Si non scivit, ex præsumptione Juris pro malæ fidei emptore, & possessore habetur; cum scire, & scire debere, facileque posse (prout res se habet circa claras & notorias legum prohibitiones) paria sint. arg. l. Regula 9. §. 3. ff. de Jur. & facti Ignor. & l. Constitutiones. 12. C. eod. cum Concord. Unde juxta Regulam XIII. de R. 7. in 6. *Ignorantia facti, non juris excusat. Ut proin pro malæ fidei emptore & possessore merito habeatur, qui etiam ex ignorantia contra notoriam & claram prohibitionem emit; qui propterea etiam rem sic emptam præscribere non potest, quia Possessor malæ fidei ullo tempore non præscribit c. Possessor. 2. de Reg. Jur. in 6. & l. Nunquam. 31. ff. de Usurpat. & Usucap. ibi: Nunquam in usucapionibus Juris error (seu ignorantia) possessori prodest. de qua materia etiam vid. Reg. II. de R. 7. in 6. & Lib. II. Tit. 26. à n. 67.*

Exempla Juris habentur innumera, inter quæ est, quod, si quis à pupillo, sine autoritate tutoris aliquid emit, ignorans id prohibitum esse, malæ fidei possessor de Jure præsumatur, & præscribere non possit; secus.

foret, si haberet ignorantiam facti, putans eum puberem esse. *l. Pro emptore. 2. §. 15. ff. Pro Emptore. ibi: Si à pupillo emerò sine tutoris auctoritate, quem puberem esse putem, dicimus usucapionem sequi, ut hic plus sit re, quàm in existimatione. Quod si scias, pupillum esse, putes tamen, pupillis licere res suas sine tutoris auctoritate administrare, non capies usu; quia juris error nulli prodest.* Simile exemplum est etiam, si quis à Prælo Ecclesiæ, vel Monasterii quid emit non servata præscripta solemnitate Juris. arg. *c. 1. & c. Tua nuper. 8. de His, quæ sunt à Prælati.*

Obijciuntur 1. contra Regulam: *c. Apostolica. 9. de Donation.* valet præscriptio rei per Episcopum Monasterio, magno cum Ecclesiæ damno, consequenter contra Juris prohibitionem donatæ; ibi: *poterit legitime revocari, nisi præscriptione, vel alia exceptione legitima, actio hujusmodi excludatur.* Resp. cum Glossa communiter recepta, ibi fuisse ignorantiam facti, & non Juris: Facti enim quæstio erat, utrum per allegatam ibidem donationem quinquagesimæ, vel centesimæ partis de censibus Ecclesiæ eadem graviter lædatur; atque ideo monasterium id, quod recepit, præscribere potuit; cum habuerit titulum & bonam fidem, ac de reliquo facti ignorantia excuset, *cit. Reg. 13. de R. J. in 6. & præscriptionem non impediatur arg. cit. l. Pro emptore.*

Obijciuntur 2. Bona fides semper adesse præsumitur, nisi abesse probetur, arg. *l. Dolum. 6. C. de Dolo. & l. 2. C. de Præscript. long. temp. cum Concord. Resp. cum Dyno, id verum esse, ubi allegatur ignorantia facti; quia tunc Juris præsumptio allegationi non resistit: secus est, quando allegatur ignorantia Juris; tunc enim non bona, sed mala fides præsumitur, quia præsumptio Juris allegationi resistit *cit. l. 2. ff. Pro Emptore. & c. Ignorantia. 13. de Reg. Jur. in 6.* censeturque mala fides satis probata, si patet, vel probatur delictum, quod emendo contra prohibitionem committitur.*

Quæritur II. An? & quas fallentias habeat Regula LXXXII? Resp. Eam fallere in iisdem, in quibus quoad secundam partem fallere diximus Regulam XIII. *Ignorantia facti, non Juris excusat.* videlicet: 1. In Minoribus. 2. In Militibus. 3. In omnino rudibus, non habentibus, quos consulant. 4. Juxta aliquos etiam in feminis. Et 5. Universaliter, quando non sunt clara, sed ambigua, obscura, & controversa; quia in his recensitis non tantum facti, sed etiam Juris ignorantia excusat, consequenter à præsumptione Juris de mala fide eximit; vide dicta ad *cit. Reg. XIII. à n. 20.* ac etiam reliqua ad eandem Regulam adducta, quia præsentem magis elucidant.

REGULA LXXXIII.

Bona fides non patitur, ut semel exactum iterum exigatur.

S U M M A R I U M.

1. Regula unde desumpta?
2. Quomodo intelligenda?
Solutione debiti tollitur obligatio, per quemcunque fiat. Ibid.
3. Procedit Regula etiam in Penis.
4. Legatum, pro certa die factum, singulis annis eo

Desumpta est hæc Regula ex *l. Bona fides. 57. ff. de Reg. Jur. ibi: Bona fides non patitur, ut idem bis exigatur.*

Quæritur I. Quomodo hæc Regula intelligenda? & quis verus illius sensus sit? Resp. Eam esse intelligendam juxta sequentem proprium illius sensum: *Creditor, qui*

die peti potest.

5. Fallit Regula, quando una exactione, & solutione debiti, obligatio illius non extinguitur.

Episcopus bis, vel sapiens in anno visitans, semper exigere potest procurationem. Ibid.

6. Fallit insuper in causa dotis; & quando?

Solutionem debiti jam semel petiit, & justam obtinuit, eam ulterius petere, seu exigere bona fide, seu bonà conscientia non potest. Ratio perspicua est; quia vera solutione debiti tollitur omnis obligatio ejusdem. Nec refert, utrum debitor per se, vel per alium, aut id, quod debet, in natura, aut, consentiente creditore,

ditore, in estimatione, vel per aliud solvat. *pr. Insit. Quibus modis tollatur obligatio. ibi: Tollitur autem omnis obligatio solutione ejus, quod debetur, vel si quis consentiente creditore aliud pro alio solverit; Nec interest, quis solvat, utrum ipse, qui debet, an alius pro eo, liberatur enim & alio solvente, sive sciente, sive ignorante debitore, vel invito eo, solutio fiat.* Hinc etiam est, quod, si ab uno ex duobus correis; seu condebitoribus, vel à fidejussore totum debitum solutum est, ab altero, vel principali debitore exigere bona fide & conscientia, sine dolo & malitia nihil amplius valeat nec ab altero correo, nec à fidejussore *cit. pr. Insit. Quibus modis toll. oblig. ibi: Idem contingit, si fidejussor solverit, non ipse solus liberatur, sed etiam reus. & l. in duobus. 3. §. 1. ff. de Duobus Reis. ibi: Utique enim, cum amittit obligatio, una & summa est: ut, sive unus solvat, omnes liberentur, sive solvatur ab altero, liberatio contingat.*

3 Procedit Regula etiam in Pœnis, ita, ut, si pœna à reo pro aliquo delicto semel exacta fuit, alia ab illo propter idem exigere non amplius valeat: nisi diversæ pœnæ copulative pro delicto essent impositæ. Glossa & Strein. *bic. arg. c. At si Clerici. 4. §. fin. de Judiciis. ibi: Cum functus sit suo officio, nec duplici contritione debeat ipsa contere.* quia nec Deus bis punit in idipsum.

4 Objicitur. *l. Annua. 20. §. 1. ff. de Annis Legatis.* expressè sancitum habetur, quod legatum pro certa die, v. g. Calendis May, Sacerdotibus solvendum, singulis annis pro illa die peti possit. Resp. Id meritò statutum fuisse ex benigna interpretatione in favorem causæ piæ; cum enim dubium, & obscurum esset, utrum legatum in citata lege expressum uno duntaxat, vel singulis annis solvendum esset, in favorem piæ causæ legislator illud singulis annis in perpetuum esse solvendum, interpretatus est; præsertim quia certò determinatò die solvendum imponitur. Hinc bene infert Strein. quod si alumnis S. Francisci legaretur, ut in die S. Patris eis præberetur pitantia, eam singulis annis in præfato festo præstare deberent hæredes, *arg. cit. l. Annua.* Neque propte-

rea idem his exigeretur, sed pro quolibet anno semel, cui alia, atque alia obligatio dandi correspondet.

Quæritur II. An? & quas fallentias patiatur Regula LXXXIII? Resp. Eam fallere, & quidem universaliter 1. quando una exactione & præstatione debiti non extinguuntur ulterior obligatio ejusdem. Glossa *bic.* ut patet in exactione debiti conjugalis, in exactione tributorum, vectigaliū certis temporibus, vel toties, quoties cursus onerati transeunt, persolvendorum. Idem est in Visitatione Ecclesiarum, vel Monasteriorum, si eam bis, vel sæpius in anno facit Episcopus, prout potest *can. Non semel. 29. cau. 18. q. 2. ibi: Non semel, sed sæpius in anno Episcopi visitent monasteria Monachorum, & si aliquid corrigendum fuerit, corrigatur. junctò c. Mandamus. 6. de Offic. Archidiacon. ibi: Mandamus, quatenus prohibeatis Cestrensi Archidiacono, ne ad Ecclesias sui Archidiaconatus visitandas nisi semel in anno accedat, nisi forsantalis causa emerferit, propter quam ipsi oporteat præfatas Ecclesias sæpius visitare.* Visitans itaque Episcopus ex justa causa bis, vel sæpius in anno Ecclesias, aut Monasteria sibi subiecta, non tantum semel, sed etiam sæpius, toties nempe, quoties visitat, exigere potest procuracionem moderatam *c. Cum Venerabilis. 21. de Consib. & Exact.* ubi etiam ratio additur illis verbis: *Quia ergo visitationi annexa est procuratio, & Episcopus ratione Episcopalis jurisdictionis, quam habet in ea, teneatur causâ correctionis Ecclesiam visitare.*

6 Fallit 2. in causa dotis; hanc enim semel exactam, & jam acceptam, secundo nubens filia denuo exigere potest, si prima vice vi pacti ad patrem rediit. *Authen. Sed quamvis. C. de Rei uxore. act. ibi: Sed quamvis dos potestatis, sive pactonis jure ad patrem redeat, non tamen licet ei, filia denuo nubente, diminueri priorem dotis mensuram, nisi forte substantia sua decrescat aliqua fortuita clade: tunc enim amplius secundo marito in dotem præstare non cogitur, nisi quantum facultates ejus patiuntur.*

REGULA LXXXIV.

Cum quid una viâ prohibetur alicui, ad id alia non debet admitti.

SUMMARIUM.

1. Regula unde?
2. Potest aliquid prohiberi vel absolute, simpliciter, & principaliter ratione sui: vel ad viam, & modum duntaxat.
3. Ponitur verus sensus Regulæ.
4. Declaratur exemplis. & trib. seqq.
5. Electus non potest se ingerere administrationi, etiam ut æconomus, ante confirmationem.
6. Clerici de jure non possunt habere plura beneficia:

nec unum titulô beneficii, & alterum in commendam perpetuam possidere.

7. Filiusfamilias non licet mutuum dare pecuniam, nec quid aliud, ut inde pecuniam acquirant.
8. Fallit Regula universaliter, quando aliquid non absolute, & principaliter ratione sui, sed quoad certum modum duntaxat, & viam prohibetur. Declaratur fallentia exemplis, & n. seq.

Desumpta dicitur hæc Regula ex l. fin. C. Si Mancipium ita venierit. ubi etiam ratio additur his verbis: *ne fraus legi fiat.* & ex c. un. de Cleric. conjug. in 6. ibi: *ne per unam viam concedatur, quod per aliam denegatur.*

2 Queritur I. Quomodo hæc Regula intelligenda? & quis verus sensus ejusdem sit? Ante responsionem Notandum cum Glossa, & Viviano hic, aliquid dupliciter prohiberi posse: unô modô absolute, simpliciter, & principaliter ratione sui, ita, ut prohibitio non viam aut modum aliquid obtinendi vel agendi, sed rem, sive actum ipsum respiciat, causâ prohibitionis semper durante: cujusmodi prohibita ratione sui sunt adulteria, furta, perjuriam &c. - Vel aliô modô prohiberi possunt non simpliciter & ratione sui, sed quoad certam viam duntaxat, vel modum acquirendi prohibitum. Sic Episcopus, alligatus jam alicui Ecclesiæ, prohibetur aliam Ecclesiæ assumere, non absolute & simpliciter, sed duntaxat quoad viam, electionis nempe, non verò quoad viam postulationis. c. fin. de Postulat. Prælat. Hôc notatô Resp. I. Regulam loqui, & intelligendam esse de prohibitis in primo sensu, uti statim patebit. Nam

3 Resp. II. Verus Regulæ sensus hic est: *Quando aliquid simpliciter, ac principaliter ratione sui, sive nature, prohibitum alicui habetur unâ viâ, vel modo, ad id aliâ viâ, vel modô de jure admittendus non est.* Ratio Regulæ jam allegata est n. I. *ne videlicet fraus legi fiat.* cit. l. fin. C. Si Mancipium. Hôcipsô enim, quod legislator aliquid absolute & simpliciter, ac principaliter ratione sui, suæve naturæ prohibeat, vult, & intendit, ut nullâ viâ

vel modo fiat, aut ad eam perveniatur, etiam si in prohibitione una tantum viâ, vel modus exprimitur; consequenter si quis unam viam, vel modum in lege expressum & prohibitum, declinat quidem, aliam tamen viam assumit, apertè contra voluntatem, & intentionem legislatoris, sicque in fraudem legis, & contra famosam illam Reg. 88. de R. J. in 6. agere censetur: *Certum est, quod is committit in legem, qui legis verba complectens, contra legis nititur voluntatem.*

Declaratur Regula, & firmatur amplius **4** exemplis Juris: Sic enim cit. c. un. de Clericis conjug. in 6. dicitur, Clericos pro commissis criminibus, vel delictis trahi non posse criminaliter, aut civiliter ad iudicium laicale, *nec ab ipsis secularibus iudicibus eos debere personaliter, vel etiam pecuniariter (ne per unam viam concedatur eisdem iudicibus, quod per aliam denegatur) ullatenus condemnari.*

Sic l. Scire oportet. 21. §. 1. ff. de Tutor. & Curat. datis. pater materno testamento ab administratione liberis patria potestate solutis, relictorum prohibitus, nec ut curator ea administrare valet, *& si voluerit, ut non aliâ viâ hoc, quod noluit testatrix, fiat*, prout ait lex. Sic pariter, quia Prælatûs electus administrationem se ingerere nequit ante confirmationem c. Nostri. 9. de Elect. ibi: *Nostri, quomodo electus concedendi honores, vel præbendas, vel aliâs disponendi de rebus Ecclesiæ (cum sua electio non sit confirmata) non habeat facultatem; easdem nec sub titulo æconomî, vel præcuratoris administrare valet, Regulâ hæc eis obstantē c. Avaritia. 5. de Elect. in 6. ubi Papa etiam rationem, fraudem*

dem legis videlicet, allegans ita loquitur: *Avaritiæ cetitas, & damanda ambitionis improbitas aliquorum animos occupantes, eos in illam temeritatem impellunt, ut, quæ sibi à Jure interdicta noverint, exquisitis fraudibus usurpare conentur. Nonnulli siquidem ad Regimen Ecclesiarum electi, quia etsi, jure prohibente, non licet se ante confirmationem electionis celebrare de ipsis, administrationi Ecclesiarum, ad quas vocantur, ingerere, ipsam sibi tanquam procuratoribus, seu æconomis committi procurant. Cùm itaque malitijs hominum non sit indulgendum &c.*

6. Sic rursus, quia Clerici absolute, & simpliciter prohibentur plura beneficia obtinere in titulum c. *Quia in tantum. 5. de Præbend. & Dignit. ibi: Quia in tantum quorundam processit ambitio, ut non duas, vel tres, sed plures Ecclesias perhibeantur habere, cùm nec duabus possint debitam provisionem impendere: per Fratres, & Cœpiscopos nostros hoc emendari precipimus, & de multitudine præbendarum, Canonibus inimica, quæ dissolutionis materiam & evagationis inducit, certumque continet periculum animarum, eorum, qui Ecclesijs deservire valeant, indigentiam volumus sublevari. junctio c. Cùm singula. 32. Eod. in 6. unò obtentò in titulum, non possunt alterum in commendam perpetuam habere; ne, quod unò modò prohibetur, aliâ viâ obtineatur; cùm commenda perpetua æquivalet beneficii titulo, Layman in cit. *Avaritiæ. arg. Concil. Trident. Sess. 7. cap. 4. de Reform.**

7. Sic, quia simpliciter, absolute, & ratione sui prohibetur, ut filiisfamilias mutua non detur pecunia, ne inde materiam peccandi, & malos contrahendi mores sumant, prohibitum est etiam eisdem frumentum, vinum, oleum, vel quid aliud multum dare, ut ex his venditis pecuniam acquirant. l. *Item si. 7. §. 3. ff. de S. C. Macedon. ne in fraudem legis, quod unâ viâ prohibitum, aliâ obtineatur. ibi: Sed si fraus sit Senatus consulto adhibita, præta frumentò vel vinò, vel oleò mutuo datò, ut, his distractis fructibus, uteretur pecuniâ, subveniendum est filiisfamilias.*

Quæritur II. An? & quas fallentias habeat Regula LXXXIV? Resp. Eam finire universaliter tunc, quando aliqui prohibitionem existit alterò modo supra n. 2. declarato, id est, quando quid non simpliciter, & principaliter ratione sui, sed quoad certam viam, vel modum duntaxat prohibetur; quia ad taliter prohibitum aliâ, non prohibita viâ, vel modo admitti, & pervenire licet & validè quis potest. Sic præter exemplum supra cit. n. 2. allegatum de Episcopo; qui, licet ad assum Ecclesiam electionis viâ assumi prohibeatur, ad eandem tamen aliâ viâ, postulationis videlicet, pervenire potest. cit. c. *fin. de Postulat. Pralat.* Ulterius, etsi prohibitum sit, ne Clerici illegitimè nati ad Prælaturas eligantur, tamen viâ postulationis ad eandem pervenire possunt. c. *Innotuit. 20. de Elect.* ubi Summarium rem breviter dicit: *Illegitimus potest postulari, non autem eligi.*

Sic etiam in judiciis, etsi actor petens aliquam rem una actione inepta repellatur, petendo tamen eandem alia actione congruenti admittitur. c. *Examinata. 15. de Judiciis. ibi: Actionem, quam -- intentabas, incongruentem cognovimus, & ineptam -- unde intentionem tuam in hac parte pronuntiavimus non tenere -- ita tamen, quòd si congruentem & aptam intentare volueris actionem, respondere tibi teneantur.* Sic insuper, etsi Clericis communi jure prohibitum sit, de bonis, intuitu Ecclesiæ acquisitis, condere testamentum: tamen eadem bona per actum inter vivos ad pios usus enlargiri valent c. *Ad hæc. 8. de Testam. ibi: Ad hæc presentibus innotescat, quòd Clerici de mobilibus, quæ per Ecclesiam sunt adepti, de jure testari non possint: Viventestamen, & sui compotes moderatè valeant aliqua de bonis ipsis, non ratione testamenti, sed elemosynæ intuitu erogare.* Verùm, si in stricto sensu loqui volumus, recensitæ propriæ fallentiae non sunt, utpote per Regulam ipsam jam exclusæ.

REGULA LXXXV.

Contractus ex conventionione legem accipere dignoscuntur.

SUMMARIUM.

1. Regula unde desumpta?
2. Quomodo intelligenda?
3. Quivis rerum suarum arbiter est. *ibid.*
4. Ponitur verus sensus Regulae.
5. Fallit Regula, quando privata conventio est con-

tra substantiam contractus: aut jus publicum. & n. seq.

6. Nem. si turpis, aut inhonestæ, seu de re turpi, aut inhonestæ est.

Desumitur hæc Regula ex l. 1. §. 6. ff. *De positi*. ibi: *Contractus enim legem ex conventionem accipiunt. & l. Contractus. 23. ff. de Reg. Jur.* ubi postquam singillatim explicatum tuit, quinam contractus dolum malum duntaxat recipiunt: quinam dolum, & culpam; ibi: *Contractus quidam dolum malum duntaxat recipiunt: quidam & dolum, & culpam: dolum tantum, depositum, & precarium: dolum, & culpam, mandatum, commodatum, venditum, pignori acceptum, locatum, idem dotis datio, tutela, negotia gesta. In his quidam & diligentiam societatis, & rerum communio, & dolum, & culpam recipit: statim subjungitur: sed hæc ita, nisi, si quid nominatum convenit, vel plus vel minus, in singulis contractibus: nam hoc servabitur, quod initio convenit: legem enim contractus dedit: excepto eo, quod Celsus putat, non valere, si convenierit, ne dolus præstetur: hoc enim bonæ fidei iudicio contrarium est: & statimur.*

2 Queritur I. Quomodo hæc Regula intelligenda? Et quis proprius illius sensus sit? Resp. I. Per verbum *legem* Regula intelligit formam, naturam, & modum obligationis in contractu, vultque dicere, qualiter, & quomodo obliget contractus, ex contrahentium dependere voluntate & speciali conventionem, quæ inter eos legem privatam constituit, quæ indicatur, qualiter, quod modò, quò tempore, quò loco, quibus sub conditionibus quis ex contractu obligatus existat; cum enim quilibet rerum suarum moderator, & arbiter existat: l. *in re mandata. 21. C. Mandati.* possunt contrahentes ad invicem convenire & pacisci, sibi que legem observandam imponere, quò modò, quò loco, quò tempore, quibus sub conditionibus contractus eorum obligent l. *In traditionibus 48. ff. de Pactis. & l. 1. C. eod.* quæ dein lex privata ex speciali eorum conventionem, seu pacto proveniens procul dubio ab utroque contrahentium servanda est; quia *pacta custodian- tur c. 1. de Pactis.* Et quidem etiam ex æquitate naturali, l. 1. ff. *eod.* ibi: *æquitas naturalis est. Quid enim tam congruum fidei humane, quam ea, quæ inter eos placuerunt, servare?* Unde cit. l. *In traditionibus. 48. ff. eod.* dicitur: *In traditionibus rerum quodcumque pactum sit, id valere manifestissimum est.*

Resp. II. Verus Regulae sensus sequens est: Qualiter, quò modò, quò tempore, quò loco, quibus sub conditionibus contractus aliquis obliget, dependet ex speciali contrahentium pacto, seu conventionem, quæ legem mutuo obligantem sibi imponunt. Per rationem, & Jura jam allegata; Et quoniam sensus Regulae ex se clarus est, opus non

habet, ut exemplis Juris declaretur: præsertim cum quivis sibi exemplare formare facile possit; si enim vendis domum tuam mutua sub conventionem, ut pretium simul, vel per partes, hoc vel illo tempore, in hac, vel illa moneta, hoc vel illo loco solvatur: eò modò, quò conventum est, solvendum erit per Jura allegata.

Queritur II. An? Et quas præsens Regula habeat Fallentias? Resp. Eam fallere 1. quando conventio contrahentium sit contra formam substantialem, seu essentialem contractus à Jure præscriptam; seu, si est contra jus commune, & publicum. arg. l. *Leges. 7. C. de Legibus & Constit. Princ.* ibi: *Leges, & constitutiones futuris certum est dare formam negotiis. & l. Jus publicum. 38. ff. de Pactis.* ibi: *Jus publicum privatorum pactis mutari non potest. juncto c. Si diligenti. 12. in fin. de Foro compet.* ubi dicitur: *cui (indulto publico) privatorum pactis derogare non potest.* Hinc, quia de substantia, & essentialia cujusvis contractus est consensus, quævis conventio irrita habetur, ubi verus deest consensus. l. 1. ff. *de Pactis.* Et ideo Regula intelligi debet de conventionem circa accidentalia, non verò circa formam substantialem contractus, utpote quæ invariata manere debet. Strein. *hic n. 3.* cum communi aliorum. arg. l. *Novationum. 8. C. de Novationib.*

Dicitur autem notanter: contra Jus commune, aut publicum: siquidem pactum, per quod tollitur jus privati sibi publica auctoritate concessum valet: secus, si tolleretur jus commune, ut ait Rubrum in l. *Juris gentium. 7. §. Si paciscar. 13. ff. de Pactis.* Hinc quamvis in favorem emptorum jure cautum sit, quò venditor teneatur de evictione, etsi in contractu emptio- nis vel venditionis nil fuerit expressum; tamen si venditor & emptor specialiter conveniunt, quòd ille de evictione non teneatur, conventioni huic standum est, prout amplius dictum & probatum habetur Lib. III. Tit. 17. §. 12.

Fallit 2. si conventio contrahentium est turpis, vel de re turpi, inhonesta; aut impossibili, de jure vel de facto. c. *fin. de Pactis. in fin.* ibi: *Nam etiam juxta legitimas sanctiones, pactum turpe, vel rei turpis, aut impossibilis de jure, vel de facto nullam obligationem inducit.* Hinc Celsus putat, non valere, si convenierit, ne dolus præstetur;

bona enim fidei iudicio contrarium est, uti dicitur cit. l. Contractus. 23. ad fin. ff. de Reg. Jur. junctô c. Nemo potest. 6. de R. J. in 6. ibi:

Nemo potest ad impossibile obligari. Huc ferunt etiam dicta suprâ ad cit. Reg. VI. & ad Reg. LXIX.

REGULA LXXXVI.

Damnum, quod quis sua culpa sentit, sibi debet, non alijs imputare.

S U M M A R I U M.

1. Regula unde?

2. Non tantum ex sua culpa, sed etiam qui ex causa, quam ipse sine delicto præbet, damnum sentit sibi imputare debet.

3. Idem est, si iacturam lucri.

4. Ponitur verus sensus Regule:

5. Declaratur exemplis, & seqq.

7. Projiciens aliquid ex alto, & prius non clamans, reus damni inde secuti est; secus si clamat.

Definitur hæc Regula ex l. Quod quis. 203. ff. de Reg. Jur. ibi: *Quod quis ex culpa sua damnum sentit, non intelligitur damnum sentire.*

2. Queritur, quomodo hæc Regula intelligenda? Et quis verus illius sensus sit? Resp. I. Quamvis Regula ex se perspicua videatur, tamen notandum, quod per verba, *sua culpa*, intelligatur non tantum quævis culpa Theologica, vel civilis: sed insuper quævis causa, quam quis ipsemet, etiam absque dolo & ullo delicto, liberè præbet ad damnum incurrendum: sic enim, si quis, dum dimidium rei, prædii v. g. pacificat transactione acquirere posset, putans, se habere iustam causam, bona fide actionem in iudicio pro toto acquirendo instituit, & succumbendo totum perdit, ac insuper ad expensas condemnatur, damnum sibi ipsi imputare debet, quia etsi nullam culpam, vel dolum commiserit, causam tamen damni ipse præbuit, sua sponte præeligendo litem. l. Ipse dispice. I. C. de E-dendo. Sic etiam, qui bona fide, absque ulla culpa vel dolo compromittit in arbitros, horum sententiæ, etiam minus iustæ, & sibi plurimum damnosæ stare, sibi quæ, & non alijs imputare debet damnum inde secutum, quia ad id ipsemet causam præbuit, sponte compromittendo in arbitros. l. Diem proferre. 27. §. 2. ff. de Receptis, qui arbitrium. ibi: *Stari autem debet sententiæ arbitri, quam de se dixerit, sive æqua, sive iniqua sit: & sibi imputet, qui compromissit. Nam & Divi Pii rescripto adjicitur: vel minus probabilem sententiam æquò animò ferre debet.*

3. Notandum ulterius, verbò *Damnum* in Regula non tantum damnum positivum, sed & lucri carentiam intelligi, ita ut sibi, non

alijs imputare debeat, sive damnum, sive carentiam lucri sentiat ex sua culpa, seu causa, quam ipse præbuit; cum damnum pati, & lucrum perdere, paria sint arg. l. Proinde. 22. in fin. ff. ad Leg. Aquil. Hinc Clericus, cui primò vacatura Præbendæ per Sedem Apostolicam fuit concessa, si eam, quæ primò vacat, petere negligit, sibi imputare debet, quod carentiam totius incurrat gratiæ. c. Si Clericus. II. de Præbend. in 6. ubi ratio additur illis verbis: *Cum facta ei gratia per ipsius negligentiam sit extincta.* Idem est de alijs beneficijs & gratiis ad certum tempus promissis, ac neglectis; quia universaliter jura vigilantibus sunt scripta. l. Pupillus. 24. ff. *Que in fraudem creditor. in fin.* ibi: *Ius civile vigilantibus scriptum est.* Hinc

Resp. II. Verus Regulæ sensus sequens est: *Damnum, vel iacturam lucri, quam quis sentit ex sua culpa, vel causa, quam ipsemet liberè præbuit, sibi, & non alijs imputare debet.* Ratio Regulæ est, Tum; quia Non debet aliquis alterius odium prægravari. c. Non debet. 22. de Reg. Jur. in 6. Tum; quia culpa suos, non alienos tenet auctores. l. Sancimus. 22. C. de Panis. ibi: *Peccata igitur suos teneant auctores: nec ulterius progrediantur metus, quam reperiatur delictum.* Tum; quia effectus suæ causæ, non alteri imputandus est. arg. c. Cum cessante causâ. 60. de Appellation.

Declaratur, & firmatur Regula amplius exemplis Juris; præter enim jam allegata ulterius pro exemplo servit, quod, si procurator, aut negotiorum gestor indebitum solvit, sibi, non Domino damnum imputare debeat. l. Si quis. 23. ff. de Negot. gestis. ibi: *Si quis negotia aliena gerens, indebitum exegerit, restituere cogitur. de eo autem, quod indebitum solvit, magis est, ut sibi*

ut sibi imputare debeat. Sic etiam, si unus sociorum ex suo delicto in pœnam incidit, sibi soli imputare, ipsæque solus, non confocii sentire debent. l. Cùm duobus. § 2. s. fin. ff. Pro Socio. & l. § 2. ff. eod. ibi: Quod autem ex furto, vel ex alio maleficio questum est, in societatem non oportere conferri, palam est: quia delictorum turpis atque fœda communio est. Sic ulterius, qui absque inventario hæreditatem adit, indeque damnum sentit, sibi, suæque improvidentiæ, non aliis imputare debet. l. fin. C. de Jure de liberandi &c.

6 Sic rursus, si quis ex præscriptione rei suæ damnum patitur, suæ negligentiae adscribere habet, quod intra præscriptionis tempus de rebus suis non indagaverit, easque vindicavit. arg. l. 1. ff. de Usurpat. & Usucap. Sic etiam, qui ad societatem negligentem socium assumit, indeque damnum sentit, hoc sibi imputare debet. §. fin. Inst. de Societ. qui

parum diligentem socium sibi assumit, de se queri, sibi que hoc imputare debet. Sic pariter, qui administrationem rerum suarum imperitis, ac ineptis committit, vel servos minus habiles conducit, damnum inde sequens sibi imputare debet. l. Videamus. II. ff. Locati.

Sic ulterius, si putator, ramos ex arbore 7 re dejiciens, vel alius machinarius in tempore clamet, ut prætereuntes, à periculo sibi caveant, & hi cavere negligant, his, non illis damnum, etiam homicidium secutum imputandum; secus si non tempestive, vel penitus non clament. l. Si Putator. 31. ff. ad. Leg. Aquil. ibi: Si putator, ex arbore ramum cum deiceret, vel machinarius hominem prætereuntem occidit: ita tenetur, si is in publicum decidat, nec iste proclamavit, ut casus ejus evitari possit &c. Sic innumera alia in quavis ferè materia reperiuntur Juris exempla.

REGULA LXXXVII.

Infamibus portæ non pateant dignitatum.

SUMMARIUM.

1. Regula unde?
2. Sicut infamia duplex est, Juris nempe, & facti: ita alii sunt infames infamiâ Juris, alii infamiâ facti.
3. Infames infamiâ Juris quinam in specie?
4. Ponitur verus sensus Regula.
Adducuntur rationes, cur infames, sive de jure, sive de facto, non sint assumendi ad munera honorifica, ibid. & seq.

5. Dignitas & honor sunt premium virtutis.
6. Infames infamia Juris à dignitatibus non tantum impedit, sed iis etiam privatis: requiritur tamen ad id sententia Judicis.
7. Infamia facti, si constanti publica emendatione aboletur, non impedit obtinere dignitates.
8. Procuratoris officium de jure inter munera honorifica non reputatur, bene verò de consuetudine.

1 Hæc Regula desumitur ex l. 2. C. de Dignit. ibi: Neque famosis & notatis, & quos scelus, aut vitæ turpitudine inquinat, & quos infamia ab honestorum cætu segregat, dignitatis portæ patebunt.

2 Queritur, quomodo hæc Regula intelligenda? & quis verus illius sensus sit? Ante responsum notandum, Infames alios esse infamiâ Juris, seu de jure: alios infamiâ Facti, seu ex facto, prout nempe infamia est, quâ laborant; hæc siquidem duplex est, Juris nempe, & Facti. Infamia Juris est, quæ ex dispositione ipsius Juris contrahitur ob certa delicta: idque vel statim ipsò factò: vel per sententiam Judicis; Et hæc infamiâ inquinati dicuntur infames infamiâ Juris, vel infames de jure. Infamia facti est, quæ non quidem ex Juris dispositione, sed ex talibus factis, &

delictis contrahitur, propter quæ bona opinio, atque existimatio apud probos ac honestos viros gravatur: & hæc infamiâ notati vocantur infames infamiâ facti, seu ex facto.

3 Quinam autem in specie sint infames infamiâ Juris, aut de jure, patet ex integris duobus titulis, videlicet ff. de His, qui notantur infamiâ. & C. Ex quibus causis infamia irrogatur. de quibus etiam specificè habes Lib. V. Tit. 37. de Penis. §. 3. hic solum est addendum, quod omnes, qui de Jure civili infames sunt, etiam infames de Jure canonico habeantur can. Omnes. 2. cau. 6. q. 1. ibi: Omnes verò infames esse dicimus, quos leges seculi infames appellant; intellige, nisi infamia per Jus civile introducta, à Jure canonico sit sublata: prout factum est circa secundò nubentes intra annum luctus c. penult. & ult. de Se-

de Secundis Nuptiis. Porro infames in specie de Jure Canonico ad longum enarrantur *can. Infames. 17. cau. 6. q. 1.* cujus textum, quia *cit. Lib. V. Tit. 37. §. 3.* per extensam jam adduximus, eum ibidem, vel in fonte lege, ne superflua fiat repetitio. Hi Notatis

4 Resp. ad questionem n. 2. positam: Regula intelligi debet juxta sequentem proprium illius sensum: *Quicumque sive Juris, sive Facti infamia infamis est, ad dignitates & munera honorifica assumi, & admitti non debet.* Per Jura hæcenus allegata: Ratio Regule est, Tum; quia ad dignitates illi tantum sunt promovendi, qui integritate vitæ & morum probati, iis, quibus præfunt, verbis & exemplo efficaciter prodesse valent. arg. c. *Cum in cunctis. 7. de Elect.* quod præstare non possunt infames, utpote qui ipsimet rei monere, & corrigere vel non audent: vel si monent & corrigunt, parum aut nihil fructificent, Deo verba illorum minus secundante, & subditis eos non æstimantibus, sed despicientibus (infames enim despiciuntur, arg. *cit. l. 2. C. de Dignit.*) ac per consequens monita & correctiones eorum non attendentibus; cujus enim vita despicitur, ejusdem etiam prædicatione contemnitur, uti ait S. Gregorius *Hom. 12. in Evang. Matth.* Hinc S. Paulus in *Epist. 1. ad Timoth. 3.* meritò docet, eum, qui in dignitate Episcopali existit, debere esse irreprehensibilem, *sobrium, prudentem, ornatum, pudicum, hospitalem, non violentum, non percussorem, sed modestum, non litigiosum, non cupidum &c.* & ad *Tit. cap. 2.* qui in omnibus seipsum præbeat exemplum bonorum operum in doctrina, in integritate, in gravitate, verbum sanum, irreprehensibile, ut is, qui ex adverso est, vereatur, nihil habens malum dicere de nobis. Quæ cuncta etiam de aliis Superioribus, & dignitate fulgentibus ob non exiguam paritatem rationis cum proportionem intelligenda sunt.

5 Tum; quia dignitas & honor sunt præmium virtutis consequenter virtute fulgentibus, non criminosis conferenda; cum utique unusquemque criminis non dignitas debeat, sed pena comitari ut dicitur *l. Ne quis. 38. in fin. C. de Decurionib.* Tum; quia, ut Strein. *hic.* cum aliis bene advertit, si infames, & criminosi ad dignitates, & honorifica munera assumuntur, vel admittuntur, ex probro, & macula infamiæ pascitur in animis hominum ipsius etiam dignitatis contemptus, *Regule Juris.*

ita, ut ex eorum promotione non tam honorentur infames, quam infamentur honores ac dignitates. Addit Peck. *hic* & aliam rationem, cur infames ad dignitates & honores non sint assumendi; quia videlicet, si malitia potestatem dignitatis adjunctam habet, novum robur recipit, & nervos intendit, liberiusque, ac sæpius delinquit, dum per dignitatis potestatem fulcita facit, quod lubet.

6 Porro infames ad dignitates & honores non tantum non assumendi; sed ab eisdem, si quos jam habent, etiam removendi sunt. *l. Judices. 12. C. de Dignit.* ibi: *Judices, qui se furtis & sceleribus fuerint maculasse convicti, ablati codicillorum insignibus, & honore exuti, inter pessimos quosque & plebeios habeantur: nec sibi posthac de eo honore blandiantur, quo seipsos indignos judicaverunt.* junctâ *l. Infamia. 8. C. de Decurion.* ibi: *Infamia, quæ tibi abominanda est, & questum tibi adimit honorem.* quod specialiter etiam de dignitatibus, officiis, & beneficiis Ecclesiasticis intelligendum venit c. *Inter dilectos. 11. de Excess. Prælat.* & ibi Panormitan. n. 8. Navarr. *cap. 27. n. 207.* ita tamen, ut requiratur sententia Judicis; uti cum aliis bene advertit Strein. *hic.* arg. *cit. c. Inter dilectos.* ubi Summarium sic habet: *Collatio beneficii indigno facta cassari debet:* & ut infamia juris existat; quia licet infamia facti à dignitatibus, honoribus, & beneficiis impediat, actu tamen obtentis non privat, cum privatio hujusmodi nullo Juris textu reperitur expressa, uti cum aliis bene advertit Layman *Lib. 1. Tr. 5. p. 5. cap. 4. n. 5.*

Ubi ulterius notandum, quod infamia 7 solius facti, & quæ publica, constanti emendatione aboletur, etiam ab obvenendis dignitatibus, ac honoribus non impedit. Sylvester. v. *Infamia. n. 11.* Molina. *disp. 10. n. 1.* Strein. *hic.* & alii. arg. *can. Si duo. 4. cau. 35. q. 6.* ibi: *infames effectos, donec ab incesti facinore desinant.* & *can. Nunquam. 4. disp. 56.* ibi: *ad meliora conversum nequam prior vita commaculat.* Et Ratio est; quia infamia facti facto adhæret: consequenter hoc per constantem emendationem abolitò cessare debet. arg. c. *Cum cessante. 60. de Appellat.*

Objicitur contra Regulam: Infames ad 8 munus Procuratoris admittuntur. *§. fin. In sit. de Except.* ibi: *Eas verò exceptiones, quas*
C c *oliva*

olim procuratoribus propter infamiam vel dantis vel ipsius procuratoris opponerentur, cum in iudiciis frequentari nullo modo perspeximus, conquirere sancimus: ne dum de iis altercatur, ipsius negotii disceptatio proteleatur. Ergo. Resp. Munus Procuratoris, nisi Principis sit, inter dignitates non computari, sed de jure inter vilia munera reputari. arg. l. Si quis. 34. C. de Decurionib. Dicitur autem

notanter, de jure; quia de consuetudine hodierna, quæ juri humano praevalet, c. fin. de Consuetud. munus Procuratorum ferè æquè honorificum habetur, quàm Advocatorum, & personas infamiâ notatas non recipit, uti post Sylvestrum v. Procuratio: & Gail. Practic. Lib. 1. Observat. 43. bene observat Strein. hic.

REGULA LXXXVIII.

Certum est, quod is committit in legem, qui legis verbum complectens, contra legis nititur voluntatem.

S U M M A R I U M.

1. Regula unde?
2. Quomodo intelligenda?
3. Ponitur verus sensus illius.
4. Quadrupliciter fraus legi fieri potest, videlicet de re ad rem. Ibid.
5. De persona ad personam.

6. De contractu ad contractum alium.
7. De contractu ad contractum eundem, sed aliò modò.
8. Ratio Regule ex jure desumpta.
9. Solvitur obiectio.
10. Computatio annorum Pontificatus, à die coronationis, non Electionis fieri solet.

Desumpta habetur hæc Regula ex l. Non dubium. 5. C. de Legibus & Constit. Princ. ibi: Non dubium est, in legem committere eum, qui verba legis amplexus, contra legis nititur voluntatem. Nec penas insertas legibus evitabit, qui se contra Juris sententiam seu prærogativa verborum fraudulenter excusat.

Quæritur, quomodo hæc Regula intelligenda? Et quis verus sensus illius sit? Ante responsionem notandum, præsentî Regulâ reprehendi, & pro veris transgressoribus legis haberi illos, qui prætextu nudi sensus verborum, in lege contentorum, eam pro suo interesse, contra factis sibi notam mentem & intentionem legis, seu potius legislatoris, fraudulenter interpretantur, & observant. Quamvis enim ob inopiam verborum, & copiam variorum improvisorum eventuum & casuum lex verbis propriis tam clarè non possit exprimi, quin subinde, spectando nuda verba, ad alium sensum, quàm mens Legislatoris est, trahi valeat: tamen, quia dicta mens, voluntas, & intentio aliunde, ut puta ex fine, & ratione, vel occasione latæ legis, vel aliis circumstantiis ordinariè sufficienter desumi potest, merito à Regula ut transgressores legis arguantur, qui voluntatem, & mentem

legislatoris præfatò modò satis perspectam habentes, contra eandem mentem prætextu nudorum verborum legem pro suo commòdo fraudulenter interpretantur, & observant, arg. cit. l. Non dubium. ibi: fraudulenter. Hòc Notatò

Resp. ad quæstionem; Regula intelligenda est in sequenti proprio illius sensu: Contra legem delinquit, verusque transgressor legis habetur, qui voluntatem, mentem, seu intentionem legis, sive potius legislatoris sufficienter perspectam habens, contra ejusdem mentem fraudulenter interpretatur, & observat legem. Siquidem uti bene observat Glossa in can. Plerique. 3. cau. 14. q. 3. v. Præcepta. nolunt quidem facere contra legem, sed faciunt fraudem legi: ille autem fraudem legi facit, qui nuda verba observans veram sententiam, & mentem ipsius circumvenit l. Contra legem. 29. ff. de Legibus, Senatûsque consult. &c. ibi: Contra legem facit, qui id facit, quod lex prohibet: infraudem verò, qui salvis verbis legis, sententiam ejus circumvenit. &c. l. Fraus enim. 30. ff. eod. ibi: Fraus enim legi fit, ubi, quod fieri noluît, fieri autem non vetuit, id fit. subaudi expresse.

Porro juxta Dynum hic. n. 3. Glossam 4. loc. cit. còmuniter receptam potest fraus legi qua-

quatuor potissimum modis fieri, videlicet de re ad rem: de persona ad personam: de contractu ad alium contractum: de contractu ad eundem contractum, sed aliò modò. *Dere ad rem* fit fraus legi, quando locò unius rei, in lege expressè, datur vel substituitur alia res, sed contra intentionem legis. Sic quia in *l. Item* ff. 7. §. 3. ff. de *S. C. Macedon.* prohibitum est, filiofamilias mutuum dare pecuniam, rite occasione illius delinquat: in fraudem hujus legis facit, qui locò pecuniæ eidem mutuum dat oleum, vinum, frumentum &c. ut his distractis pecuniam acquirere valeat. arg. cit. *l. Item*, ff. 7. Sic etiam, quia in *l. Solent* 6. ff. de *Officio Proconsulis* & *l. Plebiscito* 18. ff. de *Officio Præsidis* prohibetur, ne præsidēs, & alii, qui provincias regunt, aut eis præsent, & Judices existunt, accipiant munera, nisi esculenta, & poculenta, quæ intra paucos dies consumi valeant; ibi: *Plebiscito continentur, Ut ne quis Præsidum, manus donum caperet: nisi esculentum, potulentumve, quod intra dies proximos prodigatur: in fraudem hujus legis, & contra mentem illius facit, qui esculenta, & poculenta in tanta quantitate, & pretio accipit, ut trahi possint ad munerum qualitatem, Dynus loc. cit. arg. cit. legib.*

5 *De persona in personam* fraus legi fit, quando quis inmitteriò alterius facit, quod ipse facere licet non potest; quia *Quod alicui suo non licet nomine, nec alieno licebit*, juxta Reg. 67. de Reg. Jur. in 6. & dicta ad eandem, ubi etiam exempla habes; quibus adde, quòd, quia donationes gratuita inter virum & uxorem à lege prohibita sunt *l. Hec ratio* 3. §. 10. ff. de *Donat. inter virum & uxorem*. ibi: Sciendum autem est, ita interdictam inter virum & uxorem donationem, ut ipso jure nihil valeat, quod actum est. junctâ *l. Si sponsus* 5. pr. ff. eod. ac c. fin. eod. magisque dictum habetur *Lib. IV. Tit. 20. §. 1.* in fraudem legis fiat, si vir, vel mulier alii donat, ut donatum æquirat conjux alter: vel si maritus sibi dandum jufferit uxori suæ dare. arg. cit. *l. Hec ratio* 3. §. fin. ibi: *si donaturum mihi juffero uxori meæ dare, ait Julianus, nullius esse momenti.*

6 *De contractu ad contractum alium* fraus legi fit, si locò unius contractus à lege prohibiti, alius contra mentem legis assumitur: ut si maritus prohibitus donare uxori, locò donationis adhibet contractum venditionis, & id, quod uxori donare non potuit, eidem vili pretio vendit, cum alias eam vendere nullatenus intenderit, cit. *l. Si sponsus* 5. §. 5.

ibi: Circa venditionem quoque; Julianus quidem minoris factam venditionem, nullius esse momenti ait. *Neratius autem* — venditionem, donationis causâ inter virum & uxorem factam, nullius esse momenti: si modò, cum animum maritus vendendi non haberet, idcirco venditionem commentus sit, ut donaret: enimvero, si cum animum vendendi haberet, ex pretio ei remisit, venditionem quidem valere, remissionem autem hætenus non valere, quatenus facta est locupletior.

De contractu ad contractum eundem, 7 sed aliò modò fraus legi fit in casu, quo v. g. mulier, quæ fidejubere prohibetur, uti patet ex toto *Tit. ff. ad S. C. Velleian.* & amplè dictum habetur *Lib. III. Tit. 22. §. 1 à n. 18.* in se suscipit principalem obligationem, & se ipsam constituit debtricem, cum nihilominus intercedere, & reipsâ fidejubere censeatur. *Dynus, & Gloss. loc. cit. arg. l. Quamvis* 8. ff. ad *S. C. Velleian.*

Cætèrùm ratio Regulæ, & cunctorum 8 dictorum est; quia universaliter in legibus non nuda verba, sed intentio & voluntas legislatoris respicienda est, *can. Humane aures* 11. *can. 22. q. 5.* ibi: *non debet aliquis verba considerare*, intellige, nudè & simpliciter: sed voluntatem & intentionem: quia non debet intentio verbis deservire, sed verba intentioni. & Scire leges non hoc est, verba earum tenere, sed vim ac potestatem. *l. Scire* 17. ff. de *Legib. Senat. Consult.* Hinc illud vulgatum: *Ratio legis est anima legis*, prout desumitur ex *can. Consuetudo* 5. dist. 1, cum concord. Ob quod Abbas Panormit. in *cap. Ad audientiam* 12. de *Decimis* n. 2. bene dixit: *habent se verba, & intentio seu ratio sicut corpus & anima; nam sicut anima dominatur corpori, ita ratio legis dominatur verbis.* Quapropter si contra sufficienter notam intentionem mentem, & rationem legislatoris, legem fraudulenter quis interpretatur & servat, vi Regulæ nostræ pro transgressore legis meritò reputatur; cum fraus & dolus nulli patrocinari debeant, per vulgaria.

Objici contra hanc Regulam solet; Non, alio fine inventa sunt verba & nomina, quam ut mentis nostræ sensum manifestent; ergo illis inhærendum, quamvis videantur dura. arg. *l. Proseperit* 12. §. 1. ff. *Qui, & à quibus Manumissi liberi non sunt*. ibi: quia ita verba faciunt — quod quidem perquam durum est, sed ita lex scripta est; præsertim cum interpretatio verborum legis juxta mentem legislatoris, majoris ponderis esse non debeat, quam pro-

pria significatio verborum. *l. Labeo ait. 7. §. 2. ff. de Suppellect. Legata. ibi: Non enim ex opinio-
nibus singulorum, sed ex communi usu nomina exaudi-
di debere. Id Tuberoparum sibi liquere ait: nam
quorsum nomina (inquit) nisi ut demonstrarent vo-
luntatem dicentis? Equidem non arbitror quemquam
dicere: quod non sentiret, ut maxime nomine usus sit,
quod id appellari solet: nam vocis ministerio utimur.*
Resp. Speciosam quidem, sed minus strin-
gentem esse hanc ex legibus desumptam ob-
jectionem; quia nemo negat, verba esse in-
dicia mentis nostræ; eaque juxta propriam
significationem accipienda venire, ubi sunt
clara & manifesta, & de vero illorum sensu
nulla ratio dubitandi occurrit. Verum ubi
nuda verborum significatio varia, vel inten-
tioni ac menti dicentis contraria apparet: vel
si nudus sensus verborum, ut jacent, aliquod
absurdum iniquum, à recta ratione devians,
& ab aliis legibus manifestè reprobatum in-
nuit, utique nudæ hujusmodi significationi
non inhaerendum, sed ad mentem, volunta-
tem, & intentionem dicentis, seu legislatore-
is ex ratione & sine legis, aliisque circum-
stantiis colligendam necessariò, & prudenter
recurritur juxta apertos Juris textus suprà al-
legatos, quibus clavis textibus cum textus ap-
parenter duntaxat, non autem verè contrarii,
in objectione positi, juxta responsionem no-
stram facile concordari possint, eos sic con-
cordare, rationi & juri consonum est; Cum
expediat concordare Jura Juribus, & eorum
correctiones (si suscipi valeant) evitari. c.
Cum expediat. 29. de Elect. in 6.

Finis Pontifex Bonifacius VIII. condi-
tas à se Regulas Juris in Sexto illis verbis:

Data Romæ apud Sanctum Pe-
trum V. Nonas Martij, Potifi-
catûs nostri anno quarto.
(1298.)

Ubi cum Glossa notandum hic. v. Ponti-
ficatus. quod computus annorum Pontifica-
tûs Romani incipiat à die coronationis, seu
consecrationis suæ: non verò à die electio-
nis; quod bene notandum Juristis, monet
eadem Glossa, ne in computatione contingat
error, qualem ibidem ipsamet refert: quam-
vis & hæc computatio potius ex consuetudi-
ne, & solito usu, quàm à Jure roboretur;
cum post canonicam electionem à duabus
partibus celebratam, suumque præstitum as-
sensum, verè jam sit Pontifex Romanus,
prout iteratò cit. Glossa bene advertit.

Nos autem præsentem Tractatum
de Regulis Juris in Nomine Domini, quo in-
cepimus, finimus, eumque humillima cum
reverentia judicio & correctioni Ecclesiæ Ca-
tholicæ, quæ fidei, & veritatis, morumque
infallibilis Regula est, penitus subjecimus, id-
que, quod ipsa in eo rejicit, & improbat, nos
quoque rejicimus, & improbamus: immò
pro non scripto, aut dicto haberi volumus,
unicè optantes, ut cuncta ad Majorem DEI

Gloriam, quam præcipuè intendimus,
directè, ac indirectè cedant.

F I N I S.



INDEX

ALPHABETICUS RERUM

A C

VERBORUM.

Ubi C. denotat Caput, R. Regulam, n. Numerum materiae
in quavis Regula.

A.

Absolutio non danda impoententi, & indispofito, C. II. R. V. n. 6.

Acceptio perfonarum quid fit? C. II. R. XII. n. 3. in iudicio non eft habenda, ib. per tot.

Accessorium fequitur naturam principalis, C. II. R. XLII. n. 5. etiamfi accessorium fit pretiofius quàm principale, ib. n. 17. nifi effet summè arduum, n. 18. accessorium quadrupliciter dici poteft, n. 3. Varia hujus Regulae exempla & limitationes, ib. n. 6. & feqq. accessorium quod fe solo fine principali poteft fubfiftere, non corrui corrueute principali, ib. n. 3.

Actio injuriarum perpetua datur contra Judicem, non fervato juris ordine in torturâ procedentem, C. I. R. VI. n. 12.

Actio merè perfonalis non tranfit in fuccefforem particularem fine ceflione, C. II. R. XLVI. n. 7.

Actio cui competit pro re acquirenda, ei magni competit exceptio pro retinenda, C. II. R. LXXI. n. 3.

Actor quis dicatur? C. II. R. XI. n. 2. in quibus caufis actoris partes fint favorabiles quàm Rei? ib. n. 10. 11. 12.

Actor excommunicatus repellitur exceptione, C. II. R. XXXII. n. 13.

Actor fi una actione inepta repellatur, poteft aliam congruentem inftituere, Cap. I. R. LXXXIV. n. 9.

Actor non poteft uti pluribus actionibus, Reus verò pluribus exceptionibus, C. II. R. XX. n. 2. 3.

Actor post litis conteftationem invito Reo non poteft recedere, C. II. R. XXI. n. 9.

Actori non licet, quod Reo licitum non eft, C. II. R. XXXII. n. 2. 3. fallit 1) quòd actor Regulae Juris.

possit petere judicem extraordinarium, non item reus, ib. n. 14. 2) Actor ex pluribus ordinariis iudicibus poteft unum eligere, non reus, n. 15. 3) actorem accufantem Reus de crimine non poteft reaccufare, num. 16. 4) actor probato furto admittitur ad juramentum de quantitate, non verò reus ad purgatorium juramentum, n. 18.

Actus ab initio validus fole tractu temporis non vitatur; nec ab initio invalidus temporis lapfu convalefcit, C. II. R. XVIII. n. 4.

Actus, formâ fubftantiali non fervatâ, nullus eft, C. II. R. LXIV. n. 6.

legitimi conditionem non recipiunt, neque diem, C. II. R. L. n. 5. 6.

sumuntur in duplici fenfu, ib. n. 2. 3.

Actuum jure invalidorum effectus, C. II. R. LXIV. n. 10. remiffivè.

Actus legitime factus, v. Factum.

Administratores rerum non poteft donare, C. II. R. LXXXI. n. 4.

Aegrotus urgente neceffitate excufatur à jejuniò, C. I. R. IV. n. 6.

Aequitas Arithmetica & Geometrica quid fit? C. II. R. XII. n. 5.

Aetate non legitima beneficium invalidè obtentum non convalefcit aetate poftea fuperveniente, C. II. R. XVIII. n. 9.

Agere plus eft quàm excipere, C. II. R. LXXI. n. 3.

Aggratiandi Jus habet Princeps Supremus, C. II. R. XII. n. 6.

Alienatio bonorum Ecclefiae licita ob Neceffitatem, C. I. R. IV. n. 6.

Sciende & tacente Capitulo valet, C. II. R. XLIII. n. 9.

etiam invito Capitulo facta valet, fi ab eodem poft earatificetur, C. II. R. IX. n. 8.

Alienatio

Index Alphabeticus Rerum

- A**lienationes rerum Ecclesiarum, ab initio invalidæ, non validantur tractu temporis, C. II. R. XVIII. n. 10.
- Alienationes Ecclesiarum invalidas etiam ipse alienans potest revocare, C. II. R. LXXVI. n. 3.
- Alienis rebus utens, ut suis parcat, dicitur locupletari cum alterius injuria &c. C. II. R. XLVIII. n. 6.
- Alieno, non suo, nomine, potest quis dare quod non habet, C. II. R. LXXIX. n. 6.
- Alius, non licet per alium facere, quod per se non licet, C. II. R. LXVII. n. 2.
- per alium potest quis, quod potest facere per seipsum, C. II. R. LXVIII. n. 2. 3.
 - quomodo alius debeat esse qualificatus? ib. n. 4.
 - quænam per alium fieri non possint? ib. n. 8. & seqq.
 - per alium quod quis facit, perinde est ac si per se ipsum faciat: quomodo intelligendum? C. II. R. LXXII. per tot.
- Alter alterius odio non debet gravari, C. II. R. XXII. n. 2. & seqq.
- Alternativa, in alternativis debitoris est electio, C. II. R. LXX.
- fallit in remediis, pænis, gratis Principum & aliis, ib. n. 13. usque 17.
 - alternativa alia sunt personarum, rerum, locorum, temporum, remedium, pænarum &c. ibid. n. 3. 4. 5. 6.
 - alternativa & disjunctiva idem sunt, ib. n. 2.
 - In alternativis sufficit unum præstare, ib. n. 8. 9. 19. &c.
 - alternativa quando sumenda sint disjunctivè vel copulative, ib. n. 19. 20. 21.
- Ambages inutiles horrent lex & natura, C. II. R. LIX. n. 2.
- Anglorum converforum privilegium, C. II. R. XXVIII. n. 8.
- Annorum Pontificatus computatio fit à die Coronationis, C. II. R. LXXXVIII. n. 10.
- Apertius qui legem dicere potuit, contra eum interpretatio est facienda, C. II. Reg. LVII. n. 1. &c.
- Appellans sit actor, C. II. R. XX. n. 9.
- Appellatio stante impedimento non censetur deserta, C. II. R. XLI. n. 5.
- Appellatio contra Judicem datur non servato juris ordine in tortura procedentem, C. I. R. VI. n. 12.
- Appellationis fatalia etiam labuntur ex negligentia procuratoris, licet sine culpa Domini, C. I. R. XXIII. n. 5.
- Arbiter, in arbitris statuit majori parti, C. II. R. XXIX. n. 13.
- Argenti vel Auri nomine non venit pecunia vel nummi, C. II. R. LXXX. n. 4.
- Arithmetica æqualitas in Justitia Commutativa, C. II. R. XII. n. 5.
- Arreptitii remouentur à ministerio altaris, C. II. R. LXXXIII. n. 10.
- Assessoris imprudentia non nocet Magistratui sed sibi, C. II. R. LXII. n. 8.
- Auri vel Argenti nomine non veniunt nummi & pecunia, C. II. R. LXXX. n. 4.
- Aut*, quando sumatur pro particula copulativa, vel disjunctiva, C. II. R. LXX. n. 19.

B.

- B**aptismus invalidè collatus iterari debet, C. II. R. LII. n. 5.
- Beneficia plura quomodo prohibita, C. II. R. LXXXIV. n. 6.
- Beneficiatus quomodo debeat concurrere ad reparationem Ecclesiarum ruinosa, C. II. R. LV. n. 13.
- non percipiens redditus sibi debitos non tenetur ad onera injuncta, ib. n. 16.
- Beneficii institutio triplex. Collativa, vel verbalis: Corporalis, seu realis, quæ etiam Investitura vel installatio vocatur: & Authorizabilis, C. II. R. I. n. 3. 4.
- debet esse canonica, ut fiat sine vitio Conferentis, recipientis, & formæ, ib. n. 5.
 - In Beneficii collatione prior impetrans præfertur posteriori, C. II. R. LIV. n. 8.
- Beneficii fructus etiam laicus potest habere, C. II. R. I. n. 18.
- Beneficii patronati collatio sine consensu Patroni facta convalescit, si Patronus intra tempus sibi concessum alium non præsentet, C. II. R. XVIII. n. 13.
- Beneficio hominem affici interest homini, C. II. R. XIX. n. 12.
- Beneficio simpliciter concessio, non censetur concessum curatum, C. II. R. XXVIII. n. 9.
- Beneficio pro obtinenda litteræ, ut ambitiosa restringenda, C. II. R. XV. n. 25.
- Beneficium ecclesiasticum quid & quotuplex, C. II. R. I. n. 1.
- sæculare, extra necessitatem, non est Regularibus conferendum, C. II. R. LXXXVIII. n. 3.
- Beneficium nullum obtineri potest sine institutione canonica, C. II. R. I. n. 6.
- nec per cessionem aut commutationem privata autoritate, ib. n. 8.
 - nisi per dispensationem papalem, n. 10.
 - an & quomodo per præscriptionem triennalem, ib. n. 11. & seqq. notanter n. 22. quænam ad hanc præscriptionem requirantur, n. 23. &c. 27.
- Beneficium latè sumptum, C. II. R. XVI. n. 2. v. *Privilegium*.
- Beneficium homini collatum ei auferri non potest, C. II. R. XXI. n. 11.
- nec liberè dimissum repeti, n. 12.
- Beneficium quando dicatur reservatum sedi Apostolicæ: & quis Beneficiatus intrusus, Simoniacus,

niacus, vel habere titulum coloratum, C. ll. R. I. n. 28. remissive.
Beneficium per alterius Simoniam, etiam beneficiato ignorante, acquisitum, debet dimitti, C. ll. R. XXIII. n. 4.
Bona Ecclesiastica immobilia an valide possint locari ultra triennium, C. ll. R. XXXVII. n. 9. 19.
Bona fides, v. *Fides*.
Bonus quislibet presumitur donec probetur malus, C. ll. R. II. n. 2.
- nisi quis jam semel fuerit malus, C. ll. R. VIII. n. 13.
Bonum commune praevalet privato, C. ll. Reg. XXIII. n. 3. & seqq.
Bonum facere non sufficit, nisi & bene fiat, C. ll. R. XXVI. n. 6.

C.

Cancellaria Regula, v. *Regula*.
Capitulares non vocati possunt ratificare electionem ab aliis factam, C. ll. R. IX. n. 7.
Capitulum potest ratificare alienationem se etiam invito factam, C. ll. R. IX. n. 8.
Capitulum sede vacante non percipit fructus, C. ll. R. LV. n. 17.
- sede vacante potest dare licentiam ordinandi subditos Diocesanos, C. ll. R. LXXXIX. n. 5.
Casus fortuiti: quomodo se quis possit ad eos obligare, C. ll. R. VI. n. 13.
Causa commissa censetur etiam commissa requisita ad eam, C. ll. R. XLII. n. 6.
Causa pia, & alia favorabiles auctori, C. ll. R. XI. n. 10. 11. 12.
- causa pia favor in Legatis, Cap. ll. Reg. LXXXIII. n. 4.
Censurae patiuntur conditionem de futuro, C. ll. R. L. n. 14.
Certus quis esse dicatur, C. ll. R. XXXI. n. 2.
Certus qui est, eum certiorari ulterius non oportet, C. ll. R. XXXI. n. 4.
Certioratio quando requiratur, C. ll. R. XXXI. n. 8. &c.
Citatio valet tam subditi in alieno territorio, quam non subditi in suo, C. ll. R. XXIII. n. 2. 3. R. XLI. n. 2.
Citatus etiam ab illegitimo Iudice (nisi notorie tali) debet comparere, C. ll. R. LX. n. 6.
Clandestine facta plerumque sunt suspecta, C. ll. R. V. n. 2. Clam quid fieri dicatur, ib.
Clara non admittunt interpretationem, nec voluntatis conjecturam, C. ll. R. XLVIII. n. 13. R. XLIX. n. 2.
Clerici de bonis intuitu Ecclesiae acquisitis quomodo possint inter vivos disponere, C. ll. R. LXXXIV. n. 9.
Clerici feudatarii propter feuda secularia praestant homagium proprium, C. ll. R. XI. n. 6.
Clerici non residentes non percipiunt fructus, C. ll. R. LV. n. 10.
Clerici non possunt habere plura beneficia: nec

unum titulo beneficii, alterum ut commenda perpetua, C. ll. R. LXXXIV. n. 6.
Clerici non veniunt nomine populi in odiosis, bene vero in favorabilibus, C. ll. R. XV. n. 17.
Clericorum appellatione non veniunt Episcopi, Praelati, Canonici, Religiosi, in odiosis, bene vero in favorabilibus, ib. n. 18.
Clericorum lascive viventium poena, C. ll. Reg. XXXI. n. 15. 16.
Clericum volentem, vel consentientem percutiens nihilominus excommunicatur, C. ll. R. XXVII. n. 6.
Clericus Chirurgiam exercens, secuta morte, est irregularis, C. ll. R. XIX. n. 4.
Communis res, v. *In re communi, & Socii*.
Compromissarius eligens indignum, eligere amplius non potest, C. ll. R. LII. n. 13.
Concessio generalis non inducit, quae quis versimiliter in specie non esset concessurus, C. ll. R. LXXXI.
Concessio uno conceduntur omnia quae spectant ad illud, C. ll. R. XXXIX. n. 12.
Concessa alicui non sunt ab alio trahenda in exemplum, v. *Gratia & Necessitas*.
Concupiscentiae prohibitione prohibentur omnia mala, C. ll. R. XXXIX. n. 6.
Condemnatus, pro condemnato ad mortem quilibet potest appellationem suscipere, etiam eo invito, C. ll. R. XIX. n. 14.
Conditio alia est de praeterito, alia de praesenti, alia de futuro: hac iterum alia de futuro necessario, alia de contingenti, C. ll. R. L. n. 4. &c.
Conditio habetur pro impleta, cum non stat per eum, ad quem pertinet, quo minus impleatur, C. ll. R. LXVI. n. 2. &c.
Conditio turpis aut impossibilis habetur pro non adiecta, C. ll. R. L. n. 13.
Connexorum eadem est ratio, C. ll. R. XXXIX. n. 4.
Constituti non censentur exceptionem obijciens, C. ll. R. LXIII. n. 2. 3. &c.
Conjux, altero conjuge invito, non potest vivere castitate, C. ll. R. LVI. n. 5.
Consensus majoris partis vel singulorum de communitate quando requiratur, C. ll. Reg. XXIX. n. 4. & seqq. usq; 11.
Consentire non potest quis in prohibitis jure divino, C. ll. R. XXVII. n. 12.
Consentire videtur qui tacet: & quomodo? C. ll. R. XLIII. n. 2. 3. 4.
Consilarii tacentes sunt rei omnium malorum inde sequentium, C. ll. R. XLII. n. 11.
Consilio dato nullus obligatur, nisi sit fraudulentum, C. ll. R. LXII. n. 2. 3.
Consilium fraudulentum non excusat, C. ll. Reg. LXII. n. 5.
- sine consilio nihil agendum, ib. n. 3.
Consulens fraudulenter ad quid teneatur, C. ll. R. LXII. n. 6. 7.
Consuetudo non extenditur de loco in locum, C. ll. R. XXVIII. n. 11.

Index Alphabeticus Rerum

- Contingentia. de ordinariè contingentibus fiunt leges, C. II. Reg. XLV. n. 4.
- Contractus, etiam jurati, qui sine peccato servari non possunt, sunt ipso jure nulli, C. I. R. V. n. 7. ceteri contractus illicitè facti, de jure valent, sed rescindi possunt, ib. & C. II. Reg. LVIII. n. 7. remissive.
- Contractus minorum absque curatore nulliter celebrati, subsistunt, si majores facti per quinquennium non reclamant, C. II. R. XVIII. n. 12.
- Contractus civiles prohibiti sunt ipso jure nulli, C. II. R. XXXIX. n. 9. ex contractu prohibito nulla est translatio Domini, ib. n. 11.
- Contractus ex conventionem legem accipiunt, C. II. R. LXXXV. n. 2. & seqq.
- Contrahens cum pupillo sine tutore obligatur eidem, licet pupillus non illi vicissim, C. II. R. XII. n. 8.
- Contradictio etiam signis & nutu fieri potest, C. II. R. LXIII. n. 5.
- Contraria allegantem non esse audiendum quomodo intelligendum de actore & Reo, C. II. R. XX. n. 8.
- Contumacia in delictis auget malitiam, C. II. R. XLIX. n. 6.
- Contumax debet certiorari, C. II. R. VIII. n. 15. R. XXXI. n. 9.
- contra contumacem semper severius procedendum, C. II. R. XLIX. n. 6.
- Copulativa. v. *Alternativa*.
- Correctorium juris quid sit? C. II. R. XXVIII. n. 3. 5.
- Criminaliter inquisitus & crimen confessus non potest excipere quoddam infamia non præcesserit, C. II. R. XLIII. n. 8.
- Criminales, seu Sanguinis causas Episcopi &c. per alios tractant, C. II. R. LXVIII. n. 7.
- Culpa lata æquiparatur dolo, C. II. R. XXXVI. n. 5.
- fine culpa nemo puniendus, nisi subsit causa boni communis, C. II. R. XXXIII. n. 2. 3. R. XLI. n. 2.
- D.**
- D**amnum quod quis sua culpa sentit, non intelligitur sentire, C. II. R. XIX. n. 11. R. LXXXVI. n. 2.
- Dare quis potest, quod non habet, alieno nomine, non suo, C. II. R. LXXXIX. n. 6.
- Debti obligatio solvitur solutione, per quemcunque fiat, C. II. R. LXXXIII. n. 2.
- Debitor non est in mora, si creditor solutionem oblatam non acceptaverit, C. II. R. XXV. n. 15.
- Decimæ novarum primo triennio pertinent ad Parochum, C. II. R. XIII. n. 4.
- conceduntur eidem, cui conceditur perceptio decimarum indistinctim, C. II. R. LIII. n. 5.
- Decimas fraudantes Clerici seculares, vel Religiosi, quam pœnam incurrant, C. II. R. XV. n. 16.
- Defensio est juris naturalis, C. II. R. XX. n. 3.
- Defensio non relatione criminum, sed innocentia fieri debet, C. II. R. XXXII. n. 16.
- Defensionibus pluribus, etiam contrariis, uti nullus reus prohibetur, non quidem simul, sed successivè proponendo, C. II. R. XX. per tot.
- fallit si de mendacio convictus fuerit, ib. n. 10. 11. 12. 13. 14.
- Delicta quæ trahi possunt in exemplum, in iis puniuntur factum, licet non sit perfectum, C. II. R. XXVII. n. 10.
- debent tenere suos auctores, C. II. Reg. LXXXVI. n. 2.
- Delicta non debent manere impunita, C. II. R. XXX. n. 9. 19. R. LII. n. 14.
- Delicta atrociora severius sunt tractanda, C. II. R. XLIX. n. 8.
- Delictum personæ non debet in detrimentum Ecclesiæ redundare, C. II. R. LXXXVI. n. 2. &c.
- Dies interpellat pro homine, C. II. R. XXXI. n. 6.
- Difficilia non reputantur inter impossibilia, C. II. R. VI. n. 10.
- Dignitas & honor sunt præmium virtutis, C. II. R. LXXXVII. n. 5.
- Disjunctiva. v. *Alternativa*.
- Dispensatus in uno quando censeatur etiam dispensatus in altero, C. II. R. XXVIII. num. 13. 14.
- Dispositio Specialis derogat generali, C. II. R. XXXIV. n. 15.
- Dolo non caret qui imperio Magistratus non paruit, C. II. R. XXIV. n. 4.
- Dolo facit, qui petit quod restituere debet, C. II. R. LIX. per tot.
- Dolus bonus quis, C. I. R. V. n. 11.
- Dolus & fraus nulli patrocinantur, C. II. Reg. XXXVI. n. 8.
- Dolus & lata culpa æquiparantur, C. II. Reg. XXXVI. n. 5.
- Dolus non præsumitur sed probari debet, C. II. R. XXXVI. n. 7.
- Dolus non præsumitur ubi est necessitas, C. II. R. XXIII. n. 3.
- Dominium quoties transfertur, tale transfertur quale fuit apud eum qui transfert, Cap. II. R. XLVI. n. 6. 8.
- Dono legatæ, censetur etiam legatus hortus coherens, C. II. R. XLII. n. 10.
- Donæ seu munera non licet accipere rectoribus Provinciarum, C. II. R. LXXXVIII. n. 4.
- Donatio inter Virum & Uxorem non potest revocari ab hæredibus, nisi à donante tacite revocata sit, C. II. R. XLVI. n. 17.
- quomodo prohibeatur, R. LXXXVIII. n. 5. 6.
- Donatio ultra 500. solidos valet quoad 500. C. II. R. XXXVII. n. 5.
- Donationes, præsertim Principum, pro donatario latissimè sunt interpretanda, & quomodo limitetur, C. II. R. LVII. n. 9.
- Donæ-

ac Verborum.

Donator potest revocare ex causa donationem, non verò hæres illius, C. II. R. XVI. n. 14.

Donare non potest administrator rerum, C. II. R. LXXXI. n. 4.

Dos. v. Matrimonium.

Dotem uxoris defunctæ, nondum solutam, petens, dolo facere dicitur, C. II. R. LIX. n. 6.

Dotem quando teneatur restituere defunctæ hæredibus, Cap. II. R. LIX. n. 6.

Dotis causa est favorabilis auctori, C. II. R. IX. n. 10.

Dubia in meliorem partem interpretari debent, C. I. R. II. per tot.

Dubium solet nasci vel ex defectu medii scientifici, vel ex obscuritate rei &c. vel ex æqualitate signorum aut rationum, C. I. Reg. II. n. 3.

Dubitans an res sit aliena non potest præscribere, C. II. R. II. n. 6. 7.

Duo faciunt numerum pluralem, C. II. Reg. XL. n. 2. & seqq.

E.

Ecclesia gaudet jure minoris, C. II. R. LXI. n. 9.

Ecclesiæ bona non confiscantur ob delictum Episcopi, C. II. R. LXXVI. n. 3.

Ecclesiæ bona. v. Alienatio.

Ecclesiæ non nocet dolus à Prælato commissus, C. II. R. LXXVI. n. 3.

Effectum de jure non sortiri quid sit, C. II. R. LII. n. 2.

Electio Ecclesiastica non admittit laicum, C. II. R. XXXVII. n. 17.

Electio non potest fieri per compromissum, vel extraneo admissio, vel uno eligentium contradicente, C. II. R. LVI. n. 6.

Electio nulliter facta repeti potest, C. II. Reg. LII. n. 8.

Electio valida non vitatur per invalidam confirmationem, C. II. R. XXXVII. n. 8.

Electiones non recipiunt conditionem de futuro, C. II. R. L. n. 12.

Electio in alternativis cui detur. vid. Alternativa.

Electus non potest se ingerere administrationi, etiam ut æconomus, ante confirmationem, C. II. R. LXXXIV. n. 5.

Emendatio non præsumitur sed debet probari, C. II. R. VIII. n. 12.

Emptor fructus ex re empti, pretio nondum secuto, perceptos restituere debet venditori, etiam absque ulla interpellatione, C. II. Reg. XXV. n. 5.

rei venditæ, nondum traditæ, periculum, & comoda suscipit, C. II. R. LV. n. 5.

Epileptici remouentur à ministerio altaris, C. II. R. LXXXIII.

Episcopi non corrigentes delicta reprehenduntur, C. II. R. XLIII. n. 10.

Episcopis non licet ordinare alienos Diocesanos sine licentia ordinarii: nec consecrare alienas Ecclesias &c. C. II. R. LXIV. n. 5.

Episcopus bis vel sæpius in anno visitans, semper exigere potest procuracionem, C. II. R. LXXXIII. n. 5.

Episcopus locum à se ad fidem conversum præscribit contra Episcopum loci, qui illum convertere neglexit, C. II. R. II. n. 14.

Errantis nullus est consensus, C. II. R. XLIII. n. 12.

Error differat ab ignorantia, C. II. R. XIII. n. 2.

Error grammaticalis vel stylicuræ vitiat rescriptum, C. II. R. XXXVII. n. 14.

Exceptio declarat Regulam. Proxm. n. 16. firmat Regulam in non exceptis, ibid.

Exceptio quid sit? C. II. R. LXIII. n. 2.

Exceptio legitima quæ dicitur, C. II. Reg. LX. n. 4. 5.

Exceptio nuda & pura non expedit fieri: & quomodo? C. II. R. LXIII. n. 10.

Exceptionem obiciens non videtur de intentione adversarii confiteri, C. II. R. LXIII. n. 2. 3. &c.

Exceptionibus pluribus uti potest reus, C. II. R. XX. per tot.

Excommunicatus nec per se, ne per procuratorem potest agere in iudicio, C. II. R. LXXVII. n. 5.

Excommunicationis pœna simpliciter prolata intelligitur, de excommunicatione majori, C. II. R. XLIX. n. 5.

Excusatio. v. Exceptio legitima.

Exorbitare à jure quid sit? C. II. R. XXVIII. n. 2.

3. 4. - quæ à jure exorbitant in consequentiam non sunt trahenda, ibid. num. 5.

& seqq. nisi in utilitate publica: favore cultus divini: in privilegiis motu proprio: in necessariis connexis &c. ibid. num. 12. 13.

14. v. etiam C. II. R. LXXIV. n. 1. &c. R. LXXVIII. n. 1.

Expedit, non expedit idem est ac non licet, C. II. R. LXIX. n. 5.

Expensæ litis: quando quis ad eas teneatur, C. II. R. XIII. n. 18.

F.

Factum legitime non debet retractari, licet postea eveniat casus à quo non potuit inchoari, C. II. R. LXXIII. per tot. & n. 9. 10. &c.

Faminiæ ab omnibus officiis remotæ sunt, proxm. n. 6.

Favorabiles leges vel dispositiones quænam censendæ, C. II. R. XV. n. 2. & seqq. n. 20. & seqq.

Index Alphabeticus Rerum

Favores sunt ampliandi, & quomodo? C. II. R. XV. per tot.
 - non sunt interpretandi in onus & incommodum illius, cui concessi sunt, C. II. R. LXI. n. 2. & e contra n. 10.
 Feudatarii clerici. v. Clerici.
 Fidejussor pupilli obligatur, etsi pupillus non obligetur, C. II. R. XLII. n. 16.
 Fidejussor à Tutore nominatus, si praesens non contradicit, consensisse censetur, C. II. Reg. XLIII. n. 3. &c.
 Fidejussori nocet mora debitoris principalis, C. II. R. XXV. n. 11.
 Fidem frangenti, fides non est servanda, C. II. R. LXXV. n. 2. 3. &c.
 Fides bona & mala in materia praescriptionis quid sit, C. II. R. II. n. 1. 2.
 Fides bona non patitur, ut semel exactum iterum exigatur, C. II. R. LXXXIII. n. 2.
 - ex fide quod non est peccatum est, C. II. R. II. n. 3.
 Fides bona Theologica & juridica, C. II. R. II. n. 8.
 Fides bona semper praesumitur donec probetur contrarium, ib. n. 12.
 - nisi in ignorantia juris, C. II. R. LXXXII. n. 7.
 Fides mala quomodo probetur, ibid. n. 13. & C. II. R. LXXXII. n. 7.
 Fides etiam hosti est servanda, C. II. R. LXXV. n. 10.
 Fides est inseparabilis & indivisibilis, C. II. R. XXXVII. n. 13.
 Fieri multa prohibentur quae facta tenent, C. I. R. V. n. 9.
 Filii haereticorum &c. inhabiles sunt ad beneficia Ecclesiastica, C. II. R. XXII. n. 7.
 Filii reorum laesae Majestatis sunt infames &c. C. II. R. XXII. n. 8.
 Filiofamilias non licet dare mutuam pecuniam, nec quid aliud ut inde pecuniam aquirat, C. II. R. LXXXIV. n. 7. R. LXXXVIII. n. 4.
 Filius repudians hereditatem paternam potest mutare, &c. C. II. R. XXXIII. n. 8.
 Filiusfamilias pro alio potest agere in Judicio etiam sine Patris consensu; licet non pro se, C. II. R. LXVIII. n. 8.
 Fisci privilegium si concurrat cum privatis, C. II. R. XXIX. n. 15.
 Forum sortitur quis ratione delicti, contra-ctus &c. C. II. R. XXVI. n. 8.
 Fraus. v. Dolus.
 Fraus legi quomodo fiat. v. Legi fraus &c.
 Fundus dotalis non potest vendi, C. II. R. XXXIX. n. 10.
 Fur à die commissi furti semper est inculpa-bili mora restituendi, C. II. R. XXV. n. 5.
 Furiosus num potest contrahere matrimonium, C. II. R. LXXVII. n. 2.

G.

Generalis Concessio. v. Concessio.
 Generali dispositioni derogat specialis, C. II. R. XXXIV. n. 15.
 Generi per speciem derogatur, C. II. R. XXXIV. n. 8. &c.
 Genus & Species quamam dicantur in sensu Philosophico & Juridico? C. II. R. XXX. n. 13. R. XXXIV. n. 2. 3. 4.
 Geometrica aequalitas in justitia distributiva, C. II. R. XII. n. 5.
 Gratia mera & libera non committit vitium in acceptione personarum, unam alteri praefere-ndo, C. II. R. XII. n. 4.
 Gratia nova non extinguunt veteres, C. II. R. LXI. n. 5.
 Gratia alicui concessa non debet trahi ab aliis in exemplum, C. II. R. LXXIV. n. 2. 3. R. LXXVIII. n. 1.
 Gratiam faciendi seu jus aggratiandi habet su-premus Princeps, C. II. R. XII. n. 6.
 - ob gratiam alicui concessam, non est in ejus dispendium retorquendum, C. II. R. LXI. n. 2. 3. & e contra n. 10.

H.

Hæreditas in Jure honor vocatur, C. II. Reg. LXXVII. n. 4.
 Hæres debet solvere debita defuncti, C. II. Reg. XLVI. n. 9.
 Hæres videtur esse eadem persona cum defun-cto, C. II. R. XLVI. n. 3.
 Hæres tenetur pro delegata condemnatus tene-tur ad restitutionem fructuum post litem con-testationem, C. II. R. LX. n. 7.
 Haereticorum filii. v. Filii.
 Homagium quid sit, C. I. R. XI. n. 1. aliud pro-prie seu strictè, aliud improprie tale, ibid. n. 2. 4.
 - pro re spiritali non debet praestari, n. 3.
 - nisi improprie tale, n. 4.
 - praestatur a Clericis propter feuda secula-ria, n. 6.
 Homicidium sine animo occidendi se commi-sisse asserens debet probare, C. II. R. XXX. n. 15.
 Hypotheca prior praefertur posteriori: & quo-modo, C. II. R. LIV. n. 5. 6. 7.

I.

Iactans scientiam vel artem quam non callet, tenetur ad restitutionem damni secuti, C. II. R. XIX. n. 7.
 Jejunium. v. Agrotus.
 Ignorantia quid sit? C. II. R. XIII. n. 2. differt ab errore, ib. alia est facti proprii vel alieni. alia juris, n. 3. 4. utraque alia vincibilis, alia in-vincibilis, n. 5. vincibilis quæ in foro interno, & quæ in externo, n. 5. 6. vincibilis alia supina seu crassa: alia affectata, n. 7. alia excusatio pro vitando damno, alia ad acquirendum lu-crum, n. 8.

Igno.

Ignorantia in quibus præsumitur, n. 10. R. XXX. n. 17. R. XLVII. n. 4.

Ignorantia facti alieni non proprii excusat n. 9. R. XXX. n. 11. R. XLVII. n. 2. 3. & R. XIV. per tot. R. XXXI. n. 6. R. LXXXII. n. 4. 5. &c. &c.

Ignorantia juris excusat quoad damnum vitandum, C. II. R. XIII. n. 15. uti & in militibus: minoribus: rudibus: faminis: & quomodo? ib. n. 20. 21. & quando jura non sunt clara, n. 22. R. LXXXII. n. 8.

Ignorare censetur gesta Antecessoris qui in jus alterius succedit, C. II. R. XIV. n. 4. &c.

Ignorantia eorum, quæ quis ex Officio scire debet, pro crassa habetur, C. I. R. X. n. 1.

Ignorantia verè invincibilis excusat, C. I. R. X. n. 6. quando & quomodo præsumatur, C. II. R. XXXI. n. 17. R. XLVII. n. 10.

Ignorantiam allegans quando teneatur probare. C. II. R. XLVII. n. 8. & quomodo probetur, ib. n. 9.

Illegitimus non potest eligi, potest tamen postulari, C. II. R. LXXXIV. n. 8.

Illicitum in lege, v. *Necessitas*.

Illicitum censetur quod contra Juris prohibitionem fit, C. I. R. V. n. 4.

Immiscens se rei ad se non pertinenti non est sine culpa, C. II. R. XIX. n. 9. nisi 1) in casu necessitatis, ib. n. 10. 2) quando requisitus alterius negotium agit, n. 11. 3) vel si irrequisitus utiliter agat, n. 12. 4) si se contra prohibitionem immiscet, ut alterum ab interitu eruat, n. 14.

Immiscere se rei alienæ dicitur, qui invadit rem alienam & possidet, ib. n. 13. qui exercet actum visus sui prohibitum, n. 4. qui invito Domino negotium assumit, n. 5. vel jurisdictionem alterius exercet, n. 6. vel falso jactans scientiam vel artem quam non callet, n. 7. qui ex ambitione officia Ecclesiastica obinet, n. 8.

Immunitas Ecclesiastica, C. II. R. XVII. n. 5.

Impedimento matrimonii occulto quomodo conjux se gerat, C. II. R. XXIV. n. 6.

Impedimentum debet probari, C. II. R. XLI. n. 3. impeditus cessante impedimento tenetur præstare debitum, n. 10. stante impedimento non censetur appellatio deserta, n. 5. impeditus in variis excusatur, n. 4. 6. 7. 8. nisi ex propria culpa impedimentum contrahatur, & quomodo, n. 11. 12.

Impedimentum non præstat quod de jure non sortitus effectum, C. II. R. LII.

Impossibile quid dicatur? C. II. R. VI. n. 2. aliud facti seu naturæ, ib. n. 4. 5. quod pendet à voluntate Principis & concedi non consuevit impossibile censetur, n. 7. uti & quod sine dispensatione Papæ fieri nequit, num. 8.

Impossibilium nulla est obligatio, C. II. R. VI. n. 1. 9. impossibilis conditio contractui adjecta illum invalidat, n. 12. in testamento &

matrimonio verò habetur pro non adjecta, ibid. nisi sit contra substantiam matrimonii, tunc enim irritat matrimonium, ib. ad impossibile siue facti siue juris nemo obligatur, n. 9. difficilia non reputantur inter impossibilia, n. 10. C. II. R. LXVI. n. 4. 8.

Impotentiam mariti afferenti uxori quando non credatur, C. II. R. XLV. n. 6.

Impugnare quod quis nifus est non debet ex eo fructum consequi, C. II. R. XXXVIII. n. 3.

Imputari non debet ei, per quem non stat, si non faciat quod fuerat faciendum, C. II. R. XLI. per tot.

Industria personæ ubi requiritur, negotium non potest alteri committi, C. II. R. LXVIII. n. 9.

Infamibus portæ non pateant dignitatum proæm. n. 3. C. II. R. LXXXVII. n. 1. &c.

Infamia alia juris alia facti, ib. n. 2. 3. & quinam dicantur infames, ibid. n. 3.

Infamia si publica emendatione aboletur, non impedit dignitates, ib. n. 7.

Infamia etiam à dignitate quam habet removens est, ib. n. 6.

Initium. quod ab initio non subsistit, tractu temporis non firmatur, C. II. R. X. n. 7.

Injuria non fit scienti & consentienti, C. II. R. XXVII. n. 2. copulativè est intelligendum, ibid.

- cum injuria alterius non debet quis locupletari, C. II. R. XLVIII. n. 2. 12.

Innocens non debet pœna vel damno affici, propter odium alterius, C. II. R. XXII. n. 3. satius est nocentem impunitum relinquere, quàm innocentem damnare, C. II. R. XXX. n. 9.

Innocentes quomodo aliquando puniantur à Deo, C. II. R. XXII. n. 9. item à Jure Canonico vel Civili ob bonum commune, &c. ib. n. 10. 11.

Invalidum de jure quid? C. II. R. LII. n. 2. 3.

Inventarium. qui absque Inventario hereditatem adit, sibi damnum exinde imminens imputare debet, C. II. R. LXXXVI. n. 5.

In re communi potior est conditio prohibentis, C. II. R. LVI. n. 1. 3. &c. quid dicatur res communis, ibid. n. 2. fallentias v. 9. & lqq.

Instrumentis noviter repertis renunciatur per transactionem generalem antea factam, C. II. R. LXXXI. n. 7.

Instrumentum falsum in uno censetur ex toto falsum, C. II. R. XXXVII. n. 13.

Interdictum contra Civitatem etiam suburbia comprehendit, C. II. R. XLIX. n. 7.

Interdicti pœna minor est quàm excommunicationis, C. II. R. LXXVI. n. 7.

Interpretatio facienda est contra eum qui legem apertius dicere potuit, C. II. R. LVII. n. 1. &c.

- est facienda ut res valeat potius, quàm pereat, ibid. n. 8.

Invalidum quomodo dicatur firmari *ex nunc*, non *extunc*, C. II. R. XVIII. n. 3.

Ipso facto, vel ipso jure quando intelligatur privatio vel punitio, C. II. R. XLIX. n. 4.

Irre-

Index Alphabeticus Rerum

- Irregularitas ex homicidio per alium, meo nomine facto, non incurritur, C. II. R. X n. 12.**
Iter ad Curiam Romanam arreptum habet vim appellationis, C. II. R. XXXI. n. 7.
Judæi die Sabbathi non possunt conveniri nec convenire in Judicio, C. II. R. LXI. n. 8.
Judex à Reo legitimus agnitus, non potest ut incompetens &c. recusari, C. II. R. XXI. n. 9.
Judex delegatus sententiam, etsi nulliter latam, revocare non potest, C. II. R. LII. n. 12.
Judex inferior non potest penam remittere ex respectu personarum, C. II. R. XII. n. 6. nisi in casibus jure expressis, ib. n. 7. & R. XLIX. n. 2.
Judex non potest procedere nisi imploratus & judicialiter informatus, C. II. R. XXXI. n. 13.
Judex qui potest juramentum in litem deferre, potest etiam juramento taxationem addere, C. II. R. LIII. n. 6.
Judex, non servato juris ordine procedens in torurâ, tenetur actione injuriarum perperus, & datur contra eum appellatio, C. I. R. VI. n. 12.
Judex (uti & quivis Superior) in dubio præsumitur justa jubere, C. II. R. XXIV. n. 4.
à Judice quæ fiunt, si non hæstant ad ejus officium, non substitunt, C. II. R. XXVI. per tot.
à Judice, etiam illegitimo (nisi notoriè tali) citatus, comparere debet, C. II. R. LX. n. 6.
Judici, extra territorium, vel supra Jurisdictionem suam, jus dicenti, impune non patetur, C. II. R. XXIV. n. 8. quomodo procedat, C. II. R. LX. n. 6.
Judicis mandato quod quis facit, dolo facere non videtur, C. II. R. XXIV. per tot.
 - - nisi præcipiatur aliquid contra jus divinum, vel humanum, ib. n. 6. 7. vel non pertinens ad officium judicis, n. 3.
 - - Quod non solum de judice, sed & de Principe, & quovis superiore, domino, ac parentibus intelligitur, ib. n. 2.
Judici pecuniam dant ut ferat injustam sententiam eam repetere non potest, C. II. R. LXV. n. 3.
Judicis Officium quid sit, C. II. R. XXVI. n. 2.
 - - quando dicatur agere nulliter, ib. n. 3. 4. etiam Judex supremus, n. 5. in dubio est præsumptio pro Judicis competentia, n. 7.
Judicium quomodo sumatur in lato sensu, C. II. R. XII. n. 2.
Juramentum contra bonos mores præstitum non obligat, C. I. R. V. n. 7. C. II. R. XXI. n. 2. R. LVIII. per tot. R. LXIX. n. 3.
 - - quod verò non est contra bonos mores omne obligat, C. II. R. LVIII. n. 6.
Juramentum non est vinculum iniquitatis, C. II. R. LVIII. n. 2.
 - - non obligat in promisso, si alter fidem seu conditionem non servet, C. II. R. LXXV. n. 6.
Juramentum Suppletorium quando admittatur: remissivè, C. II. R. XI. n. 7.
Jura ex iis quæ ordinariè, vel frequenter fiunt, conduntur, C. I. R. VI. n. 4.
Jura juribus sunt concordanda, C. II. R. I. n. 19.
Jura præemptoria sunt ad absolvendum, quam condemnandum, C. I. R. II. n. 14. C. II. R. XI. n. 1. 8. R. XXX. n. 4. 6.
Jura in quo sensu dicantur obscura, C. II. R. XI. n. 4. 5.
Jura & natura nihil faciunt frustra, C. II. Reg. XXXI. n. 4.
 - - contra jura qui mercatur bonam fidem non præsumitur habere, Cap. II. Reg. LXXXII. n. 3.
 - - contra jura mercari quid sit? ib. n. 2.
Jure possumus id, quod licite possumus, C. II. R. I. n. 25.
Jure prohibetur quod contra bonos mores est, C. II. R. LVIII. n. 2.
Juris nemo plus potest in alium transferre quam sibi competit, C. II. R. LXXIX. n. 1. &c.
Jus civile correctum à Jure Canonico in materia præscriptionis, C. II. R. II. n. 10.
Jus alterius aliud universale aliud particulare, C. II. R. XIV. n. 2.
Jus alterius quæsitum per nullas gratias tollitur, C. II. R. XV. n. 25.
Jus defuncti adhæret hæredi, C. II. R. XLVI. n. 12.
Jus quod quis in alterum statuit eo ipse uti debet, C. II. R. XXXVIII. n. 3. R. LXI. n. 11.
 - - quæ contra jus fiunt pro infectis haberi debent, C. II. R. LXIV.
Jus patronatus & Jus præsentandi, &c. C. II. R. XXVIII. n. 7. R. XXIX. n. 14.
Jus vigilantibus scriptum est, C. II. R. LXXXVI. n. 3.
Justitia commutativa ac distributiva non respicit acceptionem personarum, sed merita causæ, C. II. R. XII. n. 2. 5. ac æqualitatem Arithmeticam vel geometricam, ibid. nec justitia vindicativa, ib. n. 6.

L

- Læsticia in quadagesima quomodo prohibita, C. II. R. XXXIX. n. 6.**
Latenter idem est ac clam, C. I. R. V. n. 2.
Latenter, aut per vim, vel illicitè introductum non subsistit, C. I. R. V. per tot.
Latrunculator licet possit latrones morte punire, de re pecuniaria tamen judicare non potest, C. II. R. LIII. n. 10.
Legata profana quando valeant, in testamento minus solemnè, C. II. R. XLII. n. 10. 15.
Legata pia in testamento invalido valent, C. II. R. XLII. n. 12. 15.
Legata invalida ob incapacitatem Legatarii tractu temporis non convalescunt, etsi remoto impedimento, C. II. R. XVIII. n. 6.
Legatarius onus legato annexum recusans indignus est legato, C. II. R. LV. n. 10.

Legat.

ac Verborum.

Legatarius statim post mortem legantis fit Dominus rei legata, C. II. R. LX. n. 7.

Legati Apostolici commissio generalis non se extendit ad causas fidei, nec ad translationem, vel unionem Episcopatum, C. II. R. LXXXI. n. 5.

Legatum Reipublicæ relictum, ad opus legē prohibitum, quomodo teneat, C. II. R. VI. n. 14.

Legatum pro certā die factum, singulis annis eo die peti potest, C. II. R. LXXXIII. n. 4.

Legatum uni factum, postea alteri relictum censetur tacite revocatum, etsi alter sit incapax, C. II. R. LIII. n. 11.

- in legatis quando electio sit penes heredem vel Legatarium, C. II. R. LVII. n. 11.

Legem dicere quid intelligatur? C. II. R. LVII. n. 2.

- contra legem prohibentem facta quando annullentur? Cap. II. R. LXIV. n. 9.

- contra legem prohibentem, vel irritantem, vel præscribentem formam Actus, quomodo quid fiat, ibid. n. 2. 3. 4.

Leges civiles, s. Canonibus contrariæ, sunt nullæ, C. II. R. LXXVI. n. 4.

Leges penales censentur odiosæ, C. II. R. XV. n. 10.

Legi fraus fieri potest quadrupliciter. 1. de re ad rem. 2. de persona ad personam. 3. de contractu ad contractum alium. 4. de contractu ad contractum eandem, sed alio modo, C. II. R. LXXXIII. n. 4. 5. 6. 7.

- aliud est facere in fraudem legis, aliud contra legem, C. II. R. LXXXVIII. n. 3.

Legis finis & ratio est anima ejusdem, C. II. R. I. n. 19. R. LXXXVIII. n. 8.

Legis verba non nudè sumenda, sed intentio &c., C. II. R. LXXXVIII. n. 8.

Lenocinii reus maritus punitur, C. II. R. LXV. n. 10.

Lex & natura horrent inutiles Ambages, C. II. R. LIX. n. 2.

Libertatis causa est favorabilis Actori, C. II. R. XI. n. 10.

Licere, cui licet quod plus est, licet etiam quod est minus, C. II. R. LIII. n. 2. &c.

- non licet per alium, nec pro alio, facere, quod per se, vel pro se non licet, C. II. R. LXVII. n. 2. 3.

Loca exempta non veniunt nomine Territorii in odiosis, bene verò in favorabilibus, C. II. R. XV. n. 19.

Loca Sacra, C. I. R. VII. n. 12.

Locupletari non debet aliquis cum alterius injuriæ & jactura, C. II. R. XLVIII. n. 4.

M.

Machabæi in Sabbatho pugnantes excusantur, C. I. R. IV. n. 6.

Majestatis læsæ crimen etiam filios reorum facit infames, &c. C. II. R. XXII. n. 8.

Majora quando valeant. v. *Consensus*.

Majore præsentē minor privilegio non utitur, C. II. R. VII. n. 8.

Mala non sunt facienda ut eveniant bona, C. I. R. III. n. 3. 7.

- in malis promissis fides non est servanda. v. *Promissum*.

Malus semel semper præsumitur malus. ptoæni. n. 4. C. II. R. VIII. n. 1. 5. & seqq. in eodem genere delicti, n. 7.

- de præsentē non verò retrò, n. 10.

- nisi se emendaverit, n. 9.

Mandatarius. v. *Procurator & alius*.

Mandati forma semper est observanda, C. II. R. LIII. n. 13.

Mandato generali non includuntur ea, quæ Speciale mandatum exigunt, C. II. R. XXXVI. n. 13.

Mandatum. v. *Judicis mandato &c.*

Mandatum debet esse sine mercede, C. II. R. LV. n. 18.

Marito circa dotem majus jus competit quam heredi illius, C. II. R. XLVI. n. 15. R. LV. n. 19.

Martyribus, licet consentientibus in tormenta & mortem, infertur injuriæ, Cap. II. Reg. XXVII. n. 11.

Materia transiens in materiam censetur assumere aliam Speciem, C. II. Reg. LXXX. n. 5.

Matrimonii causa est favorabilis Actori, C. II. R. XI. n. 10.

Matrimonio nullo, nulla etiam ex eo jura sequentia, C. II. R. XXXIX. n. 8.

- de matrimonio cognoscens etiam de Dote cognoscit, C. II. R. XLII. n. 7.

Matrimonio quoad thorum soluto maris Dos apud partem innocentem, C. II. R. XLII. n. 14.

Matrimonium ratum nulliter initum præstat impedimentum, C. II. R. LII. n. 9.

Matrimonium cum impedimento impediēte ratum initum, licet illicitum, validum est, C. II. R. LXIV. n. 4. 9.

Matrimonium furor, aut affinitas superveniens non dirimit, C. II. R. LXXXIII. n. 2.

Medico imputari debet quod per imperitiam commisit, Cap. II. R. XIX. n. 7. Reg. XLII. n. 8.

Index Alphabeticus Rerum

- Mendax convictus de Mendacio non amplius auditur, C. II. R. XX. n. 10.
- Meretrici data ob usum corporis reperi non possunt, C. II. R. LXV. n. 4. promissa verò eidem servanda non sunt, R. LXIX. num. 9. 10. &c.
- Metus gravis: non abextrinseco, sed intrinseco, vel justè incussat &c. non excusat, C. I. R. V. n. 3. 10.
- Minor pars quando censeatur inesse majori, C. II. R. XXX. n. 7. 8. &c.
- Minorum contractus. v. *Contractus*.
- Minor dicitur tam qui 14. quam qui 25. annis minor est, C. II. Reg. LVII. n. 4.
- à minoribus facta sine tutore valida sunt, si in eorum commodum cedunt, C. II. R. LXI. n. 3.
- Misericordia quando præponenda rigori, C. I. R. II. n. 6. & seqq.
- Missa olim non nisi saltem coram 2. præsentibus poterat celebrari, C. II. R. XL. n. 9.
- Mora quid sit? alia ex persona, seu regularis: alia ex re, seu irregularis, C. II. R. XXV. n. 2. 3. 4.
- Mora sua cuilibet est nociva, C. II. R. XXV. per tot.
- Mora quomodo purgetur? C. II. R. XXV. n. 14. 15.
- in morâ culpabili non est, qui habet legitimam excusationem, C. II. R. LX. n. 1. &c. n. 8.
- Mora non est, ubi culpa non est, C. II. R. LX. n. 3.
- Morosus culpabiliter tenetur ad æstimationem rei casu pereuntis, C. II. Reg. XXV. n. 7. ad compensandos fructus, num. 8. ad interesse, num. 9. ad pœnam contractui adjectam. n. 10.
- Mors omnia jura solvit, quomodo intelligendum? C. II. R. XLVI. n. 13.
- Mulier metu mortis Monasterium ingressa non censetur tacitè professâ, quamdiu metus causa durat, C. II. R. XLV. n. 8.
- Munera. v. *Dona*.
- Mutare consilium non potest quis in alterius præjudicium, Cap. II. Reg. XXXIII. num. 1. 2. 3.
- N.**
- N**atura & jura nihil faciunt frustra, C. II. R. XXXI. n. 4.
- Necessitas facit licitum quod non est licitum in lege, quomodo intelligendum? C. II. R. IV. per tot. C. II. R. XIX. n. 10.
- Necessitas non habet legem, Cap. I. Reg. IV. num. 6.
- Necessitas tollit præsumptionem doli, C. II. R. XXIII. n. 3.
- propter necessitatem concessa non debent trahi in exemplum, C. II. Reg. LXXXVIII. n. 1. &c. cessante necessitate iterum cessant, ib. n. 2.
- Negare factum verum quando quis possit, C. II. R. LXIII. n. 5.
- Negligens sibi imputare debet quod neglexit, C. II. R. LXXXVI. n. 3.
- Negotio ad se non pertinenti se immiscens, v. *immiscens*.
- Nobiles fiunt Professores docendo 20. annis, C. II. R. LXI. n. 5.
- Nobiles & illustres non per se, sed per Procuratores in judicio litigant, C. II. R. LXVIII. n. 6.
- Nocere, quod nemini nocet, & sibi prodest, nulli prohibetur, C. II. R. LVI. n. 8.
- Nomina & verba quomodo intelligenda, C. II. R. LXXXVIII. n. 9.
- Nos, cur Principes & Prælati se scribant? C. II. R. XL. n. 11.
- Nulla, sunt alia ipso jure, alia annullanda, C. II. R. XVIII. n. 2.
- Nullum de jure non præstat impedimentum, C. II. R. LII. n. 2.
- Numerus pluralis consistit in duobus, nisi plura expresse requirantur, C. II. R. XL. n. 3. 4. 5.
- Nummi non veniunt sub nomine Auri vel Argenti, C. II. R. LXXX. n. 4.
- O.**
- O**bedientia quibus servanda, C. II. R. XXIII. n. 3. 4.
- Obligatio in qua dies non ponitur, præsentis die debetur, C. II. R. XXV. n. 3.
- Obscurum quid sit? C. II. Reg. XXX. n. 2.
- in obscuris minimum est sequendum, C. II. R. XXX. n. 3. 4. 5. R. XLV. n. 2. R. LVII. n. 3.
- in obscuris quod verisimilius vel quod plerumque fieri consuevit est sequendum, C. II. R. XLV. n. 3. Ordo procedendi in obscuris, ib. n. 5.
- interpretatio quomodo facienda contra proferentem vel statuentem obscura, C. II. R. LVII. n. 1. &c.
- obscura depositio testis contra producentem est interpretanda, ib. n. 6.
- Obstetrix an & quando delinquat præbendo vel suadendo medicinam, Cap. II. R. LXXII. n. 7.
- Odia restringenda, quando & quomodo? C. II. R. XV. n. 6. 7.

ac Verborum.

- Odiſe** quænam dicantur leges, & diſpoſitiones, ibid. num. 10. &c. Reg. XXVIII. n. 5.
- Odi** alterius nemo debet prægravari. vid. *Innocens*.
- - in odium alicujus inductum, non eſt in ejus commodum convertendum; & quomodo? Cap. II. Reg. LXI. n. 10.
- Offendens** in uno factus eſt omnium reus, quomodo intelligendum, C. I. Reg. IX. n. 1. 2. 4.
- Officium** alteri præſtitum non debet ei eſſe damnoſum, C. II. R. XIX. n. 11.
- Omnes** quod tangit debet ab omnibus approbari. quomodo? C. II. Reg. XXIX. n. 2. 3. &c.
- Omnia** qui dicit, nihil excipit, C. II. R. LXXXI. n. 6.
- Omnis** res per quæcunque cauſas naſcitur, per eaſdem diſſolvitur, Cap. I. Reg. I. n. 1. & ſeqq.
- Onus** qui ſentit &c. v. *Qui ſentit*.
- Onus** quid dicatur, C. II. R. LV. n. 3.
- - in onere ſuccedere debet, qui ſubſtitutus in honore, C. II. Reg. LXXVII. n. 2. &c.
- Onus** adhærens perſonæ non transfertur in ſucceſſorem, ib. n. 7.
- Optio** in alternativis cui datur. vid. *Alternativa*.
- Ordinatus** ab alieno Epifcopo poteſt miniſtrare in Ordine, ſi proprius Epifcopus ratam habeat ordinationem, Cap. II. Reg. IX. num. 6.
- Ordo** invalidè collatus debet iterari, C. II. Reg. LII. n. 5.
- P.**
- Pacta** ſervanda ſunt, C. II. Reg. LXXXV. n. 2. &c.
- Pæna** debet eſſe juxta meſuram delicti, C. II. R. XII. n. 6. debet ſuum tenere authorem, R. XXII. n. 4. eſt noxæ vindictæ: & ubi nulla culpa eſt, ibi nec eſt pæna. R. XXIII. n. 2. in pænis benignior eſt interpretatio facienda, R. XXX. n. 10. R. XLIX. per tot. vid. etiam *Leges pænales*.
- - in pænam alicujus inductum non debet in ejus commodum converti: & quomodo? C. II. R. LXI. n. 10.
 - - pænâ pro delicto ſemel exacta, alia exigi non poteſt, C. II. R. LXXXIII. num. 3.
- Pænitentes** digni ſunt venia, C. II. R. XXXVIII. n. 8.
- Pallii** uſus & privilegium, Cap. II. Reg. VII. num. 7.
- Papa** in quovis jure Eccleſiaſtico diſpenſare poteſt, C. II. R. I. n. 10. 24. Si quid indefinite ſtatuit ordinariè pro utroque foro intelligendum venit, ib. n. 25. Non cenſetur derogare conſuetudini & ſtatutis locorum niſi exprimat, C. II. Reg. XLVI. n. 7.
- Parochus** percipit fructus ſepulturæ à ſuis Parochianis etiam alibi ſepultis, C. II. R. LV. n. 6.
- - non percipiens proventus ſibi debitos, non tenetur ad onera ſibi injuncta, C. II. R. LV. n. 16.
- Par** in parem non habet Imperium: quomodo intelligendum? C. II. R. XVI. n. 7.
- Pars** continetur in toto, Cap. II. Reg. LXXX. n. 1. &c.
- Pæſtor** non excuſatur ſi lupus oves comedit & pæſtor nescit, C. I. R. X. per tot.
- Pæſtoris** nomine quinam veniant? C. I. R. X. n. 1.
- Pæſtoris** obligatio graviffima, C. I. R. X. n. 2. 3. modus utilis corrigendi ſubditos, ibid. n. 5. ignorantia invincibili excuſatur: prout & ſi ſua facit, & Ovis perit, n. 6. 7. v. *Pæſlati Eccleſiaſtici* &c.
- Pater** filiam in adulterio comprehenſam quomodo poſſit occidere, C. II. R. XXVIII. n. 10. R. LIII. n. 4.
- - ob nimiam inopiam poteſt vendere filium vel filiam, C. II. Reg. LXXXVIII. n. 4.
- Patronatus** juſ. varia de eo, C. II. Reg. XXVIII. n. 7. R. XXXIII. n. 4. R. LXXXIII. n. 5.
- Patronus** Eccleſiæ quænam habeat prærogativa honoris, & quæ onera, C. II. R. LXXVII. n. 5.
- Patronus** impeditus præſentare privatur jure præſentandi, C. II. R. XLI. n. 14.
- Patronus** Laicus quæ dimeſtre: Eccleſiaſticus ſemeſtre habet ad præſentandum, C. II. R. LXXIX. n. 5.
- Patronus**. v. *Beneficium patronatum*.
- Peccata** in foro externo ſæpe relinquuntur impunita, C. II. R. V. n. 5. 5.
- Peccati** venia non datur niſi pænitenti, Cap. II. R. V. n. 1. 3. 4.
- Peccatum** mortale qui unum non timet nec aliud timet, C. I. R. IX. n. 2. unum committens pænam damni æquè incurrit ac ſi omnia peccata mortalia commiſiſſet, ib. n. 3. 4. non verò pænam ſenſus, ib. n. 5.
- Peccatum** non dimittitur niſi reſtituatur ablatum, C. II. R. IV. per tot.
- Pecunia** non venit ſub nomine Auri vel Argenti, C. II. R. LXXX. n. 4.
- Perjurus** ſemel, ſemper præſumitur talis, nec ad jurandum admittitur, niſi contra ſeipſum, C. II. Reg. VIII. n. 16.

Index Alphabeticus Rerum

- Personarum acceptatio. v. *Acceptio*.
 Persuasio dolosa plus est quam violenta coactio,
 C. II. R. XXVII. n. 8.
 Petere, qui petit quod restituere debet, dolo
 facit, C. II. R. LIX. per tot.
 Placere, quod semel placuit amplius displicere
 non potest, vid. verbo- *quod semel* &c. infra.
Plerumque quid significet, Cap. II. R. XLV.
 n. 2.
 Pluralis locutio duorum numero est contenta,
 C. II. R. XL. per tot.
 Plus & minus quomodo sumatur, C. II. Reg.
 XXXV. n. 2. R. LIII. n. 2.
 Plus semper in se continet quod est minus, C. II.
 R. XXXV. n. 3. R. LXXX. n. 1.
 Pontificum anni computantur à die Corona-
 tionis, non electionis, C. II. R. LXXXVIII.
 n. 10.
 Possessio quid sit? C. II. R. III. n. 2. naturalis
 vel corporalis facta, tantum, ib. n. 3. ci-
 vilis seu juris tantum, ib. n. 4. naturalis & ci-
 vilis simul, ib. n. 5. 8. Civilissima, ib. n. 6.
 - - quasi possessio in rebus incorporalibus,
 Cap. II. Reg. III. n. 7. 10. 11.
 Possessio licet nudo animo agere non possit,
 tamen solo animo retineri valet, C. II. Reg.
 III. n. 8. 11.
 Possessor male fidei ullo tempore non præscri-
 bit, C. II. Reg. I. n. 27. R. II. n. 3. & seqq.
 R. LXXXII. n. 4.
 - - pro possessore habetur, qui dolo desit
 possidere, C. II. R. XXXVI. n. 2. 8.
 Possidentis conditio in pari causa potior est,
 C. II. R. XI. n. 12. R. XXX. n. 11. R. LXV. n.
 2. &c. 5. 6. &c.
 Præbenda integra cui conceditur, non potest di-
 midia conferri, etiam votanti, C. I. R. LIII.
 n. 13.
 Præceptum ex timore servili, aut respectu hu-
 mano servans, nihil meretur, C. II. R. VIII.
 n. 6.
 Prædium vendito, venditur etiam aquæ ductus
 ei inexistens, C. II. R. XLII. n. 9.
 Prælati Ecclesiastici repudiando hæreditatem,
 vel Legatum, cum damno Ecclesiæ, tenen-
 tur ad restitutionem, Cap. II. Reg. LXI. n. 9.
 R. LXXXVI. n. 4.
 Prælati potest causam Ecclesiæ meliorare, non
 verò deeriorare, C. II. R. LXXXVI. n. 2.
 - - nisi cum consensu Capituli: vel per deli-
 ctum omissionis, ib. n. 5. 6.
 - - propter Prælati Delictum monasterium
 Interdicto subicitur, ib. n. 7.
 Præscriptio sine possessione non procedit, C. II.
 R. I. n. 14. & R. III. per tot.
 - - ad præscriptionem quomodo requira-
 tur bona fides, Cap. II. Reg. II.
 per tot.
 Præscriptionem firmat temporis lapsus, Cap. II.
 R. XVIII. n. 14.
 Præscriptio triennalis Beneficii, C. II. R. I. n. 11.
 22. 23. 27.
 Præsentandi Jus, C. II. R. XXVIII. n. 7.
 Præsumptio juris tantum, C. II. R. VIII. n. 2.
 - - juris & jure, n. 3. - - hominis, n. 4.
 Præsumptio hominis alia violenta, alia non
 violenta, n. 4.
 Precarium non transit ad hæredem illius qui
 precarium rogat, C. II. Reg. XLVI. n. 16.
 Princeps supremus potest facere gratiam con-
 tra jura, Cap. II. Reg. XII. n. 6.
 Principe non decet esse inconstantem in suis
 promissis, C. II. R. XVI. n. 5.
 Principale quid dicatur, & quid accessorium,
 Cap. II. R. XLII. n. 2.
 Prior tempore potior jure, quomodo intelli-
 gendum? Cap. II. Reg. LIV. num. 2. 3.
 4. &c.
 Privilegia antiqua per nova non tolluntur, sed
 augentur, C. II. R. LXI. n. 5.
 Privilegia ex quibus causis per se cessent, C. II.
 R. XVI. n. 8. 9.
 Privilegia non ex tempore æstimantur, sed ex
 causa, C. II. R. LIV. n. 10.
 Privilegium aliud reale, aliud personale, C. II.
 R. VII. n. 2. 3.
 - - aliud personale communiter, aliud merè
 personale, n. 3. 10.
 - - personale sequitur personam & cum ea
 extinguitur, C. II. Reg. VII. n. 1. 4. 5. 6.
 R. XLVI. n. 18.
 Privilegium restrictum, C. II. R. VII. n. 7. 8.
 Privilegium debet interpretari, ut nullum, vel
 minus præjudicium afferat tertio, C. II. Reg.
 XLVIII. n. 13.
 Privilegium abusu, delicto &c. amittitur, C. II.
 R. VII. n. 9.
 Privilegium restitutionis in integrum, & S. C.
 Vellejani &c. transit ad hæredes, C. II. R.
 VII. n. 10.
 - - de privilegiis remissivè, C. II. Reg. VII.
 n. 11.
 - - in privilegiis corruente principali cor-
 ruunt accessoria, C. II. R. XLII. n. 8.
 Privilegium contra jus est stricte interpretan-
 dum, C. II. R. XV. n. 12.
 Privilegium suo subito concessum non decet
 Principem revocare sine causa, C. II. R. XVI.
 n. 3. 5. 6. nec alieno subito: præsertim si
 privilegium non sit merè gratuitum, ib. n.
 4. 7.
 Privilegium de jure competens à nullo, nec à
 Judice, potest auferri, C. II. R. XVII. n. 2.
 - - nisi à supremo legislatore ob gravem
 causam, ib. n. 3.
 Probatio in judiciis debet esse conclusens,
 C. II. R. XLV. n. 9.
 - - incumbit adherenti, C. II. Reg. LVII.
 n. 3.

ac Verborum.

Procurator indebitum solvens, sibi imputet, C. II. R. LXXXVI. n. 5.

Procurator, re adhuc integra, potest mutari, Cap. II. R. XXXIII.

Procurator, per institutionem alterius tacite censetur revocatus, C. II. R. LII. n. 10.

Procuratoris officium de jure non reputatur honorificum, C. II. R. LXXXVII. n. 8.

Procuratoris usus perquam necessarius est, C. II. R. LXVIII. n. 3. v. etiam verbo *Alius*.

Prodesse, quod alicui prodest, & alteri non nocet, non prohibetur, Cap. II. Reg. LVI. n. 8.

Professio. v. *Religiosa*.

Professores sunt Nobiles docendo 20. annis, C. II. R. LXI. n. 5.

Prohibitio. si quid prohibetur prohibentur omnia sequentia ex illo, non vero media ad illud, C. II. R. XXXIX. n. 2.

- multa prohibentur fieri, quae facta tenent, ib. n. 3.

- quod una via prohibetur alicui ad id non debet alia via admitti, C. II. Reg. LXXXIV. n. 3.

Prohibere quis dicatur, C. II. R. LVI. n. 2.

Prohiberi potest aliquid absolute, vel quoad modum, C. II. R. LXXXIV. n. 2.

Prohibita de jure in favorem tertii servanda sunt, si juramento firmentur, C. II. Reg. LVIII. n. 4.

Promissa servare humano commercio omnino congruum est, C. II. R. XXI. n. 7.

- in malis promissis fides non est servanda: & quoniam mala promissa dicantur, C. II. R. LXIX. num. 2. &c. 6. &c.

Promissum etiam juratum, non obligat, si pars altera fidem seu conditionem, non servet, C. II. R. LXXV. n. 6.

Pupillus contrahens sine autoritate tutoris cum majori non obligatur, C. II. R. XII. n. 3. R. LXXV. n. 12.

- non potest adire sine tutore hereditatem etiam pinguem, C. II. R. LXI. n. 6.

- cum pupillo contrahens ex ignorantia facti, quomodo excusetur, C. II. Reg. LXXXII. n. 5.

Q.

Quaestiones sumuntur pro Tortura, C. I. R. VI. n. 1.

Qui sentit onus, sentire debet commodum, & econtra, C. II. R. LV. n. 1. 2. &c.

- hujus Regulae fallentias. vid. ibid. n. 17. & seqq. R. LXXVII. n. 1. &c.

Quod non licet alicui suo nomine, nec alieno licebit, C. II. R. LXVII. per tot.

Quod semel placuit amplius displicere non potest, C. II. R. XXI.

- 1) si non sit contra jus vel animam, ibid. n. 2. 2) si libere & scienter & 3) si externe placuit, ib. n. 3. 4. 4) si alterius interlit in semel placito manere, ib. n. 5.

- fallit autem 1) in mutuo consensu, num. 15. 2) superveniente causa prius incognita, n. 16. 3) in iis in quibus licet de jure panitere, &c. num. 17. usque 22.

R.

Rapiens virginem volentem & consentientem raptum verum non committit, C. II. R. XXVII. n. 8.

Ratio legis est anima legis, Cap. II. Reg. XV. n. 23.

Ratio, ubi est similis vel major, facit extensionem concessionis, C. II. R. LXXVIII. n. 5.

Ratihabitio, seu ratum habere quid sit? C. II. R. IX. n. 2.

- retrotrahitur & mandato comparatur, C. II. R. IX. n. 2. 4. Reg. X. n. 2. 3. 4. &c. R. XVIII. n. 3.

- est alia proprie talis, seu juridica, & alia simplex, C. II. R. IX. n. 3. R. X. num. 3.

Ratihabere quis non potest quod suo nomine non est gestum, C. II. R. IX. n. 4. 5.

Receptores furum quare puniantur, C. II. R. IX. n. 11.

Regula juris quid sit. proæm. n. 2. 6.

Regulae, aliae juris civilis, aliae Canonici, ib. n. 7.

- aliae authenticae, aliae Brocardicae seu Doctrinales, n. 9. 10.

- authenticae habent vim juris, n. 11. 12.

- nulla regula sine exceptione, n. 12. 16.

Regulas juris scire & applicare maxima est utilitas. proæm. n. 13. 14. &c.

- regulae standum donec contrarium probetur, ib. n. 13.

- regulam habens pro se dicitur fovere jus certum, n. 13.

- ratio sumpta ex regula fortissima est, ib.

- à regulis in dubio non est recedendum, ibid.

Regula Cancellariae de trienniali possessione beneficii Ecclesiastici, C. II. R. I. n. 13. 19. 20. 21. 22.

Religionem intrare cogentes quinam excommunicantur, C. II. R. XV. n. 15.

Renunciare quilibet potest juri & favori suo, C. II. R. LVIII. n. 5.

Index Alphabeticus Rerum

- R**
- Repeti non potest datum & acceptum ob turpem causam, bene verò id quod quis dedit ne alter turpe quid committat, C. II. R. LXV. n. 3. 4. 5.
 - Religiosa professio ab initio invalida per quinquennium firmatur: non tractu temporis, sed quia professus eam præsumitur sub hoc tempore ratificasse, C. II. Reg. XVIII. n. 11.
 - Res communis. v. *In re communi.*
 - Res sacræ quæ, C. II. R. VII. n. 7.
 - semel Deo dicatæ ad usus profanos transferri non debent, C. II. Reg. LI. n. 2.
 - nisi in necessitate Ecclesiæ, vel pauperum, aut captivorum, ib. n. 7. 8.
 - Respectus personarum. v. *Acceptio.*
 - Restitutio in verbo venit omnis utilitas actoris, C. II. R. IV. n. 3. si reddi potest & non redditur, non agitur penitentia sed fingitur, ib. n. 2.
 - restitutio ab hæredibus facta an & quando juvet defunctum, ib. n. 6. 7. 8.
 - à restitutione excusantes causæ, ibid. n. 10.
 - Restitutionis in integrum privilegium transit ad hæredes, C. II. R. VII. n. 10.
 - Restitutio in integrum minori concessum, C. II. R. XVII. n. 5.
 - Retractari non debet factum legitime &c. v. *Factum.*
 - Reus quis dicatur, C. II. R. XI. n. 3.
 - rei favorabiliores habentur quàm actores, C. II. R. XI. n. 1. 6. 7. 8. R. XXXII. n. 3. 10. &c.
 - reus potest uti pluribus exceptionibus, C. II. R. XX. per tot.
 - reus appellans fit actor, C. II. Reg. XX. n. 9.
 - reus si judicem semel agnovit ut incompetentem recusare non potest, C. II. R. XXI. n. 9.
 - reus gaudet multis à jure quibus actor non gaudet, C. II. R. XXXII. n. 10. 11. 12. 13. &c.
 - reus quomodo possit negare factum, quod videt actorem probare non posse? C. II. R. LXIII. n. 6. 7. 9.
 - Rigor quando adhibendus, Cap. II. Reg. II. n. 7.
- S.**
- S**
- Sacræ personæ quæ dicantur, C. II. R. VII. n. 2.
 - res sacræ sunt Sacramenta: vasa sacrata: paramenta ac bona Ecclesiæ, C. I. R. VII. n. 3. 7. v. *Res sacræ.*
 - loca sacræ quæ? n. 4.
 - Sacramenta non recipiunt conditionem de futuro, C. II. R. L. n. 13.
 - Sacrilegium quomodo committatur vel non in personas, res, bona, & loca sacræ? C. I. R. VII. n. 5. 6. 7. 8. 9. 10. 11. 12.
 - Sacrilegium reputatur quidquid in sacratis Deo rebus & personis injuriè agitur, C. I. Reg. VII.
 - Scandali vitandi causa non est omittenda veritas: nec venialiter peccandum, C. I. R. III. n. 7. & per tot.
 - Scandalum pusillorum magis cavendum quàm pharisaicum, C. I. Reg. III. n. 9.
 - Scienti & consentienti non fit injuria, C. II. R. XXVII. n. 2. 3.
 - Scire, & scire debere, ac facile posse habentur pro eodem, C. II. R. XXVII. n. 2.
 - Senatus Consulti Vellejani privilegium transit ad hæredes Mulieris, C. II. R. VII. n. 10.
 - Sensus conjunctivus seu copulativus & disjunctivus quid aperetur, C. II. R. XLVIII. n. 2.
 - Sententia nulliter lata, nullo temporis tractu transit in rem judicatam, nec neglectis fatalibus appellationis, Cap. II. Reg. XVIII. n. 8.
 - Sententiam definitam latam Judex mutare aut revocare non potest, Cap. II. Reg. XXI. num. 8.
 - Sepultura, in communem Sepulturam extraneus non potest sepeliri nisi omnium consensu, C. II. R. LVI. n. 10.
 - Servus tacente Domino ordinatus fit liber, C. II. R. XLVIII.
 - invito verò Domino ordinatus restitui debet, C. II. R. LI. n. 9.
 - Seu. quando sumatur pro dictione copulativa? C. II. Reg. LXX. num. 20.
 - Similium idem est judicium. proæm. n. 13.
 - Simonia est quoties datur vel promittitur temporale pro Spirituali, C. I. R. XI. n. 3.
 - quomodo committatur in obtinendo beneficio, C. II. R. I. n. 28. remissivè.
 - Simonicus quomodo teneatur restituere, C. II. R. LXV. n. 9.
 - Simoniæ ab alio commissæ pænæ quando quis incurrat, C. II. R. XXIII. n. 4.
 - Socii mora nocet alteri Socio, C. II. Reg. XXV. n. 12.
 - Socius quid possit facere in re communi invito socio, C. II. Reg. LVI. n. 11. 12.
 - in societate nemo compellitur invitus manere, ib. n. 14.
 - Solutio tollit obligationem debiti, per quemcunque fiat, Cap. II. Reg. LXXXIII. num. 2. & 5.
 - Spoliatus quomodo & quando ante omnia restituendus, C. II. R. LIX. n. 8.

ac Verborum.

Sponsalia de futuro occultè contracta, sed postea divulgata, ad sui dissolutionem requirunt Auctoritatem Judicis Ecclesiastici, C. I. R. I. n. 6.

Sponsalia ab initio nulla per lapsum temporis non convalescunt, C. II. R. XVIII. n. 7.

Sponsalia nulliter contracta non præstant impedimentum, C. II. R. n. 4. 9.

Sponsalia nomine filiae scientis & tacentis contracta valent, C. II. R. XLIII. n. 7.

Stipulatio non potest confici nisi utroque loquente, C. II. R. XLIII. n. 15.

Stulti non debent esse melioris conditionis quam periti, C. II. R. XV. n. 24.

Subditi à Principibus vel Dominis injustè gravati tacendo non videntur consentire, C. II. R. XLIII. n. 17.

Substitutio facta filio evanescit, si hic liberos procreat, C. II. R. XLV. n. 7.

Succedens in ius alterius eo iure, quo ille, uti debet, Cap. II. Reg. XLVI. & Reg. LXXIX.

- - præsumitur ignorare facta antecessoris, C. II. R. XIV. per tot.

Succedens in honore, etiam in onere succedere debet, C. II. R. LXXVII. n. 2. &c.

Succesor universalis & particularis quis? quomodo uterque succedat activè & passivè, Cap. II. Reg. XLVI. num. 2. 3. 4. 6. 7. & ad quid teneatur, ib. n. 9. 10. 11.

Successoribus universalibus æquiparantur Prælati Ecclesiastici, Cap. II. Reg. XLVI. num. 5.

Superflua verba non vitiant scripturam, C. II. R. XXXVII. n. 7.

Superiores scientes defectus & tacentes consentire videntur: nisi ex causâ taceant, C. II. R. XLIII. n. 10. 16. v. *Pastor*.

T.

TAcens ad interrogationem alterius regulariter nec confiteri nec negare præsumitur, C. II. R. XLIV. n. 3. 4. à iudice legitime interrogatus, si tacet, habetur pro confesso, n. 6. 7.

- - qui ex duobus sibi objectis unum negat, ad alterum tacet, hoc fateri censetur, n. 8.

Tacere medium est inter fateri & negare, C. II. R. XLIV. n. 3. 4.

Tacens quomodo consentire videatur, C. II. R. XLIII. n. 2. 3. 4. 5. & in quibus hæc regula fallat, ib. n. 12. usque 18.

- - quomodo non solum in favorabilibus sit intelligenda, n. 3. 4.

- - locum habet tantum in dubiis: non ubi satis apparet tacentem consentire non luisse, n. 18.

Temporalia, quæ de jure debentur, licet exigere & præstare pro Spiritualibus, C. I. R. XI. n. 5.

Temporis diuturnitas in malæ fidei possessione peccatum non minuit, sed augeat, C. II. R. I. n. 15. R. II. n. 11.

- - tractu temporis non firmatur quod ab initio de jure non subsistit, C. II. R. X. num. 7. R. XVIII. per tot.

- - temporis lapsus quantum valeat in præscriptione, Cap. II. Reg. XVIII. n. 14.

Territorii nomine veniunt etiam loca exempta in favorabilibus, non in odiosis, C. II. R. XV. n. 19.

Testamenti causa est favorabilis Actori, C. II. R. XI. n. 10.

Testamentum ab amente, impubere &c. factum, non convalescit, si postea fiat rationis compos, aut pubescat, C. II. R. XVIII. n. 5.

Testamentum impugnans ut inofficiosum, aut falsum, nihil percipit ex illo, C. II. Reg. XXXVIII. n. 6. secus si impugnat ut minus solenne, ibid.

Testamentum ritè confectum non revocatur per aliud imperfectum, Cap. II. Reg. LII. num. 6.

Testamentum minus solenne ad pias causas validum, facit etiam valere legata profana, C. II. R. XLII. n. 10.

Testamento invalido legata pia valent, Cap. II. R. XLII. n. 12. 15.

Testatus partim, & partim intestatus nemo potest decedere, Cap. II. Reg. XXXV. n. 12.

Testes non valent nisi rogati, C. II. R. XXXI. n. 12.

Testes duo ordinariè sufficiunt, C. II. R. XL. n. 4.

Testimonium in uno falsum ex toto censetur falsum, C. II. R. XXXVII. n. 13.

Testis depositio dubia contra producentem est interpretanda, Cap. II. Reg. LVII. n. 6.

Timor Dei alius filialis, alius servilis, C. I. R. VIII.

- - servilis alius bonus & utilis, alius purè mundanus & inutilis, ib. n. 2. 3. 4. 5.

- - ex timore servili inutili faciens præceptum nihil meretur, n. 6.

Torneamento mortuus privatur Ecclesiastica Sepultura, C. II. R. LIII. n. 11.

Torturæ usus debitè servatus approbatur, C. I. R. VI. n. 3.

Index Alphabeticus Rerum ac Verborum.

- - à torturâ non est inchoandus processus, ib. n. 2.
- - ad debitum torturæ modum quam requirantur ib. à n. 5. usque 11.
- - à Torturâ quinam sint immunes? ibid. n. 8.
- - contra judicem non servato juris ordine ad torturam procedentem, datur appellatio, & actio injuriarum perpetua, ibid.
- Totum. quod juris est in toto, idem etiam est in qualibet parte ipsius, C. II. R. LXVI. n. 4.
- - in toto pars continetur, C. II. R. LXXX. n. 1. &c.
- Traditio rei venditæ vel donatæ quid aperetur, C. II. R. LIV. n. 2.
- Transactio generalis extendit se etiam ad incognita & ignorata, Cap. II. Reg. LXXXI. n. 7.
- Turpis rei pactum num valet, C. II. R. LXXXV. n. 6.
- Tutor cui licet vendere rem pupillarem, non tamen potest eam oppignorare, C. II. Reg. LIII. num. 16.
- Vestigalia recipiens debet reparare vias, &c. C. II. R. LV. n. 14.
- Vel quando sit dictio copulativa? C. II. R. LXX. n. 19.
- Venditor non tenetur vitium notum rei venditæ insinuare, C. II. Reg. XXXI. n. 5.
- - nec tenetur ad evictionem nisi ab emptore laudatus, Cap. II. Reg. XXXI. num. 14.
- Venia peccati. v. *Peccatum.*
- Veniæ facilitas est incentivum peccandi, C. I. R. II. n. 7.
- Verisimilius quid dicatur, Cap. II. Reg. XLV. num. 2.
- Verisimilitudo habetur pro veritate, C. II. Reg. XLV. n. 3. 9.
- Veritas non est omittenda propter scandalum vitandum, C. II. Reg. III. n. 3.
- Vicarius generalis non potest conferre beneficia, C. II. R. LXXXI. n. 5.
- Vota. in dubiis fit interpretatio pro vovente, C. II. R. LVII. n. 10.
- Votum continentiae à duobus conjugibus factum, uno violante, ab altero debet servari, C. II. R. LXXXV. n. 11.
- Usufructuarius qui arbores plantare debet, etiam eorum commodum recipiet, Cap. II. R. LV. n. 8.

V.

Vasa sacra tangere quando liceat, C. I. R. VII. n. 19.



Re-
vula.

OMnis res, per quascunque causas nascitur,
per easdem dissolvitur.

Quod non est licitum in lege, necessitas facit
licitum. Nam & Sabbatum custodiri præceptum
est: Machabæi enim sine culpa suam in Sabbato
pugnabant. Sic & hodie, si quis jejunium fre-
gerit ægrotus, reus voti non habetur.

4

Es.


39

Index Alphabeticus Regul. Lib. VI. Decretal.

Re-
26 **E**A, quæ fiunt à Judice, si ad ejus non spectant officium, viribus non subsistunt.
31 **E**um, qui certus est, certiorari ulterius non oportet.
63 **E**xceptionem obiciens non videtur de intentione adversarii confiteri.
38 **E**x eo non debet quis fructum consequi, quod nifus extitit impugnare.
73 **F**actum legitime retractari non debet, licet casus postea eveniat, à quo non potuit inchoari.
75 **F**rustrà sibi fidem quis postulat ab eo servari, cuiusdem à se præstitam servare recusat.
34 **G**eneri per speciem derogatur.
13 **I**gnorantia facti non juris excusat.
41 **I**mputari non debet ei, per quem non stat, si non faciat quod per eum fuerat faciendum.
70 **I**n alternativis debitoris est electio, & sufficit alterum impleri.
78 **I**n argumentum trahi nequeunt, quæ propter necessitatem aliquando sunt concessa.
17 **I**ndultum à Jure beneficium non est alicui auferendum.
87 **I**n famibus portæ non pateant dignitatum.
81 **I**n generali concessione non veniunt ea, quæ quis non esset verisimiliter in specie concessurus.
12 **I**n judiciis non est acceptio personarum habenda.
69 **I**n malis promissis fidem non expedit observari.
30 **I**n obscuris minimum est sequendum.
65 **I**n pari delicto vel causa, potior est conditio possidentis.
49 **I**n penis benignior est interpretatio facienda.
56 **I**n re communi potior est conditio prohibentis.
45 **I**n rebus in obscuris, quod est verisimilius, vel quod plerumque fieri consuevit.
80 **I**n toto partem non est dubium contineri.
44 **I**s, qui tacet, non fatetur: sed nec utique negare videtur.
46 **I**s, qui in jus succedit alterius, eo jure, quo ille, uti debet.
48 **L**ocupletari non debet aliquis cum alterius injuria, vel jactura.
25 **M**ora sua cuilibet est nociva.
33 **M**utare consilium quis non potest in alterius detrimentum.
6 **N**emo potest ad impossibile obligari.
79 **N**emo potest plus juris transferre in alium, quam sibi competere dignoscatur.
22 **N**on debet aliquis alterius odio prægravari.
60 **N**on est in mora, qui potest exceptione legitime se tueri.
58 **N**on est obligatorium contra bonos mores præstitum juramentum.
19 **N**on est sine culpa, qui rei, quæ ad eum non pertinet, se immiscet.
18 **N**on firmatur tractu temporis, quod de jure ab initio non subsistit.
32 **N**on licet actori, quod replicatum non exiit.
52 **N**on præstat impedimentum, quod de jure non sortitur effectum.

Re-
62 **N**ullus ex consilio, dummodo fraudulentum non fuerit, obligatur.
20 **N**ullus pluribus uti defensionibus prohibetur.
15 **O**dia restringi, & favores convenit ampliare.
5 **P**eccati venia non datur nisi correcto.
4 **P**eccatum non dimittitur, nisi restituatur ablatum.
40 **P**luralis locutio duorum numero est contenta.
35 **P**lus semper in se continet, quod est minus.
2 **P**ossessor malæ fidei ullo tempore non præscribit.
68 **P**otest quis per alium, quod potest facere per seipsum.
47 **P**ræsumitur ignoratia, ubi scientia non probatur.
7 **P**rivilegium personale personam sequitur, & extinguitur cum persona.
36 **P**ro possessore habetur, qui dolò desit possidere.
28 **Q**uæ à jure communi exorbitant, nequaquam ad consequentiam sunt trahenda.
64 **Q**uæ contra jus fiunt, debent utique pro infectis haberi.
71 **Q**ui ad agendum admittitur, est ad excipiendum multò magis admittendus.
82 **Q**ui contra jus mercatur, bonam fidem præsumitur non habere.
72 **Q**ui facit per alium, est perinde, ac si faciat per seipsum.
54 **Q**ui prior est tempore, potior est jure.
55 **Q**ui sentit onus, sentire debet commodum, & è contra.
43 **Q**ui tacet, consentire videtur.
74 **Q**uod alicui gratiosè conceditur, trahi non debet ab aliis in exemplum.
67 **Q**uod alicui suo non licet nomine, nec alieno licebit.
61 **Q**uod ob gratiam alicujus conceditur, non est in ejus dispendium retorquendum.
29 **Q**uod omnes tangit, debet ab omnibus approbari.
24 **Q**uod quis mandatò facit Judicis, dolò facere non videtur: cum habeat parère necessè.
21 **Q**uod semel placuit, amplius displicere non potest.
10 **R**ati habitationem retrotrahi, & mandato non est dubium comparari.
77 **R**ationi congruit, ut succedat in onere, qui substituitur in honore.
9 **R**atum quis habere non potest, quod ipsius nomine non est gestum.
27 **S**cienti & consentienti non fit injuria, neque dolus.
51 **S**emel Deo dicatum, non est ad usus humanos ulterius transferendum.
8 **S**emel malus, semper præsumitur esse malus.
23 **S**ine culpa, nisi subsistat causa, non est aliquis puniendus.
3 **S**ine possessione præscriptio non procedit.

Utile non debet per inutile vitari.
CAPUT 37



CAPUT TERTIUM SEU APPENDIX, DE REGULIS JURIS CIVILIS.

Juxta promissum, in Frontispicio & Proæmio, subjungimus hanc Appendicem, & Caput tertium de Regulis Juris Civilis pro compendiosa notitia præsertim eorum, quibus Corpus Juris Civilis non semper ad manus est; Et quidem pro commodiori usu ponimus illas prius eo ordine, quò in Digestis *Lib. 50. Tit. 17.* positæ sunt, dein etiam ordine alphabetico.

Sequuntur ergo Regulæ Juris Civilis eo ordine, quo in Jure, citatò locò inveniuntur positæ.

Caput tertium seu Appendix

1.

De Regula.

Regula est, quæ rem, quæ est, breviter enarrat. Non ut ex Regula Jus sumatur, sed ex Jure, quod est, Regula fiat. Per Regulam igitur brevis rerum narratio traditur, & (ut ait Sabinus) quasi causæ conjectio est: quæ, simul cum in aliquo vitata est, perdit officium suum.

2.

De Feminis. De impubere.

Feminae ab omnibus Officiis civilibus, vel publicis remotæ sunt: & ideo nec judices esse possunt, nec Magistratum gerere, nec postulare, nec pro alio intervenire, nec procuratores existere. 1) Item impubes omnibus officiis civilibus debet abstinere.

3.

Non nolle, velle.

Ejus est non nolle, qui potest velle.

4.

Velle non creditur, qui obsequitur imperio Patris, vel Domini.

5.

De Furioso & Pupillo.

In negotiis contrahendis alia causa habita est furiosorum, alia eorum, qui fari possunt, quamvis actum rei non intelligerent; nam furiosus nullum negotium contrahere potest: pupillus omnia, Tutore auctore, agere potest.

6.

De eo, qui ad alium vult transferre hereditatem.

Non vult hæres esse, qui ad alium vult transferre hereditatem.

7.

De Testato, & Intestato.

Jus nostrum non patitur eundem in paganis, & testato & intestato decessisse; earumque rerum naturaliter inter se pugnare est, testatus, & intestatus.

8.

De Jure Sanguinis.

Jura sanguinis nullo Jure Civili dirimi possunt.

9.

De obscuris.

Semper in obscuris, quod minimum est, sequimur.

10.

De Commodis, & Incommodis.

Secundum naturam est, comoda cujusque rei eum sequi, quem sequentur incommoda.

11.

De Translatione Domini.

Id, quod nostrum est, sine facto nostro ad alium transferri non potest.

12.

De Interpretatione Testamentorum.

In testamentis plenius voluntates testantium interpretantur.

13.

De Effectu Exceptionis.

Non videtur cepisse, qui per exceptionem à petitione removetur.

14.

De Die Obligationis.

In omnibus obligationibus, in quibus dies non ponitur, præsentis die debetur.

15.

De effectu actionis.

Is, qui actionem habet ad rem recuperandam, ipsam rem habere videtur.

16.

De imaginaria Venditione.

Imaginaria Venditio non est pretio accedente.

17.

De Tempore.

Cum tempus in testamento adijcitur: credendum est pro hærede adjectum, nisi alia mens fuerit testatoris: sicut in stipulationibus promissoris gratia tempus adijcitur.

18.

De acquisitione.

Quæ legata, mortuis nobis, ad hæredem nostrum transeunt, eorum commodum per nos his, quorum in potestate sumus, eodem casu adquirimus: aliter atque quod stipulati sumus: nam & sub conditione stipulantes, omnimodo eis adquirimus, etiam si libertatis nobis potestate domini, conditio existat.

19.

De Conditione contrahentis, vel legatarii.

De doli exceptione.

Qui cum alio contrahit, vel est, vel debet esse non ignarus conditionis ejus: hæredi autem hoc imputari non potest, cum non sponte cum legatariis contrahit. 1. Non solet exceptio doli nocere his, quibus voluntas testatoris non refragatur.

20.

De Favore Libertatis.

Quoties dubia interpretatio libertatis est, secundum libertatem respondendum erit.

21.

De eo, quod est plus vel minus.

Non debet, cui plus licet, quod minus est, non licere.

de Regulis Juris Civilis.

22.

De Servis. 1. De conditione in arbitrium domini, vel procuratoris ejus collata.

In personam servilem nulla cadit obligatio. 1. Generaliter probandum est, ubicunque in bonæ fidei judiciis confertur in arbitrium domini vel procuratoris ejus conditio, pro boni viri arbitrio habendum esse.

23.

De dolo, culpa, diligentia, & casu.

Contractus quidam dolum malum duntaxat recipiunt: quidam & dolum & culpam: dolum tantum depositum & precarium: dolum & culpam, mandatum, commodatum, venditum, pignori acceptum, locatum, item dotis datio, tutelæ negotia gesta in his quidam & diligentiam, societas & rerum Communio, & dolum & culpam recipit: sed hæc ita, nisi, si quid nominatim convenit, vel plus vel minus, in singulis contractibus: nam hoc servabitur, quod initio convenit legem enim contractus dedit: excepto eo quod celsus putat, non valere, si convenerit, ne dulus præstetur: hoc enim bonæ fidei judicio contrarium est: & ita utimur. Animalium verò casus, mortes, quæque sine culpa accidunt, fugæ servorum, qui custodiri non solent, rapinæ, tumultus, incendia, aquarum magnitudines, impetus prædonum à nullo præstantur.

24.

De eo, quod interest.

Quatenus cujus interest, in facto, non in jure consistit.

25.

De Cautione.

Plus cautionis in re est, quàm in personâ.

26.

Qui potest invitis alienare, multò magis & ignorantibus, & absentibus potest.

27.

De Pactis. De causis Obligationum. De modo actionum.

Nec ex Prætorio, nec ex solenni Jure, privatorum conventionem quidquam immutandum est: quamvis obligationum causæ pactione possint immutari, & ipso jure, & per pacti conventi exceptionem: quia actionum modus, vel lege, vel per Prætorem inductus, privatorum pactionibus non infirmatur: nisi tunc, cum inchoatur actio, inter eos convenit.

28.

De his, qui ex liberalitate conveniuntur.

Divus Pius rescriptit, eos, qui ex liberalitate

conveniuntur, in id, quod facere possunt condemnandos.

29.

De eo, quod initio vitiosum est.

Quod initio vitiosum est, non potest tractu temporis convalescere.

30.

De Nuptiis.

Nuptias non concubitus, sed consensus facit.

31.

De factis. De eo, quod est impossibile.

Verum est, neque pacta, neque stipulationes factum posse tollere: quod enim impossibile est, neque pacto, neque stipulatione potest comprehendi, ut utilem actionem, aut factum efficere possit.

32.

De Servis. De hominum æqualitate.

Quod attinet ad Jus Civile, servi pro nullis habentur: non tamen & Jure naturali: quia quod ad Jus naturale attinet omnes homines æquales sunt.

33.

De Actore, & Reo.

In eo, quod vel is, qui petit, vel is, à quo petitur, lucri facturus est, durior causa est petitoris.

34.

De Interpretatione contractuum.

Semper in stipulationibus, & in cæteris contractibus id sequimur, quod actum est, aut si non appareat, quid actum est, erit consequens, ut id sequamur, quod in Regione, in qua actum est, frequentatur. Quid ergo, si neque Regionis mos appareat, quia varius fuit? ad id, quod minimum est, redigenda summa est.

35.

Quibus modis tollitur obligatio.

Nihil tam naturale est, quam eo genere quidve dissolvere, quo colligatum est: ideo verborum obligatio verbis tollitur, nudi consensus obligatio contrario consensu dissolvitur.

36.

De Culpa.

Culpa est, immiscere se rei ad se non pertinenti.

37.

De Condemnatione, & Absolutione.

Nemo, qui condemnare potest, absolvere non potest.

38.

De Herede.

Sicuti pæna ex delicto defuncti hæres teneri
(C) 3 non

Caput tertium seu Appendix

non debeat: ita nec lucrum facere, si quid ex ea re ad eum pervenisset.

39.
De eo, quod per alium fiat, quo minus fiat.

In omnibus causis pro facto accipitur id, in quo per alium mora sit, quo minus fiat.

40.
De furioso & prodigo.
Furiosi, velejus, cui bonis interdictum sit, nulla voluntas est.

41.
De actore & reo. I. De re obscura.
Non debet actori licere, quod reo non permittitur. I. In re obscura melius est favere repetitioni, quam adventitio lucro.

42.
De Ignorantia.
Qui in alterius locum succedunt, justam habent causam ignorantiae, an id, quod peteretur, deberetur. Fidejussores quoque non minus, quam haeredes justam ignorantiam possunt allegare. Hac ita de herede dicta sunt, si cum eo ageretur: non etiam, si agat: nam plane qui agit, certus esse debet: Cum sit in potestate ejus, quando velit, experiri: & ante debet rem diligenter explorare, & tunc ad agendum procedere.

43.
De concurrentibus defensionibus. I. Vel actionibus.
Nemo ex his, qui negant, se debere, prohibetur etiam alia defensione uti, nisi lex impedit. I. Quoties concurrunt plures actiones ejusdem rei nomine, una quis experiri debet.

44.
De Herede.
Totiens in heredem damus de eo, quod ad eum pervenit, quotiens ex dolo defuncti convenitur non quotiens ex suo.

45.
De Pignore, Deposito, Precario, Emptione, Locatione. I. De Conventionibus.
Neque pignus, neque depositum, neque precarium, neque emptio, neque locatio rei suae consistere potest. I. Privatorum conventio juri publico non derogat.

46.
De Pena.
Quod à quoquo pœnæ nomine exactum est, id eidem restituere nemo cogitur.

47.
De Consilio. I. De Sociis.
Consilii non fraudulentum nulla obligatio est: Caterum si dolo & calliditas intercessit, de dolo actio comperit. I. Socii mei socius, meus socius non est.

48.
De calore iracundiae. De Divortio.
Quidquid in calore iracundiae vel fit, vel di-

citur, non prius ratum est, quam si perseverantia apparuit, iudicium animi fuisse: ideoque brevi reverlauxor, nec divortisse videtur.

49.
De Circumventione.
Alterius Circumventio alii non probet actionem.

50.
Culpa caret, qui scit, sed prohibere non potest.

51.
Capere.
Non videtur quisquam id capere, quod ei necesse est alii restituere.

52.
Non defendere.
Non defendere videtur, non tantum, qui latitat, sed & is, qui praesens negat se defendere, aut non vult suscipere actionem.

53.
De Solutione indebiti.
Cujus per errorem dati repetitio est, ejus consulto dati donatio est.

54.
De Juris translatione.
Nemo plus juris ad alium transferre potest, quam ipse haberet.

55.
De eo, qui suo jure utitur.
Nullus videtur dolo facere, qui suo jure utitur.

56.
De Dubiis.
Semper in dubiis benigniora praefenda sunt.

57.
Ne bis exigatur.
Bona fides non patitur, ut bis idem exigatur.

58.
De peculio.
Ex penalibus causis non solet in partem de peculio actio dari.

59.
De herede.
Heredem ejusdem potestatis, jurisque esse, cujus fuit defunctus, constat.

60.
Mandati.
Semper, qui non prohibet pro se intervenire, mandare creditur. Sed & si quis ratum habuerit, quod gestum est: obstringitur mandati actione.

61.
De refectioe domus.
Domum suam reficere unicuique licet, dum non officiat invito alteri, in quo jus non habet.

de Regulis Juris Civilis:

62.

De Hæreditate.

Hæreditas nihil aliud est, quam successio in universum jus, quod defunctus habuerit.

63.

De Mora.

Qui sine dolo malo ad iudicium provocat, non videtur moram facere.

64.

De his, quæ raro accidunt.

Ea, quæ raro accidunt, non temere in agendis negotiis computantur.

65.

De Cavillatione, seu Sorite.

Ea est natura cavillationis, quam Græci *σωγι-
στος* (id est *acervalem Syllogismum*) appel-
lant, ut ab evidenter veris per brevissimas muta-
tiones disputatio ad ea, quæ evidenter falsa sunt,
perducatur.

66.

De Exceptione.

Marcellus: definit debitor esse is, qui nactus
est exceptionem justam, nec ab acquitare naturali
abhorrentem.

67.

De Sermonem ambiguo.

Quotiens idem sermo duas sententias expri-
mit, ea potissimum excipitur, quæ rei geren-
dæ aptior est.

68.

De Beneficiis.

In omnibus causis id observatur: ut uti per-
sonæ conditio locum facit beneficio, ibi defi-
ciente ea beneficium quoque deficiat: ubi verò
genus personis id desiderat: ubi ad quemvis per-
sonam ejus devenient, non deficiat ratio au-
xilii.

69.

Invito Beneficium non datur.

70.

De potestate gladii, vel alterius coerci- tionis.

Nemo potest gladii potestatem sibi datam,
vel cujus alterius coercionis ad alium trans-
ferre.

71.

Quæ per libellum expediri non possunt.

Omnia, quæcunque causæ cognitionem de-
siderant, per libellum expediri non possunt.

72.

De Jure pignorandi.

Fructus rei est vel pignori dare licere.

73.

De tutela, & hæreditate. 2. De Vi, & Clam. 3. De
his, quæ in testamento intelligi non possunt.

4. Extraneo caveri non posse.

Quo tutela redit, eo hæreditas pervenit, nisi
cùm famina hæredes intercedunt. 1. Nemo
potest tutorem dare cuiquam, nisi ei, quem in
suis hæredibus, cùm moritur, habuit, habitu-
rûsve esset, si vixisset. 2. V. factum id vide-
tur esse, quæ de re quis, cùm probetur, fecit.
Clam, quod quisque, cùm controversiam ha-
beret, habiturûsve se putaret, fecit. 3. Quæ
in testamento ita sunt scripta, ut intelligi non
possint: perinde sunt, ac si scripta non essent.
4. Nec paciscendo, nec legem dicendo, nec
stipulando quisquam alteri cavere potest.

74.

Ne cui per alium iniqua conditio in-
feratur.

Non debet alteri per alterum iniqua condi-
tio inferri.

75.

De mutatione consilii.

Nemo potest mutare consilium suum in alte-
rius injuriam.

76.

De his, quæ animi destinatione agenda
sunt.

In totum omnia, quæ animi destinatione
agenda sunt, non nisi vera & certa scientia
perfici possunt.

77.

De actibus legitimis. De tacito, &
expresso.

Actus legitimi qui recipiunt diem vel con-
ditionem, veluti mancipatio, acceptilatio, hæ-
reditatis aditio, servi optio, datio Tutoris,
in totum vitantur per temporis vel conditio-
nis adjectionem: nonnunquam tamen actus
supra scripti tacite recipiunt, quæ aperte com-
prehensa vitium afferunt: Nam si acceptum
feratur ei, qui sub conditione promissus, ita
demum egisse aliquid acceptilatio intelligitur,
si obligationis conditio exierit: quæ si ver-
bis nominatim acceptilationis comprehendatur,
nullius momenti faciet actum.

78.

De fraude.

Generaliter, cum de fraude disputatur, non
quid habeat actor, sed quid per adversarium ha-
bere non potuerit, considerandum est.

79.

Fraudis interpretatio semper in jure civili non
ex eventu duntaxat, sed ex consilio quoque de-
sideratur.

80.

De genere, & specie.

In toto Jure generi per speciem derogatur,
& illud potissimum habetur, quod ad speciem
directum est.

81. De

Caput tertium seu Appendix

81.

De his, quæ dubitationis tollendæ causâ contractibus inferuntur.

Quæ dubitationis tollendæ Causâ contractibus inferuntur, jus commune non lædunt.

82.

De donatione.

Donari videtur, quod nullo jure cogente conceditur.

83.

De amissione.

Non videntur rem admittere, quibus propria non fuit.

84.

Si amplius solutum sit, quam debebatur. 1. De naturalibus obligationibus.

Cum amplius solutum est, quam debebatur, cujus pars non invenitur, quæ repeti possit, totum esse indebitum intelligitur, manente pristina obligatione. 1) Is natura debet, quem jure gentium dare oportet, cujus fidem secuti sumus.

85.

De Dote. 1. De his, quæ ad eum Casum pervenerunt, à quo non possunt initium capere. 2. Si æquitate desiderii naturalis ratio, aut dubitatio juris moretur.

In ambiguis pro dotibus respondere, melius est. 1) Non est novum, ut, quæ semel utiliter constituta sunt, dureng, licet ille casus extiterit, à quo initium capere non potuerunt. 2) Quotiens æquitate desiderii naturalis ratio, aut dubitatio juris motatur, justis decretis res temperanda est.

86.

De litis Contestatione.

Non solet deterior conditio fieri eorum, qui litem contestati sunt, quam si non: sed plerumque melior.

87.

Nemo enim in persequendo deteriorem causam, sed meliorem facit. Denique post litem contestatam hæredi quoque prospiceretur, & hæres tenetur ex omnibus causis.

88.

De mora.

Nulla intelligitur mora ibi fieri, ubi nulla petitio est.

89.

De successione ex testamento, vel ab intestato.

Quamdiu possit valere testamentum, tamdiu legitimus non admittitur.

90.

De æquitate.

In omnibus quidem, maxime tamen in Jure æquitas spectanda sit.

91.

De Successione.

Quotiens duplici jure defertur alicui successio: repudiato novo jure, quo ante defertur, supererit vetus.

92.

De errore librarii in transcribendo.

Si librarius in transcribendis stipulationis verbis errasset; nihil nocere, quo minus & reus & fidejussor teneatur.

93.

De possessione rei peculiaris.

Filius familias neque retinere, neque recuperare, neque adipisci possessionem rei peculiaris videtur.

94.

De his, quæ abundant.

Non solent, quæ abundant, vitare scripturas.

95.

De eo, qui defenditur.

Nemo dubitat, solvendo videri eum, qui defenditur.

96.

De ambiguis orationibus.

In ambiguis orationibus maxime sententia spectanda est ejus, qui eas protulisset.

97.

De bonis deportati.

Ea sola deportationis sententia aufert, quæ ad fiscum perveniunt.

98.

De lucro.

Quotiens utriusque causa lucri ratio vertitur, is proferendus est, cujus in lucrum causa tempore præcedit.

99.

De eo, qui ignorat, quantum solvere debeat.

Non potest improbus videri, qui ignorat, quantum solvere debeat.

100.

Quibus modis contractus, vel obligatio tollitur.

Omnia, quæ jure contrahuntur, contrario jure pereunt.

101.

De duobus mensibus.

Ubi lex duorum mensium fecit mentionem, & qui sexagesimo & primo die venerit, audiendus est: ita enim & Imperator Antoninus cum divo Patre suo rescripsit.

de Regulis Juris Civilis.

102.

Qui adversus editum facere dicatur. 1. De actione deneganda.

Qui vetante prætoris fecit, hic adversus Editum fecisse propriè dicitur. 1. Ejus est actionem denegare, qui possit & dare.

103.

Neminem de domo sua extrahi.

Nemo de domo suâ extrahi debet.

104.

De judiciis famosis, & pecuniariis.

Si in duabus actionibus alibi summa major, alibi infamia est, præponenda est causa existimationis. Ubi autem equiparant famosa judicia, & si summam imparem habent, pro paribus accipienda sunt.

105.

De causâ cognitione.

Ubicunque, causâ cognitio est, ibi Prætor desideratur.

106.

De libertate.

Libertas inæstimabilis res est.

107.

De servo.

Cum servo nulla actio est.

108.

De judiciis pœnalibus.

Fere in omnibus pœnalibus judiciis & ætati & imprudentiæ succurritur.

109.

De eo, qui non prohibet.

Nullum crimen patituris, qui non prohibet, cum prohibere non potest.

110.

De eo, quod est plus vel minus. 1. De expromissore alienæ rei. 2. De pupillo. 3. De verbis non conjunctis. 4. De mulieribus.

In eo, quod plus sit, semper inest & minus. 1. Nemo alienæ rei expromissor idoneus videtur, nisi si cum satisfactione. 2. Pupillus pati posse non intelligitur. 3. Ubi verba conjuncta non sunt, sufficit alterutrum esse factum. 4. Mulieribus tunc succurrendum est, cum defendantur, non ut facilius calumnientur.

111.

De pupillo. 1. De hærede, de actionibus pœnalibus.

Pupillum, qui proximus pubertati sit capacem esse & furandi, & injuriæ faciendæ. 1. In hæredem non solent actiones transire, quæ pœnales sunt ex maleficio; veluti furti, damni, injuriæ, vi bonorum raptorum injuriarum.

Regule Juris.

112.

De actione non competente. De Exceptione.

Nihil interest, ipso jure quis actionem non habeat, an per exceptionem infirmetur.

113.

De Toto, & Parte.

In toto & pars continetur.

114.

De obscuris.

In obscuris inspicitur, quod verisimilius est, aut quod plerumque fieri solet.

115.

Qui videtur cepisse, 1. seu accepisse.

Si quis obligatione liberatus sit, potest videri cepisse. 1. Non potest videri accepisse, qui stipulatus potest exceptione summoveri.

116.

De consensu, vi, Metu. 1. De eo, qui jus publicum sequitur. 2. De consensu, & errore.

Nihil consensui tam contrarium est, qui bonæ fidei judicia sustinet, quàm vis, atque metus: quem comprobare contra bonos mores est. 1. Non capitur, qui Jus publicum sequitur. 2. Non videntur, qui errant, consentire.

117.

De Bonorum possessore.

Prætor bonorum possessorem hæredis loco in omni causa habet.

118.

De usu capione, & possessione.

Qui in servitute est, usucapere non potest: nam cum possideatur, possidere non videtur.

119.

De alienatione.

Non alienat, qui duntaxat ômittit possessionem.

120.

De hærede.

Nemo plus commodi hæredi suo relinquit, quam ipse habuit.

121.

De eo, qui non facit, quod facere debet, vel facit, quod facere non debet.

Qui non facit, quod facere debet, videtur facere adversus ea, quia non facit. Et qui facit quod facere non debet, non videtur facere id, quod facere jussus est.

122.

De libertate.

Libertas omnibus rebus favorabilior est.

(D)

123. An

Caput tertium seu Appendix

123.

An quis pro alio lege agere possit. 1. De temporaria permutatione.

Nemo alieno nomine lege agere potest. 1. Temporaria permutatio jus Provinciæ non innovat.

124.

De Muto, Surdo. 1. Furioso.

Ubi non voce, sed presentia opus est, mutus, si intellectum habet, potest videri respondere. Idem in surdo; hic quidem respondere potest. 1. Furiosus absentis loco est: & ita Pomponius libro primo epistolarum scribit.

125.

De actore, & reo.

Favorabiliores rei potius, quam actores habentur.

126.

De eo, qui pretium numeravit. 1. De acquisitione liberti. 2. De Petitore, & Possessore.

Nemo prado est, qui pretium numeravit. 1. Locupletior non est factus, qui libertum acquisierit. 2. Cum de lucro duorum quærat: melior est causa possidentis.

127.

De hærede convento in id, quod ad eum pervenit.

Cum prætor in hæredem dat actionem, quantum ad eum pervenit: sufficit, si vel momento ad eum pervenit ex dolo defuncti.

128.

De Petitore, & Possessore. 1. De Successoribus.

In pari causa, Possessor potior haberi debet. 1. Hi qui in universum jus succedunt, hæredis loco habentur.

129.

De eo, qui suum recipit. 1. De Principali & accessorio.

Nihil dolo creditor facit, qui suum recipit. 1. Cum principalis causa non consistit, ne ea quidem, quæ sequuntur, locum habent.

130.

De concurrentibus actionibus.

Nunquam actiones, præsertim penales, de eadem re concurrentes, alia aliam consumit.

131.

De eo, qui dolo desit possidere.

Qui dolo defierit possidere, pro possidente damnatur: quia pro possessione dolus est.

132.

De Imperitia.

Imperitia culpæ adnumeratur.

133.

De Servis.

Melior conditio nostra per servos fieri potest, deterior fieri non potest.

134.

Quomodo creditores fraudantur. 1. De Delicto.

Non fraudantur creditores, cum quid non acquiritur à debitore, sed cum quid, de bonis diminuitur. 1. Nemo ex suo delicto meliorem suam conditionem facere potest.

135.

De his, quæ dari non possunt, vel in rerum natura non sunt.

Ea, quæ dari impossibilia sunt, vel quæ in rerum natura non sunt, pro non adjectis habentur.

136.

De bona fide possidentis, & de veritate.

Bona fides tantundem possidenti præstat, quantum veritas, quoniam lex impedimento non est.

137.

Qui auctore Judice comparavit, bonæ fidei possessor est.

138.

De additione cum tempore mortis continuanda.

1. De æstimatione delicti.

Omnis hæreditas, quamvis postea adeatur, tamen cum tempore mortis continuatur. 1. Nunquam crescit ex post facto præteriti delicti æstimatio.

139.

De actionibus perpetuandis. 1. De eo, quod auferri potest.

Omnes actiones, quæ morte aut tempore pereunt, semel inclusæ judicio, salvæ permanent. 1. Non videtur perfectè cujusque id esse, quod ex causa auferri potest.

140.

De absentia Reipublicæ causâ.

Absentia ejus, qui Reipublicæ causa abest neque ei, neque alii damnosa esse debet.

141.

De Jure singulari. 1. De hæredibus.

Quod contra rationem Juris receptum est, non est producendum ad consequentia. 1. Uni duo pro solido hæredes esse non possunt.

142.

De eo, qui tacet.

Qui tacet, non utique fatetur: Sed tamen verum est, eum non negare.

143.

De contrahentibus, & eorum successoribus.

Quod ipsis qui contraxerunt, obstat: & successoribus eorum obstat.

144.

De licito & honesto. 1. De tempore in stipulationibus spectando.

Non omne, quod licet, honestum est. 1. In stipulationibus id tempus spectatur, quo contrahimus.

de Regulis Juris Civilis.

145.

An quis fraudari dicatur.

Nemo videtur fraudare eos, qui sciunt, & consentiunt.

146.

De eo, quod quis egit ante libertatem.

Quod quis, dum servus est, egit, proficere libero factio non potest.

147.

De generibus & specialibus.

Semper specialia generalibus insunt.

148.

De eo, cujus effectus omnibus prodest.

Cujus effectus omnibus prodest, ejus & partes ad omnes pertinent.

149.

De lucro ex persona alterius.

Ex qua persona quis lucrum capit, ejus factum præstare debet.

150.

De eo, qui possidet, vel habet: aut dolo desit possidere, vel habere.

Parum esse conditionem oportet ejus, qui quid possideat, vel habeat, atque ejus, cujus dolo malo factum sit, quo minus possideret, vel haberet.

151.

De damno.

Nemo damnum facit, nisi qui id fecit, quod facere jus non habet.

152.

De Vi. 1. De Mandato. 2. De Ratihabitione 3. De herede.

Hoc jure utimur: ut quidquid omnino per vim fiat, aut in vis publica, aut in vis privata crimen incidat. 1) De jectis, & qui mandat. 2) In maleficio ratihabitione mandato comparatur. 3) In contractibus, quibus doli præstatio vel bona fides inest, hæres in solidum tenetur.

153.

De obligatione, liberatione, acquisitione, amissione, & possessione.

Fere, quibuscunque modis obligamur, iisdem in contrarium actis liberamur: cum quibus modis acquirimus, iisdem in contrarium actis amittimus. Ut igitur nulla possessio acquiri, nisi animo & corpore potest: ita nulla amittitur, nisi in quatuorquæ in contrarium actum.

154.

De petitore, & possessore. De dolo. De pæna.

Cum par delictum est duorum, semper oneratur petitor, & melior habetur possessoris causa, sicut fit, cum de dolo excipitur petitoris: neque enim datur talis replicatio petitori, Aut si rei quoque in ea re dolo actum sit. 1) Illi debet

permittere panam petere, qui in ipsam non incidit.

155.

Cui factum nocet. 1. De eo, qui jure suo utitur. 2. De causis pænalibus.

Factum cuique suum, non adversario nocere debet. 1) Non videtur vim facere, qui jure suo utitur, & ordinaria actione expetitur. 2) In pænalibus causis benignius interpretandum est.

156.

Invitus non defendere. 1. De actione, & exceptione.

2. De eo, qui in alterius locum successit.

3. De auctore, & emptore.

4. De invito.

Invitus nemo rem cogitur defendere. 1. Cui damus actiones, eidem & exceptionem competere multò magis quis dixerit. Cum quis in alii locum successerit, non est æquum, ei nocere hoc, quod adversus eum, nocuit, in cujus locum successit. 3. Plerumque emptoris eadem causa esse debet circa petendum ac defendendum, quæ fuit auctoris. 4. Quod cuique pro eo præstatur, invito non tribuitur.

157.

De servo. 1. De eo, qui dolo fecit, quo minus haberet. 2. De successoribus.

Ad ea, quæ non habent atrocitatem facinoris vel sceleris, ignoscitur servis, si vel dominis, vel his, qui vice dominorum sunt (veluti tutoribus & curatoribus) obtemperaverint. 1) semper, qui dolo fecit, quo minus haberet, pro eo habendus est, ac si haberet. 2) In contractibus successores ex dolo eorum, (quibus successerunt) non tantum in id, quod pervenit, verum etiam in solidum tenentur, hoc est, unusquisque pro ea parte, qua hæres est.

158.

De Pignore.

Creditor, qui permittit rem venire, pignus demittit.

159.

Differentia obligationis, & Domini.

Non ut ex pluribus causis deberi nobis idem potest, ita ex pluribus causis idem possit nostrum esse.

160.

Differentia inter vendere, & vendenti consentire.

1. De eo, quod fit per majorem partem.

2. De jure legatarii.

Aliud est vendere, aliud vendenti consentire. 1) Refertur ad universos, quod publicè fit per majorem partem. 2) absurdum est, plus juris habere eum, cui legatus sit fundus, quàm hæredem, aut ipsum testatorem, si viveret.

161.

De eo, per quem factum est, quo minus conditio impleatur.

In jure civili receptum est, quotiens per eum, (V) 2

Caput tertium seu Appendix

cujus interest conditionem non impleri, fiat, quo minus impleatur, perinde haberi, ac si impleta conditio fuisset, quod ad libertatem, & legata, & ad hæredum institutiones perducitur: quibus exemplis stipulationes quoque committuntur, cum per promissorem factum esset, quo minus stipulator conditioni pareret.

162.

De receptis propter necessitatem.

Quæ propter necessitatem recepta sunt, non debent in argumentum trahi.

163.

De donatione, venditione, concessione.

Cujus est donandi, eidem & vendendi, & concedendi jus est.

164.

De hæredibus, & judiciis pænalibus.

Pænalia judicia, semel accepta, in hæredes transmitti possunt.

165.

De eo, qui alienat, vel alienanti consentit.

Cum quis possit alienare, poterit & consentire alienationi. Cui autem donare non conceditur, probandum erit, nec si donationis causa consenserit, ratam ejus voluntatem habendam.

166.

De defensore rei alienæ.

Qui rem alienam defendit, nunquam locuples habetur.

167.

De his, quæ accipientis non sunt. 1. De jussu Judicis.

Non videntur data, quæ & tempore, quod dantur, accipientis non fiunt. 1. Qui jussu Judicis aliquid facit, non videtur dolo malo facere, qui parere necesse habet.

168.

De obscuris.

Rapienda occasio est, quæ præbet benignius responsum. 1. Quod factum est, cum in obscuro sit, ex affectione cujusque capit interpretationem.

169.

De damno. 1. De eo, quod pendet.

Is damnum dat, qui jubet dare: ejus verò nulla culpa est, cui parere necesse sit. 1. Quod pendet, non est pro eo, quasi sit.

170.

De facto à Judice.

Factum à Judice, quod ad Officium ejus non pertinet, ratum non est.

171.

De obligatione.

Nemo ideo obligatur, quia recepturus est ab alio quod præstiterit.

172.

De ambiguis.

In contrahenda venditione ambiguum pactum contra venditorem interpretandum est. 1. Ambigua autem intentio ita accipienda est, ut res salva auctori sit.

173.

De his, qui condemnantur in id, quod facere possunt. 1. De Restitutione. 2. De mora. 3. De eo, qui petit, quod redditurus est.

In condemnatione personarum, quæ in id, quod facere possunt, damnantur, non totum, quod habent, extorquendum est, sed & ipsarum ratio habenda est, ne egeant. 1) Cum verbum *Restituas* lege invenitur, etsi non specialiter de fructibus additum est, tamen etiam fructus sunt restituendi. 2) Unicuique sua mora nocet: quod & in duobus reis promittendi observatur. 3) dolo facit, qui petit, quod redditurus est.

174.

Posse. 1. De repudiatione.

Qui potest facere, ut possit conditioni parere, jam posse videtur. 1. Quod quis, si velit, habere non potest, id repudiare non potest.

175.

De Servis. 1. De eo, qui in jus alterius succedit.

In his, quæ officium per liberas fieri personas leges desiderant, Servus intervenire non potest. 1. Non debeo melioris conditionis esse, quam auctor meus, à quo jus in me transit.

176.

Ne singulis concedatur, quod per Magistratum publicè fieri potest. 1. De libertate, & necessitudine.

Non est singulis concedendum, quod per Magistratum publicè possit fieri, ne occasio sit majoris tumultus faciendi. 1. Infinita æstimatio est libertatis, & necessitudinis.

177.

De eo, qui in jus alterius succedit. 1. De ignorantia.

Qui in Jus, dominiūve alterius succedit, Jure ejus uti debet. 1. Nemo videtur dolo exequi, qui ignorat causam, cur non debeat petere.

178.

De principali & accessorio.

Cum Principalis causa non consistat plerumque ne ea quidem, quæ sequuntur, locum habent.

de Regulis Juris Civilis.

179.

De obscura voluntate manumittentis.

In obscura voluntate manumittentis favendum est libertati.

180.

De eo, qui jussu alterius solvit.

Quod jussu alterius solvitur, pro eo est, quasi ipsi solutum esset.

181.

Si nemo adierit ex testamento.

Si nemo subiit hereditatem, omnis vis testamenti solvitur.

182.

De eo, quod nullius esse potest.

Quod nullius esse potest, id ut alicujus fieret, nulla obligatio valet efficere.

183.

De solemnibus non facile mutandis. De equitate.

Et si nihil facile mutandum est ex solemnibus: tamen, ubi æquitas evidens poscit, subvertiendum est.

184.

De Vano timore.

Vani timoris justa excusatio non est.

185.

De impossibilibus.

Impossibilium nulla obligatio est.

186.

Quando peti potest.

Nihil peti potest ante id tempus, quo per rerum naturam perfolvi possit. Et cum solvendi tempus, obligationi additur, nisi eo præterito, peti non potest.

187.

De eo, qui uxorem prægnantem reliquit.

Si quis prægnantem uxorem reliquit, non videtur sine liberis decessisse.

188.

Si testator pugnantiæ gesserit. 1. De impossibilibus.

Ubi pugnantiæ inter se in testamento juberentur, neutrum ratum est. 1. Quæ rerum natura prohibentur, nulla lege confirmata sunt.

189.

De pupillo, & auctoritate Tutoris.

Pupillus nec velle, nec nolle in ea ætate, nisi adpositâ Tutoris auctoritate, creditur: nam quod animi judicio fit, in eo Tutoris auctoritas necessaria est.

190.

De evictione.

Quod evincitur, in bonis non est.

191.

De Beneficio Principis.

Ne tatus consultus, an, quod beneficium dare se, quasi viventi, Cæsar rescripserat, jam defuncto dedisse existimaretur? Respondit, non videri sibi Principem, quod ei, quem vivere existimabat, concessisset, defuncto concessisse; quem tamen modum esse beneficii sui vellet, ipsius æstimationem esse.

192.

De heredibus & obligatione individua.

1. De re audia.

Ea, quæ in partes dividi non possunt, solida singulis heredibus debentur. 1) In re dubia benigniorem interpretationem sequi, non minus justius est, quam tutius.

193.

De additione cum tempore mortis continuanda.

Omnia fere jura heredum perinde habentur, ac si continuò sub tempus mortis heredes extitissent.

194.

De heredibus heredum.

Qui per successionem, quamvis longissimam, defuncto heredes constituerunt, non minus heredes intelliguntur, quam qui principaliter heredes existunt.

195.

De expressis & tacitis.

Expressa nocent, non expressa non nocent.

196.

De Privilegiis.

Privilegia quædam causæ sunt, quædam personæ: & ideo quædam ad heredem transmittuntur, quæ causæ sunt: quæ personæ sunt, ad heredem non transeunt.

197.

De conjunctionibus. De licito & honesto.

Semper in conjunctionibus non solum quid liceat considerandum est, sed & quid honestum sit.

198.

De dolo Tutoris.

Neque in interdicto, neque in cæteris causis pupillo nocere oportet dolum Tutoris, sive solvendo est, sive non est.

Caput tertium seu Appendix &c.

199.

De eo, qui imperio Magistratus non paruit.

Non potest dolo carere, qui imperio Magistratus non paruit.

200.

De minori iniquitate eligenda.

Quotiens nihil sine captione investigari potest, eligendum est, quod minimum habeat iniquitatis.

201.

De his, quæ ex testamento profisciscuntur.

Omnia, quæ ex testamento profisciscuntur, ita statum eventus capiunt, si initium quoque sine vitio ceperint.

202.

Definitiones esse periculosas.

Omnis definitio in jure civili periculosa est; parum est enim, ut non subverti possit.

203.

De damno & culpa.

Quod quis ex culpa sua damnum sentit, non intelligitur damnum sentire.

204.

De actione.

Minus est actionem habere, quam rem.

205.

De his, quæ à nobis abire possunt.

Plerumque fit, ut etiam ea, quæ nobis abire

possint, proinde in eo statu sint, atque si non essent ejus conditionis, ut abire possent: & ideo, quod fisco obligamus, & vindicare interdum, & alienare, & servitutem in prædium imponere possumus.

206.

Ne quis lucretur cum jactura alterius.

Jure naturæ æquum est, neminem cum alterius detrimento & injuria fieri locupletiores.

207.

De re judicata.

Res judicata pro veritate accipitur.

208.

Desuere habere.

Non potest videri desuisse habere, qui nunquam habuit.

209.

De servitute.

Servitutem mortalitati fere comparamus.

210.

De Institutione.


Quæ ab initio inutilis fuit institutio, ex post facto convalescere non potest.

211.

De Servo, & absentia Reipublicæ causa.

Servus Reipublicæ causa abesse non potest.





Numerus
Regulæ.

Regular

140

7

15

16

9

7

30

7

23

158

158

148

163

53

50

36

84

154

Index Alphabeticus Regularum

Re-
gula. tentus ad eum pervenit: sufficit, si vel momento
127 ad eum pervenit ex dolo defuncti.

Cum Principalis causa non consistat plerum-
que ne quidem ea, quæ sequuntur, locum ha-
178 bent.

Cum quis possit alienare, poterit & con-
sentire alienationi. Cui autem donare non con-
ceditur, probandum erit, nec si donationis causa
165 consenserit, ratam ejus voluntatem habendam.

Cum servo nulla actio est.
107 Cum tempus in testamento adjicitur: cre-
dendum est pro hærede adjectum, nisi alia mens
fuerit testatoris: sicuti in stipulationibus pro-
missoris gratia tempus adjicitur.
17

D.

DIVUS rescriptis, eos, qui ex liberalitate conve-
niantur, in id, quod facere possunt con-
demnandos.
28

Domum suam reficere unicuique licet, dum
61 non officiat invito alteri, in quo jus non habet.

Donari videtur, quod nullo jure cogente
82 conceditur.

E.

Ea est natura cavillationis, quam Græci σμψι-
την (id est *acervalem Syllogismum*) appel-
lant, ut ab evidentibus veris per brevissimas muta-
tiones disputatio ad ea, quæ evidentibus falsa sunt,
65 perducatur.

Ea, quæ dari impossibilia sunt, vel quæ in
rerum natura non sunt, pro non adjectis habentur.
135

Ea, quæ in partes dividi non possunt, solida
à singulis hæredibus debentur. 1) In re dubia
benignioris interpretationem sequi, non minus
192 justius est, quam tutius.

Ea, quæ raro accidunt, non temere in agen-
dis negotiis computantur.
64

Ea sola deportationis sententia aufert, quæ
97 ad siscum perveniunt.

Ejus est non nolle, qui potest velle.
3 Et si nihil facile mutandum est ex solemnibus:
tamen, ubi æquitas evidens poscit, subve-
183 niendum est.

Ex pœnalibus causis non solet in partem de
58 peculio actio dari.

Expressa nocent, non expressa non nocent.
195

Ex qua persona quis lucrum capit, ejus fa-
ctum præstare debet.
149

F.

Factum à Judice, quod ad Officium ejus non
pertinet, ratum non est.
170

Factum cuique suum, non adversario nocere
debet. 1) non videtur vim facere, qui jure
suo utitur, & ordinaria actione experitur, 2) In
155 pœnalibus causis benignius interpretandum est.

Fœminæ ab omnibus Officiis civilibus, vel
publicis remotæ sunt: & ideo nec judices esse
possunt, nec Magistratum gerere, nec postulare,
nec pro alio intervenire, nec procuratores exis-
tere. 1) Item impubes omnibus officiis civilibus
2 debet abstinere.

Favorabiliores Reipotius, quam actores ha-
bentur. Re-
gula. 125

Ferè in omnibus pœnalibus judiciis & ætati,
& imprudentiæ succurritur. 108

Fere, quibuscunque modis obligamur, iis-
dem in contrarium actus liberamur: cum quibus
modis adquirimus, iisdem in contrarium actus
amittimus. Ut igitur nulla possessio adquiri,
nisi animo & corpore potest: ita nulla amittitur,
nisi in qua utrumque in contrarium actum. 153

Filius familias neque retinere, neque recu-
perare, neque adipisci possessionem rei peculia-
ris videtur. 93

Fraudis interpretatio, semper in jure civili non
ex eventu duntaxat, sed ex consilio quoque de-
sideratur. 79

Fructus rei est vel pignori dare licere. 72

Furiosi, vel ejus, cui bonis interdictum sit,
nulla voluntas est. 40

G.

Generaliter, cum de fraude disputatur, non
quid habeat actor, sed quid per adversarium
habere non potuerit, considerandum est. 78

H.

Hæredem ejusdem potestatis, jurisque esse,
cujus fuit defunctus, constat. 59

Hæreditas nihil aliud est, quam successio in
universum jus, quod defunctus habuerit. 62

Hoc jure utimur: ut quidquid omnino per vim
fiat, aut in vis publica, aut in vis privata crimen
incidat. 1) Dejicit, & qui mandat. 2) In malefi-
cio rati habitio mandato comparatur. 3) In con-
tractibus, quibus doli præstatio vel bona fides
inest, hæres in solidum tenetur. 152

I.

Id, quod nostrum est, sine facto nostro ad ali-
um transferri non potest. 11

Imaginaria Venditio non est pretio accedente. 16

Imperitia culpæ adnumeratur. 132

Impossibile nulla obligatio est. 185

In ambiguis orationibus maxime sententia
spectanda est ejus, qui eas promississet. 96

In ambiguis pro doctibus respondere, melius
est. 1) Non est novum, ut, quæ semel utiliter
constituta sunt, durent, licet ille casus extiterit, à
quo initium capere non potuerunt. 2) Quoti-
ens æquitate desiderii naturalis ratio, aut dubi-
tatio juris moratur, justis decretis res temperan-
da est. 85

In condemnatione personarum, quæ in id,
quod facere possunt, damnantur, non totum,
quod habent, extorquendum est, sed & ipsa-
rum ratio habenda est, ne egeant. 1) Cum ver-
bum *Restituas* lege invenitur, etsi non speciali-
ter de fructibus additum est, tamen etiam fructus
sunt restituendi. 2) Unicuique sua mora nocet:
quod & in duobus reis promittendi observatur.
3) dolo facit, qui petit, quod redditurus est. 173

In contrahenda venditione ambiguum pa-
ctum contra venditorem interpretandum est.
1) Am-

- Re-
gula.
172
1. Ambigua autem intentio ita accipienda est, ut res salva aëtori sit.
- In eo, quod plus sit, semper inest & minus.
1. Nemo alienæ rei ex promissor idoneus videtur, nisi si cum satisfactione. 2. Pupillus pati posse non intelligitur. 3. Ubi verba conjuncta non sunt, sufficit alterutrum esse factum. 4. Mulieribus tunc succurrendum est, cum defendantur, non ut facilius calumnientur.
- 110
- In eo, quod vel is, qui petit, vel is, a quo petitur, lucri facturus est, durior causa est petitoris.
- 33
- In his, quæ officium per liberas fieri personas leges desiderant. Servus intervenire non potest.
1. Non debeo melioris conditionis esse, quam auctor meus, à quo jus in me transit.
- 175
- In jure civili receptum est, quotiens pereum, cujus interest conditionem non impleri, fiat, quo minus impleatur, perinde haberi, ac si impleta conditio fuisset, quod ad libertatem, & legata, & ad hæredum institutiones perducitur: quibus exemplis stipulationes quoque committuntur, cum per promissorem factum esset, quo minus stipulator conditioni pareretur.
- 161
- In negotiis contrahendis alia causa habita est furiosorum, alia eorum, qui sanari possunt, quamvis actum rei non intelligerent; nam furiosus nullum negotium contrahere potest: pupillus omnia, Tutore auctore, agere potest.
- 5
- In obscura voluntate manumittentis favendum est libertati.
- 179
- In obscuris inspicitur solet, quod verisimilius est, aut quod plerumque fieri solet.
- 114
- In omnibus causis id observatur: ut ubi personæ conditio locum facit beneficio, ibi deficiente eâ beneficium quoque deficiat: ubi verò genus actionis id desiderat: ibi ad que nvis persecutio ejus devenerit, non deficiat ratio auxilii.
- 68
- In omnibus causis pro facto accipitur id, in quo per alium mora sit, quo minus fiat.
- 39
- In omnibus obligationibus, in quibus dies non ponitur, præsentis die debetur.
- 14
- In omnibus quidem, maximè tamen in Jure æquitas spectanda sit.
- 90
- In pari causa, Possessor potior haberi debet.
1. Hi qui in universum jus succedunt, hæredes loco habentur.
- 128
- In personam servilem nulla cadit obligatio.
1. Generaliter probandum est, ubicunque in bonæ fidei judiciis confertur in arbitrium domini vel procuratoris ejus conditio, pro boni viri arbitrio habendum esse.
- 22
- In testamentis plenius voluntates testantium interpretantur.
- 12
- In toto & pars continetur.
- 113
- In toto Jure generi per speciem derogatur, & illud potissimum habetur, quod ad speciem directum est.
- 80
- In totum omnia, quæ animi destinatione agenda sunt, non nisi vera & certa scientia perfici possunt.
- 76
- Regule Juris.*

- Invito Beneficium non datur.
- Invitus nemo rem cogitur defendere.
1. Cui damus actiones, eidem & exceptionem competere multo magis quis dixerit. 2. Cum quis in alii locum succedat, non est æquum, ei nocere hoc, quod adversus eum nocuit, in cujus locum successit. 3. Plerumque emptoris eadem causa esse debet circa petendum ac defendendum, quæ fuit auctoris. 4. Quod cuique pro eo præstatur, invito non tribuitur.
- 156
- Is damnum dat, qui jubet dare: ejus verò nulla culpa est, qui parere necesse sit. 1. Quod pendet, non est pro eo, quasi sit.
- 169
- Is, qui actionem habet ad rem recuperandam, ipsam rem habere videtur.
- 15
- Jura sanguinis nullo Jure Civili dirimi possunt.
- 8
- Jure naturæ æquum est, neminem cum alterius detrimento & injuria fieri locupletiores.
- 206
- Jus nostrum non patitur eundem in paganis, & testato & intestato deceri sile; earumque rerum natura inter se pugnare est, testatus, & intestatus.
- 7
- L.
- Libertas inæstinabilis res est.
- 106
- Libertas omnibus rebus favorabilior est.
- 122
- M.
- Marcellus: definit debitor esse is qui nactus est exceptionem juitam, nec ab æquitate naturali abhorrentem.
- 66
- Melior conditio nostra per servos fieri potest, deterior fieri non potest.
- 133
- Minus est actionem habere, quam rem.
- 204
- N.
- Nec ex Prætorio, nec ex solenni Jure, privatorum conventionem quidquam immutandum est: quamvis obligationum causa pactione possint immutari, & ipso jure, & per pacti conventi exceptionem: quia actionum modus, vel lege, vel per Prætorum introductus, privatorum pactionibus non infirmatur: nisi tunc, cum inchoatur actio, inter eos convenit.
- 27
- Nemo alieno homine lege agere potest. 1.
- Temporaria permutatio jus Provinciæ non innovat.
- 123
- Nemo damnum facit, nisi qui id fecit, quod facere jus non habet.
- 151
- Nemo de domo suâ extrahi debet.
- 163
- Nemo dubitat, solvendo videri eum, qui defenditur.
- 95
- Nemo enim in persequendo deteriorem causam, sed meliorem facit. Denique post litem contestatam hæredi quoque prospiceretur, & hæres teneretur ex omnibus causis.
- 87
- Nemo ex his, qui negant, se debere, prohibetur etiam alia defensione uti, nisi lex impediat. 1. Quoties concurrunt plures actiones ejusdem rei nomine, una quis experiri debet.
- 43
- Nemo ideo obligatur, quia recepturus est ab alio quod præstiterit.
- 171
- (E)
- Nemo

Index Alphabeticus Regularum

Re- gula.	Nemo plus commodi haredi suo relinquit, 120 quam ipse habuit.	Non est singulis concedendum, quod per Ma- gistratum publicè possit fieri, ne occasio sit majoris tumultus faciendi. 1. Infinita æstimatio est libertatis, & necessitudinis.	Re- gula.
54	Nemo plus Juris ad alium transferre potest, quàm ipse haberet.	Non fraudantur creditores, cum quid non acquiritur à debitore, sed cum quid de bonis diminuitur. 1. Nemo ex suo delicto meliorem suam conditionem facere potest.	176
70	Nemo potest gladii potestatem sibi datam, vel cujus alterius coercionis ad alium trans- ferre.	Non omne, quod licet, honestum est. 1. In stipulationibus id tempus spectatur, quo con- trahimus.	134
75	Nemo potest mutare consilium suum in alte- rius injuriam.	Non potest dolo carere, qui imperio Magi- stratus non paruit.	144
	Nemo prado est, qui pretium numeravit. 1. Locupletior non est factus, qui libertum acqui- sivit. 2. Cum de lucro duorum quaratur: me- lior est causa possidentis.	Non potest improbus videri, qui ignorat, quantum solvere debeat.	199
126	Nemo, qui condemnare potest, absolvere non potest.	Non potest videri desisse habere, qui nun- quam habuit.	99
37	Nemo videtur fraudare eos, qui sciunt, & consentiunt.	Non solet deterior conditio fieri eorum, qui litem contestati sunt, quàm si non: sed ple- rumque melior.	208
145	Neque in interdicto, neque in cæteris causis pupillo nocere oportet dolum Tutoris, sive 198 solvendo est, sive non est.	Non solent, quæ abundant, vitare scripturas. Non videtur cepisse, qui per exceptionem à petitione removetur.	86
	Neque pignus, neque depositum, neque precarium, neque emptio, neque locatio rei sua consistere potest. 1. Privatorum Con- ventio Juri publico non derogat.	Non videtur quisquam id capere, quod ei ne- cesse est alii restituere.	94
45	Neratus consulus, an, quod beneficium dare se, quasi viventi, Cæsar rescripserat, jam defuncto dedisse existimaretur? Respondit, non videri sibi Principem, quod ei, quem vi- vere existimabat, concessisset, defuncto con- cessisse; quem tamen modum esse beneficii sui vellet, ipsius æstimationem esse.	Non videntur data, quæ & tempore, quo dantur, accipientis non sunt. 1. Qui iussu Ju- dicis aliquid facit, non videtur dolo malo fa- cere, qui parere necesse habet.	13
191	Nihil consensui tam contrarium est, qui bonæ fidei judicia sustinet, quàm vis, atque metus: quem comprobare contra bonos mores est. 1. Non capitur, qui Jus publicum sequi- tur. 2. Non videntur, qui errant, con- sentire.	Non videntur rem admittere, quibus propria non fuit.	51
116	Nihil dolo creditor facit, qui suum recipit. 1. Cum principalis causa non consistit, ne ea 129 quidem, quæ sequuntur, locum habent.	Non ut ex pluribus causis deberi nobis idem potest, ita ex pluribus causis idem possit nostrum esse.	83
	Nihil interest, ipso jure quis actionem non 112 habeat, an per exceptionem infirmetur.	Non vult hæres esse, qui ad alium trans- ferre voluit hereditatem.	159
	Nihil peti potest ante id tempus, quo per re- rum naturam perfolvi possit. Et cum solvendi tempus, obligationi additur, nisi eo præterito, 186 peti non potest.	Nulla intelligitur mora ibi fieri, ubi nulla pe- titio est.	6
	Nihil tam naturale est, quàm eo genere quid- ve dissolvere, quo colligatum est: ideo verborum obligatio verbis tollitur, nudi consensus obligatio contrario consensu dissolvitur.	Nullus videtur dolo facere, qui suo jure utitur.	88
35	Non alienat, qui duntaxat omittit possessio- nem.	Nullum crimen parituris, qui non prohibet, cum prohibere non potest.	55
119	Non debet actori licere, quod reo non per- mittitur. 1. In re obscurâ melius est favere re- 41 petitioni, quàm adventitio lucro.	Nunquam actiones, præsertim pænales, de eadem re concurrentes, alia aliam consumit.	109
74	Non debet alteri per alterum iniqua condi- tio inferri.	Nuptias non concubitus, sed consensus facit.	130
21	Non debet, cui plus licet, quod minus est, non licere.		30
	Non defendere videtur, non tantum, qui la- titat, sed & is, qui præfens negat se defendere, 52 aut non vult suscipere actionem.		

O.

Omnes actiones, quæ morte aut tempore
pereunt, semel inclusæ judicio, salvæ per-
manent. 1. Non videtur perfectè cujusque id
esse, quod ex casu auferri potest.

Omnia fere jura hæredum perinde habentur,
ac si continuò sub tempus mortis hæredes
existissent.

Omnia, quæ ex testamento profiscuntur,
ita statum eventus capiunt, si initium quoque
sine vicio ceperint.

Omnia, quæ jure contrahuntur, contrario
jure pereunt.

Omnia, quæcunque causæ cognitionem de-
siderant, per libellum expediri non possunt.

Omnis definitio in jure civili periculosa est;
parum est enim, ut non subverti possit.

Omnia

Re- Omnis hereditas, quamvis postea adeatur, **Re-**
gula. tamen cum tempore mortis continuatur. **1.**
138 Nunquam crescit ex post facto præteriti delicti
astimatio.

P.

164 **P**ænalia judicia, semel accepta, in hæredes
transmitti possunt.

150 Parem esse conditionem oportet ejus, qui
quid possideat, vel habeat, atque ejus, cujus
dolo malo factum sit, quo minus possideret,
vel haberet.

205 Plerumque fit, ut etiam ea, quæ nobis abire
possint, proinde in eo statu sint, atque si non
essent ejus conditionis, ut abire possent: & ideo,
quod fisco obligamus, & vindicare interdum,
& alienare, & servitutem in prædio imponere
possimus.

25 Plus cautionis in re est, quam in personâ.

117 Prætor bonorum possessorem hæredis loco in
omni causa habet.

196 Privilegia quædam causæ sunt, quædam per-
sonæ: & ideo quædam ad hæredem transmit-
tuntur, quæ causæ sunt: quæ personæ sunt, ad
hæredem non transeunt.

189 Pupillus nec velle, nec nolle in ea ætate, nisi
adpositâ Tutoris auctoritate, creditur: nam
quod animi iudicio fit, in eo Tutoris auctoritas
necessaria est.

111 Pupillum, qui proximus pubertati sit capa-
cem esse & furandi, & injuriæ faciendæ. **1.** In
hæredem non solent actiones transire, quæ præ-
nales sunt ex maleficio; veluti furti, damni, in-
juriæ, vi bonorum raptorum injuriarum.

Q.

210 **Q**uæ ab initio inutilis fuit institutio, ex post
facto convalescere non potest.

81 Quæ dubitationis tollendæ Causâ contracti-
bus inferuntur, jus commune non lædunt.

18 Quæ legata, mortuis nobis, ad hæredem no-
strum transeunt, eorum commodum per nos
his, quorum in potestate sumus, eodem casu
adquirimus: aliter atque quod stipulati sumus:
nam & sub conditione stipulantes, omnimodo
eis adquirimus, etiam si libertatis nobis pote-
state domini, conditio existat.

162 Quæ propter necessitatem recepta sunt, non
debent in argumentum trahi.

89 Quamdiu possit valere testamentum, tamdiu
legitimus non admittitur.

24 Quatenus cujus interfit, in facto, non in jure
consistit.

137 Qui auctore Judice comparavit, bonæ fidei
possessor est.

19 Qui cum alio contrahit, vel est, vel debet
esse non ignarus conditionis ejus: hæredi autem
hoc imputari non potest, cum non sponte cum
legatariis contrahit. **1.** Non solet exceptio
doli nocere his, quibus voluntas testatoris non
refragatur.

Quidquid in calore iracundiæ vel fit, vel di-

citur, non prius ratum est, quam si perseve- **Re-**
rantia apparuit, iudicium animi fuisse: ideoque **gula.**
brevis reversa uxor, nec divortisse videtur. **48**

131 Qui dolo deserit possidere, pro possidente
damnatur: quia pro possessione dolo est.

42 Qui in alterius locum succedunt, justam
habent causam ignorantiam, an id, quod petere-
tur, deberetur. Fidejussores quoque non mi-
nus, quam hæredes justam ignorantiam possunt
allegare. Hæc ita de hærede dicta sunt, si cum
eo ageretur: non etiam, si agat: nam plene qui
agit, certus esse debet: Cum sit in potestate
ejus, quando velit, experiri: & ante debet rem
diligenter explorare, & tunc ad agendum, pro-
cedere.

177 Qui in Jus, dominiumve alterius succedit,
Jure ejus uti debet. **1.** Nemo videtur dolo ex-
qui, qui ignorat causam, cur non debeat petere.

118 Qui in servitute est, usucapere non potest:
nam cum possideatur, possidere non videtur.

121 Qui non facit, quod facere debet, videtur
facere adversus ea, quia non facit. Et qui facit
quod facere non debet, non videtur facere id,
quod facere jussus est.

194 Qui per successionem, quamvis longissi-
mam, defuncto hæredes constituerunt, non mi-
nus hæredes intelliguntur, quam qui principa-
liter hæredes existunt.

174 Qui potest facere, ut possit conditioni pare-
re, jam posse videtur. **1.** Quod quis, si velit,
habere non potest, id repudiare non potest.

26 Qui potest invitis alienare, multo magis &
ignorantibus, & absentibus potest.

166 Qui rem alienam defendit, nunquam locu-
ples habetur.

63 Qui sine dolo malo ad iudicium provocat,
non videtur moram facere.

142 Qui tacet, non utique fatetur: Sed tamen
verum est, eum non negare.

102 Qui vetante prætore fecit, hic adversus Edi-
ctum fecisse propriè dicitur. **1.** Ejus est actio-
nem denegare, qui possit & dare.

146 Quod à quoquo pænæ nomine exactum est,
id eidem restituere nemo cogitur.

32 Quod attinet ad Jus Civile, servi pro nullis
habentur: non tamen & Jure naturali: quia
quod ad Jus naturale attinet, omnes homines
æquales sunt.

141 Quod contra rationem Juris receptum est,
non est producendum ad consequentia. **1.** Uni
duo pro solido hæredes esse non possunt.

190 Quod evincitur, in bonis non est.

29 Quod initio vitiosum est, non potest tractu
temporis convalescere.

143 Quod ipsis qui contraxerunt, obstat: &
successoribus eorum obstat.

180 Quod justu alterius solvitur, pro eo est, quasi
ipsi solutum esset.

182 Quod nullus esse potest, id ut alicujus fieret,
nulla obligatio valet efficere.

Index Alphabeticus Regularum &c.

Re-
gula. Quod quis, dum servus est, egit: proficere
 146 libero factio non potest.
 203 Quod quis ex culpa sua damnum sentit, non
 intelligitur damnum sentire.
 20 Quotiens dubia interpretatio libertatis est, se-
 cundum libertatem respondendum erit.
 Quotiens duplici jure defertur alicui succes-
 sio: repudiato novo jure, quo ante defertur,
 91 supererit vetus.
 Quotiens idem sermo duas sententias expri-
 mit, ea potissimum excipitur, quæ rei geren-
 dæ aptior est.
 67 Quotiens nihil sine captione investigari po-
 test, eligendum est, quod minimum habet
 200 iniquitatis.
 Quotiens utriusque causa lucri ratio vertitur
 is præferendus est, cujus in lucrum causa tem-
 pore præcedit.
 98 Quo tutela redit, eo hæreditas pervenit, nisi
 cum femina hæredes intercedunt. 1. Nemo
 potest tutorem dare cuiquam, nisi ei, quem in
 suis hæredibus, cum moritur, habuit, habitur-
 usve esset, si vixisset. 2. Vi factum id vide-
 tur esse, qua de re quis, cum prohibetur, fecit.
 Clam, quod quisque, cum controversiam ha-
 beret, habiturumve se putaret, fecit. 3. Quæ
 in testamento ita sunt scripta, ut intelligi non
 possint: perinde sunt, ac si scripta non essent.
 4. Nec paciscendo, nec legem dicendo, nec
 73 stipulando quisquam alteri cavere potest.

R.

Rapienda occasio est, quæ præbet benignius
 responsum. 1. Quod factum est, cum in
 obscuro sit, ex affectione cujusque capit in-
 168 terpretationem.
 Regula est, quæ rem, quæ est, breviter enar-
 rat. Non ut ex Regula Jus sumatur, sed ex
 Jure, quod est, Regula fiat. Per Regulam
 igitur brevis rerum narratio traditur, & (ut ait
 Sabinus) quasi causæ conjectio est: quæ, simul
 1 cum in aliquo vitiata est, perdit officium suum.
 207 Res judicata pro veritate accipitur.

S.

Secundum naturam est, commoda cujusque
 rei eum sequi, quem sequuntur incom-
 10 moda.
 Semper in conjunctionibus non solum quid
 liceat considerandum est, sed & quid hone-
 197 stum sit.
 36 Semper in dubiis benigniora præferenda sunt.
 Semper in obscuris, quod minimum est, se-
 9 quimur.
 Semper in stipulationibus, & in cæteris con-
 tractibus id sequimur, quod actum est, aut si
 non appareat, quid actum est, erit consequens,
 ut id sequamur, quod in Regione, in qua actum


est, frequentatur. Quid ergo, si neque Regio-
 nis mos appareat, quia varius fuit? ad id, quod
 minimum est, redigenda summa est. 34
 Semper, qui non prohibet pro se interveni-
 re, mandare creditur. Sed & si quis ratum
 habuerit, quod gestum est: obstringitur man-
 dati actione. 60
 Semper specialia generalibus insunt. 147
 Servitutem mortalitati fere comparamus. 209
 Servus Reipublicæ causa abesse non potest. 211
 Sicuti pana ex delicto defuncti hæres teneri
 non debeat: ita nec lucrum facere, si quid ex
 ea re ad eum pervenisset. 38
 Si in duabus actionibus alibi summa major,
 alibi infamia est, præponenda est causa existi-
 mationis. Ubi autem equiparant famosa judicia,
 & si summam imparem habent, pro paribus ac-
 cipienda sunt. 104
 Si librarius in transcribendis stipulationis
 verbis errasset; nihil nocere, quo minus & reus
 & fidejussor teneatur. 92
 Si nemo subiti hæreditatem, omnis vis te-
 stamenti solvitur. 181
 Si quis obligatione liberatus sit, potest videri
 cepisse. 1. Non potest videri accepisse, qui sti-
 pulatus potest exceptione summoveri. 115
 Si quis prægnantem uxorem reliquit, non
 videtur sine liberis decessisse. 187


T.


Totiens in hæredem damus de eo, quod ad
 eum pervenit, quotiens ex dolo defuncti
 convenitur: non quotiens ex suo. 44


V.

Vani timoris justa excusatio non est. 184
 Ubique, causæ cognitio est, ibi Prætor
 desideratur. 105
 Ubi lex duorum mensum fecit mentionem,
 & qui sexagesimo & primo die venerit, audi-
 endus est: ita enim & Imperator Antoninus
 cum divo Patre suo rescriptit. 101
 Ubi non voce, sed præsentia opus est, mu-
 tus, si intellectum habet, potest videri respon-
 dere. Idem in furdo: hic quidem & respondere
 potest. 1. Furiosus absentis loco est: & ita
 Pomponius libro primo epistolarum scribit. 124
 Ubi pugnantia inter se in testamento juberen-
 tur, neutrum ratum est. 1. Quæ rerum natura
 prohibentur, nulla lege confirmata sunt. 188
 Velle non creditur, qui obsequitur imperio
 Patris, vel Domini. 4
 Verum est, neque pacta, neque stipulatio-
 nes factum posse tollere: quod enim impossi-
 bile est, neque pacto, neque stipulatione po-
 test comprehendi, ut utilem actionem, aut
 factum efficere possit. 21











et euangelista virgo est electus a domi
nator; inter ceteros magis dilectus. **P** Celi e.

Supra pectus domini ihesu recumbens

angelus fluentia ab ipso sacro domini per
fontem potant. **P** Benedicā. **A.** **Q**ua

onius ex paradysi fluminibus euangelista

hannes verbi dei gratiam in toto terrarū
re diffudit. **P** Eructant. **V.** In oē. **R.**

Alle honorandus est beatus io hā